

BIBLIOTECA  
UNIVERSITARIA  
ALESSANDRINA  
G  
K  
37  
ROMA



111

SANCTI PETRI

AD VINCULA

1590





43 K 37

187  
41

Verus Crucis Auctor S. Iohannis de Alcantara.

A  
Hic Crucis Auctor S. Iohannis de Alcantara.  
Exemplis variis crucis crucis crucis.  
Socii Crucis Auctor S. Iohannis de Alcantara.

# VITA SANCTI PETRI

D E  
ALCANTARA



Verus Crucis Amator S. Petrus de Alcantara.

**A** Nte Crucem Petrus sese prosternit Amator,  
Fervida cor fundit Vota, precesque Deo.  
Assurgit raptus, mittens oculisque nitorem;  
Expansis manibus consimulatque Cruci.  
Sacra Pater retulit Franciscus stigmata Christi,  
Petrum nunc dices filium habere Crucem.

De eodem.

**Q** Vis Petrum ante Crucem rapidus nunc extulit ardor?  
Ex qua sic in flammis cuncta, bonique tenent.  
Est amor hic Crucis, hoc divini pignus amoris;  
Deliciae Petro, amicaeque fuit.



*Sanctus Petrus de Alcantara Hyspanus strictioris observantiae  
Sancti Francisci Fratrum Minorum Discalceatorum Pater, et Magister.*

*Rome Super. Perini.*

*Thibault. Scul.*



1.  
FORTENTVM POENITENTIAE  
SIVE VITA

SANCTI PETRI  
DE ALCANTARA

Fundatoris Prouinciaram S. Iosephi, S. Ioannis  
Baptistæ, & S. Pauli, ex Discalceatis Ord.  
S. Francisci in Hispania, & Magistri  
Spiritus S. THERESIÆ,  
IN SEX LIBROS DISTINCTA.

A V T H O R E

FR. LAVRENTIO A D. PAVLO SVECO

Ord. S. Francisci Regularis Obseruantia ex Pro-  
uincia Portugallia.

C V I

*Accessit breue Compendium posthumorum fructuum  
eiusdem Sancti.*

Ego quippè dedite hodiè in Ciuitatem munitam, & in co-  
lumnâ ferream, & in murum æreum super om-  
nem terram. Ieremiz cap. 2.



ROMÆ, Sumptibus Angeli Bernabò. M. DC. LXIX.

SUPERIORVM PERMISSV.

*Ex Legato Iosephi Carpani. J. V. D.*

COLLEGIUM BOHEMIAE

UNIVERSITATIS

DE ALGABIA

IN HOC COLLEGIO BOHEMIAE  
UNIVERSITATIS DE ALGABIA  
IN HOC COLLEGIO BOHEMIAE  
UNIVERSITATIS DE ALGABIA

IN HOC COLLEGIO BOHEMIAE

UNIVERSITATIS DE ALGABIA

IN HOC COLLEGIO BOHEMIAE

UNIVERSITATIS DE ALGABIA

IN HOC COLLEGIO BOHEMIAE

UNIVERSITATIS DE ALGABIA

IN HOC COLLEGIO BOHEMIAE

UNIVERSITATIS DE ALGABIA

IN HOC COLLEGIO BOHEMIAE

UNIVERSITATIS DE ALGABIA

IN HOC COLLEGIO BOHEMIAE

UNIVERSITATIS DE ALGABIA

IN HOC COLLEGIO BOHEMIAE

UNIVERSITATIS DE ALGABIA

IN HOC COLLEGIO BOHEMIAE



Eminentissimo Principi  
**IACOBO ROSPILIOSO**  
S. R. E. CARDINALI AMPLISS.



Eritò ad Eminentiae Vestrae purpuram recurrit, EMINENTISSIME PRINCEPS, Portentum Pœnitentiae Sanctus Petrus de Alcantara, vt indè patrociniū iterūm efflagitet suæ approbationis; vndè nuper auspiciatus est solemnis celebrationis splendorem. Dum enim vota Principū, & imprimis Regis Catholici Caroli II. annuente Sanctissimo Pontifice Eminentiae Vestrae Patruo, supremum honoris apicem obtinuerunt Petri meritis; non indebitè ijsdem Patronis, cunctis denique fidelibus, & vitæ rationem sibi constare, & exempli singularitatem commendari, Religionis Seraphicæ zelus exoptat. Vtrumque sanè vel narrationis huius approbatione, vel deuotionis in Sanctum



Etum consensu, facilius obtineri existimo; si  
vtrumque post publicā priuatamque fidem, vel  
vnico E. V. calculo signari obtingat. Quippè  
haud vano, aut iniurioso Prouidentiaē ordine,  
hanc Sancti Petri Canonizationem Clementissi-  
mo Patruo Vestro reseruatum annotauī, quò se-  
curiùs vtroque vestrum, quos eiusdem Beati  
gloriaē in Hispania conscios fecerat; ijsdem quo-  
que in Ecclesia Romanæ Cathedra, non tan-  
quā Iudice, ac Consiliario dumtaxat, sed &  
Testibus dignioribus vteretur. Gratulatur hinc  
sibi Franciscana Religio, quòd cum olim Fun-  
datoris sui Francisci Itali gloriaē à Gregorio IX.  
Pont. Max. Italiaē, ac Orbi vniuerso manifestatam  
agnoscat: Nunc Petri sui Hispani Reparatoris  
insignia prodigia, à Clemente IX. publico  
sanctitatis præconio condecorata, Eminentiaē  
quoque Vestraē patrociniū accepta ferri profitea-  
tur. Nec potuit pijsimus Pontifex Nationis  
Hispanicaē profuso obsequio, nobiliorem hac  
vicem beneficio rependere; quā cum Petrum  
de Alcantara, fama Catholicarum virtutum ad-  
mirandum, vniuersæ Ecclesiaē proposuit & co-  
lendum, & imitandum: Altero etenim fidem,  
pietatemque deuotissimæ Gentis comprobasse,  
altero tepiditatem Christianæ professionis exci-  
tasse non ineptè iudicabitur; hæc namque præ-  
stigia-

stigiatoris Mundi blandissimis fascinationibus  
sopita, seueriori tuba Portenti Pœnitentiæ exci-  
rari egebat; illa suauiori Diuini amoris, cœle-  
stiumque studiorum præmio allicienda videba-  
tur. Vtrumque igitur nunc Sancti Petri Cano-  
nizatione præstitum egregiè, vitæ quoque eius  
series distinctiùs explicabit, in qua vt miranda  
austeritas, velut aculeum Christianæ torpedinis  
callo infigere agnoscetur; ita cœlestis vitæ di-  
sciplinam, ab eadem præstantissimas Regulas  
addiscere posse, etiam Eminentia Vestra beni-  
gniùs iudicabit. Nolo hic virtutum Vestrarum  
rubori (quam inflamat purpura, & Orbis ve-  
neratur) verborum lenocinijs pallorem elicere;  
vnicam tantùm ad Sancti Petri exemplum, ex  
Salmanticensi Lyceò repetere non displiceat:  
Vbi dū Emin. Vestra virtutis, ac Sapietiæ studio  
percarus habebatur; modestiæ quoque, ac pru-  
dentiæ laude insigniter inclaruisse celebratur.  
Sic enim ad honorem expetentium applausus,  
tum declinare obseruatus fuit; vt maioribus  
quibusque imposterum dignior iudicaretur, om-  
niumque sibi magis affectus conciliaret: Mihi  
autem, quæ in Franciscano Sodalitio nihil acriùs  
quàm pietatis lucrum extimulat, satis magnum  
aliquod reportasse videbitur; si acumini Em. Ve-  
stræ vitam S. Petri de Alcantara, prodigijs or-  
tam

natam, stili mei simplicitate monstrauero mi-  
randam. Et si eandem ex perfectionis docu-  
mentis euangelicam, Christianorum moribus  
corrigendis, vitæque spirituali informandæ per-  
suasero utilissimam: Addat itaque ad vitam  
pietatem suam E.V. bono exiguum benignitatis  
incrementum; vt quantum Sancti meritis impê-  
dit deuotionis, publicæ venerationis promocio-  
ne; tantum mihi, meisque Fratribus indulgeat  
consolationis, in eiusdem vitæ, nostrique obse-  
quij acceptatione. Vale Em. Princeps diu, Ec-  
clesiæ, & tuis. Romæ ex Conuentu Ara-cœlita-  
no die xv. Aprilis. Anni M. D.C. LXIX.

**Eminentia Vestra.**

**Humillimus cultor**

**Fr. Laurentius à Sancto Paulo Suecus.**

**Lectori**

## Lectori deuoto.



*N*scriptionem vides Vite Sancti Petri de Alcantara, magna tibi promittentem, si argumentum consideras; si narrationem, ac stylium introspexeris, farte exiguam. Itaque in limine te monendam censeui, nè illius excellentie incautiùs detrahas, quod huius simplicitati faciliùs induleris: Solet enim interdum magnarum rerum narratio non tam grandiloquo, quàm familiari, ac veritatis lineamenta referente stylo Lectorum animos vehementiùs commouere; cum factorum posior, quàm verborum ratio habeatur. At Vbi Sanctorum gesta Christiana sinceritate narranda occurrunt, non tam fucis, ac pigmentis Rethorum, quàm ipsarum rerum simplici pietate admirationem magis, ac imitationem nostram eliciendam fore existimo. Hinc quotquot olim Martyrum, aliorumque Sanctorum gesta conscripssse leguntur, vix supra familiarem dicendi formam, orationem extulisse; ideoque etiam maiores in Lectoribus pietatis stimulos imprimere, non sine singulari Christiana sinceritatis commendatione aduertimus: Qui verò posterioribus seculis scribendo Sanctorum vitas, aliquam elegantia laudem plus aequo affectarunt; perfectò auribus potiùs quàm cordi, temporum pruritu, quàm argumenti granitati placuisse vereor, nè meritò censeantur. In S. Petro de Alcantara omnem ornatum non falsum, sed iniquum existimarem; dum Virum integerrima nuditatis solis Penitentia caracteribus descriptum, non legendum adèd quàm inspiciendum proponi sufficeret: Quidquid enim vltra simplices res, ab eo mirabiliter gestas, addere potius ingenium possit; id non dedecus modò eiusdem sanctitati, verùm etiam in perfectionis regulam iniuria quadam vocari deberet; qua dum nuditatem ingeniosiùs comit; deturpat.

Itaque ego licet ingenio rudis, ac styli incompti hanc tibi vitæ latino sermone ingenuè, magis quàm ingeniosè conscripsi, sequutus tam Sanctis quàm historia eiusdem exemplaria sinceriora; quin & professionis rationem, quæ suum respicit; Sanctum quippè imprimis, ut viuendi austeritate horridum, ita dicendi asperitate apertiorẽ quasiysse animarum nitorem, non aurium oblectatio-

*nem reperio: Dein ex Authoribus historia ipsius (quos diuersis  
 linguis editos inspexi) illos prorsus secutus sum, qui enarrando  
 ordinatè facta fugiunt pompam, & affectum deuotione impin-  
 guant. Reliquus ego, qui cineribus Francisci obsegor, non Petri  
 flammas suffocare; sed ad mei ipsius, aliorumque incendium la-  
 tius spargere: Non ingenij culturam ostentare; sed deuotioni pri-  
 uatae, ac Confratrum instantia morem gerere, mea adhuc conscius  
 tenuitatis optaui, potiùs quàm presumpsi. Habes proindè (opti-  
 mè Lector) ut breuiùs dicam, Vitam Sancti Petri de Alcantara  
 latinam & magis succinctam, fide eadem, quam ex Processibus  
 authenticis, & Authoribus fide dignis alij plurimi collegerunt:  
 Mihi tantùm hoc debebis, quòd zelum Fratrum meorum pro  
 modulo meo zelatus sum obsequendi, magis promptitudine, quàm  
 asssequendispe. Vale.*

**F**R. Antonius de Velasco, Lector Iubilatus, Sanctæ Inquisitionis Hispaniarum Qualificator, almæ Diui Iacobi Prouinciæ Pater, ac in Romanæ Curia Procurator Generalis Ordinis S.P.N. Francisci Regularis Observantiæ &c. Dilecto Nobis in Christo R.P.Fr. Laurentio à Diuo Paulo Sueco, Lectori Theologo Prouinciæ Portugalliæ, atque apud nos in hac Romanæ Curia residenti salutem in Domino sempiternam.

Vitam S. Petri de Alcantara à te conscriptam, & à duobus nostræ Religionis Theologis examinatum, atque approbatum, iam vt publici iuris facere queas, postquam alia seruanda seruaueris, nostram pro Religione facultatem concedimus. In Conuentu Sanctæ Mariz ad Aram. Cœli. Romæ die 30. Nouembris Anni 1668.

*Fr. Antonius de Velasco Procurator  
Generalis Ordinis.*


**E**X mandato Reuerendissimi Patris Sacri Palatii Apostolici Magistri Libelli, diligenti mentis acie Vitam S. Petri de Alcantara, pio labore, præclaræ indagine eruditissimi Patris Laurentij Sueci, vberi exaratam calamo perlegi: Verum cum nihil orthodoxæ fidei aduersum, vel Catholicæ Reipublicæ moribus dissonum depræhenderim, contemplandam fore proinde ab omnibus in luce, dignam laude, sicut mente iudico, sic voluntate depono. In Monasterio Sanctorum duodecim Apostolorum de Vrbe, duodecimo Kal. Februarij salutis Anno 1669.

*Fr. Bernardinus Eretinus Minorita, humilis sacra  
pagina Magister.*

---

*Imprimatur,*  
Si videbitur Reuerendiss. P. Mag. Sacri Palatii Apost.

*l. de Angelis Archiep. Vrbis Vicefg.*



*Imprimatur,*  
Fr. Hyacinthus Libellus Sacri Palatii Apost. Magist.



**S**ancta Theresia Carmelitarum Discalceatorum Fundatrix, Vita, suæ Cap. 27. 30. 32. 35. 36. 38. 40.

Lib. Castellî interioris, seu Mansionû. Mansiono 4. cap. 3. mansione 6. c. 6. præcipue autè eius poenitentiâ, & vitæ cõtemplatiuę experiëntiâ fusè describit. c. 27. circa finem, & C. 30. in principio.

In lib. fundationum. In fundatione Conuentus de Medina del Campo. cap. 6. circa finem. In fundatione Conuentus Villæ nouæ della Xara. cap. 27. circa finem.

Franciscus Gonzaga Ord. Min. S. Francisci Generalis, & postea Episcopus Mantuanus, Chronicorum parte 3. In fundatione Prouinciæ S. Iosephi. In fundatione Conuentus Immaculatæ Conceptionis Pedrosi. In fundatione Conuentus S. Mariæ Magdalenæ de Aldea del Palo. In fundatione Conuentus S. Andreæ del Monte Arenis: Vbi etiam vitam eius describit. In fundatione Prouinciæ Arabidæ. In fundatione Conuentus S. Antonij Abulæ.

Didacus de Yepes Episcopus Turrissonensis in vita S. Theresiæ. In Prologo §. 3. post initium lib. 1. cap. 21. in medio lib. 2. cap. 7. in fine. Vbi ponit eius epistolam ad Sanctâ Theresiam, & cap. 8. à medio, ac deinceps.

Franciscus de Ribera Societ. Iesu, in vita eiusdem Sanctæ Theresiæ lib. 1. cap. 12. per totum, & cap. 17. ferè totû. lib. 2. cap. 3. circa medium.

Antonius Possessinus Societ. Iesu, in Apparatu sacro.

Fr. Hieronymus Gratian Carmelita in suo Dilucidario veri spiritus cap. 3.

Fr. Franciscus à S. Maria Historiographus Generalis Carmelitarum Discalceatorum. In Tomo 1. historiæ Reformat. lib. 1. cap. 31. per totum cap. 32. & cap. 33. n. 1. & 3. Item cap. 41. num. 8. Epistola B. Petri ad Theresiam num. 10. Item cap. 43. per totum, & cap. 44. num. 2.

Fr. Ioannes à Trinitate Ord. S. Francisci Prouinciæ Discalceatorum S. Gabrielis bis Prouincialis. In Chronico vitam eius scribit lib. 2. à cap. 49. vsque ad cap. 56. & in multis alijs capitibus eius mentionem facit.

Fr. Ioannes à S. Maria Prouinciæ S. Iosephi bis Prouincialis, scribit eius vitam in prima parte Chronici eiusdem.

Prouinciæ lib. 1. à cap. 12. vsque ad cap. 31. & in multis alijs locis primæ & secundæ partis de illo loquitur, eius vitam separatim conscripsit.

Fr. Ioannes Moles Prouinciæ S. Gabrielis, & Commissarius Generalis Curix, in suo Memoriali cap. 27.

Fr. Antonius Pances in 1. parte Chronici Prouinciæ S. Ioannis Baptistæ Discalceatorum lib. 1. cap. 1. cap. 15. cap. 18.

Fr. Martinus à S. Ioseph in Historia Fratrum Discalceatorum S. Francisci 1. parte lib. 1. à cap. 1. vsque ad 26. & multis alijs locis primæ & secundæ partis dictæ Historiæ.

Fr. Arturus Recollectus Gallus. In Martyrolog. Frâciscano. Ioannes Tamayo Salazar in Martyrologio Sanctorum Hispanorum tom. 5. ad 15. Kal. Nouembris.

Fr. Andreas à S. Nicolao in Historia generali Eremitarum Sancti Augustini Discalceatorum tom. 1. Decade 2. cap. 4. in fundatione deserti S. Ioannis Baptistæ in Valle Viciosa.

Hilarion à Costa Historiæ Catholicæ lib. 2.

Galterius In tab. Chronolog. seculo 16. in Sâctis & illustribus Viris.

Ferrarius in Martyrologio ad 15. Kal. Nouemb.

Barezius in Chronicis Minorum 4. p. lib. 4. cap. 29.

Fr. Antonius Daza in 4. p. Chronicorum Ord. Seraphici lib. 3. cap. 52. & sequen.

Rapineus in Historia generali Recollectorû Decade 8. p. 1.

Syluester Lauallesis. De magnitudine Eccl. Rom. lib. 3. c. 12

Algezire in Arbore Epilogico Ord. Minorum.

Peyreus de triplici corona Virginis tractatu 5. cap. 3.

Marianus in Chronica Reformatorum lib. 4. cap. 1.

Graquina in voce turturis 2. p. c. 13. & 24.

Fortunatus Licitus de his, qui diu viuunt absque alimento lib. 1. cap. 2.

*Sancti Petri vitam scripserunt.*

**A**lexander Pocquelinus, Prouincialis Sancti Dionysij in Gallia, & Friardus.

Fr. Damianus à Iesu Procurator Generalis Discalceatorû in Curia Regis Catholici.

Michael Angelus Lapius. vitæ Compendium.

Pr. Franciscus Marchesius Presbiter Cōgregationis Oratorij : vitam, & vitæ compendium.

IN-



# INDEX CAPITVM.

**LIBER PRIMVS.**  
**A** Natiuitate eiusdem, & visque dum  
 vixit in Prouincia S. Gabrielis.  
**D** B. S. Petri inuocabitur. Cap. I. 1  
 pag. 1  
 Missio ad studium Salamanticum. C. II. 2  
 Deliberatio de suscipiendo habitu S. Fran-  
 cisci Discalceatorum. Cap. III. 4  
 Accessus ad Conuentum de Manzarre-  
 tes, & habitus Discalceatorum susce-  
 ptio. Cap. IV. 6  
 De exercitijs S. Petri de Alcantara Epore  
 nominatur, & post Professorem. C. V. 8  
 Missio ad Conuentum Belujs, ubi virtus  
 eius inclaruit. Cap. VI. 10  
 Iter ad Pacem Iuliam (vulgo Badajoz)  
 pro fundando Conuentu, cui Superior  
 praeficitur. Cap. VII. 12  
 Promotio ad Ordines Sacros, & predi-  
 candi munus. Cap. VIII. 14  
 Electio in Guardianum Sanctae Mariae  
 Angelorum, & eius successus. C. IX. 15  
 De lucro animarum ab ipso facto in Vir-  
 tibus, & Oppidis Extremadura, ac  
 Placentiae. Cap. X. 18  
 Alia vermiranda S. Petri de Alcantara  
 postquam Placentiae Guardianus factus.  
 Cap. XI. 21  
 De eius mirabilibus operationibus in  
 Pace Iulia, ac locis vicinis. C. XII. 23  
 Secessus eius ad Conuentum S. Onofrii de  
 Lapa, ubi tractatum de Oratione com-  
 ponit. Cap. XIII. 26  
 Defendit causam Prouinciae S. Gabrielis,  
 & in Patria sua Alcantara mira ope-  
 rat. Cap. XIV. 29  
 Vocatus a Rege Portugalliae, ibi varia  
 operatur, ac inde regreditur. C. XV. 32  
 Electio in Prouincialem, eiusque guber-  
 nium. Cap. XVI. 31  
 Incipit Reformationem Prou. S. Gabrielis,  
 & fundat aliquos Conu. C. XVII. 37  
 Absolutio Prouincialatus officio in Portu-  
 galliam vocatur, ut fundantia Pro-  
 uincia Arabida adhaeret. C. XVIII. 39  
 Crescit hac Congregatio, & S. Petrus de  
 Alcantara Guardianus & Magister  
 Nouitiorum destinatur in Conuentu

Palaeus. Cap. XIX. 42  
 Rediens in Prouinciam S. Gabrielis, & in  
 locis Belujs, & Oppida mira operatur.  
 Cap. XX. 44  
 Vocatus S. Petrus de Alcantara in Por-  
 tugalliam, Arabida initia firmat.  
 Cap. XXI. 46  
 Reuertitur S. Petrus de Alcantara in Pro-  
 uinciam suam, Guadianam transi-  
 t, mulierem & Demone deceptam con-  
 uertit. Cap. XXII. 48  
 Accedit ad Capitulum Generale Salma-  
 nicense, in idem reuersus Comissus Oropesa mori filij praedicti. C. XXIII. 50  
 Transit in Andalusiam ad Infantiam.  
 Magistri Ioannis ab Aulica, & in itinere  
 quid mirum ei occurrit. C. XXIV. 51  
**LIBER SECVNDVS.**  
 Ab egressa ex Prou. S. Gabrielis visque  
 ad foundationem Prouinc. S. Iosephi.  
**O** Brines Breue Summi Pontificis In-  
 lij II. pro stabilenda in alijs Pro-  
 uincijs Strictiori Obseruantia. C. I. 53  
 Vadis Castrum, cuius Episcopus Exem-  
 torium illi assignat, in quo diuino fa-  
 uores experitur. Cap. II. 59  
 Proficiscitur Romanum, ubi impetrat Breue  
 Summi Pontificis pro Reformatione.  
 Cap. III. 66  
 Reuersus in Hispaniam varis persecu-  
 tionibus vexatur. Cap. IV. 67  
 Inter tot vexationes visus est a Christo  
 & S. Francisco associari, atque mira-  
 bili extasi suspendi. Cap. V. 68  
 Incipit adificare Conuentum Pedrosi, in  
 quo diuina virtute varias difficultates  
 superat. Cap. VI. 69  
 De Conuentus noui fabrica humilis, pre-  
 tatisq; officijs feruentissimis. C. VII. 63  
 Eligitur Commissarius Generalis pro Re-  
 formatione. Cap. VIII. 64  
 Fundat nouos Conuentus, & renouat ad-  
 viciu Comitem de Morata Adolescen-  
 tulum. Cap. IX. 67  
 Conuocat primum Capitulum, & Deo  
 inspirante vadit ad Civitatem Aulicae,  
 ubi ad eius aduentum Comitia in  
 Caelo visus est. Cap. X. 69

Alloquitur S. Theresiam, & cum de Spiritu sancto  
 studium certius reddit. Cap. XI. 71  
 Certiores facit Confessionem Theresie, & usque de  
 eius Sanctitate. Cap. XII. 72  
 Vocatur ad Aniam Vallis Solite residentem, de his  
 que ibi contigerunt. Cap. XIII. 73  
 Pedesum reuocatur, solum dum h. s. m. celebrat in  
 signi miranda ad Domum suam. Cap. XIV. 74  
 Alia salutaria Conuictio S. Iosephi Baptiste in  
 Vitis a. Nouitium ibi collocat. Transiit iterum  
 rapidum quendam finium. Cap. XV. 75  
 S. Alceus Theresia facit S. Petro de Alcantara no-  
 mas suas tribulationes, per quas tam consulat.  
 Cap. XVI. 76  
 S. Petrus miraculose extinguit ignem accessum in Con-  
 uentum vniuersi Regiar; & se succurrat necessitati con-  
 uisam nobilis famina, diuina orante in duobus  
 locis eadem tempore reperit. Cap. XVII. 83  
 S. Petrus de Alcantara confirmatur Commissarius  
 Generalis, venit Aragon, & qua illi ibidem con-  
 tingunt. Cap. XVIII. 85  
 Rediit Pedesum, ubi datus ab eo terra infans  
 conuictio in finem. Cap. XIX. 87  
 Promouit Reformationem Carmelitarum Discolosa-  
 totum qua S. Mater Theresia suscepit. C. XX. 89  
 In Conuentu Pedesum, atque in via versus Viciusum  
 miraculose se prouident. Cap. XXI. 93  
 Quomodo in Conuentu Regiar ab Angelis ei prom-  
 ouit fuit. Cap. XXII. 93  
 Vocatur a S. Theresia ad deliberandum de negocio  
 alias incipit, & famulus, quibus Ania a Deo  
 illustratur. Cap. XXIII. 95  
 S. Petrus de Alcantara duas socias S. Theresia eligit,  
 Conuentum sui Insitoris in Episcopatu Zamoransi  
 adiuuat. Cap. XXIV. 96

**LIBER TERTIUS**

De erectione Provinciae S. Iosephi uicem ad-  
 titum annum huius uicem S. Petri de Alcantara.  
 C. Oculis eligit Custodiam in Premuriam & De  
 insigni miraculo eius meritis a Deo amplexu.  
 Cap. I. 99  
 De ulteriori successu prout Capitulis Quomodo S. Pe-  
 trus de Alcantara misit Religiosos ad fundandum  
 Elebo; & Lento in Regno Valentia & ipse in  
 Alden del Palo fundat Conuentum, & de quodam  
 successu mirabili. Cap. II. 104  
 Valde Aragon ad fundandum Conuentum, & in via  
 miraculose finium quemdam transit C. III. 106  
 De quibusdam colloquiis cum S. Matre Theresia, in  
 eorum presentia quodam singulari fonte a Deo ho-  
 noratur. Cap. IV. 108  
 De mirabili conuersione cuiusdam Nobilis salu-  
 ditio orationum S. Petri de Alcantara. C. V. 110  
 Quomodo celebrat Aragon uisitationis praesentia S. Pe-  
 trus de Alcantara conuictio. Cap. VI. 112  
 Impetrat a Deo planum in iura scitatur.  
 Cap. VII. 114  
 Alia miranda operatur Deus, propter orationes S. Pe-  
 trus de Alcantara. Cap. VIII. 115  
 De duobus Viris confiscentis que ad S. Petrum de Al-  
 cantara Dini hoc tempore misit, ut Religiosi ad-  
 struerentur. Cap. IX. 117  
 S. Petrus de Alcantara scribit S. Theresia, & uisita-  
 donna illa inuictis non proficiunt Aragon. C. X. 119  
 De foveo quodam singulari, quo S. Petrus de Al-  
 cantara Ania Domini conuictur; dum uisita-

D. Ioannis Velasquez, confidens. Cap. XI. 121  
 Inuictur tempore uisitationis, ac uisita-  
 miraculose defenditur. Cap. XII. 123  
 Angelus S. Petrus de Alcantara, & Fratribus Aragon  
 eum offert, & de quada Proposita. C. XIII. 124  
 S. Petrus de Alcantara uisita Tolatum, & uisita  
 S. Theresia. Cap. XIV. 126  
 Conuictio S. Petrus de Alcantara Episcopum Ania pro  
 fundas de Monasterio S. Theresia. C. XV. 128  
 S. Petrus de Alcantara S. Iosephi perueniunt conuic-  
 tione, diuini doctrinae solatio S. Petrus, & admittit  
 duas Conuictas. Cap. XVI. 131  
 S. Petrus de Alcantara in quodam Congregatione  
 fundat duas Custodias, uisitationis S. Iosephi Bap-  
 tiste in Regno Valentia, & S. Simoni in Galicia.  
 Cap. XVII. 133  
 S. Petrus de Alcantara transfert se Aniam ad con-  
 cludendum fundationem Monasterij S. Marti Theresia  
 & scribit eadem epistolam super pauperum transcrip-  
 tionem. Cap. XVIII. 135  
 Quomodo S. Petrus eligit duas socias pro S. Theresia  
 Et de quibusdam prouisionibus. C. XIX. 139  
 Ex diuina inspiratione infirmis uisita Aniam, &  
 S. Theresia in fundatione operi praesit. C. XX. 141  
 De aduocato S. Theresia Aniam, & de diligenti  
 S. Petri de Alcantara pro acceptanda Diploma re-  
 uoca Reformationis. Cap. XXI. 144  
 Quomodo S. Theresia uidit S. Franciscum, & S. An-  
 tonium in uisitatione S. Petrus de Alcantara celebrant.  
 Cap. XXII. 146  
 De his, qua postremum S. Petrus cum S. Theresia  
 agit, & quomodo uisita Monasterij uisitationis uisita  
 fuit. Cap. XXIII. 147  
 S. Petrus de Alcantara Aniam discedit, uisitationis  
 Conuictas, suscipit Religiosos salutaria monita praesentis.  
 Cap. XXIV. 149  
 De aliquot insignis uita S. Petri socij. C. XXV. 151  
 De reliquis socijs, & de quibus quibusdam S. Petrus  
 de Alcantara. Cap. XXVI. 159

**LIBER QUARTUS**

De uirtutibus Theologicalibus, & donis gratulis  
 S. Petrus de Alcantara concessis. C. I. 161  
 De Fidelis uirtutibus. Cap. II. 165  
 De uirtute Spei, qua in S. Petrus de Alcantara  
 elabit. Cap. III. 168  
 De Charitate S. Petri de Alcantara erga Deum.  
 Cap. IIII. 170  
 De Charitate S. Petri de Alcantara erga proximum.  
 Cap. V. 174  
 De Patientia S. Petri de Alcantara, & animi eius  
 constantia contra iniurias. Cap. VI. 178  
 De Humilitate S. Petri de Alcantara. C. VII. 183  
 De Patientia S. Petri de Alcantara. C. VIII. 185  
 De Patientia uisitationis S. Petri de Alcantara.  
 Cap. VIII. 187  
 De Patientia admirabili S. Petri de Alcantara.  
 Cap. IX. 189  
 De alijs penitentia experientia etiam S. Theresia  
 testimonio probatur. Cap. X. 193  
 De dono orationis & contemplationis S. Petri de  
 Alcantara. Cap. XI. 195  
 De agi summa contemplationis effectibus, & signis  
 in S. Petrus de Alcantara reuerentibus. C. XII. 201  
 De fructu & efficacia orationis S. Petri de Alcantara  
 pro beneficiis proximis. Cap. XIII. 206  
 De diuersis exercitijs deuotionis S. Petri de Alcantara.  
 Cap. XIV. 210

orga Sanctissimam Eucharistiam, Passionem Domini-  
cam, de Beatissimam Virginem, aliosque  
Sanctos. Cap. XIV. 209  
De dono scientia S. Petri de Alcantara: ex quo magni  
predicationis sua fructum collegit. C. XV. 211  
De dono Prophetia sancti Petri de Alcantara con-  
cessio. Cap. XVI. 217  
De laudibus sancti Petri de Alcantara conversatione  
qua emulatum ad eam venerationem trahat.  
Cap. XVII. 222  
Continuatur eadem materia in Magnatum exemplis.  
Cap. XVIII. 226  
De quibusdam sancti Petri de Alcantara pueris  
huius virtute concepit. Cap. XIX. 230  
De quibusdam summi pietatis praeclaris sancti Petri  
de Alcantara Discipulis. C. XX. 234  
LIBER QUINTVS.  
De extrema sancti Petri de Alcantara infirmi-  
tate usque ad corporis eius translationem.  
Videtur ultima visio Comitis Pedrarij, Refarij,  
et Petri. Cap. I. 238  
Infirmatur in Conventu Vicaria: Cap. II. 240  
Accedit Domini Comitis Oratio, et qua ibi continen-  
tibus. Cap. III. 242  
Describit S. Petrus de Alcantara ad Conventum de  
Armat, ubi gravis infirmitas eius ad mortem.  
Cap. IV. 244  
De singularibus quibusdam documentis, qua in hac  
infirmatate distabat, et infirmi patientia. C. V. 245  
Visitur a Christo Domino, et cui sanctissima Ma-  
tri, et alijs Sanctis, et de quadam concione ad  
Fratres habita. Cap. VI. 247  
Rumpit sanctissimum Viatum, et extremam Vi-  
sionem, angustiam moris praedicat C. VII. 250  
De sancti S. Petri de Alcantara transitu, et appar-  
itione sancti Iuliani Theresia. Cap. VIII. 253  
De his, qui in sancti Petri fuerint contigerunt.  
Cap. IX. 255  
Quomodo iterum manifestatur gloria S. Petri de Al-  
cantara S. Matri Theresia, et alijs sanctis.  
Cap. X. 258

Quomodo corpus sancti Petri de Alcantara in eternum  
pium immutatur, et ad Capellam transfertur cum  
prodigio. Cap. XI. 262

#### LIBER SEXTVS.

De miraculis, quae post mortem sancti Petri de  
Alcantara contigerunt.

D E quibusdam à morte ereptis. Cap. I. 267  
De quibusdam manebat et elapsis, qui visitando  
sancti Petri sepulchrum miraculose convalescerent.  
Cap. II. 274  
De quibusdam cecis, et surditate, aliisque gravissi-  
mis morbis afflicti, per sancti Petri invocationem  
sanatos. Cap. III. 279  
De quibusdam bernia, aliisque morbis laborantibus,  
qui aut visitando sepulchrum sancti Petri de Alcan-  
tara, aut vultu sanati fuerunt. Cap. IV. 282  
De quibusdam infirmis, quibus inflammationem, et  
suppurationem curatis solo conspectu aliquos reli-  
quos S. Petri de Alcantara. Cap. V. 286  
Gratia miraculosa operata per cordam sancti Petri de  
Alcantara, per terram ex eius sepulchro, aliosque  
suas Reliquias. Cap. VI. 290  
De quibusdam sanatis ex illo lampade, et aqua  
miraculosa S. Petri de Alcantara. C. VII. 294  
De miraculis successibus, qui ex apparitione S. Pe-  
tri eveniunt, aut eas sola intercessione. Item ex  
seu, quae plantantur, et alijs fructibus.  
Cap. VIII. 298  
De multis laborantibus dolore lateris, urinae, con-  
diti, et similibus, qui intercessione sancti Petri de  
Alcantara, sanati resistuntur. Cap. IX. 305  
De illis, qui per invocationem sancti Petri de Alcan-  
tara praeteritum liberantur, et de alijs, qui ex pen-  
timento liberati fuerunt. Cap. X. 309  
De quibusdam aegrotis a febre magna sanatis per  
S. Petri de Alcantara intercessionem. Cap. XI. 314  
Beatificatio beati S. Petri de Alcantara.  
Cap. XII. 320  
De his, qui de beatificatione S. Petri convalescent  
Cap. XIII. 322

V I T A E  
SANCTI PETRI  
DE ALCANTARA

LIBER PRIMVS.

A natiuitate eiusdem, & vsquedum vixit  
in Prouincia S. Gabrielis.



*De S. Petri incunabulis. Cap. I.*



ITAM viri Sancti enarrare suscipio, quem  
ob carnis macerationem, Pœnitentiæ por-  
tentum, ob contemplationis sublimitatem,  
spiritualis vitæ Magistrum, non immeritò  
appellaueris.

Natus est S. Petrus Anno humanæ salutis  
millesimo quadringentesimo nonagesimo no-  
no: Ecclesiam Catholicam regente Alexandro Sexto Pon-  
tifice Maximo: & in Hispania regnantibus Ferdinando, &  
Isabella Catholicis. Natale solum sortitur Alcantarâ, olim  
Norba Cæsarea, inter clariora Prouinciæ Estremaduræ Op-  
pida, Ordinis quoque militaris eiusdem cognominis titulo,  
caput perillustre. Patri nomen Petro Garauitò, Iuris pro-  
fessione famoso, ex familia satis conspicua, atque antiqua,  
quam non dedecebat, vt talis ciuis patriæ suæ à Rege Ca-  
tholico Gubernator præficeretur: dum tali officio, nisi vi-  
ros autoritate conspicuos destinare, adhuc moris nō esset.

A

Mater

Mater D. Maria Villela de Sanabria viro nobilitate par; quam vterque proprijs virtutibus, & filij educatione plurimum illustrarunt.

Iâ S. Petrus à sexto ætatis anno primis labijs delibare incipiens orationis dulcedinem (quam reliquo vitæ cursu singulariter excolendo celebrem reddidit) quotidie matutinis, vespertinisque horis, flexis genibus attentionem, orationi etiam longa temporum intervalla impendere numquā intermittebat. Idque secreto in paternæ domus Oratorio, cuius ipse custodiam exquisito, ac deuoto cultu agebat. Ex institutione insuper Matris pias aliquas edoctus preces, summam erga Beatissimam Dei-genitricem pietatem concepit; cuius imposterum incremento tantum profecit, vt Religiosus iam effectus, dum in Conuentu S. Ioannis Baptiste Vitiosæ moraretur, eandem gloriosissimam Virginem præsentem videre; atque Angelos sibi officium diuinum recitanti lumen ministrantes habere dignus fuerit.

Rudimentis literarum sufficienter instructus sacrorum, piorumque librorū lectioni incubuit; qua notabile aliquid excerptens, postea magna animi consolatione secum solitarius ruminabat; atque iam tunc in tenella ætate, contra profanos libros odio irreconciliabili concepto, semper nutriendo seruauit. Nunquā visus est, quacumque occasione prouocatus, animo turbari; aut de vilo conqueri: semper vultum seruans serenum, ac grauitate deuota modestum; qui ludicra sodalium puerorum oblectamenta sperneret, ac fastidiret. Resplendebant quoque naturales gratiæ cum decora corporis specie adedò contemperate, vt communi omnium beneuolentia, atque existimatione futuræ felicitatis omni præludendo, Sancti pueri appellationem ipsi conciliarent.

— A Parentibus Grammaticæ, atque Philosophiæ studijs admotus; vtrumque ingenij acumine, ac memoriæ fecunditate absoluit; non sine Præceptorum stupore plurimos condiscipulorum post se relinquens. Summa ei erga Parentes reuerentia, nec cum vilo familiaritas, nisi qui virtute emi-

neret:

neret: præcipuè verò cum Religiosis viris, in spiritualibus colloquijs frequens. Ecclesias orandi causa, summa deuotione sæpissimè adibat; maximè cum à schola reuerteretur; vt ibi aliquandiu Deo vacaret.

Hinc contigit quadam die, quòd parentes, hora prandij elapsa, puerum non reuersum admirati; pro eo inquirendo, ad Ecclesiam, quà diuertisse suspicabantur, famulum mitterent. Is omnia templi adita diligenter perscrutatus, tandem in choro post organiũ, puerum diuina contemplatione adeò absorptum inuenit, vt nec voce, nec signis, reuocare ad sensum posset. Quod confestim Patri renuncians, tanta eundem lætitiæ ac spei certitudine affecit; vt prouectum ætate, virtutibus præclarũ, paterno animo prælagiret; iuberetq; imposterum, ne vllus contemplationi intentum ultra turbaret.

*Missio ad studia Salamanticensia. Cap. II.*

**P**osthæc Pater Garauto exiuit è vita; & Mater ex consilio propinquorum transijt ad secundas nuptias nobilis viri Don Alphonsi Barrantes, ex quo duos filios peperit. Huic vitrico singularis ex paterno affectu cura de S. Petro erat: quare quartum-decimum annum ætatis agentem, & in Philosophia instructum, altioribus quoque scientijs idoneũ, ad Salamanticensem Academiam inter Hispaniæ Lyceæ celeberrimam destinauit. Illic iuuenis non aliorum more extra paternam domum peregrinantium amicitias querere; sed habitationem prope Ecclesiam, & familiaritatem viro-  
rum spiritu ac moribus præstantiorum eligere, quorum vno pro Patre, ac directore spirituali vteretur; curarum primas habuit. Mox Iuri Canonico studium addicens ingenij, atque profectus tale specimen edidit: vt Magistris approbationem, condiscipulis admirationis, simulque æmulationis clauam extorqueret. Temporis rationem tam exactam habebat, quò deuotionis exercitia, studiorum horis non subtraherent; vt antè lucem ad orationem euigilans, paulò post ad Ecclesiam, vbi scholæ tempus opportunum expectaret,



properare, quasi pro lege sibi indixerit. Sæpè etiam ad eandem, pro percipienda sacra Synaxi, reuersus quandoqueius feruido affectu in extasim raptus videbatur. Circa meridiem ad hospitium rediens reficiendi corporis tam parcus fuit, vt admirabilis abstinentiæ, qua tota vita inclaruit, tunc velut prima tirocinia deponeret. Priusquàm ad scholam regrederetur, dictata reuoluens dubia annotabat, quæ solvenda cum alijs conferret. Peractis studijs, hospitalia accedebat; vt ibi ægrotos verbis, ac ope solaretur: indè Ecclesiæ, ac domum repetens, post aliquod studij tempus, conscientiæ examine suscepto leuissimos eiusdem diei defectus asperrimis in seipsum flagellis vindicabat. Tandem cubile adeundi proximus, prius *De profundis* pro se tanquàm mortuo recitans, Deo animam commendabat. Diebus festis, tempus antemeridianum in Ecclesijs orationi, ac Missis inserviendis dicabat; maximè verò ad præparationem suscipiendi sacrosancti Mysterij, atque ad gratiarum actionem sollicitus. Post meridiem visitandis carceribus, atque Religiosorum Conuentibus tempus absumens; perfectionis semitas apud pios viros inquirebat. Nec etiam elargiendæ eleemosynæ pro facultatibus deerat; cùm neminem se rogantem sine aliquo subsidio vacuum dimiserit.

Huic insuper tam exactæ vitæ tenori, par in conuersatione publica, modestia respondebat; quæ nec quempiam verborum, nec actionum importunitate offenderet. Sed præsertim in coercenda linguæ, oculorumque libertate admirabilis disciplina tantam ipsi existimationem apud vniuersos conciliauit; vt Magistri deprædicando, plurimi imitando, illum tanquàm vnicum disciplinati Iuuenis exemplar in principali illa Academia celebrarent.

*Deliberatio de suscipiendo habitu S. Francisci Discalceatorum. Cap. III.*

**I** Am studiorum vacatio fernescente ætate Salamanticæ, pro consuetudine Academix, indicebatur; cùm S. Petrus, hac

hac occasione, à Parentibus ad patriam reuocaretur: propter anni absentiam ardentius desideratus, ideòque iteratis instantijs sollicitatus. Cui tandem vocationi, tanquam altiore animo reuoluens, post spretam de studiorum, ac honorum præmijs persuasionem, libentiùs acquieuit; eo videlicet proposito, vt cœptam in Academia viuendi seriem, secum in Patriam transferret. Vndè postea Alcantaræ, ardentiori perfectionis desiderio accensus, atque orationibus instans, Aduersarij quoque tentamenta non euasit. Conabatur hic ingenij capacitatem, scientiarum, ac præmiorum decora iuneni exaggerando ad Academiæ studia reuocare. Ille autem inanem gloriam flocci facere animi humilitate, ac fortitudine, orationis quoque assiduitate obsistere pergebat, contra illecebras quasumque diuina virtute mirabiliter inualescens. Ita vt de perfectiori vitæ statu serio deliberans, diuina gratia, ad Religiosum suscipiendum, euidentius se impelli agnosceret.

Non pridem Deus venerabilem P. Ioannem à Guadalupe cum quibusdam socijs euocarat ad fundanda quædam Oratoria pro strictiori Obseruantia religiosi Instituti Sancti P. Francisci; pro quibus, obtento ab Alexandro Sexto Apostolico Breui, Custodiam quandam titulo Sancti Evangelij prædictus Pater crexerat: quod tamen Breue paulò post, instante Catholico Rege Ferdinando, ad truncanda dissidia reuocatum fuit. At verò eodem anno, quo S. Petrus noster vitæ exordium habuit, zelatores ijdem constanterissimi Oratorij alterius fundandi prope Ciuitatem Truxillo in Prouincia Estremaduræ iterum facultatem à præfato Pontifice impetrarunt. Propter quam multas contradictiones, atque vexationes passi, denuò tam propter Recollectionis dispersionem, quam ex morte magnæ sanctimonix P. Guadalupe, iacturam grauissimam senserunt. Aliquot tandem Religiosi, eandem Reformationem prosequentes Leonis X. P. M. Indulto aliam Custodiam titulo Estremaduræ restaurarunt; cuius primus fuit Custos P. Franciscus Frenxenal Religione, ac scientia commendatus.

Dum



Dum hæc aguntur S. Petrus annum vitæ attingit sextum decimum; quo ipse quoque à Deo pro huius Reformationis structura instar petrae principalis, & fundamentalis eligeretur. Nam die quadam, in oratione, diuinam prouidentiam prouocanti, vt sibi Ordinem Religionis, quem ingredi posset, ostendere dignaretur; duo venerandi Patres ex præfata Custodia obuij mentem eius dubiam, interiori lumine irradiante, ad illorum institutum efficacius pertraxerunt. Vnde illicò in Patrum amplexus effusus propositum aperit, atque exequendi media flagrantius vrget. Placuit Deo, pro singulari Serui sui consolatione, atque electionis approbatione, vt alter ex duobus Religiosis ipse Custos esset, ad quem pertinebat Nouitios recipere. Qui obseruata in iuvene ingenuitate, atque singulari modestia, quæ seruientem vocationis spiritum commendabant, ex seculi contemptu: præter Ordinis consuetudinem, statim receptionis, & Conuentum de Manxarretes ad eundem licentiam concessit pro induendo habitu. Propter hanc facilitatem, atque vocationis certitudinem auctus letitia S. Petrus Custodi humillimas gratias reddens, secretum negocij sedulò depræcatur; quò parentum conatibus turbari, aut impediri non contineret.

Ipse interea domi suæ orationibus, atque disciplinis ad susceptam expeditionem sese accingens; quodam mane, insalutata Matre, à qua tenerrimè diligebatur, paternos lares clanculum deserit. Hinc ad Ecclesiam gressus dirigendo, sacro audito, sanctissimoque Sacramento suscepto, vt fugam illam Deo commendaret, iter Valentiam tendens nullo ducè suscipere non pettimuit.

*Accessus ad Conuentum de Manxarretes, & habitus Discalceatorum susceptio. Cap. IV.*

**P**rosecutus igitur viam S. Petrus foeliciter; nec quæquam, à quo videretur, obuium habuit, & in solius Eucharistici cibi fortitudine ambulans vsque ad domum Dei,

vegetem se, atque integrum viribus sentiebat. Voluit ultra Deus, stupendo miraculo, serui vocationem, atque protectionem hac ratione confirmare.

Appropinquaret ille, ripæ fluminis Tietar, quem traicere oportebat, ut ad Conuentum progredi posset. Sed nemine illic inuento ad orationis præsidium conuersus sentijt se, diuina ope, in oppositam ripam mirabiliter translatus; atque in eam viam, quæ rectâ duceret, quò properabat. Unde, huius beneficij memoriam, dum viueret conseruans, cõtinaua gratiarum actione, arrham suæ vocationis Deo acceperat, tam quotidie ferebat. Et tandem senescentibus annis deuoto cuidam Religioso hoc beneficium enarrando effecit, ut quod tamdiu eius humilitas celauerat, pro Dei gloria, à cunctis imposterum publicè celebraretur.

Tam scelici itaque successu firmatus animo ad Conuentum perueniens; ad Guardiani (qui tunc erat Fr. Michael Rocco sibi propinquus) pedes prouoluit, atque suæ receptionis facultatem supplex exhibet. Cui ille benignè occurrere, verbis consolari, atque aliquot dierum moram interponere cohortatur; suspicatus fortè non maturo perfectioris vitæ consilio; sed potius iuuenilis ingenij mobilitati hanc fugam adscribendam esse.

Erat ipse Conuentus fragosis collibus, rupibusque, quæ Regnum Castiliæ hac parte à Portugallia diuidunt, supereminens; prospectu tamen libero nemorum, aquarumque copia insigniter amœnus. Incolebant Religiosi deuoti, qui paupertatis extrema, vitæ austeritate, orationumque assiduitate, diligenter excolebant. Quorum omnium cupiditate fruendi exestuans S. Petrus, conferendi sibi habitus celebritatem instantissimè vrgebat. Tantumque sollicitationum importunitate obtinuit, ut Guardianus, explorata prius propositi constantia, atque ad sustinendos instituti rigores propitius; breui eum, approbantibus cunctis, sacro habitu indueret: Idque anno ætatis suæ sextodecimo, seculi vero 1515.

*De exercitijs S. Petri de Alcantara tempore Nouitiatuſ ,  
& poſt profeſſionem. Cap. V.*

**N**ouitiatuſ primordia tanto virtutis amore S. Petrus aggreditur, vt mortificationis, atque rigidiffimæ poenitentix exercitia cum orandi aſſiduitate coniungens; prouectiores etiam in Conuentu hoc ſtudij genere anteiret. Breuiſ illi quies noctis erat ſuper ſtrato duriori, atque tegumento, quod vix frigus arceret, inſtructo: Habitus lacer & vilis, quem mutare nolebat. Spiritu adeò eleuatus exteriores occupationes tractabat, vt ſepè tanquàm extaticus ad eaſdem, à Superiore, vel Magiſtro reuocatus reprehenſiones inculpatæ negligentix læto animo ſuſciperet. Ingenij acumen quorundam defectuū ſimulatione tegebat, quo corrigi, ac vilipendi mereretur. Nec inter tot reprehenſionum, laborum, vigiliarumq; exercitationes, quibus ſpiritum eius probare Superiores tentarunt; aut patientia frangi, aut vultus mœſtutia mutari ynquàm inuentus fuit; ſed hilari ſēper atque ſereno vultu omnia conſtanter perferre. Non deſuit tamen Aduerſarius ſalutis hiſ S. Petri operibus inſidias ſtruere, dūm orandi præſertim frequentix, atque vitæ aſperitati inſenſus, huic perfeuerandi impoſſibilitatem, illi profundam quandam ſomnolentiam obijceret. Quibus impedimentis S. Petrus de Alcantara orationis feruorē opponens, diuini auxiliij talem ſenſit effectū, vt manifeſtè appareret, ipſum ſuperiori virtute animi, corporiſq; viribus fuiſſe auctū; nè tantis rigoribus, quos ſuſtinebat, ſuccumberet. Neque tamen eò minus inimicus inſultabat, quin ſubindè horrendis apparitionibus illum exterrens percutere, atque in terram proſternere, aut niſi propoſitum defereret, ſuffocare minaretur. Ipſe verò animi intrepidus omnia ſuperare patientia, atque inuocato nomine Ieſu dulciſſimo, Dæmonijum fugare optimè didicerat.

Hiſ tandem velitationibus nouitiatuſ annum exegerat, cum tali virtutum experientia probatus profeſſionem emittens,

tens, apud omnes Conuentus Religiosos sanctitatis opinionem præueniret. At ille humiliter de seipso sentiens priuatim increpare se, atque ad recuperandum tempus perditum diligentius exhortari; quasi ad virtutis limen vix dum accessisset. Hinc totum deinceps corporis habitum componere studens, serenitate vultus, modestia oculorum, humilitate, ac discretione conuersationis, omnium ad se affectus rapiebat. Notabile hoc fuit, quod per integrum annum in cella quadam commoratus, & indè ad Ecclesiam pergens, numquam obseruasset ex qua materia vtriusque laquearia forent. Idem alia occasione comprobauit, quæ repræhensus à Guardiano, quod fructus quosdā ex prætorij trabibus pendentes, Fratribus proferre neglexisset; extorta excusatione, respondit se per sex menses, quibus loci curam habuerat, nunquam tales fructus ibi animaduertisse suspensos.

Post absoluta diuina Officia in Choro, atque Ecclesia, vbi deuotissimè plurimis Sacris ministrabat; operam suam, aut infirmorum curæ, aut officiorum manualium seruituti addebat; in illa summam charitatem, in hac profundam humilitatem exercens; cum pro laboritio inceptiora instrumenta eligendo, atque augendo difficultates, patientiam magis probaret. Aeditimi officium ea pietate exercuit, vt ornandi altarium occupationi, orandi longissima spatia coniungens, altissimas coelestium rerum notitias animo conciperet. Nec minori diligentia Refectorij curam gessit; quando cuiusque Fratris necessitati, iuxta charitatis leges, discretè succurrebat; interdum etiam extraordinariam diuinæ Largitatis dispensationem expertus. Vadè ad Ianitoris officium destinatus, charitatis exercendæ (qua postmodum excelluit) copiosiorē occasionem obtinuit. Nam præterea, quod nulum mendicum sine aliqua refectioe corporali ieiunium dimitteret; omnes spiritualibus exhortationibus, atque doctrinæ Christianæ instructione exactissima solabatur, ac erudiebat.

*Missio ad Conuentum Beluifi, ubi virtus eius inclarnit.*

*Caput VI.*

**P**AUCIS post professionem annis, cum obedientia P. Custodis Francisci Frexenal, ad Conuentum Sancti Francisci prope oppidum Beluis missus fuit S. Petrus: Ibi solitarij loci delicijs gaudens, cellulas quasdam ex sarmenis; ac luto constuxit; ad quas interdum diuertens spiritus ardorem liberius exhalare, atque exclamationum suarum; & asperrimarum flagellationum strepitu, neminem turbare, aut offendere procurabat.

Cum pro eleemosinarum quaestuatione ad propinqua loca mittebatur; tanta praesertim oculorum compositione omnes alloqui solebat; ut nunquam aliam terram aspexisse, nisi quam pedibus calcabat, testes fide digni pro certo assererent. Idque fere in omni colloquio, maxime cum foeminis rigidius obseruasse, memoria aeterna dignum erit. Neque etiam longius a Conuentu constitutus, a solitis exercitijs animum relaxabat: eo quod hospitio aliquo receptus, post modicam refectionem tam cibi, quam somni; intempesta nocte ad diuinum Officium persoluedum consurgere, reliquumque noctis usque ad auroram orando transigere, pro more haberet. Cui tam rigidas quandoque disciplinas conungebat; ut socius, alijque ad earum strepitum expergefatti inhorrescerent: Nocte sic transacta priusquam cubiculo egrederetur lectum reuoluendo, quasi in eo mollius cubasset, aliquorum iudicia innocenter fallebat. Dein salutato humiliter hospite, & audito in Ecclesia Sacro, ad quaestuandum sollicitè properas; postea hora Officij recitandi appropinquante, deposita sarcina in publica via genuflexus debitum Deo persoluebat. Reliquum itineris contemplationi adedò intentus consiciebat; ut diuino conspectui, ac conuersationi toto spiritu vacare; interdum etiam multis a solo palmis eleuari, a pluribus viatoribus visus fuerit. Quorum praesentiam (quod eius benedictionem expectabant) à raptu

faptu reuersus animaduertens, celerè cursu illorum oculos effugere nitebatur: sed cilicij asperitate quò cingebatur, sarcinæque, quam gerebat, pondere impeditus; insequentium voces, atque acclamationes adeò pro voto vitare non potuit: quin iisdem Deum laudandi, moresque emendandi materiam, & ex his quæ viderant, vestigia sanctimonix suæ relinqueret. Ad Conuentum tandem reuersus, ostiario genuflexus elemosinam consignans, benedictionem petebat: Hinc ad Ecclesiam conuolans, prostratus coram Sanctissimo, culpæ à se in hoc obedientix opere commissæ, veniam deprecabatur. Indè se Guardiano sifteret, atque mox ad solita spiritualia exercitia, in dilectam solitudinem reuerti.

Vulgabat interea fama hanc virutem S. Petri, etiam diuinis fauoribus approbatam, in propinquis locis; qua excitus Comes Beluifi D. Franciscus Monroius, fundator ac benefactor singularis Conuentus, sæpius eum, vt alloqueretur, atque eius spiritualibus documentis imbueretur, accessit. Quod commercium summa diligentia declinans S. Petrus, obedientix tamen præcepto constrictus à Superiore, tam fructuosè transiegit; vt prædictum Comitem, qui eum aliquoties in Choro brachijs expansis in aere subleuatim conspexerat, ad plurima pietatis, ac perfectionis exercitia, etiam Religiosis assueta pertraheret. Adeò insuper creuit Comitis deuotio, vt non suo solum profectu contentus; sed & vxoris desiderium videndi deuotum Patrem singulariter accenderet. Adibat itaque ipsa frequenter Conuentum, & tanta Religiosi Patris præsentia, ac monitis compuncta; vanitatibus seculi contemptis, mariti pietatem, ac virtutem itrennè æmulabatur. Breui deniquè Comes quemdam Neptem suum quatuordecim annorum Beluifum enecauit, quem Viri Dei præceptis instruendum, atque intercessionibus apud Deum, perficiendum commendabat: Nec sanè spes fefellit; cum nobili illi animæ, tanquàm cere moxæ; adeò deuotionis affectus imprimerentur; vt nisi motus eius alij temperassent, iam tum tenellus Adolescens sacro Religionis habitu indutus fuisset. Vocabatur ipse D. Ioannes



Alvarez Garzia de Toledo, Comes de Oropesa, qui post hæc summus deuoti Patris amicus, & Reformationis promotor extitit. Nequẽ huc solũ stetit communis omnium in S. Petrum deuotio; sed vicinorum multitudinem ingentem ad Conuentum consueret coegit pro benedictione ab ipso recipienda: Cui fauens Guardianus, ipsum agrẽ à sua solitudine exeuntem, ad aliquorum domos visitandas, atque ut agitudine, alijsque necessitatibus vexatos sua præsentia solaretur, per obedientiam astrinxit. Quod equidem charitatis officium, summa Dei gloria, animarum salus multiplici fructu, ut ex historia constabit; consecuta fuit.

*Iter ad Pacem Iuliam (vulgò Badajos) pro fundando Conuentu, cui Superior præficiatur. Cap. VII.*

**A**Nno 1519. celebrato Capitulo Custodiæ Estremaduræ, in Prouinciã erecta fuit, creato primo Prouinciali Patre Angelo de Valladolid, Viro verè Apostolico. Huic Prouinciæ res disponenti, occasio data fuit, ad Ciuitatis Pacis Iulix instantias, fundandi ibidem nouum Conuentum. Cuius principijs Religione probatos Viros, atque inter ipsos, primarium S. Petrum de Alcantara destinauit: ipsique Religiosi, locum Monasterio designantes in quodã Oratorio vulgò Martyrum dicto, Ecclesiæ ac Conuentus fabricam incoeperunt. Elucebat autem præcipuè S. Petri indefessa assiduitas, qua maiori dici parte in prouidendo, atque adiuuando operarios defudabat; taurò magis admiratione dignus, quantò poenitentiar rigore confectus, noctes etiam infomes in oratione continuabat. Vnde Ecclesiæ & aliquot cellarum constructione promotæ, Religiosi munia sua obire, atque stationes facere permissi sunt sub cura Sancti Petri; cui illam, quàmuis nondum Sacerdoti, sed virtute in illa familia præeminenti Prouincialis imposuerat.

Initia officij sui tanta virtute, ac prudentia enituerunt; ut manifesta indicia forent singularis diuini muneris sibi ad regendas animas concessi: Nihil enim subditis præcipe-

re, solebat, quod prius ipse non faceret; quasi obedientiae iugum suave probando. Officia humilitatis abiectiora exercens, aliorum feruorem tam sedulitate, quam vigilantia, praeueniebat: in præcipiendo autem affabilitate ipsam supplicandi lenitatem æmulabatur, eandemque in defectibus quorundam corrigendis iugiter obseruans. Fratribus à quaestuatione redeuntibus blandè occurrendo, gratias agendo, pedes lauando, cæteraque Religiosæ Charitatis officia exhibendo, adedò sollicitè inservire satagebat; ut ipsa tene-ritudine affectus plures ad æctum prouocaret. Prouidebat omnium necessitatibus sufficienter, confinia paupertatis religiosæ non transgrediens; ita ut paupertatis zelator, fundatoris illustris D. Gomez Fernandes de Solis, eiusque coniugis D. Catharinæ de Silua largitionibus fræna aliquando iniiceret, sæpè supplicando nè Sancti P. Francisci paupertatem, eleemosinarum copia, lædere vellent; nequè dedignerentur se tantùm recipere, quantum præsentī necessitati sufficere iudicaret, de crastino minimè sollicitus.

Construxit sibi S. Petrus, in semoto huius Conuentus loco altissimis pinis obdito, exiguum quoddam Oratorium, sub inuocatione deuotissimi sui Sancti Ioannis Euangelistæ, quod sæpè ab aliorum conspectibus secederet ad contemplationi vacandum. Ibique gemitum, atque cordis intentione Cælum petens, Deo appropinquans; interdum in aere eleuatus, arborum summitates transcendisse visus fuit. Sequitæ quoque vestigia (quæ corpus suum castigabat) solo, parietibusque asperso sanguine apparebant; quando cælestes fauores, qui huiusmodi exercitijs respondebant, humilitas S. Petri studiosissimè celabat.

Frequenter spiritualia colloquia cum Fratribus miscens, se tanquam inferiorem, rudiorēque cæteris gerebat; nec alia sermonum materia, quam Fidei, Paupertatis, Regularis-que Disciplinæ zelus; ut si occasio ferret, martyrij quoque pro Euangelij prædicatione optaretur. Omnium feruorem S. Petrus inflammabat; se voluntate vnicuique coniunctum offerens, ad subeunda itinera longinqua; carceres, cruces, alia-



aliaque tormenta, dummodò omnia in Dei gloriam, proximi salutem, sui que ipsius contemptum redundassent. Nec in solo hæc proposito hæserunt; quia à quibusdam executioni mandata, in varias partes pro conuersione infidelium missis, martyrij palmam contulerunt. Ex quorum numero Seruus Dei Fr. Ioannes ab Aquila, ob singularem perfectionem S. Petro de Alcantara percarus, in Indiam; alij aliò perrexerunt, ipsomet B. Petro in Hispanijs remanente; vt eandem Dei gloriam ibidem aliter promoueret, quemadmodum Spiritus Sanctus suggerebat illi.

*Promotio ad Ordines sacros, & predicandi munus.*

*Cap. VIII.*

**I**Am à tribus annis in Conuentu Pacis Iulix S. Petrus de Alcantara innocenter vixerat, eiusque cura quam integrè gesta, satis Prouinciali nuper electo P. Frexenal perspecta erat; idèoque, vt se ad sacros Ordines suscipiendos accingeret, per literas significauit: quò impòsterum maioribus officijs destinatus, & Religionis, & Populorum vtilitatibus prodesse fructuosius posset. Excusare quidem imprimis S. Petrus indignitatem suam Prouinciali, & timorem, quo ex reuerentia sacri Ordinis tenebatur explicare; humiliter tamen cedere diuinæ vocationi consultis duxit; vt promptiorem mortificandi seipsum occasionem amplecteretur. Nam ad singulos Ordines iterato præcepto compulsus, adeò rigorosis se pœnitentijs prius disponebat, vt tam publicè, quam priuatim cæterorum Fratrum commiserationem simul, ac pietatem commoueret; quorum etiam orationes feruenti animo deprecari non celsabat.

Anno tandem 1524. ætatis 25. ad Sacerdotij gradum, reluctans maximè, eò quòd in Diaconatu manere optasset, ex mandato Superioris promouetur; atque in eo vitæ austeritatem, orationisque frequentiam augens, sacrificium proprii sanguinis pro Redemptoris sanguine offerre Deo videbatur. Quanta verò deuotione, ac diuinæ gratiæ astinen-

ria primam Missam celebrauit, verbis explicare non licet; quàmuis vultus immutatio, lachrymarumque profluuium, animi sensus transformatos, adstantium oculis, pietatisque affectus cordibus instillarent.

Non defuit confestim Prouincialis nouo munere S. Petri augere, cum animarum lucrum ex eiusdem prædicatione, præuidens; hoc illi officium committere deliberaret: sed an scientia litterarum sacrarum sufficiens esset, aliquantum addubitans; mirabili successu, omnium animos de doctrinæ eius profunditate firmatos intellexit. Contigerat quippè die quadam in Religiosa conferentia de oratione præcipuè, vt Superior, post aliorum effata, S. Petrum vrgeret, etiam verba facere; à quo se humiliter excusans, coactus tandem præcepto, oculosque in Coelum attollens, ita propositâ materiam retractauit; vt omnibus stuporem incuteret tam dicendi facundia, quàm terminorum, mysticæ, scholasticæ, ceterarumque scientiarum explanatione; qua cunctis etiâ virtutis amor inflammabatur. Vndè insigni hoc testimonio approbatus; Prouincialis, atque Disinitorum declaratione ad prædicandi munus admissus: solius sacri Codicis familiari vsu, magis quàm multorum librorum studio; verum euangelizandi modum cum plurimarum animarum conuersione comprobauit.

*Electio in Guardianum Sanctæ Mariæ Angelorum,  
& eius successus. Cap. IX.*

**E** Lápso anno, ex quo Sacerdos factus, electoque secunda vice in Prouinciale P. Angelo à Valladolid, Guardianus ab eodem destinatus. Conuentus Sanctæ Mariæ Angelorum propè Robredillo. Huins electionis displicentiam temperabat obedientiæ submissione, atque solitudinis (ad quam properabat) representatione: erat enim locus, in profunda Valle altis & præruptis montibus obsesus. Ad quem cum iam accessisset, nouis motibus in Creatoris laudè, atque amorem, diuinatq; contemplationem efferebatur:

Exci-

Excitabant enim deuotam mentem vallis amœnitates herbarum odore fragrans, animalium etiam quorundam familiarium suauilentia, aquarum ex vicinis montibus decurrentium copia & fecunditas, piscium abundantiam vicinis pagis deferens; quercuum denique, fagorumque Conuentui imminentium gratissima vmbra simul (tanquàm igni) pabulum deuotionis S. Petro ministrabant. Delectabatur insuper valdè paupertate Conuentus sine Claustro, cum dormitorio ac cellulis angustis, & Ecclesia cum duobus dumtaxat altaribus constructi. Quæ tamen omnia deuotione, sacratissimæ Virginis superabantur; cuius imago in supremo altari Populorum exposita venerationi, memoriam reuocabat illius, quæ olim à S. Patriarcha Francisco, & adhuc iugiter in Portuincula adeò mirificè excolitur; tanquàm prima pietatis, Religionisque suæ fors foelicissima: Sed augebat etiam pietatem loci, quòd ab eodem S. Patriarcha designatus, aliquando illustrem sanctitatis faciem illic accendendam fore, prædictum erat; & non immeritò de S. Petro interpretari licebat, cuius perpetua ibi memoria adhuc celebratur.

At quia loci angustia spiritus feruores coarctabat, interdum S. Petrus ad vicinam in Valle speluncam se subducens suspiriorum, disciplinarumque libertati in abscondito fræna laxabat. Interdum hyeme rigidissima propinquum amnem nudus ingrediebatur, sæpè aeri expositus, cadentiũ niuium copiam diutius sustinebat. In Conuentu cellam angustissimam incolebat, quæ campis opposita, eum Cœli aspectu libero recreabat; dum post horæ vnius quietem foribus, fenestrisque apertis nocti ad contemplandum consurgeret: Hinc genibus flexis longas grandi moras necere, vsquequò earum fastidio ipsi irritati maligni Spiritus, cum obiectu horribillum apparitionum deterrere; post saxa impetere, aliquando tentarent; idque tanto strepitu vt Religiosi à somno excitati, Conuentus ruinam instare pertimescerent; donec illucescente iterum die, lapides & saxa in dormitorio, ac cella B. Patris coniecta causam manifestarent.

Huius

Huiusmodi licet absorptus contemplatione S. Petrus, officij tamen curam non negligebat, tam necessitatibus subditorum sollicitè prouidendo, quàm ad perfectionis studium, verbis etiam efficacibus exhortando. Exemplo autem omnium religiosarum actionum omnes ipse præibat; ita vt hac innocentissima viuendi ratione, quâ Conuentum eius Religiosi habitatores excolebant, rectè duplici titulo Regine Angelorum consecratum iudicasset.

Contigit aliquando Decembri mense, prope Natalitia Saluatoris, omnes Conuentus aditus tanta niuium copia præcludi, vt ad quæstuandum pro solito victu exitus negaretur. Vndè transacta festi Vigilia sine alia refectione, quàm spirituali, qua Christi nascentis exemplo ad fiduciam diuinæ prouidentie S. Petrus de Alcantara omnes animabat; cum ad noctis celebrationem, & diuinas laudes omnes in Ecclesia conuenissent, priusquàm ad celebrandum solemne sacrum S. Petrus procederet, auditum fuit ad portam signum dari; ad quod accurrens pro more Ianitor ratus aliquos casu, aut ad noctis deuotionem ex propinquis montibus illuc se recepisse; apertis foribus inuenit duas sportas pane, obsonioque exquisitissimo plenas. Quod statim Guardiano nuncians, omnique diligentia frustra adhibita, vt vestigium alicuius, qui hæc attulisset, inueniretur; compertum fatis omnibus euasit diuino hæc munere prouisa, quæ in spiritu iam S. Petro innotuerant. Vndè summo animi iubilo Natalitia Saluatoris peragentes deuoti Religiosi, gratijsque summis diuinæ Prouidentie redditis: eandè postea, ex ipsius cibi sapore, cælestem verè fuisse comprobauerunt. S. Petrus itaque deuoto sermone confortatos ad fiduciam in Deum collocandam, tam insigni beneficio confirmauit. Per plurima alia miranda Deus Serui sui deuotis hic contulit beneficia; quæ dum Virginis pietati ipsius humilitas tribueret, suis intercessionibus impetrata, integram in varijs necessitatibus concessam gratiâ reportabat. Ex quo Populorû ad eû frequenti concursu Matris Dei cultus, & sanctitatis eius odor in remotiora loca mirificè diffundebatur.

*De lucro animarum ab ipso facto in Urbibus, & Oppidis  
Esremadura, ac Plasentia. Cap. X.*

**A**bsoluto tandem in Conuentu Sanctæ Mariæ Angelorum Guardianatus officio, præceptum sibi à Prouinciali fuit; vt pro animarum salute ad prædicandum per Esremadura Prouinciam discurreret; in qua nomen eius magna ueneratione colebatur. Nec secernis ipse in obediendò, sacrum duntaxat Codicem secum deferens, multis Urbibus, ac Oppidis istius Prouinciæ verbum Dei multiplici cum fructu annunciauit. Eo etiam vberiori, quo raro poenitentia exemplo, obstinata magis corda opere, & sermone simul potens conuerteret. Materiam sibi communiter ex Ecclesiasticis, & Prophetis seligere; vt omnium conditionum homines de peccatis liberiùs increparet, & motiua aptiora maxime ad commouendum de Iudicio, Inferno, ac morte frequentius vsurpare; totius ferè prædicationis eius sermò fuit. Et quàmuis vehementia dicendi eius oratio intumesceret, verborum tamen suauitate culparum grauitas, simul ac poena ita temperabantur; vt potius ad detestationem flecteret, quàm animos terrore nimio exasperaret ad pertinaciam. Ad omnium verò compunctionem eliciendam præcipuè conferebat prædicantis aspectus; qui vultus, & corporis macie austeritatis, ac poenitentia lineamenta clariora expresserat.

Transiit postea Plasentiam, vbi singularis gratia diuina, quæ in eo operabatur, plurimorum conuersione eluxit præsertim nobilis cuiusdam viri D. Francisci Floriani, qui illuc ad habitandum secesserat postquam Caroli V. Audiamus & exercitum, ipso Imperatore se abdicante, imperio reliquisset. Hic vique harenis spiritus, & opibus elatus variis talibus seculi adedò distinebat; vt contra alios quoque, qui ex S. Petri de Alcantara sermonibus ad meliorem frugem redierant, insouesceret. Vnde quadam die persuasionibus quorundam amicorum inductus, vim dicendi viri adhuc

igno-

Ignorans, aut paruipendens ad eum audiendum facilius cum alijs accessit. Sed ad ipsius S. Petri quasi spirantis, & ex suggestu intonantis conspectum prius animo turbari, mox verborum efficacia, qua amatorum seculi cæcitatem, ac supplicia exaggerabat, vehementius commoueri; sudorem quasi foris erumpentem, ac cordis compunctionem intus perferens, nulla præsentium verecundia prohibitus, in lachrymarum, ac singultuum torrentes totus resoluitur. Atque hoc modo locum diuinæ gratiæ, ac persuasioni Prædicatoris cedens; eum è Templo usque ad Conuentum suis quasi vestigijs insecutus, ad pedes tandem prouoluitur, & supplex peccatorum medicinam flagrantius deposcit. Quem S. Petrus mira quoque lenitate suscipiens, & huius compunctionis perseverantiam commendans; constituta die, quæ ad confitendum sibi peccata rediret, cum necessarijs documentis pro eadem confessione benè dispositum dimisit. Franciscus verò domum suam repetens, mutata adeò facie, occurrentem uxorem suspicione quadam sinistri alicuius casus primùm percussit; mox causam explicans, eandem quoque ad doloris, & pœnitentiæ consortium, licet innocentem, commonit. Postea præscripta die ad deuotum Patrem reuersus peccatorum integram confessionem peragit summo doloris indicio, varijsque monitis salutaribus pro nouæ vitæ ordine susceptis; seculi pompis integrè renunciat. Itaque imposterum simplici, ac vili habitu & humili, vulgariq; vita contentus; quia feruore, deuotionis virtus crescebat, tali pœnitentiæ genere inualuit; vt uxori tandem occasionem daret S. Petrum accedendi, rogandi; vt mariti excessus temperare conaretur. At verò vbi ipsa ad S. Petri exhortationes conceptus sui errorem, vanitatumque illecebras quasi illuminata agnouisset, illicò omni vano ornatu deposito, mariti feruorem æmulata, ac cum ipso magna bonorum parte pauperibus erogata; Religiosum Patrem, pro suscipiendo Tertij Ordinis habitu vterque conueniunt. Hic vtrumque blandè consolari, regulisq; perfectionis imbutos Tertij Ordinis Societati adscripsit; quam postmo-



dum ipsi magnis pietatis operibus additi, summa cum admiratione, & ædificatione vniuersæ Ciuitatis religiosè profitebantur.

Reuersus erat hoc tempore Placentiam frater quidam, D. Francisci ex Flandria, cui nauseam mouebat videre, quòd ædes fratris omni suppellectili spoliatæ; vitæ quoque ratio tam Domini, quàm familiæ moderatior, religiosi potiùs claustrî, quàm palatij speciem præ se ferrent. Quamobrem animo turbatus fremebat sæpiùs, quasi hoc institutum maculam aliquam nobilitati suæ aspergeret. Et licet fratris persuasionibus reduci non posset ad sanioiorem opinionem; tamen eius industria, Deo animum tangente, resistit. Præuenerat videlicet S. Petrum Franciscus, & de fratris errore instructum rogauerat, vt denotis supplicationibus à Deo conuersionem eius obtineret.

Hinc die quadam secum in Ecclesiam, ad audiendum sermonem, fratrem conduit: qui, cum ex suggestu S. Petrum conspiceret, toto corpore contremiscens, quasi ludicem sententiam sibi dicentem extimuit. Mox dicendi vi, ac verbi diuini efficacia conuictus; firmum emendationis propositum concludit; adeò vt descendantem de suggestu S. Petrum præueniens, eum de nouæ vitæ instituto consulere; supplexq; præteritorum errorum veniam cum lachrymis deprecaretur: Dein purgata per generalem confessionem, conscientia, totum se exercitijs spiritualibus, viuendiq; domesticæ regulæ fratris coniunxit; ita vt tota hæc tam conspicua Domus, tam illustribus virtutum exemplis, impòsterum velut schola pietatis luceret.

Mulier quædam nobilis, quæ magnam reddituum suorum partem Comedijs, alijsq; vanis oblectamentis impendebat; cum aliquando in aliarum feminarum commercio, de supradictis conuersionibus iudicium faciens, eas leuitati mentis adscribere audiretur; adeò contrarijs rationibus prædictarum conuicta fuit, vt tribuere easdem prædicationi, ac sanctimonix Petri de Alcantara, & eodem simul tempore, maximo cum videndi, audiendique desiderio accenderetur.

Ita-



Itaque Ecclesiam quadam die supra modum compta accedens, quamprimum S. Petrum ad prædicandum procedentem in oculis habuit, statim velut secreto quodam rubore confusa peplum faciei obduxit, tanquam si viri Dei extenuata figura suo luxui conuictum fecisset. Dein summa, attentione sermoni eiusdem adstans, talem ex eo conuersionis spiritum concepit; vt vita, moribusque mutata, sub Tertij Ordinis habitu, singularem, laudabilemque vitam vsque ad mortem egisse, obseruata fuerit.

In eadem Ciuitate tres filie cuiusdam nobilis de Chiaues, corporis forma, animique dotibus ornatissime; vanitate tantum muliebri fœdari quodammodò videbantur. At, postquam semel B. Patris concionem audierunt, tam efficaci vocatione omnem ornatus fastum in cinericiū poenitentiae habitum, atque religiosam viuendi regulam commutarunt; vt nisi eodem duce, ac Patre spirituali in paternā domo remanere pro aliorum exemplo persuasæ fuissent; simul Monasterium ingredi omnes deliberassent: nec idem minus in perfectioris vitæ cultu sub tanto Magistro profecerunt; quin admirabili omnium ædificatione, vitam quoque sanctitatis fama clausisse constanter ferantur.

*Alia res miranda S. Petri de Alcantara postquam Placentia Guardianus factus. Cap. XI.*

**E**Rat hoc tempore Prouincialis Seruus Dei Fr. Michael Roco, qui S. Petro in Conuentu Manxarretes habitum primus dederat, atque ex illo principio eiusdem virtutem, probè perspectam habebat. Destinavit itaque Guardianū, Conuentus Placentiæ, nulla ipsius licet validissima excusatione admisa; ipse verò tanta prudentia, zelo, atque vitæ exemplo exercuit, vt neque spem cuiuspiam fefellerit, nec prius à se gestorum existimationem minuerit. Sæpius illum Religiosi, alijque fide digni, vt deuotus Comes Torresani, vel in horto, vel propè quoddam eremitorium orantem cōspexerunt, cui pro more brachijs expansis eleuato in aere

amiculæ infidebant; hæ suauissimam melodiam concinendo, cum ad sensus reuertebatur, auolare cernebantur: sicut & alijs in locis pluriès contigisse perhibetur. Non tamen prædicandi exercitium interim intermittebat; vt populo aded sibi affecto prodesset. Indè in campos egressus orabat etiam sub dio, niuium, aerisque rigoribus expositus. Visitabat quoque multorum ædes, vt spiritali consolatione animarū saluti succurreret: & in hoc officio charitatis plebeos, pauperesque nobilioribus, diuitibusque præferebat.

Quidam deuotus Ciuis summè gaudebat in transitu B. Patris domum suam ab ipso benedici, & in hac, inter cæteros filios, puellam habebat decem annorum, quæ genuflexa benedictionem suscipere solebat deuotius, atque etiā pedes osculari. Indè in spiritu B. P. agnoscens magnam, huius puellæ pietatem olim futuram, seriò eius curam Patri commendans, sibi instruendi spiritalibus documentis magisterium seruauit. Successit autem iam adultæ, vt ægritudine decumbens morti propinqua haberetur; quod cum absenti Petro in spiritu innotuisset, ad domum eius pergens agentem animam inuenit. Sed ipse eleuatis in Cœlum oculis, ac ægrote manu imposita, Parentibus adstantibus dixit; nolite mortem filię lugere, quam Deus in vita seruabit, vt sibi maiori seruire famuletur. Mox ægrota, in eum respiciens, recepta sanitate deuotissimas liberatori gratias egit; atque dein suscepto Tertij Ordinis Instituto ob perfectionem vitæ, narrationi huic argumentum subiungendè scribendi ministrabit.

Alius deuotus nomine Franciscus à Corduba, negocijs plurimis addictus occurrens per Ciuitatem S. Petro de Alcantara, iuxta morem eius deosculaturus accessit. Huic seueriori vultu Sanctus Petrus dixit, Franciscæ conscientiam tuam expurga, & Sacramentis Ecclesiæ susceptis te præpara; quia postridiè morieris: quo dicto præteriens promissit se pro eo ad Deum preces oblaturum. Ille verò quanquàm integer viribus, dicto tamen Serui Dei fidè præstans, quasi hoc à Deo ipsi reuelatum fuisset; statim socios, qui

qui ex tali casu stupore perculsi hæserunt, reliquit. Inde rebus suis temporalibus dispositis, sanctisque Sacramentis cum magna compunctionis expressione receptis, mortem in dies operiebatur. Et quamvis die sequenti sanus adhuc esse videretur; tamen circa vespertinam horam, nullo præcedente infirmitatis inditio, mortuus in terram cecidit. Ad quod spectaculum tota Ciuitas commota, S. Petri virtutem comprobare, diligere, plenisque vocibus velut Sanctum acclamare incæpit: Hinc inferioris gradus homines cum ad ædes suas inuitare, vt gratiam aliquam à Deo obtinerent; nobiliores operam dare, vt aliquando palatijs suis benedictionem allaturus accederet: ideoque officijs certabant inter se, quis epulis illum lautioribus exciperet; à quibus tamen ille fugiebat, nisi manifesta aliqua spes lucrandi animas adesset.

Inter has illustres familias eminebat Marchio de Mirabel, qui familiaritate S. Petri tantum profecit; vt ex homine vanitatis seculi maximè addicto, in virum modestum, ac vitæ exemplaris mutatus fuerit; adeo vt non solum hanc viuendi formam consorti suæ illustri Domine persuaserit; sed & in totam suam familiam induxerit, quasi Conuentus alicuius religiosi disciplinam intra magnifici palatii parietes æmulari prætenderet.

Crebrò S. Petrus à Comite Torresonij ad epulas inuitatus, aliquando supplici ab eodem gestu, & propter amorem Dei coactus, mensæ cum cæteris adsidebat. Sed (vt erat abstinentia admirabili) lautissimos cibos nè gustare quidem vario prætextu videbatur, vsque dum importunis precibus cedens, iusculumq; deposcens, idem caliditatis obtentum, frigida infusa, insipidum prorsus reddidisset; & sic pane intincto cum cæteris conuiuium protraheret. Alia vice ab eodem Comite tractus ad mensam, cum pro eadem benedicenda oculos (quos semper clausos habebat) aperuisset; ex tor lautitiarum, fructuumq; præcipue aspectu in Creatoris admirationem raptus; ultra vnâ horam in deuoto, compositoque corporis habitu, sine sensuum motu hæ-

21173

lit.

fit: Ad cuius conspectum, conuiuæ, alijque plurimi stupefacti genibus flexis, lachrymisquæ profluentibus culparum suarum veniam à Deo deprecari didicerunt. Ipse verò in se reuersus mensæ benedixit, quantoque ocius ex omnium manibus ad Conuentum suum euasit.

*De eius mirabilibus operationibus in Pace Iulia, ac locis vicinis. Cap. XII.*

**A** Gebatur celebrandi Capituli tempus Anni 1535. in Ciuitate Pacis Iulix, quo electus fuit Prouincialis V. P. Didacus de Chiaues, qui ad communes populi supplicationes S. Petrum tunc Capituli celebrationi præsentem, quò animarum salutis operâ daret, in loco manere per obedientiam validè coegit: At quia adhuc sex menses in Guardianatu Præsentiæ explendi eidem supererant; eos in huius Conuentus curam rationabilius commutauit. Hinc instante Quadragesima cœpit S. Petrus de Alcantara tanto animarum zelo, ac spiritus feruore, prædicationis efficacia, illarum gentium animos commouere; vt plurimi tam viri quam fœminæ, relicto seculo, ad religiosa Instituta conuolarent; alij in seculo mores emendarent, suscepto Tertijs Ordinis habitu, aut Societati Cordigerorum adscripti, quò operibus pijs iuxta consilium præfati S. Petri, virilius vacarent. Erat inter alios viros nobilitate clariores D. Ioannes de Albarado, qui prius grauiori quodam supercilio vitam sororis, quam religiosiorem sub magisterio S. Petri agebat, despiciens; postea eandem imitandis ac totum se eidem Magistro addicendo adeò insignis euasit; vt meritò inter præcipuos Patris eiusdem discipulos, scribendum esse, ea quæ alibi narranda occurrent, monstrabunt.

Expleto igitur Guardianatus officio, ac deposita commissæ sibi de fratribus cura in procuranda animarum salute, vehementiori zelo exarsit; ideòque per totum Pacis Iulix Episcopatum discurrens Apostoli zelum prædicando sine intermissione æmulabatur. Addebat quoque sacra prædicationis

rentiæ administrationem, & huic (cùm tempus supererat) docendi doctrinæ Christianæ charitatem. His verò exercitijs expleto die, in locum aliquem solitarium secedere; non quiete corpus, sed animum contemplationis dulcedine ex-  
 plere: Dein post mediam noctem semel, atque iterùm in aurora seuerioribus flagellis, quasi veterum excutere.  
 Quò autem Pœnitentiæ studium magis in Populorum animis excitaretur, atque Redemptionis nostræ memoria fixius hæreret; sollicitè curabat in locis publicis, ac eminentioribus maiores Cruces erigi; omnemq; in eo difficultatem superabat, vt vel vnico exemplo magnæ Crucis, quam in vertice prærupti, altissimique montis de la Gatta nuncupati collocauit; probare libet. Exurgit altissimus hic mons inter præcuta saxa, anfractusque ancipites, qui præcipitiâ minantur his, qui vel ascendere etiam reptando moliantur.  
 Quod tamen feruori S. Petri factu non impossibile visum; his, qui dissuadere intentum conabantur, responsum ab ipso fuit: *Deo cura fore viam aperire, atque auxilium præstare.*  
 Hinc Cruce maioris molis composita, quò facilius ex diuersis partibus prospiceretur, prædicto die ad collocandam eam in montis summitate cum ingenti multitudine conuenit: Ex qua multi, sibi hunc laborem deposcentes, S. Petrû dimouere non poterant; quin ipse proprios humeros grauissimo huic oneri supponeret, omnibus admirantibus animi deuotam cupiditatem corporis extenuatas vires superantem; ita vt non obstantibus aut Crucis grauissimo pondere, aut asperrimi montis offendiculis, quæ sæpissimè etiâ reptantem fatigabant, ac sudorem & sanguinem succumbenti eliciebant, hoc quasi maximum tormentorum (quibus se vnquàm obtulerat) superare cum stupore visus fuerit.  
 Nam B. Pater fixa mentis acie in Redemptoris nostri ad Caluarium Crucem baiulantis imaginem, adeò viribus inualuit; vt cui vix tres etiam robustiores suffecissent, hoc ipse tanquàm Angelica ope suffultus solus præstaret; col-  
 laudantibus desuper vniuersis diuinam virtutem, ac peccatorum suorum veniam deprecantibus. Peruenit tandem cū

omnium stupore, ac commiseratione ad montis cacumen; vbi nullo adiuuante solus Crucem illam, velut arundinem erigendo, atque in terram figendo statim genuflexus adorauit. Hinc Deo singulares gratias agens, qui vires sibi miro modo auxisset, innox comitantibus iisdem ad ima montis iterum descendit; vt inde omnes Crucem denuò submissè venerari doceret. Mos autem illi in hac actione talis erat, vt post locum designatum aptum Cruci collocandæ, eam die aliquo festo, vel Dominico in Ecclesia produceret, habita quoque ante meridiem deuota prædicatione, ad excitandam Passionis memoriam: vespertinis tandem horis cum Clero, & Populo hymnos, psalmosq; canente, Crucem ipse baiulando ad destinatum locum procederet. Ibi exhortatione breui Redemptionis pretium extollens, offensarum detestationem præsentibus eliciebat; cunctosq; ad salutaris ligni venerationem, hymnum *Vexilla Regis prodeunt* præcinendo, deuotè inuitabat. Cuius quidem deuotionis, tantus vbique fructus excreuit, vt eo tempore multorum conuersiones, atque imposterum imitationis exempla, in memoria omnium etiam exterorum iugiter perennauerint.

*Secessus eius ad Conuentum S. Onofrij de Lapa, vbi Tractatum de oratione composuit. Cap. XIII.*

**I**Am secundo anno totum Episcopatum Pacis Iulix prædicando percurfabat, partemq; Castellæ multas Deo animas lucrificando; cum ingenti quietis desiderio occupatus, eam à Superiore in aliquo Conuentu remoto ex peteret, assensit ille; & ad Sanctum Onofrium de Lapa eadem conditione destinauit, vt eiusdem Conuentus curam susci peret. Adiacet autem Conuentus ille lateri montis cuiusdam, prope Eremitorium Sancto Onofrio dicatum, in cuius rupe hiante spelunca vndiquè aquas distillans (Lapa dicta) Conuentui communicauit nomen. Adhærebant duo Eremitoria, Sancto Onofrio, ac Sancto Ioanni Euangelistæ sacra; ad quæ S. Petrus, expletis officij curis, sæpè pro mentis re-  
colle-



collectione, atque altissima aliquot horarum contemplatione solitarius secederet: Sæpius illic in æra subleuari à Fratribus visus, asperrimè flagris se cedere non negligebat; idquè pro peccatorum conuersione, ac aliorum perseuerantia Deo offerre, qui suo magisterio, salutis studia multa persuaferat.

Sed sensere breui Ciuitates, ac Oppida (vbi prædicationis magnam messem fecerat) S. Patris absentiam, atque priuatos se suauis eius conuersatione vehementer dolebant, idèoque proprias domos plurimi relinquere, atque ad eum pro varijs tam animæ, quàm corporis consolationibus requirendis accedere. Multi præsertim nobiles, qui eius doctrinam in spirituali via profecerant; pro elucidandis dubijs, ac stabilis virtutum profectibus diligentius eum frequentabant: Sic dum aliorum salutem consulit, à propria quiete, ac solitudine auelli cogebatur.

Inter hos S. Petrus de Alcantara singulari deuotione addictus, D. Rodericus à Chaues in visendo ipsum frequentior erat; atque orandi regulas, quas aliàs ab ipso dictatas audierat, in scriptis deposcebat; vt pro multorum profectu publici Iuris facere, impensis proprijs licentiam haberet. Idem quoque ab alijs deuotis, & Religiosis familiaribus petitum diu, sicut erat humillimus sui ipsius estimator S. Petrus; prius excusatum, dein post longas in oratione cum Deo consultationes, ingenti omnium bono egregiè concessit; nam compositum à se tractatum præfatus D. Roderico. cum humili excusatione transmittens, ipsi plenam beneuolentiæ epistolam scripsit; quam (quia authoris sui sanctitatem redoleret) hic integram apponere duximus non futurum ingrati.

*Magnifico admodum, & deuoto Domino Roderico à Chaues,  
Ciuitatis Roderici Ciui.*

*Plurimum Magnifico, & deuote Domine.*

**N**V.1 quàm ad scribendum istum breuem tractatum me induxissem, nec illum prelo dari consensissent; nisi



tu me multoties orasses, vt aliquid breuiter compendiosè & dilucidè, & ad omnium vtilitatem de oratione scriberem: Cùm enim paruo volumine contineatur, maximum pauperibus commodum afferet; quibus non fuerit satis ampla facultas libros magno pretio emendi. Cùmque videatur mihi non minoris futuram meriti in hoc tam piam, & sanctam rem postulanti exhibitam obedientiam, quàm fructus ipsos (qui ex ea colligi possunt) Deo; cogitationem tam sanctam executioni mandare volui: pro certo habens quantum ad me attinet, fieri non posse; quin tenuis iste labor vtilis euadat, nisi fortè beneuolentia mea in te, & in Dominam Frânciscam coniugem tuam (non minori tibi vinculo charitatis, & Iesu Christi boni nostri amore, quàm Matrimonij nexu coniunctam) aliquid mihi de merito isto subtraxerit. Reuerà enim si de omnibus bonis à Fratribus nostris perpetratis, nos Christiani congaudemus, & eorum inuicem participes simus; quanquàm in meritum particulare facientis præcipuè cedant. Dicere sanè potero, me vestrarum orationum & bonorum operum, velut cum bonis filiis partem habere: Sic enim vos appellare inuat; quoniam à vobis Pater existimor, nec vnquàm defui meæ doctrinæ inopia, & industria qualicumque, sanctarum vestrarum intentionum, & sublimiū cogitationum diuitias adiuuare. Faxit Deus, vt pro cuiusque voto quærentibus prosit, ad quod tantum effectum operarem; vt & vobis ex ipso fructus spiritualis vestri boni desiderij, mihi autem meæ beneuolentiæ in vos redundet. Totum autem in honorem & gloriam vñici boni nostri, à quo omne bonum nostrum emanat originaliter.

*Fr. Petrus de Alcantara.*

Coepit hic Tractatus omnium piorū in Hispanijs percurrere manus, præcipuè Religiosorum, qui perfectioni studebant, quò Nouitios instruerent; quod adeò neruose, perspicuè, ac egregiè, regulis spiritus reque mentem illuminet, atque affectus cordis inflammet; vnde in varias quoque

lin-

linguas translatus, in Galliam, Germaniam, Poloniam, aliasque Regiones pertransiuit. P. Ludouicus à Granata (tunc temporis vitæ spiritualis celebris Magister) huius Tractatus æstimatione mirè illectus, se vnicè sancti viri orationibus cõmendandi causa, literas eidem plenas obsequij perscripsit. De eodem Sanctæ Therese testimonium cap. 30. eius vitæ hoc habetur: *Anchor est (S. Petrus) quorundam Tractatum de Oratione, qui magno nunc loco habentur; quia à probò experto pleni fructus, & perfectionis spiritualis compositi fuerunt.* Cuius sanctæ attestatiõni quæcumque aliæ cedunt propter eminentem eiusdem in hoc studij genere doctrinã, atque experientiam ipsi B. Petro optimè perspectam. Nec tamen superfluum etiam videbitur Sancti illius Antistitis Francisci de Sales testimonium indicare quo prima parte Epistolarum suarum spiritualium libro 3. Epist. 4. ad quandam mulierem deuotam ipse prædictos Tractatus plurimùm commendat, eamque ad eorundem lectiõnẽ seriò cohortatur:

*Defendit causam Prouincia Sancti Gabrielis, & in Patria sua Alcantara mira operatur. Cap. XIV.*

**R**esurgebat iterùm contra aliquot reformatiores Conuentus Prouinciæ Sancti Gabrielis antiqua æmulatiõ, qua Fratres Prouinciæ Sancti Iacobi eosdẽ suppressere moliebantur. Itaque destinatur à Prouinciali in causæ defensionem coram Episcopo Plasentino tractandam S. Petrus, qui instructus Breui Clementis VII. Anno 1526. concessõ, atque sigillo Episcopi Cauriësis munito; se Iudici Plasentiæ sistit, negocij expeditionẽ humiliter deprecaturus: Episcopus itaque publico Edicto suo Pontificis Breue includens, Fratribus Prouinciæ Sancti Iacobi ad comparandũ pro causa triduum indicit. Ipsi verò perspecta singulari S. Petri de Alcantara prudentia, ac celebri sanctitatis fama, impares se futuros suspicati, causam velut conclamatam deseruerunt.

Aliquandiũ post expetitus à Parentibus, alijsque deuotis præsentis prædicationis sue cupidis, in Patriam Alcan-

taram

taram à Superioribus mittitur : Quò licet ægrè, nisi ex obedientiæ imperio pergens, fratrisque Domum declinans ad Conuentum Fratrum de Observantia se recepit; ibique totus assuetis exercitijs intentus, publica tantum prædicatione, aut spiritualibus conferentijs distrahebatur. Erat D. Petrus Barrantes Maldonato Parrueli suo filius nomine Antonius annorum quindecim, qui mirè Viri Dei feruore accensus imitandi ipsum desiderio conceptus, ocyus ad suscipiendum Religionis habitum in Prouinciam Sancti Gabrielis perrexit. Hic temporis progressu virtute proficiens, consanguinei vestigijs propè insistens tam humilitatis, quàm rigidioris vitæ documentis (quæ nomine Antonij Peccatoris tegere volebat) tandem magna etiam sanctitatis opinione è vita decessit; atque eius corpus post sex annos integrum, suauissimumque odorem spirans inuentum fuit. Alij quoque eiusdem consanguinei vel Religionem ingressi, vel in seculo viuendi regulas immutarunt; adeò ut prædicationis suæ efficaciam totam illam patriam ad pietatis frugem perduceret; eò tamen magis quòd omnibus æqualem, nec amplius Parentibus familiarem se præberet. Excipiendis confessionibus, aliorumque consultationibus applicatum, sæpius sine aliqua refectione nox depræhendit: Aliquando diu publice, ac priuatim iuuenum mores corripere, duo nobiliores se sacræ militiæ ascribere velle relicto seculo affirmabant; quibus ille Deo in Matrimonij statu seruire debere prædixit: Et licet ipsi tunc temporis religiosam vitam maxime ut securiorem præoptassent; postea tamen iuxta Viri Dei effectum aliud fuisse diuinæ voluntatis beneplacitum euentu probarunt.

Confirmavit quoque Deus serui sui doctrinam nonnullis miraculis; inter quæ D. Ferdinandus à Ponte adhuc infans filius D. Mariæ Ponze de Leon, laborabat pustulis puerilibus eo anno periculosis; ita quòd ipsum etiam ad vitæ extremam perduxerant: Accidit tunc S. Petrum cum socio illæ transire, ubi infirmus habitabat; vnde deuota Mater ad aliorum strepitum, qui pro more ad videndum Dei seruum vel

in plateas, vel ad fenestras accurrebant; ipsa quoque excitata præ foribus eum ad benedicendū morienti filio flagrantius inuitabat: Ipse verò dolori materno compatiens cubiculum egroti ingressus, eleuatisque oculis, ac manibus in Cælum ei benedictionem impertijt. Mirum factum, quòd illicò pustulæ minui ac siccari, febris deficere cœpit; non, deficientibus plurimis, qui virtutem Dei, ac sanctitatem, Serui eius summis præconijs publicam statim facerent.

Habitabat Alcantaræ pia mulier nomine Agnetis Vaez, cui similis spiritu ancilla seruiebat. Hæ sæpius inuicem spiritus sui fructus conferebant, timidæ nè ab animarum hoste illuderentur; dùm singularibus à Deo fauoribus se visitari indignas agnoscerent: Sed colloquijs, ac doctrinæ S. Petri confirmatæ, quòd virtutem vtriusque perspiceret, atque magni faceret, in eadem ipsis maximum incrementum addidit. Quadam die, egrediente domo sua S. Petro, deuotæ mulieres descendente e Cælo candidissimā Columbam cernebant caput eius circumuolitare, atque deinceps humero insidere, rostrum auri inmittere quasi secretum aliquod dictaturam; ac tandem ipso viam mutante oculos intuentium fugere. Quod etiam, cùm ab alijs maximo cum stupore videri contigisset, Deum S. Petri conciuibus virtutē eius manifestare; ac deuotis mulieribus doctrinæ illis dictatæ cœleste testimonium subscribere voluisse, attentius obseruatum merito fuit. Tandem quamplurimis pietatis suæ editis prodigijs, prædicationisque, ac conuersationis sanctæ collectis fructibus, ac consolatus suæ præsentis dulcedine Parentibus, S. Petrus omnium cum dolore, & lachrymis Patriam relinquit. Conducebat socium (iuuenem quendam Religiosum) Fratrem Ioannem à Neyra, qui multorum mirabilium Serui Dei conscius erat, atque postea in Prouincia Sancti Gabrielis insigni virtute inclaruit: Vtrique contigit iter Zarzam, versus ingressis aerem obscurari, atque tempestatem terribilem minari; ita vt socio timore præoccupato consiliū fuerit S. Petro reditum Alcantaræ suadendi, eò quòd non longè distarent, nec locus aliquis receptui occurreret. Qui-

bus vix prolatis, densa nubes validum imbrem effudit; & S. Petrus ad focium conuersus, *Transamms* (inquit) *fili; quia Deus nobis prouidebit*: Sicq; hoc longissimo itinere eos persequente tempestate, nè aquæ quidè gutta attigit; sed Zarzam, vniuerso Populo admirante, siccis vestibus ingrediuntur.

*Vocatus à Rege Portugallia, ibi varia operatur, ac inde regreditur. Cap. XV.*

**P**eruolarat oras omnes S. Petri fama, tam virtutibus, quàm miris operationibus adcrescens; adeò vt Portugallia Regem impelleret eidem Epistolam mittēdi, qua eius præsentiam postularet de quarumdā rerum piarum dubijs consulendi obtentu. Nuncius qui S. Petrum adiit, nullo ab eo alio responso accepto, ad Prouincialem mittitur; à quo illud accepit, vt secum S. Petrum de Alcantara conduceret. At verò ab ipso obtinere non potuit, vt pro tam longo itinere, commoditate aliqua vti vellet; sed nudis pedibus in Portugalliam pergens Vlyssiponæ priùs Conuentum S. Francisci, ac præsentiam Superiorum adiret. Non facilè est dictu quantum eius mora Religiosis huius loci consolationis, incrementique spiritualis addiderit; dùm exemplo rigidioris Obseruantia omnium animis perfectionis imitationem, instillaret. Hinc se ad Aulam Regiam transferre, atque à Rege, eiusque familia perbenignè habitus, varijs quaestionū difficultatibus soluendis, eidem illuminati sui intellectus, perfectæq; pietatis argumenta relinquere; publicante postmodum Rege maiora se in Seruo Dei virtutis experimenta fecisse, quàm fama vulgauerat: Vndè (quoties Regem vocatus accederet) Proceres, alijsque Aulici genibus flexis benedictionem ab eo petere, summisque cum honoribus afficere; ipse verò propter humilitatem animi cuncta molestè magis habere. Infans D. Maria sæpius eius colloquijs in, via spiritus erudita, tam eius confessionibus, quàm libri diligenti lectione, tanto pietatis desiderio aucta fuit; vt omni  
vani-

vanitate conculcata orationis, ac meditationis studia vnice amplecteretur; quibus omnibus peractis S. Petrus ad propria redijt.

Vix dùm in Conuentu suæ Prouinciæ ex itineris molestijs vires refecerat, cùm iterum ad instantiam præfatæ Infantis, procurante Rege, à Prouinciali in Portugalliam remittitur. Vlyssiponæ in Palatio Regio aliquot cubicula in modum Oratorij ipsi præparata erant; vnde deuotioni & Regis, & sororis commodius è propinquo adesset, & nè recusari possent à Prouinciali ipsius iam ante licentia impetrata. Itaque acquiescente S. Petro his, quæ à Superioribus in hunc modum disposita inuenit; ipse viuendi in Monasterio formam nunquàm dimisit, in omnibus diuinæ se voluntati committens. Celebrabat quotidie in præfato Oratorio magno cum accedentium fructu, dùm multi etiam Procerum tum deuotionis, tum melioris vitæ lucrum indè colligerent. Diei maiorem partem altissimæ contemplationi impendit, noctis cōtincinium secretis disciplinis referuans. Visitabatur intereà sapius à præfata Infante, quæ animæ suæ secreta ei aperiebat; tantumquæ in diuino amore profecit, vt nisi S. Petro validis argumentis dissuadente, ipsa tunc cunctis seculi pompis prorsus vale dixisset, quò Deo in aliquo Monasterio expeditior inseruiret: Sed asscurante eodem magis Deo placituram, si clariori exemplo toti Regno prodesset, in Aula remansit; votumquæ virginitatis seruandæ, ac obedientiæ S. Petro de Alcantara, aut proprio Confessario præstandæ promptissima emisit. Pro paupertate seruanda, quàmuis possessis non renunciaret, ijsdem tamen adeò parcè utebatur, vt in regali pompa atq; affluentia religiosæ modestiæ, ac parsimoniæ admirandum exemplar exprimeret. Ad S. Petri quoque monita Monasterium Discalceatarum, seu Parthenonem illustrium Virginū Vlyssiponæ dedicauit; cuius principia strictioris Regulæ S. Claræ professione à multis illustribus Fœminis exornata, postea ad nostra vsque tempora virtutis, sanctimonixque celebri fama inter præcipua Franciscanæ familiæ decora perseuerant. Nosocomium quoque



insigne, titulo misericordiae, prope imaginem B. V. de luce vna leuca Vlyssiponâ distantem construxit: Vndè his, alijsque plurimis pijs operibus munificentissima, natalium splendorem Regium pietatis Christianae gloria longè superabat. Non dispar S. Petro cum alijs Regni Magnatibus tam viris, quàm foeminis negocium fuit; inter quos eminebant præcipuè Beigantinus, & Auerensis Duces Virum summa reuerentia ac obsequio prosequentes, cum ceteri prædicationis eius efficacia conuicti, aut Religionis ingressu, aut morum correctione viuendi instituta immutarent.

Exortæ interim erant Alcantaræ irrecôciliabiles Ciuium discordiæ, quibus præcipuæ familiæ in partes tractæ in ruinam, atque excidium ruebant; frustra illarum reconciliationem intentantibus tam loci Gubernatore, quàm alijs auctoritate præstantibus. Id verò S. Petro vt primum renunciatum, eum ex Portugallia quamecituus reuocauit; vbi dùm omni industria, ac pietate adhibita partium efferatos animos emolliens, atque earundem consensu arbiter causæ constitutus mirabili foelicitate, cunctis congratulantibus, pacem Patriæ, concordiam Ciuibus restituit; hisque foelicitè compositis, ad suum Conuentum redire festinauit.

Declinarat iam dies, cum transeunti Zarzam vasta planities conficienda restabat; cuius solitudinem pertimescens socius imminentis noctis horrore, atque cibi, hospitijque defectu angebatur: Quos animi motus cognoscens S. Petrus, in apërto campo subsistere, socium blandioribus verbis confortare, & vt iactaret in Deum curam exhortari; deniquè flexis poplitibus humilem, ac breuem orationem in Cælum mittere. Ex quò euenit, vt anxius socius propè locum à S. Petro indicatum, aquæ dulcissimæ fontem, panemque candidissimum cum pisce elixo diuinitus prouisum inueniret. Cuius miraculi nuncium festino cursu ad S. Petrum statim referens, vterque ad fontem accedens; resecto corpore ille somni quiete, hic diuina cõtemplatione noctem faustissimâ transegerunt.



*Electio in Prouincialem, eiusque gubernium. Cap. XVI.*

**I**Nstante iam Capitulo Anni 1538. conuenere Fratres in Conuentu Matris Dei Alburquerquij; vbi S. Petrum de Alcantara vnitis votis, in Prouincialem elegerunt. Ille diu supplex precibus strenuè obnitens, cessit tandem omnium acclamationi; quæ eum tanquàm nouum Alcidem Religio- nis fulcimento deposcebat. Mox pastorali vigilantia addi- ctus, visitandæ Prouinciæ eum viuendi rigorem adiunxit; quem hætenus aut priuatus, aut Superior strictissimè obser- uauerat. Oppida, aut loca habitata accedens, prius Eccle- siam visitabat; mox receptaculum, aut tugurium aliquod petebat ignotum, quò hominum frequentiam, & applausum effugeret. In proprijs Conuentibus solita abstinentia con- tentus, Officij tantum munia, quæ pacem ac disciplinâ sub- ditorum promouerent, curabat; cætera pietatis solitæ stu- dijs impendens. Sicque bis eadem Prouincia visitata, postea se in opportunum quemdam Conuentum abdidit; vnde om- nium necessitatibus promptius prouideret, atque exemplo & exhortationibus sanctiorem seruandæ Regulæ formam & reduceret, & stabiliret.

Charitatis viscera erga omnes subditos aperiebat, suc- currendo modò religiosi fraternitatis officijs, modò ver- borum suauitate tristitias multorum subleuando. Infirmis præcipuè totum se dabat; dùm dolorum quasi partem sibi sumens fouendo, adiuuando, blandimentis atque exhorta- tionibus consolando, omnibus se Medicum præbere videba- tur, & medicinam. Quadam die agrotò cuidam Religio- so ciborū nausea, febrisq, ardore vires diuturnitate minue- rat; cùm eius sorti commiserans B. Pater propter amorem Dei petenti acetarium, proprijs manibus ex horto herbas collectas, atque conditas citius apponeret; has velut noxias improbantibus alijs, ipse in eius nomine (quo petitas attu- lerat) minimè nocituras certò affirmavit. Itaque quò ani- mum comedenti adderet, ipse quoque degustabat; donec

consumpto ferculo, stupentibus omnibus socijs, febrem reliquissè ægrotum, eumque sanum è lecto surgere vidissent. Vndè ipse Deo gratias summas reddere, quòd Charitatis suæ studium tam insigni euentu comprobasset; quem tamen ille (Humilitatis amans) apud alios patientiæ ægroti adscribere satagebat.

Inter Ciuitates præsentia, atque operationibus Serui Dei pluriès illustratas, vna Plasentia erat: Hæc tunc temporis dissentionibus quibusdam agitata multùm de aduentu eius sibi congratulabatur, futurum remedium præsentis mali ex præteritis B. Patris apud se gestis præaugurando; eò maxime quod quorumcumque aliorum hætenùs incassum diligentia abierat: Hinc accingens se ad partium animos delinendos, tantùm lenitate atque authoritate obtinuit; vt vnusquisque rationum suarum arbitrium S. Petro de Alcantara committeret faciliùs.

Erat in eadem Vrbe Religiosus prudentia atque doctrina percelebris, cuius componendi huius dissidij hætenùs omnis labor in vanum cesserat: Vndè non facilè sibi persuadès S. Petri de Alcantara authoritatem idem (vt narrabatur) obtenturam, quadam die in Ecclesia cum nobili Ciue desuper sermones miscens eum aduenientem conspexit, commotusque maximo desiderio virtutis eius experiendæ opportuno accessit: Cùmque vix colloquium cœpisset, sensit sibi tremulo frigidum quèdam sudorem erumpere, atque membra obrigescere; adeò vt tanquàm alicuius noxæ confectus se ad genua eius inflecteret deprecaturus, quòd nò pro merito virtutis eundem debita exstimatione fuisset profecutus. At humilis Dei Seruus eidem prostrato occurrit, opinionis vanitatem excusando, se eius orationibus commendabat. Conductoque in remotum cubiculum plurima spiritualis vitæ documenta vtiliter persuasit tanta efficacia; vt dictus Religiosus habita Superiorum licentia, secum generalem peccatorum expiationem fecerit, atque imposterum perfectiōnis religiōis studio insignis euaserit.

*Incipit Reformationem Prouinciæ S. Gabrielis, & fundas  
aliquos Conuentus. Cap. XVII.*

**A** Estuabat S. Petrus à multis annis desiderio corrigendi aliquos defectus, qui in Prouinciã hanc Sancti Gabrielis aliàs religiosam, contra perfectionis integritatem, irrepserant; idque iam Prælati autoritate, qua vigeat, facilius se consecuturum iudicabat; ni aliqua impedimenta, quæ tempori concedenda videbantur, consilium distulissent: Interea tamen optimas quasdam Regulas, quas communi omnium consensu approbandas aliquando nouerat, prudenti cautela componit; quas tandem opportuna occasione Congregationis cuiusdam capitularis celebratæ in Conuentu Sancti Michaelis Ciuitatis Placentiæ: quæ Dominica tertia post Pascha Anni 1540. celebrari præcepit. Patrum congressui, ac deliberationi explicauit. Hi verò vix perlectis, auditisque Constitutionum articulis, omnium nomine ob stare vehementius impossibilitatis, atq; inconuenientię arguendo; quò à proposito dimouere, aut feruori zelantis Patris frigidam affundere possent. At postquam ille deuoto, grauique orationis pondere omnium animos fortius pressisset, inductis ex sacris Literis, vtriusque obligatione argumentis grauissimis; conticuere omnes, atque in Constitutionum approbationem manibus, pedibusque promptiores iuere, qui prius animi obstinatoris videbantur: Vnde magnum tunc S. Petro gaudium accessit, statimque per omnes Conuentus cum paternali exhortatione, decreta publicari iubet, vt vsu inualescerent.

Habitabat Placentiæ nobilis Canonicus D. Andreas de Catena singulariter S. Petro deuotus, cuius Consanguineum quemdam exemplum B. Patris, à mundi illecebris ad Religionis asperitates summo cum seruire connitens, bona sua, pro Conuentu extruendo eroganda S. Petro exhiberet: Hac autem oblatione à Patribus congregatis accepta, locus in valle quadam solitaria iuxta strictioris paupertatis formam

construendus destinatur. Cuius fabricæ S. Petrus de Alcantara ipse adfistere, atque pietati benefactoris paria reddere adlaborans; Ecclesiæ, Conuentuique titulum Sanctæ Crucis inscripsit, ut gratitudinis etiam vice memoriam tituli Cardinalis Carauajal Romæ degentis reuocaret, quem Canonicus ille consanguinitate attingebat. Paulò post alterius ædificationi accingitur in Oppido Villæ Viridis Diocæsis Pacis Iuliæ, à quorum locorum ciuibus (dùm olim apud ipsos prædicaret) ad hoc opus inuitatus singulariter fuerat: Iuuit illud inter alios strenuè insignis Episcopus Ceptensis D. Franciscus Henriquez, tum eleemosinarum largitione, tum miraculosæ cuiusdam imaginis B. Virginis (quæ in Ciuitate Oliuentiæ veneratione singulari colebatur) donatione. Admisit quoque tertij foundationem in Villa noua del Fresno præter alios Conuentus, quibus breui suam Prouinciã notabiliter auxit.

Hinc appropinquante Capitulo Generali Annì 1541. Mantuæ indicto, B. Pater ordinata Prouincia, cum Custode Didaco à Chaues iter Barchinonem nudis pedibus inter hybernos rigores suscipit; ibique aliquandiù transeundi in Italiam opportunitatem operitur. Placuit diuinæ Prouidentię nè tunc in Italiam transfret, eum correptum febri remorari; quæ ex itineris incommodis, ac poenitentię rigore continuo causam sumpsisse censebatur: Vndè oblata traiectiendi occasione, nequè remittente febri, ipse voluntati Dei cedere; atque per substitutum sibi Religiosum P. Aluarum à Tauris, futuro Generali pro Commissario visitandæ Prouinciæ necessario, prouidè supplicare. Dein reliquis abeuntibus ille adhuc aliquo tempore decumbere, miraque patientia agritudinis molestias, perferre; quòvsque aliqua, conualescentię spe recepta, non integris satis viribus viam eandem, quã venerat, eodemque modo in Prouinciã repeteret; ita quòd quisquam alius mortis pericula adijisset, ni Deus singulari auxilio Seruo suo opè tulisse nosceretur.

Contigit in eodem itinere cum cum socio Ioãne de Neira ad locum quendam desertam noctu diuertere, in quo quicquam habere non poterant ad restitrandas vires præ-

ter orationis solatium, cui maiorem noctis partem insumpserunt; sequenti die viam iterum ingressi, S. Petrus (quàmvis conualescens) animo alacer incedebat, socius inedia deficere, atque aliquantulum tardior, & morosus subsequi. Hinc confecta quasi maiori diei parte, nec aliquo loco obitio in aperto B. Pater socij misertus ad orationis remediũ confugit, Deum deprecans; vt egentibus sibi gratiosè subueniret: Vix finierat, cum repente pulcherrimi pastoris specie Angelum se alloquentem conspexit, qui (nè animum demitteret) hortabatur, porrigendo etiam panem & vinum, quantum vtrisque sufficeret. Ille verò sui ipsius oblitus, hæc ipsa socio tradens, in partem cum nuncio ad familiare colloquium secessit, indè accedente socio, atque recedente Angelo, diuinæ Providentiæ miraculum hymno cœlesti à progredientibus celebratum fuit. Simile quid alia vice B. Patri euenit, cum Nouitios quosdam ad Conuentum Montis Cœli per arduam viam itinere vnius dici, sine vlla refectione conduceret: Hi, quia delicatè in paternis laribus educati penuriæ religiøsæ insueti, malè famem pati didicerant; animo, & viribus afflicti B. Patrem anxium reddiderunt, quomodò præsentī necessitati subueniri posset, cuncta vndique humana ope deficiente. Ille itaque breui quidem, sed feruenti oratione ad Patrem pauperum conuersus, mox vt post veprata quædam, loco proxima, diuinam liberalitatem requirerent; indicauit: Accurrebant citius iuuenes ad designatum locum, atque iuxta dictum S. Patris paratam suæ necessitati inuenere mensam. Quamobrèm stupore suspensū diuinam Providentiā, ac Serui sui virtutem collaudantes, in vocationis suæ proposito, & paupertatis altissimæ amore perfectius fuerunt confirmati.

*Absoluto Prouincialatus officio in Portugalliam vocatur, vt fundande Prouinciæ Arabide adssistat. Cap. XVIII.*

**I** Ngruente iam fine sui Prouincialatus cum maiori sollicitudine S. Petrus de Alcantara incepto Reformationis studio

studio instabat, constituendo Guardianos, Magistros Nouitiorum, aliosque Ministros in Conuentibus; quo zelo paupertatis altissimæ, atque disciplinæ rigidiori obseruantia inuigilarent. Intercâ redeuntes à Capitulo Generali Patres iussa noui Generalis P. Ioannis Calui attulerunt pro P. Ludouico Carauajal, vt Prouinciam Sancti Gabrielis visitaret: Quo nuncio propter insignem Viri virtutem S. Petrus exultans, eidem literas Generalis transmittere festinauit; & vt citius ad iniunctum munus accederet, inuitauit. Ipse verò ad Conuentum S. Mariæ in Villa noua del Fresno secedens, expensas Capituli exhibente loci Marchione, ibidem omnibus præparatis opportuno tempore, Religiosum P. Bernardum à Sancto Ioanne in Prouincialem eligi curauit, eique adiuncto P. Ioanne à Tappia, zelantis spiritus Religioso, Obseruantia augmentum ardentissimè commendauit.

His integerrimè absolutis iterum Vir Sanctus, tanquam, tyrocinia Religionis repetiturus, cunctis se humilitatis officijs dedicare; maximè verò omnem conuersatione cautiùs fugere operam dabat. Vndè prædictus Marchio, qui eius familiaritati hætenus assueuerat, tunc parciùs vti posse dolens partem sibi consolationis quandâ sumpsit; ex eo quod frequentius interesset cum cæteris Religiosis quotidianis Communitatis actibus, quibus S. Petri de Alcantara quoque præsentia fruebatur: Neque diù hanc solitudinis quietem Deus Seruo suo Petro permisit; dùm plurimorum frequentatione auocatus, Superiorum iudicio ad Conuentum Plasentia mitteretur, vbi saluti multorum consulere liberius posset. Ibi postmodum aliquot annis commoratus, multos ad Religionis professionem, plures ad melioris vite frugem conuertit: Idem in Civitate Caurij præstitit, ad quam à Prouinciali missus; Episcopo Viro illustri, ac deuoto D. Didaco Enriquez de Almanza, singularem & animæ consolationem, & pietatis incrementum attulit eiusmodi, quale ex infradicendis distinctiùs patebit.

Excolebat hoc tempore desertum montis Arabidæ in Portugallia Vir deuotus Fr. Martinus à Sancta Maria tam natalium,



lium, quàm virtutum splendore conspicuus, qui ex licentia Superiorum deserta petens, locum præfatum à D. Ioanne, de Alincastro Duce Aueriensi, Nepote Portugalliæ Regis, sanguine sibi coniuncto obtinuit; eiusdemque fauore à Generali Ordinis licentiam impetrauit, vt cum socio suæ Religionis ibi vitam eremiticam viuere posset. Huic deinceps socio alij succedentes, tandem præfatum Ducem induxerunt; vt scribendo Prouinciali S. Gabrielis S. Petrum de Alcantara sibi aliàs insigniter notum, ad hanc Societatem, instanter sollicitaret: Cui quamprimum Ducis desiderium innotuit (cum facultate Prouincialis sibi negocij arbitrium remittentis) ipse consilium statim cum Deo inire cœpit; dein cum Viro pietatis eximæ, vtique ac prudentiæ P. Ioanne ab Aquila ex Indiarum missione nuper reduce, vterque occasionem istam promouendæ Disciplinæ regularis approbantes, Anno 1542. iter in Portugalliam coniunctis animis libentiùs susceperunt.

Peruenere ad horridam speluncam, vbi Martinus degebat; atque ab eo humanissimè excepti, paulò post à Ducis quoque præsentia gratulationis officia receperunt. S. Petrus itaque solitudinis istius captus amœnitate, quæ asperitate, montis, atque libertate prospectus in propinquum mare cõtèmplandi studium mirè exstimulabat, dies, ac noctes in meditando, ac orandi exercitijs traducere, & si vnquàm antea, tunc maximè in poenitentiae feruore exardescere. Ex quo Fr. Martinus sæpiùs Viri austeritatem admiratus, ipsi Duci gratias referre non negligebat; quòd fouendo vitæ perfectioris desiderio tale sibi exemplar, simul & Magistrũ procurasset. Vnum tamen adhuc solitudini huic infestum videbatur, quòd Ducis familiares subueniendis necessitatibus Religiosorum assidui, & frequenti accessu illos turbare videbantur. Vndè illi quoque impedimento à Deo prouisum fuit; cùm plus quidam iuuenis, nomine Petrus Lagarto, locum accedens visitandæ imaginis Beatissimæ Virginis (quæ ibi colitur) causa, B. Petri colloquijs persuasus seculo se abdicans, ac sacco asperissimum induens, totum se seruitio



Religiosorum offerret. Qua occasione ipse ad Ducis Palatium pro petenda, atque alportanda elemosina necessaria commẽando; Fratres frequenti incurſu, familiares Ducis itineris molestia facilius liberauit. Tantę inſuper humilitatis, atque aliarum virtutum disciplina iuuenis ille imposterum profecit: vt post aliquod tempus Religiosorum Societati adſcriptus, inter celebres iſtius Cuſtodię Viros non poſtremus haberi mereretur.

*Creſcit hac Congregatio, & S. Petrus de Alcantara Guardiannus, & Magiſter Nouitiorum deſtinatur in Conuentu Paliæns. Cap. XIX.*

**I**Am fama aded rigoroſę vitę multos ad eundem locum, etiam ex Prouincia S. Gabrielis exciuerat; inter quos Pater Michael à Catena; & Petrus de Alconcher austeritatem, ac pœnitentiam S. Petri mirè emulabantur: Pluresq; illuc ex hac Prouincia confluxiſſent, ni prudentia Prouinciæ cauſiùs obſtiſſet. Intereà Ducis pietas de Religiosorum commodis anxia, cellas quaſdam anguſtas inter ſaxa, & rupes ex præſcripto S. Petri conſtrui curauerat; quarum omnium, vt ſitus aliquot paſſuum inter ſe diſtantiã habebat; ita materia rudibus ſaxis, ac duobus aſſeribus pro recto cõſtabat; illa verò, quam S. Petrus incolebat, cæteris anguſtior; vt vix extenſum caperet; adhuc à deuotis magna veneratione obſeruatur.

Forma viuendi huius Congregationis admiranda, dum pro lecto ſarmenta, aut nudę tabulę eſſent; nudis pedibus incedere; neque carne, neque vino vri: Sed nec piſces etiam ( niſi feſtiuis diebus ) quos deuotus Dux ſubmittebat, attingere; colloquijs ſpiritalibus animas contra tentationes inſtruere aſſueſcerent. Dein ad mediã noctem prior S. Petrus ſocium excitabat; cæterisq; ad diuinas Laudes congregatis, omnes ſimul diuinum Officiũ perſoluebant; atque poſt in oratione uſque ad horã Primę perſeuerabant: Tunc aliquis eorum, cæteris aſſiſtentibus, Sacrum faciebat; quo

quo perfecto ad suas cellas redibant, ubi varijs exercitijs intenti Tertiam expectabant. Hac hora iterum S. Petrus cunctos conuocare, vt Officio & Sacro solemni interessent; eoque peracto vel meditationi, vel honesto laboricio id temporis spacium impenderent, quod inter Vesperas & Completorium vacuum relinquebatur. Sicque nullum diei momentum totius anni decursu inter æstus, vel frigoris rigores, his pietatis studijs excolere prætermittebant.

Venit circa hoc tempus in Portugalliam Ordinis Generalis P. Ioannes Caluo, qui notitia, qua S. Petri virtutem perceperat, & precibus quoque Ducis Aueriensis sollicitatus; locum Arabidæ (quem Sancti illi Religiosi excolebāt) præfens inuisere voluit: Vbi cum cuncta diligenter perlustrando singulari admiratione approbasset, S. Petri humilitatem profundam commendans; Fr. Martino auctoritatem admittendi alios ad hanc Societatem indulsit. Primus autem (qui reciperetur) Socius ipsius Generalis fuit, qui mirè huius vitæ desiderio, atque verborum S. Petri suauitate illectus; permittente Generali in eadem solitudine cæterorum Institutum suscepit: At quia plurimi in dies ad hunc locum consuebant, prudentiæ P. Martini providendū erat; nè multitudine suscipientium habitum Eremitæ solitudo, ac quies solueretur. Itaque à Marchione Nisensi spontè offerente Eremitorium B. V. de Consolatione prope locum Paliens, obtinuit, vt ibi constructo paruo Conuentu, Nouitiorum educatio fundaretur; & vt eiusdem initijs S. Petrus & Guardianus, & Magister præficeretur.

Accessit igitur Vir humilis, ac obediens S. Petrus ad locum, quem Marchio sumptibus magnificis extruere; illi paupertatis strictissimæ formam excedere non volebat, continuo fabricæ summa sollicitudine assistens; sibi itaque cellulam Choro vicinam parare curauit, in qua horulæ illud spacium solitæ quietis nocturnam transigeret. Hic varios inimici insultus strenuè repellere, sæpius etiam (vt vinceret) pericula mortis adire; dum se frigidissimis aquis immergebat, aliasque crudeles carnis afflictiones suscipiebat, quod car-

nis petulantia subigerentur, & vires spiritus resurgerent. Hinc quia sæpius à Duce Bragantino sollicitatus, Vlyssiponam transcurrere cogebatur; Procerum ipsius Aulae delatos sibi honores vitare diligenter studebat; singularem tamen præ omnibus; Principum Dominae Mariæ Infantis, ac Fratris eius Ludouici, summam cum pietate venerationem declinare non potuit; eo videlicet fructu, ut vtrisque pietatis studia augendo, plurimis alijs illustria eosdem imitandi exempla formaret. Publicos vulgi applausus ea ratione eludere satagebat; ut in publica interdum via subsistens, seriò inter proiectas sordes, aut in luto tanquàm margaritas deperditas queritando; cætunculos colligeret, quos postea super habitum assutos, ut sui contemptum commoueret, talibus vecordiae signis apparere non verecundabatur. Neque idèò, quibus Viri sanctitas perspecta erat, fatuitatis opinio persuadebatur: Sed crescebat magis tum pietatis affectus, tum concepta de ipso tanquàm nouo quodam Apostolo existimatio.

*Rediit in Prouinciam Sancti Gabrielis & in locis Beluis,*

*& Oropesa mira operatur. Cap. XX.*

**I**Am à duobus annis à Prouincia Sancti Gabrielis abfuerat S. Petrus de Alcantara, cum plurimorum querimonijs compulsus Prouincialis cum reuocare cogebatur; ratus quoque tunc satis foundationi Prouinciæ Arabidorum prouisum, atque suæ conseruandæ magis necessarium esse. Quæ quidem obedientia accepta ipse promptissimè cuncta relinquens, condolentibus summis & infimis cum P. Ioanne ab Aquila, iterum ad propriam Prouinciam quantocius remeavit: Ibi summa omnium congratulatione exceptus, repente Belusum ire ad componendas quasdam discordias urgebatur. Voluit hac occasione Deus Comiti cuidam suo deuoto, affectus sui aliquam vicem reddere; dum laboranti in extremis S. Petrum adesse constituit; mortui verò virtutum merita, quibus sub tali Magistro profecerat, fama vulgabat:

gabatur. Imprimis humilitatem, qua se præceperat Vir illustris ad portam Fratrum Discalceatorum sepeliri; quamuis S. Petro funus curante, ad ingressum Capellæ maioris, decentius humaretur.

Indè consolata defuncti vidua, totaque eius familia ad Oropesam transiit; ubi cogente eiusdem loci Domino in Palatio, ex Superioris licentia, aliquandiu remansit; nec tamen idè otiosus hospitij quiete fruebatur, eò quòd (præter multarum animarum lucrum) ipsius Comitum, ac familiarum mores, quasi ad religiose vitæ disciplinam componeret. Præ magna deuotione, quæ omnes Virum sanctum, obseruabant, aliqui curiosiores experiri nitebantur, quibus præcipuè exercitijs noctis quietem transigeret; dum ultra sesqui horam non dormire intellexerant: Attentiùs itaque per ostij simulas orationem obseruantibus; interdum propius in terra, aliquando à terra subleuatus in aera, per aliquot horas sustineri; mox à raptu reuersus tanquam statua, in oratione immobilis tota nocte perseuerare, nisi dum se, vel noctis principio, vel ante diluculum flagris diu fruiſſimè cederet, cum stupore visus fuit. Post Missam è Palatio ad Eremitorium quoddam egressus, ibi interdum contemplatione diuinà absorptus, prandij tempus transigebat nemine eum audente ab extasi reuocare. Quod quidem eò gratius ipsi eueniebat, quòd speciosas mensæ lautitias euitans, victu suo quotidiano; pane nimirum in aquam calidam intincto, liberius famem arcere magis quàm extinguere præoptabat. Cum denique hinc abiret, omnes quasi incolæ eum persecuti summis honoribus benedictionem excipiebant. Inter hos, Collegij studentes (pro more) habitum osculaturi accesserant, ex quibus vnum S. Petrus seueriori vultu intuens, *Brevi vait, Religiosus fies*; quod ab omnibus oraculi instar acceptum; licet inuent nihil tunc minùs in mentem veniret, dum diuersum valde vitæ genus amplectendù sibi proposuisset: Attamen (Deo sic disponente) idem non multo post tempore, cunctis admirantibus Religionem ingressus, Beati Viri dictum adimpleuit.

Anno 1548. Dominica in Albis, præfente Generali Ordinis, nouus Prouinciæ Minister eligendus occurrebat; idèdque electores in duas partes diuifi, vna S. Petrum, altera P. Ioannem ab Aquila, vtique probatæ virtutis Ministrum acclamabant. Quorum votis vtrinque iteratis, immodò quarta vice persistentibus, & ambobus candidatis humiliter inuicem sibi cedentibus; consultum magis Generali visum fuit; tunc extraneum, videlicet Virum integerrimum ex Prouincia recollecta Conceptionis, P. Garciam del Castillo Prouincialem eligere. Quam electionem, quàmuis peregrinam, omnium tamen vocalium assensus approbauit; eò quòd arbitrio Generalis eam detulissent, sic ordinante, conuenientius Deo, quòd vterque aliarum Prouinciarum Reformationi, ac fundationi liberius intenderent; Arabidæ nimirum in Portugallia, sancti Iosephi in Castella, sancti Simonis in Galitia, & sancti Ioannis Baptiste in Valentia, vt alibi narrabimus.

*Vocatus S. Petrus de Alcantara in Portugalliam, Arabidæ initia firmat. Cap. XXI.*

**P**ost supradictum Capitulum, Beatus noster cum amicissimo suo Ioanne ab Aquila, ad Conuentum sancti Onofrij à Lapa aliàs à se habitatum secessit. Ibi vterque spiritu feruentes, ac præuicentia studiosissimi conferebant inuicem Reformationis cœptæ propagationem, atque incrementum. Erat autem hoc tempore in solitudine Arabidæ defunctus, magna sanctitatis opinione, Pater Martinus; qui Custodiæ suæ curam singulariter commendarat P. cuidam Andreæ Barellæ ex Algarbiorum Prouincia. At quia hic zelus multorum oppositionibus elangherat, consilio quorundam Religiosorum cum Aueriensi Duce, ac Principe Ludouico colloquio, in sententiam S. Petrum ex sua Prouincia reuocandi melioribus votis à cunctis itum est; quòd conseruationis instrumentum fieret, qui iam & fuerat instaurationis.

Itaque efficacissima ab his Principibus literæ ad S. Petri de

de Alcantara Prouincialera scriptæ fuere, quibus varijs congestis rationibus eundem pro publico beneficio pertraxerunt; vt veniendi in Portugalliam licentiam concederet. Qua licet ægrè à Prouinciali S. Petro impertita, mox cum P. Ioanne ab Aquila ad suscipiendum iter, commissequæ Prouinciæ onus foeliciter vtrumque compulit; dùm propriæ subtracti, alienæ ædificationi vtilius destinarentur.

Ambo hi Serui Dei omnibus gratissimi, in Portugalliam accesserunt; & S. Petrus de Alcantara prius in Arabida, post in Conuentu Paliaens rigidiorẽ viuendi formam summa prudentia, ac inuicto animo tam suis restituit, quàm contra amulos, ac turbatores perfectionis defendit. Aliquando singularibus Principum D. Mariæ, ac Ludouici instantijs ad Aulam transire coactus, ibidem multorum Nobilium pietati oleum infundebat suadendi lenitate. Interdum etiam magnum illum & doctrina, & spiritu Patrem Ludouicum à Granata (qui tunc fortè Vlyssiponæ morabatur) de rebus cœlestibus, ac proprio animæ suæ statu consulens, ei quoque ad aliorum conuersionem manus dabat.

Inter alios Nobiles S. Petro familiares vnus erat D. Ludouicus de Sofa, qui miranda Viri conuersatione illectus, ædificando Conuentum in loco Caparica animum applicuit, quò propinquiùs eo frueretur. Ideòque celerrimo opere, iuxta paupertatis formam perfecto ædificio, ipse S. Petrus de Alcantara cum paucioribus incolere cœpit; confluentibusque illuc, propter propinquitatem Vlyssiponæ, plurimis ex Nobilitate iuuenibus; quorum quidam aut Ordinis Instituto suscepto hanc Custodiam illustrarunt, aut integrioris vitæ documentis imbuti, alijs exemplo ac instructione in seculo notabiliter profuerunt: Vbi verò nimia se frequentia in hoc loco turbari agnoscebat S. Petrus, in Arabida solitudine abdere se conuenientiùs duxit: Ibi secum voluebat animo qua ineliori ratione augenda huic Custodix prouidere posset; eò quòd breui eam à se relinquendâ præuidebat: Itaq; prius P. Ioannis ab Aquila eminentes virtutes Proceribus Regni, alijsq; deuotis commendare; mox cum ip-



fo orationis assiduitate coniuncta, diuinam voluntatem explorare; vsque dum mutuo consensu, hic in Portugallia ad operis promotionem remanere; ille in Castellam ad maiora reuerti conuenissent: Ingratum quidem omnibus hoc consilium videbatur, propter desideratissimam S. Petri praesentiam, quam subtractum ibat; sed perspecta socij virtute suae parum dissimili, maior doloris pars hoc solatio leuabatur: Tantò magis quòd praedictus P. Ioannes Custodiae regimini affectu Religiosorum impositus, & his paternae Charitatis indicia, & secularibus Sancti ac prudentis Viri existimationem altissimè imprimeret. Postquam enim triginta annis summo zelo Religionis integritatem promouisset, in eadē Custodia magna cum opinione virtutis coelestis decessit circa Annum 1580. vt in Chronica Prouinciae Sancti Gabrielis notatum legitur; huiusq; beneficij authorem B. Petrum de Alcantara omnes concelebrant.

*Reuertitur S. Petrus de Alcantara in Prouinciam suam, & Guadianam transit, & mulierem à Demone deceptam conuertit. Cap. XXII.*

**R**Edijt tandem in Prouinciam S. Petrus Anno 1551. eo fortè tempore, quo Plasentiae celebrandum Capitulum erat; in quo (nè iterum Prouincialis eligeretur) validdis rationibus, ac precibus obtinuit. Alteri tamen Religioso virtutibus conspicuo, P. Francisco de Martiago ex illius consilio hoc munus delatum; vt & ipsum S. Petro primi Difinitoris officium datum.

Properandum erat S. Petro ad Conuentum Sanctae Margaritae de Gerez de los Caualleros, vt cum ceteris Patribus celebrationi festi Sancti P. Francisci adfisteret. Et cum in via circa meridiem accessisset ad ripam fluminis Guadianae, tunc maximè rapidissimi ob pluuiarum incrementa, diu cum vectore, de traijciendi celeritate contestabatur; illo periculū obijciente, S. Petro de Alcantara fiduciam in Deum persuadente. Vbi verò nihil nec precibus, nec ratione profici videret,



deret, animo ac oculis in Coelum erectis, compellatoque ad sequentem socio, suumque fidentius ingrediente. Stupendum profecto visus, quod pedes tantum amborum vnda regentes (spectantibus omnibus, qui rixae adstant) in oppositam partem salui transferunt; Vnde tam insigni miraculo, & fides in Deum iisdem aucta, & sanctitas Viri apud omnes clarior euasit.

Ad Comuentum igitur peruenientem, ubi interesse S. Petro necessarium fuit electioni Custodis miserendi ad proximum Capitulum Generale Anno 1553. Salmantica celebrandū. Vnde quia Vir magnae virtutis, ac prudentiae ad hoc quarebatur, qui turbatis rebus mederi, ac opponere se aetulis novae Custodiae valeret; nemo non S. Petro pro hoc tam fama, quam zelo primas concedebat, eoque libentius suum calceculum conferre studebat. Reluctanti itaque hae Prouinciae commissa, quam a zelo praedicationis auspiciatus quamplurimos, dum in Xerez moraretur, ad probiorem vitam perduxit: Inter ceteros vero nobiles tres Viros, qui virtutum exemplo conspicui, discipuli B. Petri de Aleantara vulgo vocabantur.

Occurrebat illi, dum viciniora huius Cultui loca praedicando percurreret, mulier quaedam a Demonio illusa, aut potius possessa; quae dum integra fama turpissima vitia obtegeret; aliquando Diaboli amore (iuuenis speciosi formae eam fallentis) misere deperibat, adeo ut fidei pignus etiam animam ei adscripserat, & quasi maritali secreto obstricta, libidines mutuas neque Confessario vnquam reuelandas sponderat. Indulserat aliquandiu sacrilegis his amplexibus misera, & diligenti obsequio infernalis pronubi custodita, Ecclesiam tamen, & sacra frequentando famam coonestabat.

Placuit diuinae Prouidentiae per illum locum transire Sanctum Petrum de Aleantara, ad cuius sermones accedere mulierem stricte prohibuit Malignus; casu vero quodam, vespere eidem cum alijs foeminis extra muros de ambulanti S. Petrus obuius, ab illis reuerentiae signum, ab hac for-

midinis cuiusdam recepit; Vndè eandem compellans singulari quodam impulsu accedere, proprius, atque ad familiarius quoque colloquium subsidere aliquantum persuasit. Hinc conscientiam eius cautiùs explorare, licèt pro more, nihil responderet indurata tunc magis aspectu falsi sui sponsi, qui retrò portam propinqui eremitorij signis misera silentium præcipiebat: Tunc feruentius inardescere, ac diuino lumine accendi S. Petrus videbatur; vt foeminae (quicquid hæcenus perpetrarat) obijceret, omnemque Aduersarij fraudem distinctius explicaret. Vndè ipsa tam diuina admonitione obstupescens quasi proprii criminis confusione obruta, ad pedes Viri sancti procidens in profusum planctum tota resoluitur; At B. Pater consolare eam magis, atque ad scelerum detestationem, & poenitentiae remedium, cohortari detegendo ficti illius iuuenis diabolicam illusionem, certumque diuinæ Misericordiae refugium. Quibus omnibus confortata mulier redeundi in crastinum conditionem, vt animæ culpas elueret, promptissima suscepit; atque quò securior imminencia pericula ab offenso sponso euaderet, sancti Viri preces fideiussores expetiit, ipsumque Aduersarium eiusdem imperio ad ima detrudi coram conspexit. Hac itaque ratione libera noctem quietam in conscientiae discussione transigens, sequenti luce ad S. Petri de Alcantara pedes accessit; vndè à maculis prioribus purgata, imposterum integerrimæ vitæ speculum insigne; celestisque virtutis viri præco fidissima recederet.

*Accedit ad Capitulum Generale Salmaticense, & inde reuersus Comitissa Oropesa mortem filij praedixit. Cap. XXIII.*

**P**ropinquo iam Capitulo Generali S. Petrus de Alcantara suæ prouinciæ Custos cum eiusdem Prouinciali Salamanticam adit, vbi mox omnium illustrium, præcipuorumque humanitate exceptus, etiam Theologorum insignium æstimatione colebatur. Quorum omnium singularis

de sancto Viro admiratio circa summum sui ipsius contemptum versabatur; dum in verbis, factisque eius nihil præterquam profundissima humilitas inter tot præstâtes Religiosos eluceret. Nec minori veneratione apud cæteros Prælatos erat; ita ut nouo Generali electo P. Clementi de Monelia percarus, ab ipso pro magno fauore P. Ioannem Alfarum Commissarium obtineret; qui aliàs Custodiæ eidem in conseruanda regulari Obseruantia plurimum profuit. Conclulso Capitulo, vbi corporis sui figura omnium Vocalium animis viuam sancti P. Francisci imaginem impresserat; se ad reditum parans, per literas Comitissæ Oropesæ ad eiusdem vxoris subsidium venire quamcitissimè euocatur.

Peruenit pijssimus Pater ad locum, vbi deuota Domina in varijs animi ambiguitatibus circa filij secundogeniti D. Ioannis statum fluctuabat; eò quod ipse electionis vitæ incertus, paternæ hæreditatis successionem incertam relinquebat: Quod vbi S. Petrus de Alcantara intellexit, quasi de futuro factus diuini consilij particeps; filium non imparẽ fratri primogenito, sed & maiorem futurum aliquando liberè prænuuciauit; ita ut Mater, authoritati magis Viri Dei quàm rationi apparenti acquiescens, omnem de hac re sollicitudinem protinus deponeret. Vrgente insuper eodem, ut vterque Coniux quancumque diuinæ voluntatis declarationem constanti semper animo fusciperent, consolatos reliquit.

Paulò post D. Franciscum, Comitissæ primogenitum ætate florentem, vita exire contigit; cui succedens D. Ioannes prædictus eius germanus, omnis à B. Petro prolatis veritatem cum omnium stupore stabiliiuit.

*Transit in Andalusiam ad instantiam Magistri Ioannis ab Auila, & in itinere quid mirum ei occurrit.*

*Cap. XXIV.*

**E**Rat hoc tempore prædicationis, mysticæque scientiæ doctrina percelebris Magister Ioannes ab Auila Sa-

cerdos secularis, qui in Betica Prouincia ob singulares habedores tamquam Apostolus eiusdem habebatur. Is perspecta S. Petri de Alcantara virtute, etiam miraculis comprobata; eundem, nè ad illam Prouinciã trãfuerendũ (pro magno Dei seruitio) molestias recuset, literis perhumanis instantissimè compellit. Cui non inuitus morem gerens S. Petrus, eandem Prouinciã ingressus tam negotio principali ad quod venerat, quàm multarum animarum lucro, quas yltiori curæ Magistri Auilæ commendarat, præclarum, studium fructuosè impendit.

Hinc ad propria reuersurus in Ciuitate Baza nobilis cuiusdam filium vndecim circiter annorum Parentibus diligenter commendans, insignem quandoque Dei Seruum, futurum præuidit. Quod quidem puer crescentibus annis, atque per manus S. Petri Ordinis habitum suscipiens, sufficienter comprobauit; dùm postea inter præcipuos B. Patris Discipulos virtutis laude inclaruerit. Indè iter profecutus magna tùm radorum Solis æstuantis, tùm viæ fragosæ, asperæque molestia vexatus; vicem magis socij anxius, eundem tùm siti, tùm lassitudine confectum, atque opem inuocantem ad pedes suos concidere conspexit. Qua spectaculi commiseratione confixus S. Petri animus, nullo tunc humano auxilio propinquo, hærebat; quando repentè erumpentem inter condensas arbores indomitum taurum, vterque animaduerneret, qui mugiendo, atque cornua vibrando ferociæ impetum in hos Dei Seruos intendere timebatur: At fortius perculsus socius metu, mortis exurgens, S. Petrum in syluæ latebras abdere sese compulsi; ibiq; præfati tauri tamquam mansueti agniculi passus subsequentes, ambo ad lãpidissimæ aquæ fontem mira Dei liberalitate perducuntur. Hoc præmium fiduciæ S. Petri de Alcantara in Deum singulare, hoc gloriæ eius maximum præconium, hoc socij mirabilius auxilium (omni humano deficiente) esse oportuit; vt ferocissimum etiam animal ostenderet diuinam prouidentiam orationibus S. Petri promptissimè, atque opportunè adesse.

# LIBER SECVNDVS.

Ab eius egressu ex Prouincia S. Gabrielis  
vsque ad foundationem Prouinciæ  
S. Iosephi.

*Obtinet Breue Summi Pontificis Iulij 111. pro stabilienda  
in alijs Prouincijs strictiori Obseruantia. Cap. 1.*



INGRESSVS iam Prouinciã suã S. Petrus de Alcantara ad finem Augusti mensis meditabatur animo solitudinem, ac quietẽ, hætenus tot excursionibus, ac negocijs vrgentissimis impeditam repetere: Cui iam immerfus sensit se ad maiora Deo obsequia præstanda eiusdem afflatu impelli. Et dum rigidiori disciplina pœnitentiæ austeritatem augens, atque orationibus feruentioribus diuina consilia exquireret; agnouit clariùs sibi propagandum regularis Obseruantie nitore proponi: Quam Prouinciã diuinis monitis excitatus, aggredi tamen sine debita authoritate non præsumebat. Itaque rem cum D. Roderico à Chaues amico, ac discipulo percaro conferens; eius auxilio pro Breui Romæ obtinendo, quo facultas necessaria concederetur, opportunè satis utebatur.

Dum hæc aguntur, celebratum fuit Capitulum Prouinciæ in Conuentu Mankarretes Anno 1554. die 4. Octobris; præfidente tunc temporis Commissario Generali per Hispaniã P. Andrea ab Insula: Hic perfectè virtutem, ac zelum S. Petri introspectiens, satagebat eum pro conseruatione rigidioris Obseruantie, iterum suæ Prouinciæ gubernio admoouere. Sed Deo alijs eum occupationibus destinante, inuentã fieri plurium vota in eligendo Prouincialem dignissimũ P. Ioannem à Spinosa iterato concurrere; ita vt quatuor-  
que

que industriam adhibuisset Commissarius absq; Vocalibus ; certò tamen constaret omnibus S. Petri electionem tunc voluntati diuinæ non placuisse .

Non longo post tempore allatum S. Petro de Alcantara fuit Roma Breue Summi Pontificis Iulij III. quo munitus Prouincialem Plasentix degentem accessit , eumque propositi sui , & Apostolicæ autoritatis participem facit . Qui rei nouitate turbatus , præsensit per absentiam S. Petri magni regularis Disciplinæ detrimentum imminere ; dùm eidem , in hac Prouincia & exempli , & doctrinæ suæ autoritatem , subtraheret : Suasit itaque intereà prudens Prouincialis , vt pij desiderij executionem in aliud tempus differret ; quò commodius tunc publico aliorum fructui ; & nunc priuato propriæ Prouinciæ stabilimento intenderet . Cui quidem suasioni acquiescens S. Petrus , Eremitorij cuiusdā solitudinem cum socio petendi licentiam intereà à Prouinciali impetrauit ; vbi vltèrius operis magnitudinem meditando , Reformationis suauiora media exactius disponebat .

*Vadit Cauriam , cuius Episcopus Eremitorium illi assignat ,  
in quo diuinos fauores experitur . Cap. I I.*

**N**On exiguo totius Prouinciæ mœnore S. Petrus de Alcantara Prouinciam relinquens , vadit cum socio P. Michaelè à Catena, fido suo Achate, ad Ciuitatem Cauriæ ; in qua à loci Episcopo D. Didaco Henriquez alibi nominato , eiusque germano Comite à Nieba singulari affectus demonstratione recipitur . Cœpit mox propositi sui arcana deuoto Prælato aperire, qui cupidum se, ac fauentem ostendens, promptissimè Ecclesiam solitariam prope Sanctā Crucem de Ceuolla faustis inijs obtulit ; placuit vltèrius locus, in quo tantum cellulas angustas cum horto construeret, quibus maximè, strictissimæq; paupertatis forma, quam restaurandam in Obseruantia regulæ proponebat, exprimeretur . Eadem quoque in victus acquisitione parsimonia erat, dum oblatas etiam à deuotis eleemosinas recusaret, contentus



tus abſtinentiæ ſuæ rigore, atque orationis diuinæ conſolatione nutriri. Ita vt ſæpius ſupernè conſolatus, cùm cellæ anguſtia eum capere non poſſet, in apertos campos excurrens amoris diuini ſaptibus veheretur in altum; & aliquandiu in colloquijs diuinis à terra ſuſpenſus herarat. Omnis eius ſupplicatio eò tendebat, vt diuinæ Prouidentię ſubſidium pro Reformationis augmento promptiſsè imploraret. Sed non diu ſibi ſoli relinquebatur B. Pater ſolitudinis quiete frui; quin ſæpè à Conite de Nieba, eiſque tota familia deuotionis officijs interpellaretur. Idem ab Epifcopo quoque fiebat, qui curæ Paſtoralis intermiſſiones aliquando cum Viro Dei in anguſta illa cella orationis, ac meditationis exercitijs commutabat; quibus ſe multum in pietatis affectu erga Deum, & ſpiritus ſeruore excitari, ac proficere agnoſcebat. Aliquando vterque in campum egreſſi, deuoto colloquio, ac meditatione ſine alia refectione, aut ſomno magnam noctis partem protrahebant: Interdum prope fontem loco propinquum, mirabilia Dei opera diſcutientes exte ardeſcebant mutuo zelo in proximi charitate procuranda. Hinc, vt S. Petri de Alcantara ſingularem gratiam teſtimonio aliquo firmaret Deus, placuit bonitate ſua fontis illius aquis curationum virtutem indulgere; ita quòd ad multas infirmitates, plurimorum deuotione, è longinquo conquiſita proficeret, & adhuc adſtructa eidem capella ſub nomine B. Petri de Alcantara, quamplurimos morbos mirabiliter expellat.

His pietatis ſtudijs intento maior animi ſtimulus ſuggerbat Crucis vexillum naſcentis Lutheri hæreſi omni ſtudio opponere, atque ſuæ Religionis pietate nouæ ſectæ impietatem conculcare; ita vt dum Fidei præconia illuſtria defectione hæreticorum maculabantur, ipſe alienis terris, ac gentibus Inſtituti ſui candore, atque Euangelica prædicatione eadem reſtituere ſummoperè adlaboraret: Inſtare itaque, ſeruentiùs orationibus, atque corporis ſauiffimis macerationibus; quibus ſtectere Deum conabatur, ſanctis fauere deſiderijs, atque iter (quod ad pedes Chriſti Vicarij Romæ, medi-



meditabatur) felici successu prosperare: quemadmodum  
cordis quædam lætitia præfagebat.

*Proficiscitur Romam, ubi impetrat Breue Summi Pontificis  
pro Reformatione. Cap. III.*

**C**ollata proinde interna mentis illustratione cum socio  
Michaelē, atque deuotissimo Episcopo, de itinere Ro-  
mam suscipiendo, ab utroque approbationem meruit; quæ  
vehementer impulsus cum prædicto socio quantocius pedes  
discalceatus, pro consuetudine, viam ingredi non dubitauit.

Post longas itineris molestias, quæ nunquam vitæ eius ri-  
gorem temperabant, Romam ingressus, visitauit sacra Limi-  
na Apostolorum, cæteraque Religionis nostræ veneranda  
monumenta. Mox negotio se accingens, validissimas Su-  
periorum Ordinis contradictiones offendit; quibus frustra  
tam virtutis, quam famæ fauore patrocinante, vnicum di-  
uinæ voluntatis præsidium opponendum relinquebatur. Ita-  
que cum varijs difficultatibus colluctatus, expeditissimum  
sibi remedium accedendi ad pedes Summi Pontificis amplec-  
titur. Huic supplex Reformationis propositum proponens,  
magis sanctimonie suæ, ac pij zeli specimen, quam negotij  
argumentum ex difficultatum obiectu suspensum, tunc tem-  
poris impressit.

At non idcirco intermittebat S. Petrus de Alcantara operam  
omnem supplicationibus ad Deum feruentissimis promoue-  
re, donec iterum ad osculum pedum admissus; singulari Põ-  
tificis beneuolentia consolatus Breue quoddam obtinuit,  
quo fundandi Conuentum, iuxta rigidiorē Instituti for-  
mam, atque à propria Prouincia separatum, quem cum alijs  
vitæ eiusdem cupidus incolere, atque propagare posset; fa-  
cultas concedebatur, ea licet conditione, vt Magistro Gene-  
rali Patrum Conuentualium subiaceret.

His ex desiderio succedentibus, diuinæ Clementiæ gratias  
debitas rependit; atque sine mora Magistrum Conuentua-  
lium accedens, ab ipso perhumaniter, atque officiosè iuxta

Apos-

Apostolicum diploma suscipitur: Cuius etiam curæ fuit S. Petrum literis commendatitijs ad suos; alijsque amplissimis facultatibus necessarijs communire. Quibus omnibus operis initia, ac prudentiæ existimatione corroborans Dei Seruus; ritè pietatis Christianæ officijs persolutis, redditum in Hispaniam summa animi alacritate ex more suscepit.

*Reuersus in Hispaniam varijs persecutionibus vexatur.*

*Cap. IV.*

**I**Am S. Petrus de Alcantara vix Eremitorio suo pristino redditus, Episcopo Cauriensi obtenta Romæ diplomata communicabat; cum insurgens in ipsum plurimorum maledicentia, constantiam eius, ac diuinam virtutem tot signis hætenus comprobata, nouitatis, ambitionis, fallacieque, calumnijs lacerare non dubitaret; ita vt non solum apud Religiosos, sed etiam Seculares (quibus carus habebatur) malam quandam de ipso opinionem latius seminare; vnde instigante maligno Spiritu, qui nouæ militiæ progressus pertimescebat, idèque impedimenta machinabatur: Quidam peruersæ mentis homines Sanctum Virum aggressi, varijs questionibus exagitarunt; & quàmuis suauiter & benignè responderet, iniurijs tamen atque verberibus inhumaniter eum onerarunt. Quibus omnibus ipse summa tolerantia, cedere, nec querimonie alicuius, vel signum edere auditus vnquam fuit. Commissarius insuper Generalis, qui in Prouinciam eius peruenerat; seuera correctione in eiusdè Prouincialem animaduertit, quòd ei exeundi è Prouincia facultatem concessisset; adeò vt voto etiam in proximo Capitulo priuaret. Neque hoc solum contentus S. Petrum quoque, quàmuis suæ authoritati exemptum, ad se vocauit: Qui (vt quolibet pro amore Dei pati mereretur) rationem sui indubitam redditurus accedere non recusabat.

Cum igitur ad Conuentum peruenisset Vir præclarus, totique Hispaniæ venerabilis, non solum Commissarij asperas, frequentesque reprimensiones summa modestia perferre; sed

& tyronis instar omnium dictoria, atque insultus profundissima humilitate, ac alto silentio premere; ita quod confusos, magis quam exasperatos, omnes relinqueret: Sed quia non par omnibus de hoc silentio iudicium erat, quidam Superiorem instigabant; ut obedientie imperio responsionem aliquam ei extorqueret, quam alijs innocentie fiducia continere videbatur. Unde tantum hæc obedientia effecit; ut semel, iterumque illa saltem verba submissa voce, ac gestu proferre auditus sit: *Patres, optime noui, hoc opus mihi Serno inuiti Domini mei minimè conuenire; Vos autem, si intelligitis non è re communi esse, satagite quantum potestis impedire.*

Hæc nimirum fundamenta ponebat S. Petrus ædificij spiritualis, quibus Reformationis ædificationem superstruere optabat: Humilitatis videlicet internæ, propriique contemptus inuictam constantiam; quod Ordinis sui Institutoris Seraphici principia iacentis, aut æmuleretur exemplum, aut reuocaret ad imitationem Patris filiorum remissos animos.

*Inter tot vexationes visus est à Christo & S. Francisco associari, atque mirabili extasi suspendi. Cap. V.*

**Q**Uanquam verò varijs his modis Sancti Petri propositum Sathanas turbare inuigilaret, potior tamen Deo cura erat, eius apud pros homines deuotionem propagando seruare; ita quod præfatus Episcopus Cayriensis primus diligenter sollicitaret, noui Conuentus fabricam incipere. Quam, licet in loco Eremitorij sanctæ Crucis, proprijs sumptibus offerret; tamen propter alterius Conuentus Sancti Marci de Altamira propinquitatem, S. Petrus de Alcantara excusandum prætulit. Erat autem amplior locus omnino querendus; quia prædictus nouos collegas non capiebat, ex quorum numero, P. Leo Vlyssiponenis, Franciscus à Galisteo, Franciscus de Melo, Petrus de Alconcher, Bartholomæus à Sancta Anna, & alius quidam Hispanus, qui Mediolanum transeunti Petro cognitus, inde ut familiæ suæ adscriberetur, accesserat; præter Canonicum quemdam Za-

morem eruditione ac quibus politem, omnes stridens  
vix nomina adplecendo, S. Petrum ducem, atque  
Magistrum sequebantur.

Migraverat tunc temporis à Ciuitate Plasentia Don Ro-  
dericus à Chaues aliàs nominatus, qui propter humilem  
vitam (quam ducebat) cognatis exorsus, cum tota familia  
in possessione quadam propè Oppidum Pedroso habitare  
elegit. Hic B. Patrem inuisens, fundando nouo Conue-  
ntui præfatam possessionem liberaliter obtulit; quam ille op-  
portunam satis existimans, Episcopo Caurienti eius donatio-  
nem sibi concessam annuntiavit.

Contigit aliquando S. Petrum Caurio ad Pedrosam veni-  
do, in itinere apud quasdam filias spirituales diuertere; &  
quia hybernæ niues totum obtexerant, vna Virginum caput  
eius discopertum admirata, atque querula obiurgabat pie,  
quod sibi in hac re iniquus videretur: Sed Viri Dei, *ne me-  
reris* (inquit) *filia, si ego in præsentia Dei mei capite discoperta*  
*incedo; cum terreni Principes, ac Domini Rege suo præseste, ca-*  
*pit tegere detrectant.* Quibus dictis aperta fuere puella men-  
tis oculi, vt conspiciere quoque exterius valeret, de qua  
præsentia loquebatur Pater; dùm stare medium inter Chri-  
stum Dominum, ac Sanctum Patrem Franciscum animadu-  
teret, licet tunc quidem secretum hoc apud se contineret.  
At postquàm obseruasset per fenestram abeuntem iisdem  
comitibus viam prosequi, illicò participem quoque sororem  
tàm admirabilis visionis facere non tardauit; quò ambæ  
deinceps rei testes forent, & clariùs magis intelligerent,  
cuius præsentiam reueritus S. Petrus de Alcantara caput se  
tegere non debuiffe affirmat.

Vix redierat ad Eremitorium, cùm sollicitè Auilâ euoca-  
tus Domine Giomara de Villosa benefactricis suæ præcibus  
libentiùs cederet; in hac proindè Ciuitate, obseruantibus  
eum vbiquè æmulis, singulari euentu meritum eius apud  
omnes inclaruit: Coactus enim à quodam illustri Viro nup-  
tiarum eius sollemnis adesse, quibus parem sibi vxorem du-  
cens, magno deuotionis affectu ex S. Petri præsentia coniu-

gij foelicitatem ominabatur; ideòque, vt renitentem pertraheret, Christi exemplo compellans obtinuit; vt indictæ nuptiæ Populi frequentia solemniores celebrarentur, & sancti Viri existimatio cœlesti fauore defensa contra plurimos eius obrectatores illustrior redderetur. Peracta etenim in Ecclesia Coniugum benedictione ad Domum Sponsi S. Petrus cum ingenti multitudine pergens, duos sui Ordinis Frâtres obuios habuit: Hi suggillandi occasionem aucupantes Guardianum Conuentus eius loci contra S. Petrum de Alcantara extimularunt, vt tanquàm scandalosum, & conuiuandi licentia dissolutum corripiendo diffamaret. Erat interea S. Petrus in loco conuiuij cubiculo cuidam inclusus, vt orationi ac contemplationi vacaret; cum repente duo Religiosi, obtentu alloquendi eum pro re graui, facultatem accedendi postulabant: Deducti itaque ad cubiculum, & aperto ostiò parùm absuit, quin radio quodam splendidissimo percussî progredi desisterent; ni curiositate calcar addente ingressi deprêhendissent Virum Sanctum altissima contemplatione absorptum, in alto sublatum herere. Quavisione confusi, nihil ampliùs præter virtutem S. Petri de Alcantara vbique prædicare, eiusque actiones omnes tanquàm diuino iudicio comprobatas tam in via, quàm in Conuentu summis præconijs celebrare sunt ausi; ita vt Guardianum ipsum in meliorem quoque de eo opinionem pertraherent. At serpente in Palatio extasis huius susurro, plurimi ad cubiculum videndi cupiditate concurrebant: Et quia toto conuiuij spacio perdurabat, gratior ea tunc S. Petro de Alcantara obtigerat; dùm epulas (quas auersabatur) euitaret, & existimationi suæ aptiùs consulere; sicque æmulis calumniandi causam ademit; deuotis verò actionum integritatem collaudandi, euident argumentum ministravit.



*Incipit adificare Conuentum Pedrosi, in quo diuina virtute varias difficultates superat. Cap. VI.*

**P**ostquàm Vir Dei Auilæ intentum suum Domino Ioanni Velasquez apud Imperatorem Carolum Quintum, gratiose, suoque filio spirituali communicasset; ipsius liberalitate pro fabricæ materia necessaria impetrauit, ceterisque expeditis Pedrosi reuertitur. Ibi Episcopi sollicitudine omnia prouisa, Comitis quoque Torresionis pietatem (qui ad inuiscendum B. Patrem illuc transierat) promptissimam inuenit, artifices operariosque sua sponte offerentis; adeo ut tot diuinæ Prouidentie subsidij ad foundationis initia inuitatus, fabricam Conuentus aggredi non dubitaret, quam proprio labore, ceterorumque Religiosorum diligenti auxilio breuissimo temporis spacio ad formam strictissimæ paupertatis expeditius absoluit. Diebus verò festiuis spirituali fabricæ intentus, in propinquum Oppidum ad prædicationis officium excurrere, tanta charitate abundabat; ut magnis, paruulisque doctrinæ Christianæ rudimenta, immò & legendi, scribendique elementa edoceret.

Nec cessabat interea malignus Spiritus operi huic infidias struere, cum commotis aliquot Religiosis cuiusdā propinqui Monasterij, eis apud Plasentiam Episcopum varias causas confingere persuasit; quibus fabricæ progressus turbarent. Inter has rigorem disciplinæ, quem in nouo illo Conuentu seruandum allegarunt, non diu duraturum insipienter prædicabant: Unde vocatus ad dicendam causam S. Petrus non solum aduersarij orā obturauit; sed & Episcopo facti rationem probando, iuuandi quoque promptitudinem elicit.

Diū pro hoc negotio Plasentiam in Domo nobilis Viri D. Didaci à Loaisa moraretur pro more noctū se flagris castigans, deuotum hospitem à somno excitatum tanta admiratione affecit; ut persuadere sibi ægrè posset corpus adeo extenuatum sine superna virtute tali tormēto sufficere: Duæ quo-



quoque sorores eius virgines Seruum Dei per ostij rimulas obseruantes, viderunt post brandi longissimum spatiū horris reliquum in altissima extasi consumpsisse. In hac quoque Domo morbo correptus, pietatem hospitis excusans, nullū etiam leuissimum fomentum admittēre vblebat; nisi vrgente socij obedientia modicum vini, propter debilitatem stomachi, aliudq; pharmacum ad arcendum mortis periculum degustassēt; ex quo etiam sensim conualuit.

Redeundo itaque Pedrosum per Alcantaram transijt; vt artificem quemdam fabrum, operi destinatum, secum conduceret. Quo cum socio in via relicto, ipse meditatione profundissima collectus intra se præcedebat vsque ad flumen, quoddam ex duobus, Alagone, & Marete propter illuuiem commixtum, atque rapidum. Hic dum alij transfretandi opportunitatem expectant, ipse sui oblitus tanquā solidam terram calcaret procedens, in alteram ripam saluus euaſit: Sed spectatores tam stupendi miraculi, cū nē quidem elambris transeuntem reuocare valerent; ad Deum conuersi miram eius in Seruo suo virtutem votis, ac condignis gratijs altissimē celebrarunt. Alij qui in opposita ripa, quō peruenerat, herebant; omnes ad pedes eius procumbere, manus & habitum deosculari, atque velut Sanctum aliquem ē Cœlo delapsū adorare non cessabant: At ille aliquandū post in se reuersus, obstupescere magis se in hoc loco tot hominibus circumdari, iam à tergo flumen, atq; socios in altera parte reliquisse; ideoq; supplici gestu corā omnibus diuinæ Potentiæ gratias referre, & ad eam laudandam deuotissimē prouocare; expectatisque itineris socijs, cunctis rei gestæ silentium humiliter commendauit: Deo tamen illam in cōfusionem inimicorum eius latius spargi, atque celebrari altius complacuit.





*De Conuentus noni fabrica humili, pietatisque officij  
feruentissimis. Cap. VII.*

**C**Um igitur redisset Pedrosum, inuenit quasi confectam Conuentus fabricam, tam angusta nimirum forma, vt ceteras à se in alia Prouincia constructas superaret: Vnde spirantium potius carceres, aut mortuorum sepulchra, quàm viuorum hominum habitacula à cunctis habebantur: Altare maius crate quadam rudi ab Ecclesiæ nauì diuisum, vix tantum spatij continebat; vt præter ministrantem Sacerdoti alterum caperet transeuntem. Interius claustrum figuræ quadræ latera longiora non habebat, quàm vt à duobus Religiosis expansis brachijs vtraque manu contingi possent: Cellæ vix supra hominis staturam portas habebant angustiores; quarum rationem quibusdam reddens S. Petrus de Alcantara: *Fratres, inquit, incolæ earum Mundo defuncti sunt; & ut distant, quàm angustus sit ad Cælum aditus, per has portas intrandum se recordentur.*

At beati Viri cella paupertate, atque capacitate ceteris inferior, repositorio similior videbatur; cum sub scala quadam posita non nisi incuruo corpore integrum admitteret. Reliquæ quotquot erant officinæ, eadem angustia contrahantur; sic quod totius Conuentus ambitus cum Ecclesiâ, quæ maiorem partem occupabat, pedes 32. in longitudine, 28. in latitudine non excederet.

Absoluto itaque opere Templum Immaculatæ Cōceptioni Beatissimæ Virginis dedicare intendens, D. Rodericum à Chaues consuluit; vt reposito in Altari maiori Sanctissimo Sacramento, imago Virginis indicto die venerationi publicæ exponeretur: Concurrunt itaque vndique ex vicinis Oppidis Populi ad solemnem processionem, necessaria ministrantibus D. Roderico, & Comite Osornij; sed quia loci angustia intra Ecclesiam paucos admittebat, ceteri præ foribus diuinam Prouidentiam depredicabant, quod Apostolici Instituti Virum pro omnium ædificatione ad se misisset. Ipse

Dei

Dei Seruus S. Petrus de Alcantara Deiparæ tutelæ familiam suam, ac Instituti augmentum commendans, cunctos diuinis mysterijs reficiebat: Hic postea cum socijs virtutis probatæ vitam arctissimam ducens, victu tenuissimo panis, & leguminum, orationum, officiorumq; assiduitate continua, disciplinæ rigore intentissimo, paupertatis moderamen viuendi austeritate superabat; ita vt Seruus Dei Ioannes de Alburquerque non dubitaret asserere Conuentus huius normam viuendi, nè puncto quidem cessisse austeritati, quam S. P. Franciscus huius Ordinis Institutor, olim cum socijs seruasse memorabatur.

Fruebatur interea B. Pater spiritualibus illis delicijs, quibus desideria sua exaudita Christo Domino accepta ferebat, cuius amore quotidie inflammatus magis, affectus ardorem etiam in medijs aquis hyberno tempore se immergendo per aliquod temporis spacium temperare, sæpius conabatur; & si quod tormentum sentiret, id memoriæ illius spatij (quo in Cruce Redemptor culpas nostras soluit) patienter offerrebat.

Ex multis Nobilibus, qui S. Petrum de Alcantara ex Aula Madritensi inuisere solebant in hoc loco, præcipui erant D. Ferdinandus Henriquez patruus Admirantis Castellæ cū alio illustri Viro D. Didaco Suarez; vterq; Conuentus atque vitæ consideratione compuncti, colloquijs etiam Viri Dei ad meliorem frugem conuersi, propè ipsum habitationem eligere proposuerunt; quò frequentius eius conuersatione fruerentur. Idem alijs multis contigit, qui postpas seculi in hac commentatione mortis aspernari discebant.

*Eligitur Commissarius Generalis pro Reformatione.*

*Cap. VII.*

**B**icennium iam effluxerat, à quo S. Petrus de Alcantara vi Breuis Iulij III. à Prouincia S. Gabrielis separatus, Reformationi curas suas impendebat; quam intra annum in duodecim præcipuè Religiosis, qui secum Pedrosi cohabitabant,

bant, finisse se summopere gaudebat. Angebatur tamen maioribus desiderijs eandem perfectionis normam, ad alios proferendi, vt cum eiusdem disciplina, zelus quoque animarum apud seculares promoueretur; quod vtrumque, dum diuinæ Providentiæ instantius cōmendabat; cōplacuit eidem Beati votis, viam quandam aperiendo, respondere.

Fuerant ante paucos annos egressi ex Prouincia Sancti Gabrielis duo pietate insignes Religiosi, P. Ioannes Paschalius, & P. Alphonsus de Manzanete; horum prior Regnum Galitiæ pertransiens, tres Conuentus autoritate Apostolica, fundauit; alter Eremitorium quoddam prope Eremum Lorianæ, sub titulo Sancti Isidori liberalitate D. Ioannis Velasquez de Auila; qui (vt dictum alibi) B. Petro maxima deuotione adhebat. His verò quatuor Conuentibus superistendebat, ex commissione P. Magistri Generalis Conuentualium, P. Ioannes Paschalius; qui dum ex uisitatione Conuentus Lorianæ in Galitiam reuertitur, supremum diem clausit in itinere.

Illo itaque defuncto, ne prædicti Conuentus detrimentum aliquod caperent, instantibus quibusdam Religiosis zelantibus apud Commissarium Generalem Conuentualium P. Antonium à Sancto Quirico, consulente quoque D. Ioanne Valasquez, ad S. Petrum de Alcantara relatū fuit; vt suo Conuentui ceteros in Galitia coniungeret; Cui ille propositioni post longas ad Deum supplicationes & cum Fratribus suis maturas deliberationes, ea conditione assensum præbuit; vt ex omnibus Custodia quædam titulo Sancti Iosephi erigi deberet, & quod P. Antonius à Conceptione Lusitanus Custos, eidem Præfectus Romam adiret; ad referendam P. Generali Conuentualium rerum gestarum seriem, qua perspecta Superiorem destinaret, cui loco defuncti P. Ioannis, Reformatorium Conuentuum supremum regimen committeretur.

Itaque cum iam prædictus P. Antonius Romam perueniens Generalem non inuenisset, illicò Pauiam secutus negotij sibi commissi partes egregie expleuit: Ille verò prouida cura cunctis respondens, S. Petrum de Alcantara suo lo-

eo Commissarium in Hispanijs nominauit; cui prædictis Conuentibus reformatis præesse, atque alios ædificandi, ubi occasio ferret; Regulæ insuper Obseruantia promouendi amplam facultatem concessit. Quod quidem contigit Anno salutis millesimo quingentesimo quinquagesimo sexto.

His tandem facultatibus ad S. Petrum Pedrosi commorantem perlatis, prius illas Deo super Altare cū gratiarum actione obtulit; mox cæteris Fratribus comunicando cœpti operis successum, diuinæ Largitati commendandum feruenter inculcauit: Eò validius quòd sibi licet impari, nec tale quicquam præsumenti, Generalis spontè id muneris imposuisset. Mox ad Conuentum Lorianæ transiens, ad reliquos in Galitia literas paternales transmisit; in quibus suæ visitationis spe omnes illos Religiosos consolabatur.

Lorianæ à P. Alphonso Charitatis visceribus exceptus, epistolam quandam querulam à Comite de Oropeza recepit accusantem eum derelictæ commoditatis, qua vbique in suo Dominio fundandi nouos Conuentus iam pridem potestatem obtulerat; & quòd plurimorū deuotorum vtilitati spiritali subductus, externorum magis culturæ, quàm familiarium sese addixisse videbatur. His alijsque intimi affectus expressionibus prudens Commissarius occurrens, literis non dissimilibus pietati Comitæ gratias reddere, negocij grauitatem exponere, seque quantocius, omnium desiderijs satisfacturum promittere (Deo fauente) non neglexit.

Postea in Galitiam progrediens, trium illorum Conuentuum Religiosos quosdam animo languentes erexit, alios præteritis post obitum Superioris tribulationibus dispersos collegit, alios in rigoris Obseruantia titubantes confirmauit; deniquè omnes & paternali prouidentia, & fraterna consolatione suauiter sub suum patrocinium recepit: Adidit quoque normam quandam viuendi illi, quæ Pedrosi vigeat, persimilem; cui etiam seruandæ Magistros acciuit tres illius Conuentus Religiosos prouectiores, quos in singulis Conuentibus Superiores constitueret; inter quos Patrem Michaelē à Catena socium suum antiquiorem,

pri-

primario loco Guardianum destinauit.

Nequē interea super his tam prosperè S. Petro succedentibus, æmuli intra se fremere desistebant, atque frustra se opponere existimabāt Viro famoso; cui principaliores Hispaniæ deuotione, Generalis, alijquē Superiores Ordinis cum ipso Ecclesiæ Capite Summo Pontifice singulari fauore adherere visi fuerunt. Cuius ipsa diuina Voluntas optimam intentionem, animarumque zelum prodigijs, atque signis manifestis mirabiliter sæpius declarare, & velut confirmare agnoscebatur; adeò vt aduersarijs spes omnis impediendi operis præclusa hanc tantum vanam præsumptionem suggessit, asperitati Instituti, virium, voluntatumque imbecillitatem succumbere, atque Societatis constantiam à temporis vicissitudine dissolui posse. Quod an aliquando pro voto malignantium successerit (Deo aliter rem suam moderante) ex his, quæ serie hac nostra narrabimus, euidentius perlegentibus constabit.

*Fundat novos Conuentus, & reuocat ad vitam Comitum à Morata Adolescentulum. Cap. IX.*

**R**euerso tandem ex uisitatione Pedrosam, superuenit cōfestim Comes Oropefæ; vt priorem quærimoniam repeteret, instando vehementius pro fundatione alicuius Cōuentus in Dominij sui districtu: Vndè B. Pater (quò pictati Comit' obsecundaret) Oropefam secum transcurrens, nec ibi situm commodum inueniens, quem segregatum atque solitarium querebat; ad propinquū Oppidum perrexit duodecim miliaribus indè distans. Hic antiquum quoddā Eremitorium, ædificandæ domui suis Religiosis conueniens designauit. Dein non longè illinc paruam Ecclesiam dicatam Sanctissimæ Virgini à Rosario, vicinorumque deuotionibus frequentatam, cuiusque adiacentia rudera antiqui cuiusdam Monasterij à Templarijs relictæ obseruans; velut commodissimum locum à frequentia remotū struendo Conuentui destinauit promptius: cuius ædificationem deuotissimi Bepe-

factoris commendans munificentiam, nè formam strictæ paupertatis excederet; vnicè, instantissimèq; supplicauit.

Dùm his negocijs S. Petrus de Alcantara occupatur, accidit magni eius deuoti Comitis Osornij filium ægritudinis vi ad extrema redactum à Medicis derelinqui; in quo doloris sensu nil magis pium Patrem afficiebat, quàm S. Petri absentia, ad quem pro tribulationum suarum leuamine sepius recurrere pro summo solatio habebat. Itaque quamprimum Pedrosus rediisse suspicabatur; per nuncium, vt ad morientis filij transitum accelerare dignetur, ardentissimè efflagitat: Nec tardus obsequio S. Petrus iter arripit; quàmuis ob loci distantiam, vbi habitabat Comes, illuc venire nisi defuncto filio præpeditur.

Ad eius aduentum renouatus dolor Patrem cum coniuge ad pedes prouolui obstrinxit, vitamque filio expostulare, quam Serui Dei meritis à Deo impetrari posse non diffidebant: Ad hæc tunc S. Petrus diuina inspiratione comoueri, locum (vbi Adolescens iacebat) ingredi, pronusque in terram ad orationem prosterni. Hærebant cuncti ad tam celebris Viri ingressum, & quòd fama conceperant de virtutis eius efficacia, aliqua nunc experientia comprobatū iri existimabant: Tunc ille exurgens super cadauer se extendere, atque os ori, pedes pedibus, pectus pectori applicare; vt sic factum antiqui illius Prophetæ reuocaret ad memoriam. Et postquam aliquantulum immobilis in hunc modum mentes in Deo suspensus hæsisset, stupentibus cunctis surgente ipso, atque recedente visus est Adolescentulus sensim pedes, manus, oculosq; mouere, donec spiritu omnes partes permeante, viuus è feretro exurgens ad benefactoris præsentiam gratulabundus primus accurreret; mox adstantes cuncti cum Genitoribus diuinam misericordiam ad genua S. Petri collaudare tam vocibus, quàm lachrymis non cessabant; quam ille fidei ipsorum, atque Parentum deuotioni adscribere diligentius studebat, atque vt redditam à Deo vitam eiusdem seruitio impenderet; fideliter hortabatur: Hac ratione, cum omnibus satisfecisset, seipsum quamecitius per mediam



consequentium undique turbam fugiendo ad Conuentum subtraxit. Miraculi fama, Deo operante, in remotissimas etiam partes perlata liuorem inimicorum sanctitatis eius merito manifestius retundebat.

*Conuocat primum Capitulum, & Deo inspirante vadit ad Ciu-  
satem Auila, ubi ad eius aduentum Cometa in Celo  
visus est. Cap. X.*

**V**ulgata iam per vniuersam Hispaniam fama authorita-  
tis S. Petri de Alcantara, qua admittere ad suum In-  
stitutum Religiosos ipsi concessum erat; plurimi tam ad ip-  
sum, quam ad alios eius Conuentus Religionis causa con-  
uolare visi sunt, ut relictis Mundi illecebris contemptus sui,  
ac paupertatis studium serio amplecterentur. Itaque ille,  
ut suo regimini cautius prouideretur, conuocandum Capi-  
tulum necesse iudicauit ad Conuentum Lorianæ; quod se trans-  
ferre parabat; cum euocatus ab Episcopo Pacis Iulix, il-  
luc prius diuertere ad magni inter Ciues dissidij compo-  
sitionem compellitur: Hac autem foeliciter absoluta iter pro-  
sequitur alacrius tota in Deum contemplationis acie erecta;  
ita quod nec excessiuis æstiuis caloribus, nec vix lassitudine  
fatigatus deficeret, multis passibus socium suum præcedens.  
Occurrerat ei, non longè à Pace Iulia, Dux Lermæ cum alijs  
quibusdam Proceribus; qui nec curruum strepitu, quibus  
vehabantur, nec salutationum compellatione ad se vocare  
poterant transeuntem: Itaque subsequente socium de  
causa interrogando, intellexere solito mentis excessu, non  
inurbanitatis vitio id euenisse. Vnde Viri sancti nomen ma-  
gis venerari, atque altius virtutis existimationem animis  
suis imprimere didicerunt. Peruenit tandem ad Conuen-  
tum Lorianæ, ubi opportuno tempore celebranda Congre-  
gationis, Fratribus normam quandam viuendi satis rigoro-  
sam præscribens (quam omnes probarunt) super omnia  
paupertatis obseruantiam strictissimis præceptis inculca-  
uit.



Sic ordinato gubernio redijt ad solitudinem Pedrosi, vbi quietem animi orationis solatio, alijsque exercitijs distinguens, in spiritu cognouit, quæ Sanctæ Theresiæ in Ciuitate Auilæ accidebant; nullo enim vocante, aut Deo singulariter impellente illuc transire visus fuit, vbi Sancta illa tunc temporis maximis animæ turbationibus angebatur; quemadmodum singulariter in Theresiæ vita obseruauit Illustrissimus Episcopus Turiasonensis D. Didacus à Yepes. Erat tunc S. Mater Theresia in Monasterio Incarnationis Carmelitarum Calceatarum varijs spiritus angustijs agitata; ita vt quo maioribus è Cœlo fauoribus visitaretur, tanto intricatioribus doctorum Patrum spiritualium dubijs, atque iudicijs inuolueretur, iudicantibus nimirum famulam Dei non à bono genio agitari; sed potiùs falli: Ipsa verò præ sua humilitate ac modestia verebatur mentis illustrationes diuinas contra aliorum obiectiones & dubia, velut certas defendere; idè eligebat magis (permittente Deo) euentum foeliciorem tolerantia anxietatum animi expectare. Id quod verè cum aduentu S. Petri de Alcantara, de quo scribimus, quàm prosperè successisse, sequentia gesta demonstrabunt.

Vix portas Ciuitatis ingressus erat B. Pater, cum in medio die Cometa insolitus visus est omnium oculis Solis splendorem æmulari; ita vt rei nouitate stupidi Ciues causas inquirere, aut significationes diuinare curiosius studerent: At cum S. Petrum de Alcantara aduenisse intellexissent, omnes ad eum concurrere, atque noui astri apparitionem eius aduentus prænunciam esse, ingeniosius interpretari. Nec fortè falli videbantur; eò quòd dum ipse Auilæ manebat octo dierum spacio nunquam Cometes defecit, nec nisi ipso abeunte ille recessit; tam insigni videlicet prodigio Serui sui meritum Deo velut illustrante.

*Alloquitur S. Theresiam, eamque de Spiritus sui rectitudi-  
ne certiores reddit. Cap. XI.*

**M**Orabatur in Ciuitate Auilæ deuota quædam mulier D. Guiomar de Vlloa filia spiritualis S. Petri, cui sæpius S. Theresia animi sui afflictiones communicauerat; hæc audito S. Petri de Alcantara aduentu, Theresiæ eius colloquium efficaciter suadet, id approbante quoque eiusdem Confessario; eò facilius quò iam dudum Viri sanctitas omnium vocibus celebrabatur. Ex licentia itaque Prouincialis Theresia ad Templum quoddam deducitur, vbi S. Petrus eam operiebatur. Hic D. Guiomar, quæ Sanctam sequebatur, non obscurè ex vtriusque inutua familiaritate iudicare potuit, Spiritus Theresiæ bonitatem S. Petro de Alcantara probatam fuisse; quemadmodum ex rei gestæ narratione per ipsam Sanctam facta clariùs constabit; sic ergo illa, cap. 30. vitæ suæ.

*Quando ego, meliori quo potui modo, declarabam ipsi orationis meæ studium; tunc Sanctus Vir magnam mihi lucem dedit in omnibus, præcipuè quæ ad visiones pertinebant, quas (cùm non essent imaginariæ) intelligere non poteram, quomodò anime imprimerentur sine vlla corporei sensus operatione, quam solam noueram; quàmuis non haberem. De omnibus autem distinctè me instruxit, asseuerando nullam in his illusionem interuenisse, monendo utique; ut Deum laudarem, eiusque gratia respondens de certitudine earum fidem securam, ac inauditatam haberem. Ipse porro sùtis à me solaty accipere videbatur, cùm me varijs fauoribus oneratam, suorum quoque negotiorum participem faciebat; eò magis quòd valdè applauderet meorum desideriorum seruori, quo ipse iam longa experientia exercitatus fruebatur. Non enim maior consolatio spiritui cupienti magna accidere potest, quàm communicare posse cum alio, qui eodem illustratus lumine mutuat quandam rerum celestium reddere potest intelligentiam; quàmuis mihi videbatur me nondùm tam sublimium rerum principia attingisse, per quæ tamen seruari mihi à diuina pietate humiliter sup-*  
pli.

plico: Summè autem mihi compatiēbatur super eo, quòd diceret nihil potuisse cōtingere laboriosius, quàm illas contradicētes optimorum pati, à quibus multum adhuc ferendum restabat; & quòd non erat in Civitate, qui me intelligeret; ideòque locuturum recepit cum meo Confessario, alteroque illo Nobili coniugato, qui mihi maximas molestias afferebat; eò quòd me studiōsius coleret, & Deo tota mente adhaeresceret. Quod etiam præsistit Vir Sanctus, utrique rationibus persuadens efficacioribus; ut omne dubium deponendo, ampliùs mihi molesti non fierent. Quamvis autem Confessario id faciliùs persuaderet; à Nobili tamen illo difficiliùs obtinuit, nè mihi tantos metus obijciendo, pusillanimitè redderet. Hactenùs illa.

Certiores facit Confessarium Theresia; aliosque de eius sanctitate. Cap. XII.

**N**ON contentus S. Petrus de Alcantara Theresiam consolatam reliquisse, expediens existimavit, ulterius Patres eius spirituales, aliosque deuotos de spiritus eius sublimitate, atque diuinæ gratiæ donis securiores reddere; quo impòsterum instructis scrupulis metum ei incutere, desisterent. Itaque Confessarium eius P. Balthasarem Aluarez Societatis Iesu fortioribus rationibus eò perduxit, ut impòsterum Sanctæ consolationes cœlestes, suis quoque exhortationibus animaret ad sublimia. Idem quoque cum D. Francisco Salzedo efficaciter præsistit, nè ampliùs Theresia spiritum illusionibus tentatum pertinaciùs defenderet; sed magis cœlestibus fauoribus elenatum, rectius in tuto versari sibi persuaderet.

Episcopus D. Aluarez à Mendoza auditis aliquot Doctorum iudicijs, sibi quoque persuasum habebat Sanctam illusionibus tentari; donec argumentis B. Patris in meliorem opinionem pertractus, sanctitatem Theresiæ clariùs agnosceret, atque Deo acceptam religiosius coleret. Idem cum alijs S. Petrus effecit, qui Sanctam varijs molestijs, & calumnijs vexatam impòsterum autoritate eiusdem in summo

honore, ac veneratione habere, virtutesque eius, ac gratias diuinas debitis præconijs celebrare cœperunt. Hinc quantum tam famæ atque exultationis, quam quietis animæ S. Matris Theresiæ ex S. Petri de Alcantara testimonio accesserit ipsius Turiafonensis Episcopi narratione melius declarari videtur; cum ita scribit: S. Fr. Petrus de Alcantara, *Vir sublimis spiritu & oratione, qui sua industria & labore reformauit, & ad perfectiorem statum reuocauit Discalceatos S. Francisci: Vnus fuit ex his, qui familiaris Sanctam Matrem tractarunt; & qui clarius introspectis spiritus eiusdem excellentiam, & vita innocentiam. Ipse fuit, qui sua autoritate, & ratione Episcopum conuicit, atque in Sancta fauorem conuertit: Tantam namque opinionem S. Fr. Petrus de Theresia conceperat, ut assensu pradicaret, animam ipsius unam esse ex maximè acceptis Deo, & infra fidem nihil certiùs habere, quam spiritus eiusdem bonitatem. Vnde quoque, diligentissimè, eidem in omnibus tribulationibus, atque foundationibus suis auxiliares manus porrigebat; Hactenus Episcopus. Neque dissimile testimonium, edidit P. M. Fr. Didacus yBannez Religiosus Ord. Prædicatorum percelebris, & cui per sex annos Sancta Theresia, confessâ sæpiùs serenitatem animæ suæ, post colloquium, cum S. Petro de Alcantara habitum, liberius manifestarat.*

*Vocatur ad Aulam Vallisoletì residentem, de his que ibi contigerunt. Cap. XIII.*

**R**euersus iam Pedrosus S. Petrus de Alcantara ad inspicendos nouos Conuentus, quos construebat Comes Oropesa, perrexit; timens nè fabricando magnificentius modum iusta paupertatis excessisset: Indè Lorianam excurrentes, Fratres ibi degentes in Professionis seruire animabat; atque ad ceteros Conuentus in Galitia, Custodem visitationis causa destinauit.

Vocatus inter hæc à Serenissima Infante D. Ioanna de Austria Imperatoris Caroli Quinti filia, ac Regis Philippi Secundi sorore; ob sanctitatis famam summa cum veneratione

ab eadem excipitur; quàmuis non diù in eadem Vallisole-  
tana Aula moram trahere operam daret. Visitauit tamē  
quasdam Religiosas Franciscani Instituti illuc ex Gandia  
translatas, quas paulò post eadem Infans in quoddam Mo-  
nasterium sanctitate perillustre Madriti inclusit, vbi florent  
adhuc titulo Discalceatarum Regiarum. His magnam pau-  
pertatis, proprijque contemptus estimationem præter alia  
spiritualis scientiæ documenta impressit, suæque virtutis me-  
moriæ præclaram reliquit.

Inuitatus à quibusdam Ciuibus foemina cuiusdam ægro-  
tantis domum accessit, vt pro vicina morte solatium aliquod  
adferret. Cùmque seruentius eandem verbis, ac sermone  
spirituali alloqueretur; in extasim raptus omnes adstantes in  
sui pariter admirationem rapiebat, dùm observando eum  
labia mouere, curiosius audire cupiebant, quæ tunc verba  
proferret. Videbatur autem dicere, *Parum in Purgatorio  
manebis; Quod ad se reuersus nequaquam interrogantibus  
repetere voluit; sed exeundo è medio eorum, qui ipsum ho-  
noribus prosequiebantur, ad mulierem animam efflantem di-  
xit: Deus te perducas anima benedicta.* Ex quo omnes fœli-  
cem morientis statum augurando, Sancti Viri pietatem sum-  
mis laudibus extollebant, eiusque affectione magis capie-  
bantur.

*Pedrosus reuersus, ibidem dùm Missam celebrat, insigni mira-  
culo à Deo honoratur. Cap. XIV.*

**P**edroso iam redditus aliquot iuuenes inuenit, quos Insti-  
tuti suscipiendi cupidos (explorata priùs vocationis ef-  
ficacia) suorum numero adscripsit; Deo gratias referens,  
qui exiguam suam familiam crescere quotidie faciebat.

In eiusdem Oppido vltimum Paschatis festum solemnius  
celebrari iam dudum vsu inoleuerat; vnde Oppidani singu-  
lari erga S. Petrum de Alcantara affectu, ad decantandum  
Sacrum instantius inuitarunt, ipseque acceptauit. At cùm  
hæc fama ingentem vicinorum multitudinem vndiquè exci-  
uisset,

uisset, inuenta est loci Ecclesia neque tertiam partem capere; ita ut expeditius visum fuerit Altare quoddam in aperto campo erigi, ubi vniuersus Populus Sacro adesse commodius posset, atque aspectu Serui Dei, amplius consolari. Quod sanè tunc maximè fieri omnes sentiebant, cum presentia deuoti celebrantis non lachrymas modò elici sibi; sed & intimas cordis in Deum affectiones suscitari efficacius agnoscebant.

Sed inimicus homo, qui deuotionis fructum impedire, machinabatur, breui effecit; ut post decantatum symbolum aer, tunc maximè serenus, turbari visus sit; & commotus validissimus ventus, imbrem densissimum, fulgura, turbinesque, ac tonitrua vndiquè excuteret; adeò ut turba commoueri inciperet & aliqui in tutù se recipere deliberarent. At verò immobilis S. Peirus de Alcantara feruentius in diuini Ministerij officio perseverans, hortatur Populum, nè vllatenùs dubitet, nec in pietate deficiat; sed ut Parochus exorcismis Ecclesiæ tam furenti tempestati occurrat. Quando (mirabile visu) obstupescens omnibus circumuicina loca fulgure corruscare, atque cadente de Cælo pluuiâ inundari campus cernebatur; solum illud loci spatium, ubi turba ad Missæ sacrum perseverabat, nè aquæ quidem, gutta, nec venti minima vis attingebat; ita quòd nec cerei in Altari extinguerentur, nec vltimi adstantium in aliqua, vestium parte se madefactos sentirent. Tam insigni miraculo perculsi omnes, finito sacrificio, ad S. Petri amplexus certatim ruere; ut vel habitum, vel pedes, vel manus attingerent; quibus ille humili oratione occurrebat, monendo diuinam miserationem tunc maximè se piorum supplicationibus, ac deuotioni promptam exhibere voluisse; cum omnes constanti fiducia in eius religioso cultu perseverantes respexisset: Sicque vltèriùs ad Dei seruitium suauiter cohortando, se ipsum acclamationibus perstreptentibus, atque venerationi irruenti, paulatim subtraxit; omnesque diuinis laudibus intentos, magis quàm commensationibus, aut alijs festorum corruptelis addictos reliquit.



*Absoluta fabrica Conuentus S. Ioannis Baptista in Viciosa, Nouitiatum ibi collocat. Transiit iterum rapidum quemdam fluuium. Cap. XV.*

**C**Um iam Comes Oropesa Conuentum Viciosa integrè absoluisset, eò se transferre S. Petro gratum fuit ad introducenda exercitia spiritualia, quæ à Constitutionibus præcepta loco valdè correspondebant: Erat namque situs in ima vallis inter duos altos montes transcuntium oculis absconditus, ideòque Beato Patri magis amoenus; ita vt intra claustra horti angustum sibi eremitorium construì curaret sub inuocatione B. V. M. Betle-hemiticæ, vbi rudi, sed deuota arte exprimebatur misterium Natiuitatis Domini, quod singulari deuotione recolebat. Hic nouis è Cælo fauoribus, ac reuelationibus illustratus, vtrorumque notitiam nobis sua humilitate subtraxit; ita vt Fratribus (qui ex vultus splendore tale quid suspicabantur) interrogantibus respondere soleret: *Non vobis cura sint reuelationes, neque de occultis inquirere; procurate verò Deo in spiritu, & veritate seruire; scrutamini scripturas & mandata eius obseruate.*

Hic Eremita propter Sancti Patris habitationem adhuc in singulari Populorum veneratione perseuerat; dùm in eo signa appareant sanguinis ab eodem sparsi ex quotidianis flagellationibus, quibus corpus suum castigabat. Ornat quoque locum procera pinus, quæ ex baculo quem terræ inficiens B. Pater radices egit, & in eam quæ nunc cernitur) magnitudinem excreuit. Vndè cum S. Petro de Alcantara valdè placuisset, ibi instituere voluit Nouitiorum educationem, eisque iam numero auctis conspicuum virtutis Patrem Fr. Alphonsum à Lerena Magistrum, & Guardianum præficere, qui postea Prouinciam Sancti Ioannis Baptistæ fundauit. Locus verò de præsentì religiosè à Patribus Augustinianis discalceatis incolitur.

Dùm hic moraretur Religiosus Commissarius, obtrigit ei ad Ciuitatem Truxillo prædicationis causa excurrendi occasio,

casio, qua Populorum ardentissimis eum audiendi desiderijs satisfaceret: Postquam verò per aliquot diernm moram, multas ad Deum animas conuertisset, præmisit ad Conuentum socium, quem panis eleemosinam ab vtroque conquistam asportare, atque sequenti die reuerti iubebat. Abijt ille, nec propter continuas pluuias statò die adesse potuit, nec S. Petro de Alcantara à Nobilibus loci per quinque continuos dies (quibus durauit pluuia) permissum fuit eum sequi, vt cupiebat. Illa autem aliquantulum cessante viam ingressus tam luto, quàm torrentibus satis molestam, peruenit tandem ad fluuium Almonte, quem aquis tunc vltra solitum exundantem circumire vltra sex milliaria, quò pontem peteret, necessum habebat: At cùm rectà adijisset, non minori facilitate, quàm olim alios duos, tunc eundem transiens fatigatus nimis ad Conuentum serò accessit.

Hinc obstupefacti omnes B. Patrem tam insperatum aduenisse, viæ atque traijendi fluminis modum minutius exquirebant. Quibus cùm se satis prospera cuncta inuenisse, flumen vix genua attingentem rectà transisse narrasset; hæserè magis attoniti, atque sequenti die ad locum curiosius scrutandum abire meditabantur. Inuenerunt autem flumen aquarum torrente rapidum vltra sex cubitorum altitudinem tanta vi fluere, vt etiam altiores arbores secum euulsis radicibus abriperet: Vndè rei difficultate probè ponderata, manifestius miraculi fidem ad Serui Dei gloriam euicerunt.

Aliud non minus quàm hoc ei stupendum successit, cùm aliquando Alcantaram iret negocium quoddam pro Dei gloria procuraturus. In hoc difficili, longoque itinere socius eius P. Michael à Catena offendens ad saxa crus vulnerauerat; ita quòd in domum quorundam benefactorum loci de Porticello delatus, ibi ad illud curandum remanere cogeretur; at S. Petrus de Alcantara diè sequenti vltra progrediens subsequi eum commodius iussit vsque ad Algarrobillas sex indè milliaria distantem; quò negocij causa præcedere necessum habebat: Tardiùs autem hanc viam in-

gressum, (quæ ob aquarum inundationem difficilior euaserat) nox quasi obscura prope Tagum depræhendit. Circue-  
rat hic adeò imbrum copia; vt traïci nequaquàm posset si-  
ne nauigio, quòd tunc ex altera parte hætebat ad litus:  
Placuit tunc omnipotenti Deo, vt ex illa parte lucidissimus  
radius effulgeret, quem secutus S. Petrus de Alcantara ve-  
lut præsentium oblitus, rectà in aduersam ripam super vndas  
quasi solidam humum sicco pede transiuit; mox propinquum  
tugurium vectoris accedens precabatur, vt suo nauigio per  
flumen transmitteret, quòd ad Algarrobillas ducitur: Hic ve-  
rò suspicatus B. Patrem fortè ex inedia delirantem talia po-  
stulare (quæ stulta erant) obtulit liberaliùs pro illa nocte  
hospitium, vt illucescente die agnosceret se iam flumen tra-  
iecisse, nec locum (quò tendebat) longè abesse: nocte igitur  
transacta cuncta S. Petro clariùs patebant, quando mi-  
rabili se Dei auxilio aquas transgressum summa cum humi-  
litate cordis gratis oculis respiciebat. Eodem die iam qua-  
si declinante subsecutus socius de B. Patre vectorem inter-  
rogabat, qua hora præcedentis diei cum transuexisset: Illo  
verò pernegante se Religiosum vllum conduxisse, sed quem-  
dam apud se illa nocte hospicio quidem receptum, qui Al-  
garrobillas petebat; Fr. Michael rei successum suspi-  
catus, miraculi excellentiam cum vectore illo collaudauit;  
tantæque B. Petri sanctitatis reuerentiam menti ipsius im-  
pressit, vt idem omnibus enarrando, quibusdam sæpiùs di-  
cere soleret; *quare vos non transitis aquam sine nauigio, vt fe-  
cit Sanctus Fr. Petrus de Alcantara.*

*S. Mater Theresia scribit S. Petro de Alcantara nonas suas  
tribulationes, pro quibus eam consolatur.*

*Cap. XVI.*

**P**ostquàm B. Petrus cunctis Auilæ Ciuibus eminentiam  
spiritus, ac virtutis Theresiæ manifestasset, non solum  
ab ijsdem coli; verùm etiam apud remotiores Hispaniæ Po-  
pulos in summa veneratione, atque sanctitatis opinione ha-  
beri

beri incœpit. Eodem quoque tempore Sancta frequentius à Deo visitata diuinis fauoribus, atque visionibus varias animæ delicias sentiebat; quæ ideò etiam eam magis anxiam tenebant; quòd populari existimatione, diuinisque gratiæ donis abundans dubitaret, nè timoris frœna remisisset incauta, aut nimis tumida indè videri posset. Augebant anxietatem amici spirituales, qui licet securam interno lumine de cœlestium gratiarum veritate, tamen suspensam tenebant tot suspicionibus, quas obijciebant; nè illusio aliqua subrepsisset: Premebatur vltèriùs majori dubio, si fortè B. Petro distinctius animæ suæ statum aliquando explicasset, atque visionum circumstantias satis dilucidè aperuisset; vnde iudicij eius perspicacitatem falli potuisse nimis anxie metuebat. Consulendum itaque vltèriùs statuit scribendo literas, quibus intima cordis (quo explicatori modo posset) ei aperiret, atque censuram eliceret.

Hac epistola ad S. Petrum de Alcantara perlata, apertius cognouit nihil vltra Sanctæ Matri difficultatis obuenire, præter illud, quod ipsi in colloquio (cùm Auilæ fuerat) declarauerat: Ideòque vt faciliùs contradicentium molestijs obuiuiam iret, sui que spiritus quieti securior studeret; documenta quædam spiritualia triginta duobus capitibus præcipuè collectis scripto transmisit. Quibus Sancta Virgo mirabiliter confortata omnem cordis afflictionem, mentisque perplexitatem securior exclusit: Et quia hæc ipsa cœlestem quemdam thesaurum continere videntur, non ex re modò publica; sed & gratissimum plurimis futurum existimo, si hic distinctè approbationem Sancti Viri, qua spiritum Thelesiæ à Deo fuisse, solidè asseueravit, subnectamus; iuxta authographum, qui in Monasterio Incarnationis Auilæ seruatur.

**I** *Finis Dei est animam ad se conducere, Sathane verò eam à Deo abstrahere; Deus numquàm timores incutit, qui aliquem à se repellunt, nec Sathanas eos, qui ad Deum compellunt: Omnes visiones, aliæque res, quæ anima contingunt, magis eam ad Deum conducunt; cùm efficiunt magis humilem, obediensem &c.*

2 Doctrina est D. Thoma, aliorumque Sanctorum, Angelum lucis agnoscere ex pace & quiete, quam in anima relinquit; Unde neque ipsa sentiebat tales fauores, nisi in summa pace, atque letitia, quae omnes simul terrenas, vel in puncto superat, atque excedit.

3 Nullum defectum, aut imperfectionem committebat, de quibus non reprehenderetur ab illo, qui interiori ei loquebatur.

4 Nunquam petijt, aut desiderauit tales res; sed tantum operam dabat voluntati Dei in omnibus placere.

5 Quicquid ipsi Dominus dicebat, conforme erat sacris Scripturis, & doctrinae Ecclesiae; nec ulli rigori etiam scholastico contrarium.

6 Habet maximam animae puritatem, sinceritatem, & feruentissima desideria placendi Deo; nec propterea quicquam terreni curat, aut in pretio habet.

7 Dictum ipsi erat, concedendum fore quicquid à Deo peteret, dummodo iustum esset. Quorum autem effectum, & experientiam obtinuit, nimis longum foret hic catalogum inferere, aut describere.

8 Quando similes res à Deo sunt ordinatae, sunt & in utilitatem vel propriam, vel aliorum: Et sic de suo profectu habebat experientiam; nec minus etiam de aliorum.

9 Cum nemine communicabat, quem res eius non commoueret, licet de ijs non loqueretur.

10 Quotidie crescebat in profectum virtutis, instructa semper de maiori perfectione; & hac ratione secundum modum à D. Thoma obseruatum, toto tempore suarum visionum augebatur earundem rerum claritas.

11 Numquam ad ipsam facetiae, aut res friuolae referebantur; sed quae ad adificationem tantum pertinebant.

12 De quibusdam dictum ei erat, quod à malis Spiritibus obsidebantur; ipsa tamen cognoscebat, quomodo se haberet animam, quae Deum lethali peccato offendit.

13 Mos est Diaboli decipientis monere, ut taceatur quicquid ille suggerit; sed ipsa semper sua cum Viris doctis, ac timoratis omnia conferebat, & alias decipi se posse à Maligno valde timebat.

Ad cō

14 Ad eam animam suam in omnibus his proficiebat, ut edificatio-  
ne quoque alias ad imitationem compelleret; dum in Monaste-  
rio (ubi degebat) ultra quadraginta Monacha eius recollectio-  
nem imitarentur.

15 Res verò ista insolita contingebant ei post diurnam ora-  
tionem, & mentis in Deum elevationem; qua eius amore accen-  
sâ sanctissimam Communionem suscipiebat.

16 Accendebant quoque desiderium perfectionis; & ne à Sa-  
thana decipi possit, impediunt.

17 Efficiebant in ipsa profundissimam humilitatem, & co-  
gnitionem sui ipsius; qua nihil se posse intelligebat, nec nisi à di-  
vina Largitate omnia provenire.

18 Quando his rebus carebat, omnia alia (quae offereban-  
tur) ei molesta erant; quando verò illas habebat, nulla ei alia-  
rum rerum memoria occurrebat, præter summum desiderium  
pascendi; quo adeò delectabatur, ut explicare non valeret.

19 Solebat quoque latari de suis tribulationibus, atque mur-  
murationibus, & in his seipsum consolari. Infirmitates patieba-  
tur gravissimas; ut cordis, vomitus, dolorumque variorum,  
quibus (cum visiones habebat) liberari se sentiebat.

20 Studebat nihilominus penitentia exercitijs, ieiunijs, disci-  
plina, atque mortificationi.

21 Res tam prosperas, quàm aduersas aquo semper animo, ac  
pacifica mente sine interiori turbatione vlla ferebat.

22 Propositum adeò firmum habebat non offendendi Deum,  
ut verbo se obstrinxerit non negligendi, aut omittendi quacun-  
que rem, quam sciuerit, aut audierit esse de maiori perfectione:  
Ita ut mihi dixerit, licet pro perfectis haberet Patres Societatis,  
quorum doctrina in via hac spirituali profecisse se fatebatur, at-  
que ad illum gradum gratiarum peruenisse; tamen si certius co-  
gnosceret, maiorem perfectionem fore cum illis non communicare,  
id promptissimè se facturam, nec ampliùs eos visuram, quibus  
mentis quietem debebat.

23 Gustus atque affectiones eius de Deo explicari non pos-  
sunt; adeò ut in eius amore quasi liquefacta, integros dies immo-  
bilis permaneret.



24 Cum de Deo cum pietate, ac efficacia loqui intelligebat, sapius in extasim rapiebatur, nec id impedire poterat, excitando hac ratione plurimos ad deuotionem.

25 Aegrè fers quoscumque sibi familiares, qui sibi defectus suos non manifestant, aut non reprobant. Correctiones verò summa cum humilitate amplectitur.

26 Valdè quoque ei displicet, quòd unusquisque secundum gradum sui Instituti non studeat summè perè eiusdem perfectioni.

27 Supra modum affinium, aliorumue secularium consuetudinem fugit, amica solitudinis. Magnam erga Sanctos venerationem habet, eorumque festa, & cætera Mysteria (qua Ecclesia repræsentat) deuotissimè celebrat; præter altissimos de Deo conceptus, quibus illustratur.

28 Quando aut Patres Societatis, aut alij quicumque Serui Dei dicebant ipsi ante visiones, quòd à Demonio illusa esset, tota contremiscebat, atque timebat: At postquàm in oratione, & mentis quiete Deo fruitor, alium quàm eum loqui, persuadere sibi non potest, etiam si in frustra ipsam discerpant.

29 Concessit ei Deus animi constantiam, atque fortitudinem indicibilem: Vnde prius timida, nunc Dæmonis terrori est. Longè abest à quicquid muliebribus; nec serupulosa nimis, sed rectissima.

30 Ad hæc dedit ei Deus suauissimum lachrymarum donum, summam proximi compassionem, cognitionem integram suorum defectuum, magnam exultationem bonorum; & sui ipsius contemptum. Et dico pro veritate multos ipsam iunisse, inter quos & ego sum.

31 Semper in memoria Deum habebat, & eius presentia cognitionem: Neque unquàm ipsa dicere quicquam audita fuit, quod effectu comprobatum non extiterit; id quod pro magno argumento habendum videtur.

32 Omnia ista efficiebant in ipsa magnam intellectus claritatem, & in rebus diuinis lucem admirabilem.

33 Dictum ei fuit, ut moneret contradicentes sibi, scrutentur scripturas; in quibus non inuenient aliquam animam Deo consecratam, atque seruitutis eius auidam, qua unquàm tam longo temporis spatio fuerit decepta.

*S. Petrus miraculose extinguit ignem accensum in Conuentu nono Rosarij; Et ut succurrat necessitati cuiusdam nobilis famina, diuina virtute in duobus locis eodem tempore reperitur.*

Cap. XVII.

**A**bsoluta iam fabrica noui Conuentus à Rosario dicti, S. Petrus de Alcantara eò se transtulit; vt collocando ibidem Sanctissimo Sacramento Altaris adesset: Ad cuius etiam processionem, atque Missam à Beato Patre celebratam, Comes de Oropeza, alijque plurimi conuenerant. Coeperat etiam Conuentus sub cura P. Francisci à Galisteo Guardiani omni pietatis, atque virtutis studio florere; adeò vt (quod omnibus, ipsique Beato Patri gratum valdè habebatur) id Dæmonijs causam præberet, operam dandi eiusdem Cōuentus initia vna si potuissent vice, vel excitato igne destruere: Itaque quodam die flamma vorax, fortè accensa appropinquabat Ecclesiæ; ita quòd Religiosi B. Patrem ibidem orantem accedentes, sacra Mysteria transferre instigarent; cum ipse nè dubitarent, respondens citò affuturum auxilium eius, cui se seruire profitebantur, promisit. Mox egressus ad propinquum Eremitorium, vbi incendium grassabatur; velut maiori incendio intus ardens (Deo sic mouente) flammam tunc rectè ingreditur, atque indè tabulas aliquas correptas proiecit in medium. Mirum visu, quod statim quasi ipso imperante flamma decresceret, nec ipsi, nec cuiquam alteri rei vltra noceret, donec breuì extingueretur.

Indè reuerso Pedrosus litteræ à Principissâ D. Ioanna de Austria traduntur, quibus Madritum vocatus abiuit quam promptissimè: Attamen non eadem facilitate acquiescere potuit illi (quæ vrgebatur) instantiæ, curam suscipere Monacharum; quas supra narrauimus à præfata Principissâ in regali Parthenone fuisse collectas. Cupiebat namq; deuota Principissâ, vt primæ tam nobilis Monasterij plantæ san-

titate, atque prudentia S. Petri de Alcantara irrigata, formæ existerent aliarum; quæ successu temporis locum illum adco illustrem pietate exornare debebant perfectionis professione. Excusabat se igitur S. Petrus ex nouæ Reformationis occupatione, cui tunc maximè inuigilare necessum habebat; licet negare nō posset aliquem ex suis iisdem directorem concedere; pro vt paulò post misit P. Bartholomæum à S. Anna magnæ virtutis, & scientiæ Religiosum. Visitabat interea sæpius easdem Virgines, atque documentis spiritualibus tum ipsas, tum earundem Patrem spirituale sufficenter instruxit; quæ ipsis tanquàm à cœlesti Magistro dictata in posterum firmiter hēserunt, atque in pretio habita.

Gratum hoc adeo præfatæ Principissæ officium extitit, vt & in fundatione auxilium, & in protectione Conuentuum suum fauorem impensius exhibuerit; nec promissum sine effectu fuit, cum prope diem ijdem Conuentus reformati ex decreto Consilij regij antiquis suis Prouincijs coniungendi, intercessione tamen atque autoritate prædictæ Principissæ in suo separato gubernio, ac instituto perseuerare permitti fuere.

Dum itaque S. Petrus ob varias deuotorum distractiones Madriti diutius detineretur, allata fuit Bulla Summi Pontificis pro publicando Iubileo: Huius assequendi desiderio foemina quædam nobilis, ac Domina loci de Grimaldo nomine D. Eluira Carauajal, filia spiritualis S. Petri de Alcantara valdè de eius præsentia sollicita, quod nulli alij quàm ipsi conscientiæ suæ latebras aperire solita, tunc maximè recusabat; at quia distantia locorum impossibile, ac vanum eius votum reddere videbatur, mariti suasionibus, atque exemplo nè quicquam moueri poterat; vt alteri Patri tunc ad se vocato confiteri vellet; licet sequenti die præscriptum tempus expiraret. Vndè dum his perturbationibus tota familia mœstā hērebat, ecce quod præter spem adueniens S. Petrus de Alcātara omnes & lætitia & stupore repleuit, ipsamque Dominā præ gaudio quasi exanimem ad pedes suos prouolutam sic ille seuerius alloquitur. *Elia, ne vobis im-*  
*posse-*

posterum aliud simile huic contingat, sed cuicumque Confessori ne recusasis conscientiam vestram aperire; quia manifestò vobis, quòd me huc venire Madrito fecistis. n. nere nimis longo atque laborioso, solùm vt solatium vobis asferrem, & participem fieri curarem magni huius thesauri, qui per Indulgentiam sanctam aperitur. Ad hec humillimis gratijs respondens deuota femina, magna animi consolatione & confessionis, & Iubilæi officium expleuit; magisque cognouit singulari Dei virtute S. Petrum tunc Madriti existentē vel ad se miraculosè translatum, vel in duobus locis eodem tempore corpore presentem extitisse. Cuius etiam successus ratio omnibus deuotis, tunc Sancti Patris meritum notabilius commendauit, eiusque venerationem plurimùm auxit.

*S. Petrus de Alcantara confirmatur Commissarius generalis;  
Venit Romam, & que illi ibidem contingunt.*

*Cap. XVIII.*

**A**bsoluerat iam S. Petrus tres annos sui Commissariatus, quo durante varias literas ad Generalem Cōuentualium scripserat de statu, atque progressu nouæ Custodiæ à se frequenter visitatæ: Tandem nouissimis literis negligentias suas deprecatus Anno 1559. Generali officij sui terminum denunciāns supplicabat; vt alteri Religioso zelanti Custodiam istam committeret, qui defectibus suis supplendis sufficeret. His obtestationibus Generalis occurrens, S. Petrum de Alcantara nouo diplomate ad subsequens triennium cōfirmat, & singulari epistola ad coeptæ Vigilantiæ studium indulgentiùs extimulat. Quod consiliū tantum effecit, vt omnium de hac confirmatione applausus, experientia quoque foelicis successus simul comprobarent id ipsum à Deo fuisse prouido Generali opportunè immisū. Vix enim vulgata illius confirmationis fama & insurgentibus contra Dei seruum, eiusque familiam nouis persecutionibus iisdem opponi, atque sufficere potuisse solam B. Petri sanctitatem atque prudentiam, rerum euentus foeliciter comprobauit.

Hinc

Hinc quia undique predictæ oppositiones inualeſcebant, poſt longam orationem, atque deliberationem, ſubſtituto ſibi Virò graui atque regimini idoneo; Romam contendit; Vicarij Chriſti in terris oraculum conſulturus; vt voluntatem Dei explorando eandem magis compertam ſibi haberet, vt dicebat. Acceſſit itaque Urbem circa finem Martij eiufdem anni, & à Generali Conuentualiū perbenigne exceptus, eidem negocij grauitatem exponendo ſubſidij, atque fauoris liberalitatem elicit: Viſitatis interea ſepiſſimè ſanctis locis, ſtata die ad præſentiam Pontificis tunc Pauli Quarti admiſſus fuit. Pontifex hilari vultu cum ſuſcipiens virtutis, ac famæ perſuaſione omnià ſe conſeſſurum promiſit; eò magis quod modeſtè de iniurijs ſuæ familiæ illatis illum conqueri audiret. Dein fortiùs in diuini cultus, atque Regulæ zelo animatum, paternaquè benignitate conſolatū dimiſit; commendans vt grauiſſimas ſuas pro Republica Chriſtiana curas, feruentioribus precibus apud Deū ſubleuaret.

Expeſſitum fuit igitur ſuper hijs negocijs Breue ſic incipiens: *Paulus Episcopus Seruus Seruorum Dei, Dilecto filio Petro de Alcantara reformatæ vitæ Ordinis Fratrum Minorū Conuentualium nuncupatorum ſalutem, & Apoſtolicam benedictionē. Cū à Nobis petitur quod iuſtum, & honeſtum eſt; tam vigor agnitatis, quàm ordo exigit rationis; vt id per ſollicitudinem officij noſtri ad debitum perducatur effectum. Sanè pro parte tua Nobis nuper exhibita petitionis ſeries continebat; quod cū dilectus filius Iulius Magnanus &c. hic referuntur authenticæ Litteræ Generalis. Et inferius: Nos igitur tuis iuſtis poſtulationibus grata concurrentes aſſenſu, præmiſſa & ſingula per præſentum Generalem &c. Quo Breui ultra confirmationem triennaleſ à Generali factam concedebatur licentiā eiufdē Cuſtodie Religioſis S. Petrum de Alcantara reeligendi in Officio: Patribus quoque Prouinciæ Sancti Iacobi iuriſdictio in eandem Cuſtodiam diſtrictè interdicebatur; dabatur denique facultas eligendi ex ſuo Inſtituto Prouincialem, cū ad ſufficientem numerum & Fratres, & Conuentus excreuiſſent.*

sent. Et quò diuinæ voluntatis certiorē S. Petrus Pontifex redderet; decreuit vt Breui suo inseri deberet clausula, qua virtute Sanctæ obediētiæ Commissariatus illud munus, ei iniungebatur.

Tot fauoribus Pontificijs confusus S. Petrus de Alcantara certò sibi de diuina voluntate persuasum ibat, eidem Reformationis opus placere. Quamobrēm vt futuris difficultatibus ampliùs prouideretur, vltra pro Iudicibus earundē in Hispania nominandis, vltimo apud Pōtificem accessu humiliter supplicauit. Hanc proindē gratiā obtinuit per aliud Breue, cuius placet hic initium subiungere: *Paulus Episcopus Seruus Sernorum Dei, dilectis filijs Priori de Magazela nullius Diœcesis, & Archidiacono de Valde minorum locorum, seu terrarum Tudenfis Diœcesis respectiue; ac Alphonso Danila Canonico Doctorali Abiliensis Ecclesiæ salutem, & Apostolicam benedictionem. Ex parte dilecti filij Petri de Alcantara, reformatæ vitæ Ordinis Minorum Conuentualium nuncupatorum Professoris, nuper oblata petitio continebat; quod cū dilectus filius Inlius Magnanus &c. Quibus expeditis non obstante æstiuo calore ad confirmandos Fratrum suorum animos, atq; Reformationis opus prosequendum, quàm citissimè redire in Patriam properauit.*

*Reditus Pedrosū, vbi baculus ab eo terra infixus conuertitur in ficum. Cap. XIX.*

**P**Lacuit Deo singulari, atque miro successu Serui sui sudores velut præmio quodam particulari abstergere, dū post fœlicem reditum eius Pedrosū, omniumq; suorum sūmas congratulationes, constantem Serui sui virtutem hoc modo illustrare dignatus fuit. Perambulabat S. Petrus de Alcantara quadam die arboretum quoddam à se olim in hoc loco plantatum; iam verò aduultum innixus baculo (quē secundò Romam reportarat) tunc ad illum Guardianus: *Pater, inquit, non inutile videbitur, nec frustra erit te inter has arbores ficulneam aliquam plantare, cuius fructu aliquando Religiosi,*



*ligiosus huius Conuentus pro collationibus hybernis uti expeditius possint.* Ad quæ S. Petrus quasi præcepto Guardiani obstrictus, oculos in Cælum attollens atque aliquandiù suspensus, quasi indè consilium petens; baculum (quem tunc manu tenebat) deuotè terræ infigit. Sed infudit illo instanti Deus virtutem; vt etiam sine cortice radices agens, ramusculos ac frondes emitteret, ex quibus opportuno tempore fructus colligi possent.

Tam insigni miraculo obstupescens Guardianum S. Petrus de Alcantara ad collaudandum Deum reuocat; & obedientiæ meritum euidenti præmio compensare eundem voluisse humiliter excepit, quò operis gloriam à se maximè auerteret. Sed non potuit intra septa Conuentus claudi, quod multorum deuotionem è longinquo accerferet; tam ad videndum arborem, quàm ad probandum fructus eius virtutem, quam Deus pro multorum morborum medela simul infuderat. Hinc consuetudine adhuc perseverante Reginis Hispaniarum quotannis canistrum hoc fructu plenum transmitti solitum, & deuotioni aulicarum virginum, & aliorum infirmitatibus, antiqui successus fidem mirabiliter confirmat.

Inter plurima verò, quæ annotari possent, id notabile cuiusdam nobili fœminæ ex Ciuitate Caurij contigit; vt continua febris, ac deinceps tisi laboranti amica quædam eius tres ex illa arbore ficus afferret, atque ex deuotione Sancti Viri manducandos porrigeret. Infirma autem priùs quidem paululum addubitans; mox integra fiducia prædictos ficus degustans; sensim & consolari, & viribus augeri, tandem breui tota conualescere non sine plurimorum admiratione visa fuit:

Mirum quoque eiusdem arboris ramos in eodem horto, aut alibi plantatos; fructus colore, sapore, atque magnitudine dissimiles producere, quasi priuilegium quoddam particulare arbori à Sancto Viro plantatæ diuina dispensatione largiente. Alterum quoque non inferius; quò excisis tot ramis ad conficiendas cruces, aliaque vasa, quæ pro deuotio-

notione extra Hispaniam etiam deferuntur; ipsa arbor nequaquam minui, aut deficere cernitur succrescentibus quotidie alijs, atque alijs.

Aliquot annis post gloriosum transitum B. Petri de Alcantara, hortulanus quidam Conuentus de Arenas Frater Alphonsus de Sancto Martino, poenitentiae exemplar insigne; cum exhumando corpori Beati Viri operam suam impendisset, ut in decentiori loco reponeretur; non frustra observabat gratias atque miranda, quae per terrae huius sepulchri virtutem deuotis conferebantur: Unde obtenta à Prouinciali licentia Pedrosus petijt, ut ramum arboris à Beato Petro plantatae in hortum suum transferret, eumque inter duo saxa, tribus tantum terrae eiusdem cophinis contexit; reliquam curam Sancto commendans. Non defuit pietati praeium, cum visa est arbor in dies crescere, atque in ramos, & fructus dilatari; quorum virtus pro infirmitatibus sanandis, radicem suam amulata, nescientibus originem, dubium aliquod iniecit; an haec, vel illa arbor baculus ille fuisset, quem manu Beati olim plantatum supra enarrauimus.

Paucis insuper ab hinc annis contigit in Conuentu Pedrosi ex ficu praedicta ramum quemdam praescindi pro cruce conficienda, in cuius rami medulla culpis inuenta fuit, quam extremitati baculi affixam crescente arbore in ligni secretiora transiisse, tam mirum, quam notabile multorum observatione haud indignum fuit.

*Promouet Reformationem Carmelitarum Discalceatarum, quam Sancta Mater Theresia suscepit. Cap. XX.*

**I**mmiserat iam dudum Deus in cor Sanctae Theresiae; ut Ordinis Carmelitarum Institutum (sub quo vivebat) ad rigidiores Observantiam reuocare intenderet: Ideo quia, arduum satis negotium fore prauidebat; B. Petrum de Alcantara tunc Roma reuersum diligentius per literas consulit; ut quem spiritualis suae vitae aliquando agnouerat diuinum

num Magistrum, eum etiam nunc in maioris operis aggressionem haberet, tanquam celeste oraculum. Cognovit vero B. Pater diuinam inspirationem, postquam supremam eius Maiestatem per assiduas orationes de hoc negotio secretius consultasset, idedque rescribens Sanctæ Virgini animum addidit, ne quibuscumque contradictionibus cederet, & vire propositum (quod pro Dei gloria inceptum) instantius suasit; commendare insuper patrocinio Sancti Iosephi, cui etiam suæ qualiscumque Reformationis augmentum inter tot aduersa debere se, fusiùs enarrabat. Indè confirmata Virgo efficacissimis eiusdem rationibus omnes se difficultates superasse existimabat; eò magis quod ulterius (favente diuino Numine) S. Petrum de Alcantara Breuis sui causæ Auilam venire, etiam huius negocij coadiutorem habere, foeliciùs promeruit.

S. Petrus itaque Auilæ summis omnium applausibus exceptus; hospiciū sibi in domo D. Francisci de Salzedo singulariter elegit: Mox exhibito Pontificio Breui Caponico, cui dirigebatur, eius acceptionem, atque fauorem singulari beneuolentia elicit. Indè Sanctam Theresiam inuolens consilio, atque opere eidem se promptum exhibuit: ad quod etiam D. Guiomar instigabat, suadendo vt Breue aliquod à Pontifice procuraretur, cuius authoritate occasione (quam Deus illic prouideret ad opus promouendum) manus & vim adiuuere securius possent.

Erat tunc Auilæ Isabella de Ortega virgo genere, & forma nobilis à pluribus in Matrimonium concupita; licet à teneris annis pietati addicta celestis tantum Sponsi conubium anhelaret. Hanc fama Parthenonis. Discalceatarum Madritensium (quæ tunc totam Hispaniam impleuerat) adeo eius status eligendi cupidam tenebat; vt perfectionis acquirendæ spiritualis vitæ persuasa, nullum sibi commodius Monasterium ingrediendum proponeret. Sollicita tamen prius diuinam voluntatem piorum hominum consilijs explorare. B. Petrum de Alcantara, cuius sanctitatem communi veneratione colebat, ad familiare colloquium inui-

tare curauit ; vt animæ ſtatum , & cordis occulta eidem ſecretius aperiret . Condiſta die in quadam Eccleſiæ Capella S. Petrus animum Iſabellæ exploratus , cognouit diuinam animæ illuſtationem ; ideòque probando orationis methodum , hortabatur ad perſeuerantiæ , atque perfectionis apicem properare . Tunc puella intentionem accedendi ad Diſcalceatas Madritenſes manifeſtans , reſponſum habuit ; ſequidem Deo conſecrare ſancæ elegiſſe , ſed in alio Monasterio id fieri eundem decreuiſſe . Ad quod turbata Virgo vrgebat ſcire locum , in quo Sacro habitu indnenda foret . Ad hæc S. Petrus de Alcantara eam ex primo Inſtituto Saceri Ordinis Carmelitarum futuram , quod prope diem fundandum erat , indicauit ; multa quoque in laudem Sanctæ Matris Thæreſiæ , tunc puellæ huic quaſi ignotæ ſubiungens . Denique varijs inſtantijs de harum rerum euentu Virgini occurrens atque declarans , eam quoque precibus Deo commendandam promittens ; aliquantum ſuſpenſam , atque in Monasterij Diſcalceatarum electione magis propenſam , dimiſit . Recurrere itaque interim ipſa inſtantius ad diuinum conſilium ; atque precibus Cælum fatigare ; donec quodam die mentis velut exceſſu , intus ſibi loquentem vocem intèlligeret : *Filia ego te volo in domo Sancti Iosephi* . Ex qua , animo firmiter inhærente , cenſuit ſibi Carmelitarum Virginum Cœnobium ingrediendum ; velut à Beato Petro prædictum audierat , moxque eius præſentiam iterum petens de omnibus certiore fecit ; & vt Sanctæ Thæreſiæ communicationem ſibi præpararet , obnixius ſupplicauit . Omnia in ſe recepit S. Commiſſarius ſuo opportuno tempore perficienda , eique regulas virtutum optimas præſcribens , ſtriſſimum de noua fundacione ſilentium impoſuit .

Tandem diſceſſurus Auila priùs S. Thæreſiam totius ſuccellus participem fecit , atque in fundacionis propoſito agitatam , illius primæ plantæ diligentiore cultum ſedulo commendauit ; ſeiſpum verò quamprimum Breue Romæ pro fundacione adueniſſet , præſtò affuturum liberalius ſpondit .

*In Conuentu Pedrosi, atque in via versus Viciofum miraculosè  
ei prouidetur. Cap. XXI.*

**R**euersus itaque Pedrosum solitis orationis, atque pœnitentiæ exercitijs intentus, Custodiæ suæ curas attentius exsoluebat: Contigit interea Fratribus eiusdem Conuentus ob niuium copiam, quæ per aliquot dies exitus omnes viarum præcluserat, propter eleemosinæ penuriam, fame quoque obsideri; cum quadam die refectiois hora imminente B. Pater frustra aliquot panis biscocti tunc vndique conquisita apponi, atque inter duodecim discumbentes diuidi præciperet. Dein magis attentis omnibus ad spiritualem refectioem, quæ sacra lectione, atque S. Petri de Alcantara sermone proponebatur; ille mentem in Deum erigens, non desinebat diuinam Prouidentiam secretius interpellare. Vix quisque buccellam mandendo sensim consumserat, cum signo ad portam audito Ianitor pro officio accurrens, inueniẽm quemdam inuenit ex Oppido Serradilla, duodecim illinc miliaribus distante. Hic per algorem, & nives ad Conuentum perrumpens, Sarcinam panis, herbarum, oleique pro necessitate Fratrum opportuniùs attulerat. Quibus mox ad præsentiam Fratrum in Refectorium delatis, omnibus diuinæ Prouidentię opportunitatem collaudandi; atque orationis, virtutumque sanctarum perseverantiam excolendi cum præclara S. Petri exhortatione incitamenta, maiora fuere.

Nec sine precio hoc Charitatis officium iuueni illi stetit; cum breui B. Pater ad Oppidum illud accedens, domum iuuenis pro hospitio Fratrum eligere, atque insuper eius Matrem Societati spirituali suæ Religionis (litteris filiationis, ut vocari solent) adscribere voluerit. Quantum autem hæc literæ, etiam ultra animæ bonæ, domui huic prodesse potuerunt, hac maximè experientia comprobatur; quod non solum domesticis, sed & plurimis loci prædicti incolis applicatæ, in varijs infirmitatibus salutem integram attulerint:

Vt

Vt vel hinc rectè dicere soletet deuota illa mulier, se in istis literis omnium remediorum habere promptuarium.

Non cessabant intercà S. Petri de Alcantara æmuli amplissimæ eius authoritati in ordinanda sua Reformatione nouas difficultates opponere, quibus remouendis Placentiam ire coactus, Episcopo Pontificij diplomatis vigorem intinuit; indèque proficiscens continuò colligendo rosas è spinis contrauenientium, & vbiq; premens Christi vestigia, benè merendo de omnibus ad Conuentum Viciosæ transiuit.

In hoc itinere modo quasi superius relato, meruit Beatus à diuina Prouidentia subueniri; dùm quodam die via, atque Solis æstu confectus, socij vicem concidentis fame, ac siti (vt dicebat) magis anxius, oratione obtinuit; vt inter quædam saxa scaturientem aquam limpidissimam, ac duos panes pro reficiendis viribus deficientis præstantissimos eidem demonstraret. Post ad cauponam quandam dictam della Vadera nocturnè perueniens, & ob strepitum hospitem vix loco quietis inuento, in propinquum dumetum pernoctandi causa secessit; vt verò aliqui recessisse S. Petrum de Alcantara aduerterunt, diligenter eum inquirendo tandem auribus ducti inuenere, vbi flagellis se fortiter disciplinabat: Hic cum inuitare perhumaniter ad hospicium regredi; & quia recusare instabat, ex eadem caupona obsonij quidquam afferre pro summa pietate habuerunt. Hæc occasio fuit; vt S. Petri de Alcantara sanctitas cunctis illis viatoribus eiusdem deuotionem altius imprimeret, & licentiosè viuendi dissolutionem modestæ exemplo efficacius temperaret: Ipse verò primo diluculo viam, quæ ad Carceres ducebat, aggressus; indè ad Conuentum Viciosæ citò perrexit.

*Quomodo in Conuentu Rosarij ab Angelis ei pronisum fuit. Cap. XXII.*

**C**Irca hoc tempus, quò redux S. Petrus de Alcantara tertia vice à Ciuitate Anilæ, viuebat in Conuentu Rosarij; mirabiliter iuxta consuetam prouidentiam Deus ei hoc



hoc modo subuenit: Circa Natalitia Domini furente tempestate niuibus, atque pluuijs continua, quaestuarii facultas Fratribus adimebatur; vt iam nihil ad victum illius diei, nisi paucissimæ buccellæ superessent: Tunc Guardianus Beatum, Virum monere de præsentī necessitate attentans, ad orationis remedium coram sanctissimo Sacramento implorandum ab eodem instantius vrgebatur. Conuenere igitur omnes, & ad S. Petri exhortationem in diuino auxilio, atque Sanctissimæ Virginis patrocinio confidentes, contra inualescen- tem tempestatem feruentius in oratione perseuerabant; donec Nūcio cœlesti allatam fuisse prouisionem signum ad portam factum promptius indicaret: Ac currente namque ostiario, nemine viso sportam optimo pane plenam supra niuem depositam citius renunciauit, ad quam recipiendam omnes cum accensis luminaribus ordine processere. Tunc B. Pater singularem Dei opem orationis efficaciam adscribens, hymnum *Te Deum* intonans ad Ecclesiam reuerti; indèque breuī ac deuoto sermone omuium affectus in diuinas laudes, atque seruicium excitare ardentissimè curauit.

Sed miraculum ex eo magis inclaruit, quòd panes illi toto tempore, quo inclusi Fratres mansere, perdurarunt; vsque dùm Comes Oropesæ, de eorum necessitate sollicitus, prouisionem opportunam submisisset. Hic cùm à Religioso quodam rei noticiam habuisset, statim Conuentum accedere, atque ex panibus illis cœlestibus partem, aut reliquiam aliquam exposulare. S. Petrus de Alcantara, cui propter solitam aliquot dierum inediam tres panes remanserant, eosdem importunis Comitibus precibus concedere reuerentiam tanti Viri coactus fuit. Qui tam insigni thesauro locupletatus consultius iudicauit pro Dei, ac Serui sui gloria eodem se priuare, mittendo vnum ad Maiestatem Catholicam Regis Philippi II. alterum ad Portugalliæ Regem, & tertium ad Hispaniæ Legatum, qui in Romana Curia eundem Summo Pontifici exhiberet. Sic nimirum supernè dispositum fuit; vt miraculum adeò insignis prouidentiam, & meritum Serui Dei Petri de Alcantara longius spargeret; & ini-

micorum eiusdem contumaciam; notabilius confunderet.

*Vocatur à S. Theresia ad deliberandum de negotio aliàs incæpto de sanoribus, quibus Auila à Deo illustratur. Cap. XXIII.*

**D**Um S. Petrus in Conuentu Rosarij Religiosorum consolationi attendebat, redditæ ei fuerunt litteræ à Sancta Theresia, quibus significabat difficultatès de obtinendo Breui pro noua fundatione: Eòque magis stimulabant S. Commissarium, vt multarum rerum occupationibus, quibus ad officij partes explendas tenebatur; præferret transire Auilam consolandi, iuuandique animo Theresiam. Illuc itaque sine mora properans, Sanctam conuenit; atque de varijs difficultatibus, quæ pro expeditione Breuis offerebantur, cum ipsa deliberat: Quibus maturè expensis, suadet tandem Breue à Summo Pontifice petendum nomine D. Guiomaræ de Villosa, eiusque Matris; quæ suis impensis, Conuentum fundare cupiebant sub Instituto primæ Obsequiantie Montis Carmeli. Dein vtriusque Domine quæsito; habitòque consensu, atque fauore; Sanctam iterùm sollicitat Romam mittere, atque cetera providere; quæ sibi in operis promotione aduersa imminere prædicebat: Adcò vt ipsa Sancta proprijs scriptis hanc diligentiam, atque industriam B. Petri de Alcantara commendans; omnia penè ipsi deberi, nec sine eius auxilio se terminare potuisse, ingenuè testatum reliquerit.

His curis Auilæ addicto S. Petro de Alcantara obtigerat sæpiùs varia Religiosarum Virginum Monasteria adire, quibus inter virtutum monita, præcipuum orationis studium sedulò commendabat: Hinc multis libellos suos, quos de hac re conscriptos tradidimus, illis distribuendo, sermone quoque feruenti pietatem accendebat. Inter prima hæc, Monasterium Incarnationis (quo Sancta Mater Theresia includebatur) sæpè ad instantiam Sanctæ, atque ægrotantium ingressus præsentia, doctrinaque mirabili instruendo perfecit:

fecit : Alterum Sanctæ Annæ, Ordinis S. Bernardi Religio-  
sas magnæ perfectionis continebat . Illuc semel ab Abatissa  
inuitatus, vt ægrotantem quandam Virginem inuiseret ; re-  
deundo à plurimis eum vndique stipantibus, ad celebra-  
dum Sacrum in Oratorio Synodij, seu Capituli trahebatur ;  
quò deuotionis feruorem, quem omnes in Beato veneraban-  
tur, in suæ pietatis affectum conuerterent vtilius ? Nec fe-  
fellit opinionem promptum sincerumque viri obsequium, &  
dùm sensim interna spiritus flamma in Mysterij meditatione  
exardescens, antequàm ad sanctissimi corporis communio-  
nem peruenisset ; vehementi raptu per tres horas vltra cubi-  
tum à terra subleuatus omnes stupore, atque deuotionis  
compunctione percelleret . Hinc ad se reuerlus, sacrificio-  
que absoluto, gratiam (quam ipse in diuina elementia altius  
prædicabat) deuotis Virginibus in pietatis stimulum vali-  
dum conuertit ; vt quod sibi indignissimo Dei famulo con-  
cessum immeritò mirabantur, id amantibus feruentius, at-  
que sectantibus diligentius diuinam Bonitatem incitamenti  
magis, quàm præmij loco habendum efficacius persuaderet :  
vndè cum ei aliquoties in eodem loco, occasione illius in-  
firmæ visitandæ, idem contigisset ; altissimos eisdem Virgi-  
nibus conceptus de familiaritatis diuinæ, atque spiritualium  
deliciarum precio facilius impressit .

*S. Petrus de Alcantara duas socias Sanctæ Theresiæ eligit, Con-  
uentum sui Instituti in Episcopatu Zamorensi admittit .*

*Cap. XXIV.*

**E**Adem insuper occasione, qua Auilæ moram trahebat  
B. Pater, non defuit conquirendo Sanctæ Theresiæ Vir-  
gines aliquas socias, quæ nouo eius Instituto nomina da-  
rent ; operam impendere : Vndè cuidam deuotæ suæ peni-  
tenti religiosam vitam meditantî, atque iam soluta dote  
cuidam Monasterio addictæ, validius persuasit ; vt propo-  
siti effectum differendo vsque ad opportunum magis tempus,  
quod se indicaturum promisit, pietatis studijs intensissima

nouam illam foundationem expectaret.

Alia Virgo nomine Maria de Pace domestica D. Guiomarae de Vlloa, cuius virtutes imitabatur eodem Religionis desiderio accensa, turbabatur valdè à dotis necessariæ ad ingrediendum Monasterium defectu: Quod cum B. Petro de Alcantara sincerius aliquando communicasset, eius monitis, atque consilijs plurimum consolata; remedium suæ impatientiæ impoſterum ex Sancti Viri promissione securior expectabat. Harum itaque Virginum acquisitione Sanctæ Theresiæ renunciata, obfirmabatur spe foundationis suæ successum (tam felici principio, tamque sollicito Promotore, obstetricantibus) prope diem optatum sui desiderij fructum pariturum; eoque alacrius, atque diligentius B. Patri gratias agere, & ad operis perfectionem sollicitare instabat.

Varijs interea Populorum sollicitationibus inuitabatur S. Petrus de Alcantara ad fundandos Conuentus sui Instituti in eorum locis, quos excusabat ipse reiiciendo in opportuniore tempora; nè obtrectatoribus inuidiæ materiam, magis augetet. Instabant ardentius incolæ loci Aldeæ del Palo quinque milliariibus Zamora distantis; ideoque quò facilius obtinerent, D. Guiomaram de Vlloa (quam adeò Sancto Viro addictam nouerant) literis compellant; vt eum ad sua desideria pertrahat: Hæc cum S. Commissario varijs persuasionibus consensum extorſisset, litteras quoque, quibus idem explicaretur, atque ad fabricæ promptitudinem, Ciues inuitarentur, elicuit; seruantur adhuc apud Zamorenſes Ciues prædictæ literæ in deaurata tabula sub cristallo inclusæ, quarum tenorem hic adscribere non ingratum fore existimo ijs, qui (vt dicitur) Leonein ex vnguibus cognoscere cupiunt; sic ergo habent.

*Ego Fr. Petrus de Alcantara Commissarius Generalis Fratrum Minorum Conuentualium Reformatorum per Hispaniam, Authoritate Apostolica &c. Quia illustris Domina Guiomara de Vlloa, modò habitans in Ciuitate Anila, mihi dixit; quòd in Aldea del Palo Oppido propinquo Zamora, Rectores & aliæ personæ principales eius loci offerunt quoddam Oratorium à Sancta*

ita Magdalena vocatum, ut sub nostra obedientia ibi Conuentus adificetur; & sic aliqui deuoti construere volunt Ecclesiam, domum, atque hortum iuxta formam nostri Instituti: Itaque dum ita fuerit, ut prædicta Domina fide dignissima retulit, & prædicti sollicitantes in proposito eidem declarato persenerauerint; Ego ex nunc recipio, atque admitto prædictam Domum pro Monasterio; & illud incorporo cum ceteris Conuentibus nostræ Custodiæ, & exhibeo me missurum Fratres, qui opus incipiant: Et quando Deo fauente, Domus perfecta fuerit, promitto me destinaturum alios, qui eam incolant; hac tamen conditione, quod non excedat formam nostris adificijs præscriptam, & quod Magistratus, vel hi qui maiorem partem Monasterij adificauerint, semper maneant Domini eiusdem; ita ut ibi habitantes Fratres inde eijcere possint, quandocumque intellexerint, quod ex ipsorum vita non resultet gloria Dei, atque proximi adificatio, sine quauis alia ex causa; quia illud nostrum non existimamus, nisi tantum ut in eo Domino Deo nostro seruiamus, tanquam peregrini, & mendici in hoc Mundo. Et sic promittimus restituere illis quolibet anno clauis eiusdem Conuentus, ut de illis faciant quicquid ipsis placuerit; aut propter amorem Dei, nos iterum in illo habitare permittant. Et quod præsentis litera maius robur habeant, subscribuntur mea propria manu, & obsignantur sigillo maiori mei officij. In Villa Oropeza die 9. Ianuarij Anno 1561.

Fr. Petrus qui supra manu propria -

## LIBER TERTIVS

De erectione Prouinciæ S. Iosephi vsque ad  
vltimum annum finis vitæ S. Petri  
de Alcantara.

*Concludis erigere Custodiam in Prouinciam: De insigni miraculo eius meritis à Deo concessio. Cap. 1.*

**S**TATVERAT secum S. Petrus de Alcantara, in virtute potestatis sibi à Christi Vicario concessæ Custodiam suam in Prouinciam, erigere: Itaque dum vndique ad nouum Institutum candidati concurrebant, atque varia loca Conuentuum fundationes expetebant, Patres ad Capitulum conuocat, cum quibus de his, alijsque regulis constituendis, deliberando, maturius omnibus prouideret.

Hinc principio Anni 1561. congregatis Pedrosi prædictis Patribus, placuit diuinæ benignitati Serui sui consilia sequenti miraculo illustrare. Habebat in propinquo pago Inoxal Vir satis deuotus Religiosorum, cui filius eadem pietate non inferior, Fratres apud se transeuntes omni charitatis officio prosequabatur: Inter alia sæpè conquistis à Fratribus eleemosinas suo iumento ad Conuentum perferens, ibi à Sancto Viro Petro de Alcantara humaniter exceptus, in morum innocentia efficacius confirmabatur.

Quadam die occurrebat eidem iuueni, huic officio explendo, tardiùs domo sua proficisci; indèquè iam tenebriosa nocte Tagi ripam accedere: Cùm iam iumentum aquas fluminis (quod ob profunditatem quietum fuit) attingisset, nullo verbere, vel alio incitamento progredi voluit, compellente illud magis iuueni; qui se ad torrentem quendam, qui in eadem via occurrit, peruenisse existimabat. His itaque



que curis anxius, nè in deserto loco noctis inclementiam experiri cogeretur, ad Deum mentem eleuans summa fiducia S. Petri de Alcantara fauorem inuocat, atque iumentum acrius extimalat: Mirum dictu, quod iumentum quasi precepto obediens, moras rumpit, timorem excutit, vndas fluminis ingreditur, atque cum suo ductore sine vlla aquæ offensa in obiectam ripam siccis pedibus pertransit; at verò iuuenis, cui nondum in mentem Tagus venerat, cum se eum iam traecisse animaduertat ex his, qui sibi obuij demonstrarunt; perculsus stupore vix non exanimatus corrui. Vnde deuotius in gratias, ac lachrimas coram Deo effusus, meritum S. Petri de Alcantara, atque virtutem etiam super animantia, & elementa altissimè intonando accelerabat passus; vt quàm citius ad liberatoris sui pedes in Conuentu procumberet. Peruenit tandem, licet tardiùs, ad Conuentum; atque coram omnibus, maximè verò ad pedes S. Patris, liberationis beneficium, & miraculi excellentiam exultabundus recenset, cuius causam S. Petrus de Alcantara, charitatis præstantiæ adscribens, gratiarum actionem omnem in diuinam Omnipotentiam refudit: Viatores autem, qui ad flumen traieciendum pernenerant, à nauiculario certiores facti neminem illum ea nocte traecisse; eò magis successus magnitudinem, quacumque transirent, euulgabant.

Interea dum præparant se omnes cõgregati deuotis orationibus atque exercitijs, vt rebus agendis cœlestis spiritus præsidium implorent; adueniunt duo nuntij ab Oppido de Arenas, instantes vt Conuentum Fratrum apud se ædificare permitteret S. Petrus de Alcantara, idemq. suis sumptibus Ciues perfecturos: Quibus tunc humaniter dimissis, postea Deo sic inspirante, plenius satisfecit. Eandem instantiam, sæpius fecerat Excellentissima D. Ioanna de Portugal Marchionissa de Elche, quando audiuit eum creatum esse Cõmissarium Generalè, & concessam illi fuisse facultatè recipiendi alios Conuentus, cuius precibus concesserat S. Petrus Anno 1560. vt ad illu locu explorandū P. Antonius à Cõceptione, & Fr. Bartholomæus à S. Anna transirent: Hi postquam ubique

que opportunitatem situs condendi Conuentus designasset, tam in loco de Elche à prædicta Marchionissa oblatæ, quàm in Oppido de Monforte, quò illos transeûtes deuotio incolarum vocarat, rediere ad Capitulum Pedrosi; vt missionem Fratrum ad nouam foundationem sollicitarent, velut in Capitulo Lorianæ congregato statuerat S. Commissarius.

Quibus sic dispositis principium Capituli Dominica Septuagesimæ à S. Petro de Alcantara factum, in quo auctoritate Apostolica sibi tanquàm Commissario Generali concessa, Patrum quoque votis accedentibus erexit Custodiam, iam nouem Conuentibus auctam, in Prouinciam titulo Sancti Iosephi; cuius imaginem pro sigillo assumere placuit. Eî paribus suffragijs, primus Prouincialis præfectus fuit P. Christophorus Brauo, Vir singularis virtutis atque disciplinæ religiosæ, cui sola obedientiæ vis muneris acceptatione extorquere poterat, vrgente eundem Sancto Commissario Petro de Alcantara. Idem mox ceteris creatis Superioribus Prouinciæ, leges proposuit; quibus præ his, quæ à foundatione Custodiæ introductæ vigeant, sequentis Reformationis norma atque exemplar inniteretur: Idedque vnanimi cõsensu approbatas; quia pietatem, ac zelum paupertatis redolent, pro multorû consolatione adscribere non recusabo.

*Primò ordinamus, vt in omnibus Conuentibus nostra Prouincia recitetur Officium diuinum voce submissa equali, atque deuota vbiq; quatuor Fratres conuenerint, qui id ritè explere possint.*

*Item in omni tempore fiat oratio mentalis per tres horas in communi, & vna hora labore corporali Fratres exerceantur. Per totum annum faciant disciplinam in communi more solito, exceptis Dominis, ac festis de precepto.*

*Item quia scimus, quòd nostra professionis principalis Observantia consistit in Sancta paupertatis praxi; qua derelicta, Observantia quoque Regula nostra sancta deperijt: Eà propter ordinamus, vt omnes Fratres nudis pedibus incedant, vestiti panno grosso; ex quo habitus longitudo non excedat pedis superficiem, nec latitudo decem palmos; manica pertingant ad primam manus iuncturam, & latitudo inter vtrumque humerum palmi & medij*

medij cum unica apertura: Mantellum longitudinis tanta sit; ut extrema digitorum obtegat demisso brachio.

Item ordinamus, ne petantur pro sanis carnes, pisces, vinum, oua, exceptis eleemosinis quotidianis, quibus non petantur res delicatiores; sed illa recipiantur, qua sponte offeruntur, exceptis perniciousibus, gallinis, & alijs huius generis capediarum: Nec conquirantur res quaecumque ut seruentur; prater legumina pro uno aut altero mense cum consensu Pronincialis, Guardiani, & Seniorum Conuentus; nec cogatur aliquis carnes, vel lacticinia manducare, quocumque tempore, si noluerit.

Item omnes Fratres super humum dormiant, in aliqua tabula, storea, vel pelle; salvo in locis humidis, ubi stratum erigere possunt altitudinis unius palmi à terra, neque ad hoc faciendum à Superioribus cogantur: Et possunt habere stragulum vile quatuor mensibus anni, & alijs duo; quatuor verò æstiuis nullum.

Item ordinamus, ut Fratres etate prouecti bene habeantur, & infirmi optime curentur secundum possibilitatem sine magna aliqua distræctione cum charitate: Nec quisquam, qui vitam communem non seruauerit, ad minus per medium annum habeas vocem passiuam; si verò conualescens, ad eandem vitam per mediū annum redierit, eandem vocem recuperabit. Pro vita autem communi intelligimus non portare quodcumque genus calceamenti, non uti culcitra, lino, aut alijs huiusmodi, qua ubique sanis prohibentur: Et si quis hac voce passiuæ utitur (pro ut dictum est) impeditus, priuetur eadem per duos annos; & Prelatus (qui id permisserit) priuetur ad triennium in Capitulo sequenti.

Item ordinamus, ne pro Sacratio recipiantur vasa aurea, vel argentea; prater duos calices, & unam Custodiam pro Sanctissimo Eucharistie Sacramento: Nec recipiantur paramenta serica, aut acu picta; sed simplices quatuor tantum casule cum ceteris ornamentis ad sacrificium necessarijs; neque sint in qualibet Ecclesia plura quam duo Altaria, quorum ornatu pauper sit, & nitidus; ut deuotionem excitet. Cetera Conuentuum suppellex humilis sit, atque exigua; ita ut necessitati sufficiat.

Item non recipiantur pecunie pro Missis, sed omnes applicentur pro benefactoribus; salvo quod Guardianus unam, aut duas apoli-

applicare poteris pro aliqua persona particulari, cū Prouincia singulariter obstricta fuerit; nec pro eadem quicquam recipiatur.

Item ordinamus, ut Conuentus ( qui imposterum recipientur ) sint parui & humiles iuxta formam à Capitulo præscriptam: Nec aliquis recipiatur, qui non habeat Patronum, cui non permittatur, ut enim Papa renunciati; sed tanquàm Dominus quandocūque voluerit, possit eijcere Fratres, & facere de eo quicquid ei placuerit. Ideò quoque quolibet anno accedant eum Fratres cū clauibus, ut ei restituant; aut si propter amorem Dei voluerit eos ulterius in eodem habitare, id iterum concedat: Tenenda quoque sunt duo inuentaria suppellectilis Cōuentus; ut exeuntibus Fratribus relinquant illam, quam à Domino acceperunt, aliam verò secum auferre possint.

Item ordinamus, ut iuxta Regula præceptum de Conuentuum nostri Instituti humilitate Ecclesie parue sint; nec latitudine octo pedibus angustiores, nec 24. longitudinem excedant: Nec ex quacumque occasione ampliuntur, nisi propter aliquorum habitatorū commoditatem, qui nullam aliam in propinquo Ecclesiam habuerint. Et in Conuentu, ubi habitauerint Fratres, resplendeat paupertas & vilitas; nullo ligno elaborato construatur nisi Ecclesia, Chorus, & Sacrarium: Nullum ibi sit synodium, aut bibliotheca; sed libri inter Fratres distribuantur, ut melius conseruentur. Totius Conuentus de nouo extruendi circuitus quinquaginta ad summum pedes contineat. Octo pedum vel nouem latitudinem Sacrarium, portaria, atque valetudinarium inferius includat. Cella septem pedes ad summum, valetudinarium hybernū tredecim, aut sexdecim non excedat: Claustrī area in forma quadrata septem pedes habeat. Diuisio cellarum sit ex lateribus; & scala trium pedum latitudinis: Ad quam formam omnes Conuentus quantum possibile fuerit redigendi, aut precipuè adificandi.

Nullus Conuentus ultra octo cellas habeat portam Claustrī quatuor palmis latam, septem vero altam; reliquas portas 2. pedibus latas, & sex altas. Ecclesia eiusdem sit altitudinis cum Conuentu, ut quadratura insta seruetur.

Tandem ordinamus, ut Prouincialis, Commissarius, Custos,

*aut Guardianus, qui has Regulas non seruanerit; princeps per sex annos, alijsque panis subiaceat, iuxta sententiam omnium Patrum.*

*De ulteriori successu predicti Capituli: Quomodo S. Petrus de Alcantara misit Religiosos ad fundandum Elche, & Lorito in Regno Valentia; & ipse in Aldea del Palo fundat Conuentum, & de quodam successu mirabili. Cap. II.*

**P**ostquam à Patribus congregatis præscriptæ Constitutiones fuissent approbatæ, Conuentuum Guardianis prouisum fuit; varijsque Religiosi, qui noui Instituti desiderio ad Capitulum ex varijs Prouincijs concurrerant, per familias commodè distributi fuere: S. Petrus de Alcantara, nouum quoque Prouincialem Romam destinauit; vt Magistro Generali Conuentualium, rerum gestarum ratione reddendo, omnium confirmationem tam ab ipso, quàm à Summo Pontifice procuraret. Eodem tempore octo Fratres moribus, ac experientia probatissimos, nempe Fratrem Gasparum de Tordesillas, Fr. Hieronymum de Ciudad Rodrigo, Fr. Antonium de Valentia, Fr. Antonium Brauo, Fr. Hieronymum de Torrejonzillo, & Fr. Gasparum de Salmeron Noñitium, eorumque Commissarium Fr. Alphonsum de Lerena & Guardianum Conuentus S. Iosephi de Elche, & Fr. Isidorum à Sancto Iacobo Guardianum de Lorito, misit ad fundandos eosdem Conuentus; de quibus superiori Capitulo mentionem fecimus. Horum virtute, ac sanctitatis exemplo fundamenta laeta fuere, Reformatæ Prouinciæ Sancti Ioannis Baptiste in Regno Valentia: Cui S. Petrus de Alcantara tanquam primogenitæ & affectum, & spiritum suæ pietatis impensius communicauit; fouendo quoque semper quantum vixit; vt meritò S. Petrum suum fundatorem præ cæteris agnoscat, ac veneretur.

Scriptit quoque S. Petrus de Alcantara epistolam ad Sanctam Theresiam de rebus à se gestis, quarum consolationem omnes

omnes exantlatos labores absterfisse affirmabat; eoque Sanctam ad sui Conuentus foundationem incitabat, nec impatienter contradictiones, aut obstacula perferenda, ac superanda admonuit; vbi tam insignis fructus colligendus sperabatur. Scripsit quoque ad D. Guiomaram de Villosa, significando se iturum quamprimum Aldeam del Palo; vt foundationis promissæ debitum exsolueret: Cui occurrendo deuota Domina se quoque itineri commisit; vt possessionem quandam suam in illo loco fabricæ Conuentus offerret. Hinc S. Commissarius tenerrimo affectu, atque amplexu omnes suos Religiosos dimittens, ipse Aldeam del Palo abiit, ibique summis honoribus omnium exceptus, partem prædictæ possessionis Eremitorio Sanctæ Mariæ Magdalene propinquam, vbi Conuentus extruendus erat, à D. Guiomara recepit; & interea cum Socijs in ædiculam quandam molen-  
dini olei ad habitandum secessit.

Dùm in hoc loco, rebus disponendis, fabricæ incumbere-  
ret, atque prædicationis efficacia præclaros fructus colligeret; occurrebat interea duobus S. Petri deuotis Alcantaræ in Estremadura (de quibus aliàs retulimus fuisse persuasos in seculo remanere) vt domesticis, externisque curis cõturbati fortis suæ molestias inuicem conferrent; considerando se à B. Patre aliàs exclusos à Religionis ingressu, nunc maioribus aduersitatibus tam animi, quàm corporis vexari: Vndè consultum sibi Patris spiritalis præsentiam adire; vt solatium aliquod referrent, quod sola spe eiusdem redditus auidius prælibabant. Quadam itaque die, qua his collo-  
cationibus animi mœstitiam subleuabant; placuit diuinæ Omnipotentis S. Petro de Alcàtara (licet longè distanti) omnia in spiritu patefacere, & vt illis ex improviso apparens, sic amicè saluaret: *Dominus dei vobis suam pacem.* Ipsi verò præ gaudij magnitudine (quasi exanimés) ad Sancti pedes corruentibus, atque lachrymis irrigantibus; instabat iterum ille: *Quid vobis est filij? quid occurrit? quæ cogitationes, quæ dubia vos cõturbant?* Vndè à terra surgentes, atque seorsim Virum Dei consultando animi latebras aperire, omnes an-



etates deponere, tantòque maiori stupore percelli; quo repente ex oculis suis euanescere, & certa indagine miraculosè sibi adfuisse compertum habuere. Hinc summas diuinæ Bonitati gratias reddere, qui suæ afflictioni auxilium, Petri sanctitatem suæ deuotioni magis confirmare miro modo dignatus fuisset: Ita quòd impòsterum sæpiùs consolati eiusdem præsentia, eandem alijs eius deuotis diuinitus concessam tã beneficij accepti gratitudine, quàm altissimis amici Dei præconijs publicè declamarent.

*Vadit Arenas ad fundandum Conuentum, & in via miraculosè fluuium quemdam transit. Cap. III.*

**P**Erducta tandem Conuentus fabrica ad eam perfectionem, qua præsentia sua non indigebat; S. Petrus de Alcantara ulterius ad fundandum in loco Arenas aliù longius progreditur: Et quàmuis hyberna intemperies illo anno magis niues accreuerat, Sanctum tamen Virum in sui rigoris obseruantia non relaxabat; dum nudis plantis gelu calcans, caput omni niuium, imbriumque inclementiæ nudum exponeret. Animabat quoque magis Fratrum in Aldea del Palo relictorum commiseratio, quorum à Cælo benigniori Estremaduræ ad illud rigidiùs translatio maiorem alienum, quàm proprium ipsi doloris sensum causabat.

Exaudiuit tamen Deus Serui sui preces, quibus succurrere filiis suis absens negligere non potuit; dum quadam die in præfato Cōuentu, Fratres sine prouisione vlla afflictī, sequenti tandem luce Angelico ministerio mirabiliter sibi subuentum, vt securiùs intellexerunt; ita diuinæ Prouidentix, Sanctique sui Commissarij meritis acceptum ferre non destiterunt.

In via autem B. Petrus de Alcantara progrediens peruenit ad Durium fluuium aquis exundantem, quem sine periculo tunc transfretare non poterat, nisi renouando priora miracula Deus Seruo suo opportunam, mirandamq; opem attulisset: Nam frustra implorato transitu, quem Nauicularius

larius ob aquarum rapidum cursum pertinacius denegabat; Sanctus Vir crucis signo se, aquaſque muniens, intrepidè super vndas (obſtupeſcentibus his, qui in aduerſa ripa ratem expectabant) in alteram partem ſiccis pedibus tranſgreditur. Quò cum perueniſſet, inter medias turbas, quæ ad eius venerationem pronæ conglobatæque concurrebant, quàm citiùs potuit (laudando Deum in mirabilibus ſuis) perumpendo tranſiit. Spargebatur tamen vbique rei ſucceſſus, & ad Conuentum Aldæ del Palo perueniens, Religioſos illos Fratres de ſingulari cura, qua Seruum ſuum Deus vbique mirificabat, certiorem alacrioresque reddebat.

Peruenit tandem emenſo laborioſiſſimo itinere ad locum de Arenas, vbi omnium applauſu (velut Apoſtolus excep- tus) Eremitorium quoddam media leuca diſtans nomine Sancti Andree de monte, iuxta diuinam reuelationem recepit. Erat locus ſitu amœno inter colles quosdam caſtaneis, alijsque arboribus opacis, quem à quadam Confraternitate petiit, mox fundatione atque Fratrum habitatione excolendum ſuſcepit: At inuidente Demonio huic pio operi quosdã Clericos ſuſcitauit, qui opponendo ſe ſe fundationi ad Episcopum Auilæ appellarunt; vnde nèquicquã B. Petrus turbari ſe permittens, meliora concepit de Conuentus eiufdem progreſſu auguria, ſcribensque ad D. Ioannem Velasquez de Auila; vt ſuaderet contrarijs opus illud, maiorem Dei gloriam, incolarumque vtilitatem allaturum; ſed reſponſum tulit neceſſarium eſſe, vt ipſe Auilam veniat coràm difficultatis controuerſæ ſolutionem à fauente ſibi Episcopo auditurus. Sine mora itaque S. Commiſſarius Auilam pergens, tanta humilitate atque dicendi vi rationes fundationis ſuæ Episcopo explicauit; vt ipſos Aduerſarios non conuiſtos modò, ſed & fauentes operi ſuo redderet, & Episcopum quoque, adeò propitium faceret; vt inſuper aliũ ſitum adificando valetudinario còmodum assignaret. Hinc remiſſo ad fabricæ continuationem ſocio, ipſe ad alia negotia pertractanda Auilæ remanſit.

*De quibusdam colloquijs cum Sancta Matre Theresia, in cuius  
presentia quodam singulari favore à Deo honoratur.*

*Cap. I V.*

**V**ix S. Petrus de Alcantara Auilam adueuerat, cum à Sancta Theresia ad colloquium inuitatur (quo gratiis sibi contingere nihil omnino poterat) mox confecta lite ad eandem se confert; & post Pœnitentiæ Sacramentum, de suorum negotiorum statu penitus interrogat: Illa Roma se Breue expectare quamprimum indicat pro Reformationis approbatione; deindè consulit an Monasterium suum cum modica dote fundare conueniens foret. Quod zelator paupertatis non quidem admisit, sed adducto Sanctæ Claræ exemplo, & tunc vigentium Regiarum Discalceatarum nobili pauperie, Sanctam Matrem adeò in hoc sensu obfirmavit; ut omnino nullos redditus Monasterio adscribi velle, firmiter proponeret. His vterque adiungebant de varijs vitæ Asceticæ regulis tam in pœnitentijs, quàm alijs exercitationibus; inter quas, cum mirabilem S. Commissarij abstinentiam Theresia admiraretur, eò quòd se confidenter declarasset post tres tantum dies refici, & interdum etiam integram hebdomadam inedia transigere: Tunc ille; *Nè mireris filia hoc, quod consuetudine fit possibile.* Deindè Sancta, urgere amplius; ut ad Dei gloriam manifestaret sibi, quid ipsi in vita spirituali maxime omnium difficile occurrisset? Cui S. Petrus de Alcantara somni torpedinem accusans, se iam ab ingressu Religionis eius tormentum grauiter sensisse dolebat: *Ideoque scias, inquit, ut illud vincam, me semper aut erectum, aut genuflexum, aut sedentem capite ligno cuidam inclinat; iam per quadraginta annos, ultra sesquihoram somnum non capere.* Mox de oculorum mortificatione differens sibi, quia illi assueuerat indifferens esse aut videre, aut non videre, asseruit addens quoque alia multa de vitæ suæ norma, quam nemini vnquam declarare voluit; sed ad instructionem modò Sanctæ, eiusque vitæ confirmationem, cum rigoro-  
roso

reſo ſilentij præcepto tunc familiarius explicare ab ipſa auditus fuit, & ſcriptis ſuis poſteà publicauit.

Hac occasione Sancta B. Patrem, vt apud ſe pranderet maximis inſtantijs, amoris verò Dei ( quo ſemper commouebatur ) argumento ad conſenſum fortiùs pertraxit : Et quia S. Petrum inedia adeò conſectum dolebat, dum videret pellem oſſibus inhærentem vix cruribus inſiſtere, ſed pedes & manus radices potiùs arboris exprimere; parari iubet modicam reſectionem, ad quam filiam quandam ſpiritualem S. Petri de Alcantara, deuotiſſimam quoque virginem Mariam Diaz vocare placuit. Sequenti igitur die veraque ad Monasterium veniunt, vbi poſt mutuas congratulationes Religioſarum, ſermo de amore Dei feruentior iniectus fuit à Sancta Theresia; quo dum explicando inardeſceret S. Commiſſarius totus extra ſe raptus, in altiſſima extaſi longo temporis ſpatio eleuatus permanſit; ita vt Sancta tunc prima vice hunc cœleſtem fauorem in S. Petro conſpiciens, eundem tenerrima lachrimarum deuotione proſecuta, atque cum ſociabus Deo gratias agendo ſinem attentior expectaret.

In ſe igitur reuerſus B. Pater menſe adſidens, atque ſolito cibo iuſculi aquæ delibuti vſus, alia deguſtare recuſabat; cùm repente, iuuenis quidam diuina ſpecie ferculum quoddam diuidere viſus S. Petro de Alcantara offerre, atque ſui oblito potum propinare, atque os abſtergere familiarius tractando ſtuporem aſpicientibus inieciſſet. Vnde diuinam præſentiam agnoſcentes Virgines, indignas ſe tanto fauore conſiteri, diuinam Bonitatem deprecari, Sanctum quoque tam admirabili dulcedine repletum profundius venerari, huius diei memoriam inter illuſtiora ſcribere, pro maximo conſolationis fruſtu, attentius collegerunt. Et licet ſuccellus ſilentium vtriſque diſtictè imperaſſet; tamen iubente Deo à Sancta Theresia factum aliquo poſt tempore vulgatum fuit, & ab altera Maria Diaz confirmatum; vt ſic ad poſteritatis notitiam faciliùs tranſierit; Eadem Sancta, alios plurimos fauores B. Patri factos proprijs oculis conſpe-

spexit, quos reticuisse se tùm eiusdem maculati reuerentiâ, tùm Confessarij (quo tunc utebatur) cùm vitam suam scriberet, timore explicatis verbis sic confiteor de S. Petro loquens: *Multa alia dicere vellem, nisi timerem ea tibi dicere; ideoque relinquo consenta his, quæ hætenus dixi.*

*De mirabili conuersione cuiusdam Nobilis facta virtute orationum S. Petri de Alcantara. Cap. V.*

**N**Vper Auilam Clericus quidam Nobilis aduenerat, qui iuuenta, atque opibus insolescens dissolutè satis viuendo, alios quoque exemplo offendeat: Nam redditus Ecclesiasticos copiosos inter luxum & ganeam, ludos & vitia licentiosè profundens; Officij diuini, gradusque Ecclesiastici, immò decoris natalium vix vllam rationem habere videbatur. Accedebat ille interdum cum alijs nobilibus S. Petri de Alcantara tunc Auilæ degentem, cuius colloquia, & doctrinâ sodalium magis affectu, quàm virtutis amore, aut studio auscultabat, atque mirabatur; dum enim primò Viri Sancti conspectu tanquàm defuncti cuiusdam tunc è sepulchro egressi specie percelleretur, mox verbis eiusdem altius animum penetrantibus, cœpit vitæ pudore frequentiores Viri Dei accessus paulatim declinare: At B. Pater, qui interno lumine iuuenis secretiora scrutabatur, subindè cum recedebat monita salutaria suggerendo; quodam die, ab ipso rogatus, vt pro se Deum deprecaretur, libenter se hoc præstiturum spondit. Secutus est hanc sponsionem mirabilis effectus, cum eadem nocte S. Commissario feruentius pro iuvene Deum exorante, ille tam vehementi scelerum, suorum contritione compunctus, nec requiem conscientie, nec leuamen dolori, nisi in lachrymarum profusione inueniret: Dubius tamen tam repentinae mutationis causam recogitans diù, nesciebat cui aut illam adscriberet, aut quomodo errorum turpitudines priùs licentia peccandi euulgatas, tunc secretius per Sacramenti virtutem deleret; accuratiùs tandem refricanti memoria occurrit S. Petri recens promit-

missio, cuius effectum certius se illa nocte expertum concludens, summo animi dolore conscientiae examen scripto interea commendat, & stilo acutissimae compunctionis characteres formans, lachrymarum ingenti copia irrigabat; dum culparum foeditates exhorrescens illas lingua exprimere vecundabatur magis, aut differebat. His itaque curis noctis quietem repellens, summo mane ad B. Petrum celeri gressu ire properat, eumque post celebratam Missam Arenas euntem, maximaque salutantium corona stipatum inuenit: Hinc iterum (inuidente sibi Sathana) ne meditata conuersionem faceret, mundano quodam respectu fortiter se retrahi sensit; nec in facie tantae multitudinis B. Patri appropinquare, suumque negotium aperire auderet. At fortius stimulante diuina gratia (quae vocauerat) ducitur tunc suauiter inter alios, qui S. Petrum de Alcantara sequebantur extra ciuitatem; ita ut semper e propinquo eum conspiciens, omnibus recedentibus, ille tandem ultimus accederet: Mox doloris sui pondere pressus ad pedes S. Petri inclinatus, ac scriptum suum porrigens; *In hac, inquit, pagina Pater mi, vita mea obscuras, vitiosque conspurcatas lineas agnoscas; humiliter supplicans ut orationibus tuis, à Deo mihi omnium veniam deprecari non dedigneris.* Ad quae S. Commissarius manum & sinum, extendens, benignè cum colligit, verbisq; velut aculeis cor eiusdem configens, oleum consolationis vulneribus conscientiae infundit; denique perseverantiae donum à Deo ei postulaturum se promittens, cum benedictione laetum ad propria dimittit.

Postea adiunctis sibi socijs itineris Magistro Daza, & Nobili quodam D. Francisco de Guzman, Arenas progrediens, hunc licet praegrasset in incessu; suauitate tamen suae conuersionis illectum, obtentu cuiusdam negocij Arenis expediendi nequaquam à se potuit separare: Nec obliuiscabatur interea secreta mentis elevatione diuinam misericordiam compellare; ut iuueni illi poenitenti dignam delictis suis compunctionem cordis concederet. Vnde ille per totam viam (qua domum redibat) sentiens se vehementiori



dolore peccatorum conteri, in alium hominem mutatus, depositisque prioribus vanitatibus coepit varia luxu instrumenta in pauperum eleemosinas conuertere, atque vitam moderatius instituire: Paulò post Arenas petens S. Petro de Alcantara peccata, quæ iam scripto prodiderat, confessione salutari facilius diluens, ab eodem nouæ quoque vitæ documenta reportauit; quibus anteaactæ ruinam tam sibi, quàm alijs illatam, insigni emendationis exemplo reparauit.

Hinc quamprimum Auilam reuersus modico contentus famulatu, vestituque vulgari, sericis dimittis Nobilium iuuenum conuersationes fugiens; Religiosis frequentius iungebatur. Visitationes non nisi ad Xenodochia, & carceres dirigere, in Ecclesijs quotidie frequens, & in priuato Oratorio meditationibus, atque corporis macerationibus peruiuil; insuper pauperum necessitatibus subueniendis plurimum intentus videbatur. Huiusmodi nimirum vitæ ratione omnibus admirandus, atque Beati Patris continuo magisterio proficiens tam suæ virtutis exemplum illustre, quàm efficacis orationum, doctrinæque Viri Dei singulare testimonium ad finem vsque reddidisse perhibetur.

*Quomodo redeundo Arenas multos sola presentia S. Petrus de Alcantara conuertit. Cap. VI.*

**D** Vin autem B. Petrus viam Arenas prosequitur, Magistro Dazæ propositum Sanctæ Teresiæ de fundando nouo Monasterio primi Instituti Carmelitarum enarrat, elusquæ fauorem eidem præstandum efficacius implorat. Quibus colloquijs tum Magister hic; tum D. Franciscus Guzmanus ad eò consolatòs se fuisse postmodum affirmarunt; vt singulari Viri Dei merito adscribere non dubitarint, se vitæ molestiam pedestres nequaquam sensisse.

Transeundo per locum del Barracco, incolæ cum quibusdam Sacerdotibus ordine, Viro Dei vsque ad certum Oratorium à loco per milliare distans, obuij processerunt; in-

dè summa cum reuerentia exceptum vsque ad locum suum, conducunt: Multi eius aspectu compuncti, detractis calceamentis, nudis etiam pedibus sequi non recusarunt. Ad hunc venerationis excessum suffundi rubore, S. Petrus de Alcantara, & vt erat humilis magis diuinum consilium reuerbatur, qui tali medio multorum saluti consulere voluisset; idedò ad Ecclesiam rectà processionem dirigit hymnos, psalmosquè in Dei gloriam deuotè intonando. Inter eundum, tamen per plateas, & vicos conglobari magis Populi, & coram Seruo Dei humiliter prostrati; quidam illi contraniti vestem, & pedes osculari: Alij sola spirantis velut cadaveris eius obiecta specie vix non terreri, aut ad cordis dolorem excitari; ita quòd plerique commotis animis, nulla eius prædicatione audita ad penitentiam conuersi, ab Ecclesia (vbi coram venerabili Sacramento eius benedictione receperant) ad domos suas reuerterentur probiores.

Erat in loco Sacerdos nomine Andreas del Prado, cui S. Petrus de Alcantara indulgendo, voluit per aliquot horas in eius domo quiescere; magis nobilium sociorum, quam sui ipsius causa, qui fatigatione incalluerat. Cum itaque ad mensam varij cibi hospitibus conuenientes afferrentur, ipse iussulo quodam contentus, frigidam infundebat: Quare ab alijs reprehensus, quòd stomacho noceret; excusabat se, nec alios cibos concoquere posse, nec res nimis calidas pati.

Hinc Arenas progrediens varios pagos, quos transire occurrebat, tanta sui admiratione replèuit; vt incolæ sequendo eum è longinquo venerabundi, ac pròni in terram benedictionem eius suscipere pro summa fœlicitate haberent. Eodem honore Arenis affectus, illos quoque sibi fauente experiebatur, quos aliàs maximè aduersos in Conuentus fundatione prius inuenerat: Vnde cum suis Religiosis in loco, qui infirmis destinatus erat, aliquandiu vitam religiosissimam ducens; Conuentus fabricam suo admirabili viuendi exemplo non minus, quàm doctrinæ efficacia breui ad necessariam habitandi comoditatem promouit.

*Impetrat à Deo pluuiam in magna siccitate. Cap. VII.*

**D**VM Arenis moratur S. Petrus de Alcantara longa durities Cœlum occluserat; & præ siccitate arefcentibus herbis & seminibus, terra ipsa crebris hiatibus velut oribus pluuiam exposcebat: Pro his omnium supplicationes, atque vota irrita videbantur; ita quod dolore oppressi incolæ, nihil præter scelerum suorum supplicia agnosceret. Incidit tamen quibusdam in mentem B. Virum adire, eiusque intercessionem instantius exposcere: Qua quidem instantia atque miseria ille commotus, promittit, se non defuturum cum Religiosis suis orationibus instare; modò solemni processione omnes ad conditum diem, ac locum pro placando Numine deuotius accessissent.

Itaque ex vicinis locis ad Ecclesiam principalem ingens multitudo conuenerat, cum S. Petrus de Alcantara, rogatus sermone ad Populum habito, omnium affectus, & lachrymas ad Deum conuertit. Hi offensarum dolorem magis exprimere visi, spem certiores, dabant diuinæ exauditionis; Vnde S. Petrus fiducia diuinæ misericordiæ, aliquantulum, coram Altari in oratione procumbens, Deum inuocat; & statim exurgens: *Procedamus, inquit, fratres contrito corde ad placandum Deum; ego etenim annuncio vobis, quod priusquam ad hanc Ecclesiam redeamus, exauditos nos à Domino manifestè cognoscetis.*

Indè procedunt cuncti ordinati cantando hymnos, ac psalmos deuotè; vt diuinum auxilium implerent. Erat tunc serenum Cœlum, adeò vt Solis radij omnes vehemèter adurerent: Cum quasi ex improviso aer turbari, nubes Cœlo obduci videbantur; ita vt Populus futurum imbrem suspicando, passus acceleraret. Deus igitur publicæ necessitatis misertus, & Serui sui Petri deuotis supplicationibus inclinatus, quas defixis in terram oculis, & corde in Cœlum eleuato, efficacius semper porrigebat; densissimam pluuiam immittendo, Populum exultantem madefecit, & Serui sui  
fidem

fidem in Ecclesia datam promptius exsoluit.

Postquam Ecclesiam omnes intrassent, B. Pater ad gratiarum actionem fideliter exhortatur, atque in conscientie puritate Deum sibi propitium conseruarent, diligentius persuadet. Mox inter congratulantium, atque adorantium globos ad Conuentum suum euasurus perrumpit, acclamantibus cunctis diuinæ gratiæ singularem largitatem, quæ non solum aliquot dierum pluuiæ exsiccatos fructus reuirescere; sed etiam ubertate messis multorum annorum præcedentium abundantiam, obliuisci fecisset.

*Alia miranda operatur Deus; propter orationes S. Petri de Alcantara. Cap. VIII.*

**S**uperiori miraculo euulgato, undique ad S. Commissarium concurrunt Populi, qui se, suæque orationibus eius confidentius commendarent; alij ad Institutum eius admitti postulerent; ut in proximo Capitulo narrabimus. Erat Arenis mulier quædam oculorum ægitudine ad cæcitatem quasi redacta, quæ auditis S. Petri de Alcantara stupendis factis illum promptius adire decernit, quò eius benedictione accepta visum ad lucrandum victum recipiat; S. Petrus mulieris audita fide, atque auctoris Dei mentione, qua viscera sibi commoueri sentiebat; statim manus capiti eius imponit, & eleuatis in Cælum oculis, *Deus te sanat*, respondit; dataque ei benedictione recessit. Mirum profecto factum, quòd statim mulier oculos aperiens, liberè se videre, atque omni dolore carere agnosceret, ac profiteretur.

Alius Nobilis filium paruulum habebat, quem hernia im-  
mensis doloribus ad desperationem affligebat; nec Medicorum consilio, nisi per sectionem curari poterat: Mater at-  
tamen D. Maria de las Torres, vicem filij anxia S. Petrum conuenit; atque ut orationibus & sacrificijs suis miserum pueri statum Deo commendet; obtestatur ardentius. Cuius S. Petrus vehementem anxietatem subleuans, bono animo esse iubet, nè ulterius quicquam circa puerum agat; sed

quamprimum ad se conducatur: Mulier itaque domum regressa inuenit omnia parata ad incisionem; sed explicato Serui Dei præcepto scissuram suspendit, & puerum ad Fratrum habitaculum perducit. Tali spectaculo magis compatiens S. Petrus de Alcantara prius Sacrum facere aggreditur, eoque absoluto Euangelium super puerum recitat, eique benedicit: Interea verò dum iterum in sacrarium ad deponendas sacras vestes recedit, puer melius se habere, nullaque se parte offensum sentire; & Mater præ gaudij excessu, miraculum, miraculum exclamat. Mox profundissimis gratijs benefactori suo (qui effectum in sacrificij virtutē reijciebat) peractis ipsa cum filio sano læta domum regreditur, qui etiā ætate prouectior, successus huius fidem publico testimonio deposuit.

Sic itaque inclarescente fama virtutis S. Petri, vndique varijs tribulationibus, aut infirmitatibus vexati ad eum confidentius conuolare, & sicut amoris Dei incitamento omnibus expeditius compati solebat; ita orationibus suis salutē, ac remedium plurimis impetrabat. Inter illos singulare fuit, quod nobili fœminæ D. Catharina, uxori Bernardini de Modrano accidit, quæ addictissima B. Patri, Fratribus, ac Conuentui eiusdem cleemosynas abundanter largiebatur. Adiecit quodam die S. Petrus de Alcantara domum huius nobilis, vt pro beneficio cuiusdam misero opportunè concessio, gratias eidem ageret, cum vxor à B. Patre confidentius eorundem (qua cingebatur) propter amorem Dei dari sibi exposculet, & obtinuit. Non multo ab hoc tempore mulier fluxione graui in facie correpta vltra deformitatem, grauissimis quoque doloribus cruciabatur. Vnde frustra Medicorum consilijs, atque industria perterrita, à marito admonetur deuotionis in Sanctum Petrum de Alcantara & reliquias, quam apud se retinebat, à quibus remedium quæreret. Confissa igitur mulier Beati meritis sumit cordam, eamque offensis partibus imponit Deum affectuosius deprecans; vt intercessionibus amici sui sanitatem concedat. Nec defuit Deus, qui

vt cordam mulier aliquibus partibus sensim admouet, easdē illicò tumore recedente curari concessit; ita quòd omni ex parte sanata, postea maxima in veneratione hanc cordam habens, plurimis alijs beneficium sanitatis impertita fuerit. Contigit hoc præ alijs multis foeminae cuidam in partu laboranti, cui cum ad extremum perductæ corda B. Petri applicaretur, imminenti periculo subtracta, duos masculos sanos in lucem foeliciter edidit. Sicque Viri Dei merita longè, latèque apud omnes corruscantia, venerationem atque pietatem publicam accendebant.

*De duobus Viris conspicuis, quos ad S. Petrum d: Alcantara, Deus hoc tempore misit; vt Religioni adscriberentur.*

Cap. IX.

**Q**Uod non minùs virtutibus S. Petri de Alcantara debebatur, vt propitio Numine multi corporum salutem illo intercessore adipiscerentur; sed vt plurimi quoque animæ consulerent, sub ipsiusque magisterio æternitati studerent, sequentes conuersiones singulariter edocebunt.

Aliàs retulimus S. Commissarium in Andalusiam euntem per Baezam transiisse, ibique à Ciue quodam deuoto ac opulento perhumaniter tractatum. Huic filius præclara indole à S. Petro ad perfectiorem statum præsignatus, Patri valdè commendatus fuerat; donec studiorum profectu Sanctorum scientiam edoctus, religiose vitæ perfectionem amplecti præceteris elegisset; Hinc post diuina oracula per frequentem orationem consulta, quadam die incio Patre domum egreditur, Arenis S. Petrum de Alcantara aditurus. Hic Adolescentem quindecim annorum delicata complexione in delicijs paternis enutritum, eò blandius collegit, quòd spiritu certius præuidens virtutis eiusdē futurū magnū incrementū; ideò nunc austeritati Instituti primis inijs temperandū, esse iudicauit, nè statim opprimeretur: Suscepit itaque ad Religionis habitum non aduersante Patre, qui recordatione prædictionis S. Petri de Alcantara, vt filium seruituti Dei



manciparet, cò libentiùs à se auelli permittebat. Nec fefellit vtrumquè opinio, cùm crescente ætate singularibus à Deo donis iuuenis illustrari mereretur: Nam orationis contemplationisque frequentia, crebros raptus; corporis maceratione illustres victorias contra offensissimum sibi Sathana mirè obtinuit. Indè ob vitæ innocentiam, atque humilitatem à S. Commissario sui agniculi nomine descriptus stupenda plurimà operatus fuisse perhibetur: Toto quasi vitæ tempore educationi Nouitiorum Præfectus, tam insigni fructu exercuit magisterium; vt multi ex eius Discipulis virtutibus clari, etiam martyrio in Iappone celebriores étaserint. Post mortem B. Petri de Alcantara Sancta Theresia sæpiùs de animæ suæ statu eundem consulens, intellexit in illo tamquàm altero Elia, sancti Magistri spiritum perennare; nomen ipsi P. Gasparo à Sancto Iosepho, de quo aliàs mentio recurret.

Alter qui Arenis S. Petro associari voluit, P. Didacus Manchado iam in Religione professus tali visione incitatus fuit. Quadam nocte orationi inuigilanti per speciem offerebatur spaciosum mare, in cuius medio naus instructa varijs insignijs velut firma stabat; ad quam multi Religiosi, per viam saxosam, quæ inter aquas eminebat, pergere contendebant: Notabat autem ex his aliquos sarcinis prægraves non adèò expeditos titubando inter saxa, vndis submergi; alios verò leuioribus vestibus, ac corpore, vultu, & membris macilentos, expeditiùs ad eandem nauem peruolare: Alij videbantur in littore suspensi hætere, desiderio tantum transeundi; dum aliorum, qui se præcesserunt, periculum pertimescerent. Vndè turbari ipse quoque non parum, donec excussa mora ad eundem sibi S. Petrum de Alcantara proponeret, cuius fama vniuersam Hispaniam implendo, Instituti quoque Observantiam religiose salutis viam securiorem strauisse diuulgabat: Hinc difficulter à Ministro Generali impetrata licentia transeundi ad reformationem aliquam Ordinis Provinciam, Arenas contendit, ibique duos eiusdem Instituti Patres obuios habet, quos ex

vultu atque habitu iudicabat ex illis esse, quos sibi visio velliciores incessu ad nauem peruenisse ostenderat. His itaque comitantibus ad S. Petrum adducitur, cuius affabilitate exceptus, eiusdem Societati nomen dedit; foelici adeo successu, ut inter feruentiores Religiosos Prouinciæ Sancti Iosephi resplendens tam in vita, quàm post mortem miraculis à Deo condecorari meruerit. S. Commissarius verò ad Conuentum Rosarij excurrrens, ut fratres ibi suos solaretur; mox Brenas redijt, quò fabricæ noui Conuentus, diligentius incumberet. Accidit in via socium eius Franciscum à Melo, inedia atque lassitudine fatiscere; ita ut commiseratione ad Deum conuersus S. Petrus de Alcantara opem ei afferre, oratione accensa satageret: Indè ad socium; *Frater*, inquit, *inspice sacculum istum, in quo libros geris; ut necessitati tuae succurras*. Religiosus, cui sacculi contenta nota erant, vanè sibi id dictum fuisse existimans; obedientiæ tamen promptitudine sacculum aperit, indèque panem calidum, optimumque extrahit, quò vterque obmutescens mox in terram prouoluti, singulare miraculum diuinis laudibus personabant.

*S. Petrus de Alcantara scribit S. Theresie, & virtute diuinam illam inuisti, non proficiscens Arenis. Cap. X.*

**R**Ecepit circa hoc tempus S. Petrus epistolas officiosissimas, tum à Principissa D. Ioanna de Austria, tum à D. Maria Infante Portugalliæ; in quibus vtraque animæ suæ dubia exponebant, atque orationum eius subsidium postulabant. Conquerebantur insuper, quòd nihil à se officij postulauerit, cum paritissimæ forent, quidlibet etiam eius religiosæ familiæ fauoris præstandi: Vndè respondendo Principissæ D. Ioannæ pro vestiendis Fratribus pannum vile, & ab Infante simplicia quædam corporalia pro Ecclesijs suis, humiliter supplicauit.

Habuit quoque alias litteras à P. Ludouico à Granata, quibus ei explorandum oratione commendabat, cui se studio

dio dicandum diuinæ voluntati potissimè placeret. Ideò post aliquod dierum interuallum responsum dedit; vt relicta prædicatione, scribendis libris spiritualibus se applicaret, quò plurimis in hac via laborantibus prodesset: Nam longa experientia satis probauit huius Magistri tractatus, contemplatiuæ studiosis optimam manuuctionem præstitisse; atque adhuc fructum facere illis videlicet libris, quos de oratione, & meditatione conscripsit; in quibus eundem S. Petrum de Alcantara vel imitari studuit, vel augendo declarauit.

Præ omnibus autem Sanctus Vir litteras à Sancta Theresia exoptabat, quibus statum suæ foundationis (quam vehementer perfici cupiebat) intelligeret: Vt igitur alliceret, ipse mensè Septembri Anni 1561. (teste P. Francisco Ribera) breuem ad eandem epistolam scribit, qua etiam seriò se orationibus eius commendabat; eò quòd plus solita valitudine laboraret. Peruenit autem hæc epistola ad Sanctam Auilæ eodem tempore, quo ipsa propter defectum cuiusdam clausulæ Breuis Pontificij Romæ obtenti valdè crûdiabatur. Non enim exprimebat facultatem Monasterij sui subijcendi Ordinariò, si fortè Prouincialis Carmelitarum Reformationem acceptare noluiisset; vndè valdè inceptum turbaretur: De his itaque certiozem facit S. Petrum de Alcantara, & de quibusdam agendis liberiùs consulit; simul gratias agendo, quòd sollicitudinis partem sibi tam affectuosè assumpsisset.

Placuit Deo omnia hæc, quæ mente Sancta conceperat, atque epistola inscripserat, S. Petro absenti aperire; atque vt ille Arenis existens, Auilæ in Monasterio Incarnationis cum Theresia colloqueretur difficultates omnes explicando, atque pro futuris successibus familiaritèr omnia disponendo: Vndè modum præsentis ipsa admirans, summa animi consolatione verba amici Dei suscipiebat; quibus auditis, atque in oratione perseverans, supernè meritorum S. Petri de Alcantara excellentiam penetrauit; ad quam tot heroicis virtutibus ipse ascenderat. Prædicationibus quippe suis  
vni-

vniverſæ Hiſpaniæ multiplices fructus attuliſſe, ſicut vitæ exemplo comprobauerat; ita diuina reuelatione, maximè ſibi gratum exiſtere, Thereſia ex hoc inſigni memorabilique teſtimonio cognouit: *Huiusmodi ſunt merita Fr. Petri de Alcantara, & tanti apud me æſtimantur; ut quodcumque à me eius nomine petieris, numquàm tibi negaturum me ſcias.* Quibus adiungens Dominus, ſe infra annum eundem Seruum ſuum ad cœleſtia præmia vocaturum, ſpirituale colloquium concludit: Sancta verò mox ad S. Petrum diuinæ reuelationis nuncium perſcribit, ei de ſummi boni promiſſione congratulatur; tantòque magis cum accendebat, vt ſumma animi ſuauiſſitate imminentem vitæ finem expectaret, atque ad eundem agonem ſuſcipiendum exercitijs ſeruētioribus ſeſe diligentius præpararet augendo macerationes, ieiunia multiplicando, orationes protrahendo.

*De ſauore quodam ſingulari, quo S. Petrum de Alcantara Auct-  
le Dominus condecorauit; dum menſe D. Ioannis Velaſquez adſideret. Cap. XI.*

**N**Ec diù diſtulit S. Commiſſarius Auilam ire, vt fundationis Sanctæ Matris Thereſiæ initia promoneret; cuius effectum ante ſuum diem extremum videndi ardentiffimo deſiderio ſagrabat. Viuebat ſub habitu tertij Ordinis Sancti Franciſci Auilæ pia quædam, ac nobilis ſcœmina nomine Maria Diaz; quæ ſpirituale vitæ addiſta oratione, ieiunio, ac corporis maceratione aſſidua, nullius familiaritate præter Sanctæ Thereſiæ utebatur: Hæc S. Petri de Alcantara quoque doctrina proficiens, virtutis, ac ſanctimonix fama, ac propter contemplationis ſtudium inter præcipuas Hiſpaniæ tunc habebatur; ideo cùm adueniſſe Auilam intellexiſſet, conſeſtim ducente ſpiritu ad ipſum conuolauit; vt diuinæ manifeſtatione Sancti directoris, ac Magiſtri ſui merita notabiliùs agnoſceret ſequenti modo.

Remanſerat hac die S. Petrus de Alcantara in Palatio Domini de Loriana, D. Ioannis Velaſquez filij ſui ſpiritu-

Q

lis,

lis, ut apud ipsum coactus pranderet; eo tamen modo, quo sibi strictam semper abstinentiæ legem indixerat. Vix mensæ accubuit, cum ciborum diuersitatem oculis despiciens, eosdem in Cœlum attollens, cœlestium sapore, atque dulcedine abstractus extra se raptus, nullius sensus usum, indicabat; sicque diu perseverans, tali spectaculo etiam adfidentes, stupore magis quam nutrimento aliquo satiabat. Huius autem inediæ quasi compatiens Christus Dominus, stupendo fauore Seruum suum B. Patrem tunc temporis prosequi dignatus fuit; dum ipse cum multis Angelis Cœnuaculum ingressus, adstare S. Petro de Alcantara eique ex quodam ferculo ministrare, etiam suauiter ori immittere, & ut cibum assumeret; adhortari voluit. Nec ideo S. Petrus sensibus redditus naturæ officio fungi poterat, sed virtute superiori adiutus, facultatem attractiuam cibi exercendo, ab interioribus animæ delicijs, quibus absorptus erat, non vacabat.

Dum hæc fiebant, accessit prædicta Maria Diaz, & quod cæteris celabatur, ipsa admirans, summo animi iubilo ad pedes Christi procumbens, cum intimo cordis suspirio hanc vocem edidit: *Ah Domine mi, hinc nē tu stas?* cui ille. *Vbi vis filia, ut sim; hinc sto, ut electos meos reficiam.* Tanta verò hæc verba suauitate, atque efficacia à Christo proferebantur; ut cor Virginis, superna dulcedine raptum, tunc omnes corporis sensus destitueret; eamque in quietissima extasi immobilem figeret. In qua dum illa persistebat, ad se reuersus S. Commissarius, & admirabilem diuinæ Benignitatis profusionem submissa humilitatē recognoscens; eidem Mariæ (post extasim) diuinorum secretorum beneficia commendans, breue colloquium celeri fuga dissoluit. Mox Sanctæ Theresiæ, atque suis deuotis valè dicens, ad Conuentum suum Arenis redire properabat.

*In itinere à tempestate vehementi, ac niuium copia miraculose defenditur. Cap. XII.*

**P**ROPOSITUM erat S. Petro de Alcantara illa nocte locum delas Cuevas attingere, vt sequenti die Arenas perueniret. Sed præpeditus viribus, senio, atque pœnitentia confectis, non minùs quàm viæ difficultatibus, eandem non vltra radices montis Puerto del Pico, iam declinante die perduxerat. Huius itaque montis ardua conscendens, nocte obscura peruenit ad tabernæ cuiusdam desertæ ruinas; quæ tunc (nullo alio loco receptaculum præbente, & tenebrarum horrore crescente) hospiti desolato gratissimæ obueniunt: Sed turbauit quietem tempestuosus imber, qui niuem, & aquas effundens sub aprico Cœlo diluuium minabatur; ita quòd S. Petrus socij magis quàm sui memor, Deum precaretur, vt eum saluum præstaret, atque vt sibi meliori modo prouideret eundem hortatur. At socius vicissim Beato Patri commiserans, & nudo eius capiti niues excutens, tot eius incommodis, ad patientiæ imitationem, animum firmabat constantius.

Dum igitur his officijs Charitatis vtrimque certabatur, obtinuit S. Petrus obedientiæ autoritate; vt socius (qui sibi tanquàm meritis inferiori, atque viribus robustiori maiora incommoda deberi iudicabat) tandem cederet, & in specum quandam se reciperet; foris manente S. Petro, vbi omnem aeris inclementiam solus sustineret: Sed tantus fuit orationis, & accensi eius spiritus feruor; vt decedentes in eum niues ab interno quodam calore liquecerent, & socio intempestæ noctis frigus nihil quicquam incommodi (ipso confitente) afferret. Itaque dum inter angustæ huius maceræ spatium orando obambulat, experiebatur niues illic liquefactas solum sub pedibus suis non attingisse; sed mirabiliùs in aere suspensas, in modum testudinis tectum sibi quoddam efformasse; sub quo noctis, tempestatisque incommoda securior euaderet.



Hac ratione totam illam noctem intempestam in oratione transigendo, diluculo sequenti clariùs animaduertit diuinæ Prouidentię admirandam structuram; qua se ab ipso gelu niuium tegumento, defensum fuisse agnouit. Dein cum, gratiarum actione viam prosequi aggressus, conglobatas niues (quæ eandem occluserant) extenta manu in tantum remouit, quantum transeundi sibi locum sufficientem aperirent: Eadem quoque res socio stuporem maximum iniecit, cum S. Petrum de Alcantara existimans niuibus obrutum, prodire ex fornice illa mirabili attentius obseruasset. Ex quo ambo ad diuinas laudes excitati, singularis beneficij prodigium per totam viam altius celebrarunt; eò maximè quòd non cessaret beneficium, donec ipsi singulis velut passibus altissimas niues perrumpendo, & latentes fossas, atque præcipitia transeundo; post molestias, & pericula ad locum de las Cueuas salui, & incolumes peruenti, recto tramite pro gratijs persoluendis Templum adiissent.

Indè ad domum D. Francisci de Andrada pergens S. Petrus de Alcantara summa cum admiratione excipitur, eò quòd deuotus hospes cum alijs suis amicis satis capere non posset, quomodò ipse iter tam imperuium, tempore adeò inclementi illæsus perfecisset. Inter alios, qui B. Dei Seruo congratulabantur, erat Religiosus quidam Sacerdos Hieronymus Moreno, qui omnem itineris successum perscrutatus; miraculi beneficium, quo sibi S. Petrus niuium receptaculum paratum confidentiùs narrauerat, ipse licet prohibitus, ad Dei gloriam diuulgare non continuit. Vndè amicorum applausus, magis quàm præterita tormenta, frigoris effugiens B. Pater, post breuem quietem, atque socij refectionem eandem repentè viam iterum prosequitur.

*Angelus S. Petro de Alcantara atque Fratribus Arenis cibum affert, & de quadam prophetia. Cap. XIII.*

**E**X superioris itineris molestijs S. Commissarium ad Conuentum reuersum vehemens stomachi dolor occupat; ita

ita quòd consueta animi serenitate tormentum ferens patienter, indè occasionem caperet sese disponendi ad finem vitæ, quam appropinquare prænouerat.

Contigit interea Religiosis Conuentum nouum incolentibus propter victus penuriam, fame obsideri; quam quotidiano quæstu subleuare Cœli intemperies prohibebat. Itaque exitu omni præcluso, quocumque etiam cibi genere consumpto; sola S. Petri constantia cæterorum animos ad prouisionis cœlestis spem, alacrius erigebat: Nec fefellit in oratione perseverantes euentus; cùm quodam die, refectiois hora instante, ad portam Conuentus quidam gratioso aspectu iuuenis quinque panes ostiario attulisse visus, statim disparuit. Illos vt de Cœlo venisse, hoc argumento cognouit S. Petrus; confestim Religiosos omnes ad gratias Deo agendas, hymno vsque ad Altare deducit. Auxit magis hanc fidem, quòd prædictos panes, dum continuarent pluuiæ, & Fratribus exitus è Conuentu impediretur, iisdem per aliquot dies suffecisse compertum publicè fuit.

Post aliquod tempus necessum fuit B. Patri pro vrgente negotio, duos Religiosos ad Conuentum Rosarii mittere; P. Michaellem videlicet à Catena cum socio, quibus plurimum confidere poterat. His dum in via oborta tempestas tam aquæ, quàm grandinis periculum euidenter minabatur; Religiosi Arenis vices ipsorum anxij, S. Petrum de Alcantara periculi admonent, & quid de illis foret, exquirunt. Quibus ille; *nè solliciti sitis*, inquit, *quia Fr. Michael Euangelium Sancti Iacobi nunc recitat; atque eo se à tempestate defendit*. Quod tunc verum fuisse à Fratribus notabatur, quando socius Fr. Michaelis ad Conuentum reuersus, ita euenisse certiùs affirmavit.

Non defuit interea Romæ Prouincialis Christophorus Brauo negocia Prouinciæ apud Generalem Conuentualium vrgere; vt Constitutionibus, alijsque Regulis ad noui Instituti confirmationem approbatis, maiori quiete religiosæ vitæ disciplina promoueretur; atque in primum suum splendorem, quo sub Sancto Francisco inclaruerat, restituere-

tur. At variaz difficultates, atque oppositiones, quæ ipsi à potenti manu longiorem moram necessebant, non permisere; vtram citò, atque optatò omnia succederent: Tandem varijs congressibus cum Ordinis Protectore Rodulpho Pio Cardinali Carpenſe super hac re habitis, autoritate etiam Regis Catholici, atque Summi Pontificis adducta, coactus fuit Prouinciæ subiectionem à Conuentualibus ad Obseruantes transferre; data ab eodem Protectore fide nihil indè detrimenti, aut periculi strictiori disciplinæ timendum fore, permanentibus in suo robore Apostolicis Indultis, atque Confirmationibus. Hac itaque potentia pressus Prouincialis referendi cuncta ad suum Commissarium Petrum de Alcantara, qui Reformationis Author extiterat, dilationem recepit; additis etiam literis Eminentissimi Domini Protectoris, ac R.P.F.Francisci Guzmani Procuratoris Curiz. Vndè videbatur diuina prouidentia Seruo suo Petro, nouâ merendi materiam circa finem vitæ præparasse; quò repetitis prioribus doloribus, quibus à principio Reformationis cruciatus fuerat, iisdem superatis postremò gloriosius coronaretur.

*S. Petrus de Alcantara vadit Toletum, vocatus à S. Theresia. Cap. XIV.*

**E**Rat his diebus Toleti D. Ludouica de la Cerda Soror Ducis Medinæ Cœli, quæ ob immaturam mortem Marchionis de Malagon sui mariti, nullam omninò consolationem admittere volebat. Hæc à quibusdam amicis pijs persuasa, deuotam Virginem Theresiam (quæ Auilæ sanctitatis fama innotuerat) ad se euocare, & ab ipsa efficaciora humanitatis officia expectare inducitur. Scripsit itaque ad Prouincialem, vt veniendi licentiam concederet; dum hoc ad quædam charitatis officia præstanda huic Instituto, tunc temporis permittebatur. Nec mora quin Prouincialis Illustri Domini obsecundare cupiens, Theresiam virtute Sanctæ obedientiæ Toletum ire circa festû Natalis Domini Anni 1561. præciperet: Quò cum peruenisset summa omnium læticia

excepta, D. Ludovicæ adeò grata accessit; vt eidem sua conuersatione tùm interioris vim leuare, tùm spiritualis vitæ desideria accendere vehementius, totamque insuper eius familiam ad optimæ frugis vitam reuocare efficacissima fuerit. In hac occupatione Theresia sex menses insumpsit; scribendo interea de sua fundatione ad S. Petrum de Alcantara, de quibusdam difficultatibus, quæ ei à personis doctis ac pijs circa paupertatis modum continuò obijciebantur. Accendebatur quoque deuotus animus prædictæ Marchionis Sanctum Virum videndi cupiditate, eoque Theresiam urgebat; vt venire Toletum S. Petrum inuitaret: Quod illa quidem in summa consolatione habens; verebatur tamen, ægram, atque deficientem Viri valetudinem itineris molestia opprimere. Vndè desiderij affectu timorem superans, literas scripsit officij plenas; quibus S. Petrum tam charitatis, quàm pietatis argumentis exstimulans, ad iter Toletum sulciendum adduxit.

Cùm itaque Toletum aduenisset, mox in domo Marchionissæ prædictæ Theresiam visitauit: Illa verò præsentia Viri Dei tanquàm pœnitentiæ effigie attonita, atque in lachrymas deuotionis resoluta; instar altera Magdalena pedibus eius adhærens, doctrinam atque colloquia cum Sancta Theresia attentius auscultabat.

Ex his, quæ Sanctæ Theresiæ difficiliora occurrebant in sui Monasterij fundatione, rerum omnium integra abdicatio grauior videbatur; ex qua multas inquietudines, atque incommoda propter quotidianam mendicationem, Superioribus præcipuè imminere, prudentiorum quoque iudiciæ præuidebant. At S. Petrus de Alcantara, cui per reuelationem declaratus fuerat modus nouæ istius Reformationis, respondit absolutè nullos omninò redditus admitti debere; nè potiùs ex his animi Religiosarum sollicitudine, ac curæ rei familiaris distraherentur: Vndè efficacibus eius rationibus persuasa, sententiam aliorum, aut opinionem Sancti Patris longè post habuit, secum statuens nullas prorsus facultates in fundationis principio stabiles acceptare.

Alia difficultas superanda restabat cum D. Aluaro de Mendoza, Episcopo Auilæ; cui si expropriationis forma declarata tunc foret, metuebat Theresia, quòd Monasterium non permetteret; vt sibi imposterum præcaueret à sustentationis necessitate: Illam etiam difficultatem S. Commissarius in se recepit; ita vt meritò dixisse Sancta videatur, *sine auxilio Sancti huius Viri, nequaquam opus tam arduum sue Reformationis, promouere se posuisse*. Itaque infinitas gratias tum, S. Petro, tum diuinæ Benignitati reddebat, quòd suis pijs desiderijs tam opportunè in omnibus fauissent.

At Marchionissa, quæ his negocijs intererat; non minùs lætabatur, tam Sanctorum hospitum familiaritate, quàm, quòd remisso nimio animi dolore ex mariti funere, se ad maiora desideria Deo inseruiendi, ardentius accendi cognosceret: Vndè in deuotionem S. Petri de Alcantara magnoperè excitata, antequàm Toletò abiret; duas ei possessiones in suo Dominio, pro fabricandis Conuentibus, offerre non neglexit; vnā prope Paraquellos, alteram in Oppido de Malagon. Nec oblatione contenta, fabricæ Conuentus illius prioris ipsa adesse, operam manibus præstare, aliaque tandem adeò studiosè agere volebat; vt non minùs veram in Deum pietatem, quàm singularem in Seruum eius Petrum affectum factis exprimeret.

*Conuenit S. Petrus de Alcantara Episcopum Auilæ pro fundando Monasterio S. Theresiæ. Cap. XV.*

PRÆNOSENTE S. Petro vitæ suæ diem extremum non longè abesse; ideò cupidus foundationem Monasterij Sanctæ Theresiæ priùs promouere, festinabat adire Auilæ Episcopum; vt apud eum paupertatis impedimentum remoueret. Erant autem corporis eius vires tam maceratione, quàm labore adeò consumptæ; vt infirmitatibus varijs obnoxia, cum Auilæ in lecto decumbere tunc maximè cogerent: Vndè affligebatur magis impedimenti dolore, quàm ægritudinis sensu; dum absente Episcopo, neque per ami-

cos etiam negotium, ad quod venerat, tractare opportunè valeret. Dum igitur spe erigitur videndi Episcopum febris aggrauatus, scribere tandem non distulit, quidquid mente conceperat: Idemque ut distinctè magis explicent amici sui, D. Franciscus Salzedo, Gonzalus de Aranda, Magister Daza, sollicitè commendat.

Forma Epistolæ hæc erat.

*Spiritus Christi impleat animam Dominationis Vestra; à qua benedictionem peto. Infirmitas (qua aggrauor) hæcenus me detinuit, quin negotium valdè conueniens diuino seruitio cum Dominatione Vestra pertractare possim: Itaque nè eius effectui promouendo ex parte mea deesse videar, præsentis epistola Dominationi Vestra eius argumentum intereà explicare, consultum duxi. Est quædam persona spiritualis, qua constituit Monasterium religiosissimum Monacharum in hoc loco ædificare iuxta perfectionem primi Instituti, ac Regule Ordinis B. Virginis de Monte Carmelo: Ideò pro eadem Observantia conseruanda, conueniens ac necessarium iudicauit, Ordinario huius loci obedientiam, atque subiectionem vouere. Imprimis confisa bonitati Dominationis Vestra, cuius virtutem, atque sanctitatem in Diocesis sue gubernio, unà cum alijs omnibus veneratur: Perduxit autem negotium cum impensa quinque millium regalium ad illud punctum; ut Roma diploma Pontificium obtinuerit. Et quia mihi visum est bonum, propter amorem Dei supplico Dominationi Vestra, ut eius defensionem suscipiat; quia scio esse augmentum diuinitus, & utilitatem huius Ciuitatis. Et si Dominationi Vestra visum fuerit, eò quòd præsens benedictionem suam accipere, & negotium oretenus pertractare prohibeor; hanc mihi præster charitatem, ut ad me mittat Magistrum Dazam, cum quo id conferre possim, vel aliquem alium sicut magis Dominationi Vestra placuerit; adeò ut hoc maxima mihi consolationi futurum sit. Vt iterum dico, quòd potest D. Vestra idem conferre cum Magistro Daza, & Gonzalo de Aranda, quos optimè nouis; & ipsi me quoquè intimè cognoscunt: Et licet multa mihi promissam de his, quæ Institutum hoc suscipere cupiunt, cum pronè sint, atque experta virtutis; tamen de principali mihi persuasum ha-*



*beo, in illa Spiritum Sanctum habitare, cuius gratiam Dominationi Vestrę diu seruet diuina Maiestas ad maiorem gloriam suam, & vniuersę Ecclesię bonum. Amen. Amen. Cappell.D.V. indignus Fr. Petrus de Alcantara.*

Hanc epistolam cū accepisset Episcopus, neque auctoritate S. Petri de Alcantara, cui multū deferebat, neque prefatorum Virorum persuasionebus (quas singularibus rationibus contendebant, opus de Cœlo prouenire) adhuc persuaderi poterat, Monasterium sine certis redditibus admittere: Sed data eis repulsa, atque vltima responsione, se Auilę Viro Dei Petro de Alcantara plenius persuasurum, non deueniendum vllō modo fore ad fundationem sine aliquo stabilimento prouentuum temporalium, mœstos valdē dimisit. Hi cū B. Petrum adiissent, non exigua rei admiratione percellabant; licet ille perspecta sibi Episcopi pietate, simul persuaderet talem repulsam diuina Prouidentia ad maiorem operis promotionem dirigi; vt inter ardua confurgens, se nobilius extolleret.

Recuperata itaque aliquantū salute, viribus tamen; exhaustis, Episcopum conuenire necessarium existimans, iumento quodam vehi, tunc primū non recusat, quō & negotio consuleret, & sanitati; cū hactenū pedester iter agere semper consueuisset. Hinc ad locum Tiemblo (vbi tunc Episcopus degebat) perueniens, eundem supplex varijs motiuis, & argumentis ita vrget; vt licet suę opinionis tenacem, nonnisi manifestę Dei voluntati sibi declaratę cedere cogeret: Nam audita Theresię sanctitate, atque Serui Dei accenso feruore perspecto, aduersarium se vltērūs efficacioribus indiis præstare non audebat; sed magis diuini consilij Promotorem. Eadem efficacia S. Petrus de Alcantara paupertatis difficultatem explanans, haud dissimilibus rationibus Episcopum conuicit; quibus aliās Pontifici Innocentio III. Seraphicus Pater Franciscus sui Ordinis super nihilum Sanctę paupertatis fundati initia humiliter persuaserat: Et sic vltra integrum Episcopi consensum fauoris eius auxilium reportans, Pedrosū versus iter lætus

tus intendit; postquam eundem spiritualibus colloquijs, vniuersum quoque Populum præsentis suæ deuotione consolatos satis reliquisset. Dùm autem foundationis prædictæ principia à S. Matre Theresia disponderentur; Sanctus Petrus in Conuentum Pedrosi reuersus, ipsi Sanctæ ea, quæ cum præfato Episcopo feliciter conclusa fuere, distinctè perscribere non prætermisit.

*Sathanas Religiosis S. Iosephi persecutiones commouet, diuinis doctrinis solatur S. Petrus; & admittit duos*

*Conuentus. Cap. XVI.*

**Q**Uanquam plurimo B. Petrus pro Sanctæ Theresiæ Reformatione zelo distraheretur, non tamen eundem in officij sui sollicitudine ad minimum remittebat, vt perfectam Instituti Observantiam confirmare, atque promouere posset, non modò in Prouincia Sancti Iosephi; verùm etiam in cæteris, quas post mortem suam relinquebat perficiendas. Itaque cum inuidiam Sathanæ intelligeret, rigori disciplinæ suorum Fratrum insidias struere tentationes suggerendo, ex quibus à proposito facilius remouerentur: Ideò omnes diuinis monitis extimulans, plurimosque sanctis consilijs confirmans; sæpiùs magni illius Abbatis Antonij verbis sic cohortabatur: *Credite mihi fratres; timet valdè Sathanas vigilias, ieiunia, orationes, voluntariam paupertatem, humilitatem: Et super omnia; maxime illum torquet amor intensus erga Deum;* Quibus animati Fratres exercitia duplicando, insidias inimici cludebant; quàmuis ipse apparitionibus, atque insultibus etiam violentis eosdem terrere, ac malè tractare non desisteret: Sæuiebat autem maxime contra omnium Ducem S. Petrum, quem cum virtute Superiorem agnosceret, eò validius prostrernere nitebatur; eo quòd vinci etiam se eius feruenti oratione pertimescebat. Addebat insuper & alias fraudes, concitando persecutores, qui temeritatis, ac simulatæ pietatis arguendo viuendi rigorem Fratribus molestias varias creabant; quibus illi patienter

obuiam eundo, Sancti sui Commissarij doctrinis, atque exemplo magis in Christiana tolerantia, atque Instituti perfecta Obseruantia confirmabantur, ac proficiebant. Præterea modestè deuotis, alijsque arguentibus respondendo, confundebant multos exemplo primi Institutoris Seraphici Patris S. Francisci; cuius vestigia dum sequi velle profitebantur, non temerè se (vt aiebant æmuli) sed vt legitimos filios Patris mores exprimere velle euidenter demonstrabant: Ex quò tum S. Petri sermonibus confortati Religiosi, tum horum humili, ac deuota conuersatione compuncti seculares, non ampliùs despicere exiguum hunc gregem; sed summis præconijs, atque affectu complecti imposterùm visi fuere. Adèò autem hæc deuotio creuit; vt S. Petrus de Alcantara à plurimis Hispaniæ Prouincijs instanter sollicitatus ad fundandos Conuentus suæ Reformationis, magis differret eorum preces, quàm excluderet. Præsertim Auila Magistratus importuniùs instabat; vt propè Ciuitatem Conuentum extruere posset, cuius desiderij executionem ad tempus diuini beneplaciti constantiùs remisit.

At verò id negare nequibat Illustrissimis Dominis, D. Federico de Portugal, & D. Margharitæ de Borgia; quorum pietas locum solitarium Alcaicia prope Sollanâ suæ ditioris, & distantem tribus leucis Valentia, ad extruendum Conuentum offerebat: Vndè Custos Fr. Alphonsus de Lerenâ non distulit prædicti loci possessionem adire; in quodam Eremitorio sub inuocatione B. Virginis à Pictate sedem figere; atque in propinquo specu cellas quasdam tanquàm nidos excauare; vbi deuoti habitatores, rigidioris vitæ exemplo, Populorum corda, atque affectus tanquàm coelestes auiculæ in sui admirationem raptos dementare videbantur.

Idem statim concessum Marchioni de Villena Duci Scatlonæ in quodam Oppido suo Cadahalso, cuius causa hæc erat. Tristabatur valdè prædictus Dux ob sterilitatis suæ sensum, quem Sancto Viro dolens aliquando communicabat: Cui ille, vt cum vxore diuini Sponsi Iosephi patrocini-

nium implorarent, persuadens; se Deum quoque exoraturum spondit eodem Sancto fauente, à quo hæcenus multa beneficia obtinuerat. Tam fixum hoc consilium menti D. Ioannæ de Toledo, filix Comitissæ de Oropesa, & Ducis coniugi inhærebat; ut quadam die marito aperiens, velle se glorioso Patriarchæ Iosepho Conuentum dicare, si eius intercessione prolem à Deo impetrasset; idem ambo B. Petro de Alcantara significarent. Nec diù in vanum votum iuisse videbatur; cum præfata Domina primò masculum, postea quoque alios tres successiue peperisset. Ex quo obstricta ardentius Dei Seruum urgebat; ut suæ Religionis Conuentum in Scalona ædificari permetteret: Sed excusando S. Dei Seruus locum propter Patres Obseruantes, qui iam ibi habitabant, elegit Oppidum Cadahalso duabus indè leucis distans, ubi nullis alijs Religiosis impediabatur. Hic itaque Conuentus post mortem gloriosi Patris Petri perfectus, hac vltèrius memoria insignis reddebatur: Nam præfati Domini filiorum imagines cum toto rei successu, Ecclesiæ frontispicio insculpi voluerunt; quò Sancti Iosephi beneficium orationibus B. Petri de Alcantara impetratum, memoriæ posteritatis, atque deuotioni filiorum perpetuò commendaretur.

*S. Petrus de Alcantara in quadam Congregatione fundat duas Custodias, videlicet S. Ioannis Baptista in Regno Valentia, & S. Simonis in Galitia. Cap. XVII.*

**P**eruenerunt hoc tempore Roma literæ Eminentiss. Domini Protectoris Cardinalis Carpensis, & P. Francisci Guzmanis Ordinis Procuratoris super negotio, de quo superius tractauimus; cuius rationem reddere suis Religiosis, sicut cæterorum nunquam omittebat. Ideoque ad diem duodecimum Aprilis, Congregationem indicit in Conuentu Rosarij, dum ipse assiduus orationibus negotium Deo commendat: Sed quia angustia Conuentus capere tot Religiosos non poterat, non recusauit S. Petrus de Alcantara designa-

re. Congregationi certum Eremitorium Comitis Oropefe, à Sancto Ioanne Baptista dictum de Bobadilla; huc se prior transtulit, vt aduenientes Fratres omni charitate, atque humilitate præueniret; accedentium quoque pedes lauando. Mox Congregationem die 12. Aprilis Anno 1621. deuoto sermone aperiens; præsentem Religionis statum, & quæ Roma scriberentur enarrat: Omnium verò animos ad nouæ mutationis insperata attentius præparare studens; promissa prædicti Cardinalis Protectoris, atque fauores summi Pontificis, ipsorum denique Obseruantum benignos affectus paratos sibi egregiè demonstrat.

Quibus omnibus à Patribus congregatis ritè intellectis, ipsius S. Commissarij arbitrio prius omnia committere; mox illo recusante decreuerunt vnanimiter scribendum Romam vt in antiquo statu permanere liceat, aut immediatè sub protectione Sanctæ Sedis; vel si aliter fieri non posset, sub Obseruantibus in suorum priuilegiorum intemerata conseruatione permaneant, iuxta hunc tenorem cum P. Bartolomæo à Sancta Anna Diffinitore tunc illuc destinato scripsit S. Petrus Romam Protectori, atque Procuratori Ordinis vtrique iustæ petitionis suæ argumenta latius deducendo; quàmuis vltima tantum conditio obtineri potuit, Cardinale Obseruantum partes acerrimè defendente. Cessit itaque humiliter Prouincialis Procurator, atque Generalem Obseruantum P. Franciscum à Zamora Venetijs adiens; cum eodem Romam reuersus. à Pontifice Diploma Concordiæ vocatum impetrat, in quo singularia priuilegia Prouinciæ Sancti Iosephi, cæterisque Custodijs Discalceatorum in Hispania ad nutum Prouincialis benignè concedebat.

In prædicta Congregatione proposuit S. Petrus acceptandum Conuentum de Paracuellos tres Leucas propè Madritum, oblatum (vt diximus) à D. Marchionissa Ludouica de la Cerda, dum Toleti moraretur: At de duobus Conuentibus Elcie, & Lorito; quia in Regno Valentix longius à cæteris distabant, Custodiam erexit sub inuocatione Sancti Ioannis Baptiste; quibus postea Conuentus Sollanz adiun-

adiunctus fuit. Præfecit his Custodem Fr. Alphonsum de Lerena, Virum moribus & prudentia religiosum; quem post alios gradus ad illam partem Commissarium prius miserat, ut diximus: Ei adiunxit Fr. Ioannem à Cordouilla, ut Guardianus Loriti foret; Fr. Melchiorè de Villanoua, & Fr. Alphonsum de Manzanete socios cum alijs Religiosis, qui loca ista pietatis excolerent. Alteram quoque Custodiam declarauit in Regno Galitiæ ex illis Conuentibus, quos ibi fundauerat; & ex primi nomine Sancti Simonis titulum vniuersæ Custodiæ imposuit: Ad eandem itaque destinauit Superiores, Religiososquè Instituti zelantissimos; quorum exemplis, & doctrina studia virtutum augerentur quotidie.

His autem peractis congressus prædictus dissolutus fuit, summa cum S. Petri de Alcantara lætitia; eò quòd præcipuè filios suos spiritu conformes orationis, paupertatis, atque pœnitentiæ zelo inflammatos, odorem pietatis reddere animaduertisset. Vndè in eodem zelo eosdem confirmando sic exhortabatur sæpius: *Filij & dilecti fratres, attendite huic doctrinae necessariae. Multi inimici sunt, contra quos necessarium est arma pœnitentiæ parata habere: Et si quis persuadere vobis presumpserit carnem vestram non macerare, talem omninò fugite, & ab eo vos separate, tanquàm à Sathana atque maligno.* Sicq; verbis atque exemplo totius vitæ suæ studia Discipulis commendans; velut instantis mortis prælagus, mutuo illorum amore, & lachrymas doloris eliquit, & affectus paterni ténerritudine, veluti deficientis sui spiritus imaginem impressit, cunctisque valè dicendò benedixit.

*S. Petrus de Alcantara transfert se Auilam, ad concludendam foundationem Monasterij S. Mariæ Theresiæ; scribit eidem epistolam super paupertatis obseruantia. Cap. XVIII.*

**D**Vm adhuc Sancta Theresia Toleti in domo Dominae Marchionissæ de Melagon commorabatur; varijs docto-



eorum hominum sententijs, pro paupertatis obseruantia, in sua fundatione agitatam se vidit. Non enim ex vna parte Christi sui indigentiam imitari posse existimabat; si redditus, aut bona Monasterio, ac Instituto suo addicere permisset: Ex altera verò præuidebat idem imitationis studium non in omnibus permansurum ex quo, ad rerum temporalium sollicitudinem dilapsæ, spiritum deuotionis opprimerent, aut dissiparent. Vndè in veramque partem anceps, nullam sine S. Petri consilio eligere firmiter proposuit; cum hætenus eodem se plurimum perfecisse aperè agnosceret: Scripsit itaque epistolam varijs argumentis refertam; quam D. Gonzalo de Aranda perferendam citiùs commisit.

Attulit hic Vir deuotus epistolam S. Petro de Alcantara iam à præfata Congregatione expedito, & tot aliorum opinionones Auilæ degentium, ea (quæ Theresia narrabat) confirmare, summæque illi paupertati aduersas esse attestabatur: Vudè zelo accensus Dei Seruus sine morâ Auilam proficisci, & quàmuis deficientibus viribus; valido tamen spiritu iter nudis pedibus perficere non dubitauit. Hinc quia vera omnia ab amico perlata intellexit, confestim responsum plenum Apostolico Spiritu, ac Spiritus Sancti dictamine ad Theresiam hoc tenore direxit.

*Spiritus Sanctus animam vestram impleat. Vidi illam, quam mihi D. Gonzalus de Aranda tradidit; ex qua non exigua admiratione affectus sum, Dominationem Vestrâ tale negotium literatis commississe; ad quos non pertinet: Nam ubi de litibus, aut conscientia casibus agitur; laudabile quidem erit à Iurisperitis, & Theologis consilium capere, eorumque sententiam sequi. At de vitæ perfectione non nisi illos consulendos esse, qui eandem proficiuntur, ratio potissima suadet; quòd aut melius dictamen, aut opinionem de hac habere non posse illos, ipsorum operum studium, & exhibitio apertius demonstrant: Nec in Evangelicis consilijs aliena consultatione opus est, nisi an amplectenda sint, aut seruari possint deliberare; quod speciem infidelitatis certissimam præfert. Consilium enim Dei nullum nisi bonum esse potest, nec obseruari difficile, nisi incredulis, aut parum Deo fidentibus; dum*

secun-

secundum humana tantum prudentie regulas ducuntur; Quippè Auctor Consilij, remediij etiam largitor eris, tanquam potens in omnibus; cum homo nullus boni consilij auctor esse ex se queat, quin cupiat bonum videri, licet ipse natura propria malus sit. Quanto magis is, qui ipsa bonitas est, velit poterisque consilia sua, sequacibus in bonum (ut proficiant) efficere; si vult sequi consilium Christi, quod est de maiori perfectione, sequatur; quia non magis viris datum fuit, quam mulieribus; & ipse faciet, ut feliciter succedas; quemadmodum alijs plurimis, qui ipsum secuti fuerunt; Si autem adherere vult consilio Literatorum sine spiritu, queras potiùs habere bonos prouentus; ut experiri possit, si hi utrinque plus valeant, quam omnium rerum carentia, suadente Domino: Vbi verò videmus aliquos defectus in Monasterijs mulierum pauperum, id magis euenire consideremus; ex eo, quòd hanc paupertatem inuita patiantur, non ex consilio diuino. Nec ego simpliciter paupertatem laudo nisi eam, quam patienter propter amorem Crucifixi Redemptoris nostri toleramus; Et multò magis desideratam illam, quam propter amorem eiusdem spontè suscipimus. Nam si aliter sentirem, aut certa determinatione crederem; non mihi in fide securus viderer: At in omnibus his, Christo confido, atque credo firmiter consilia eius optima esse, quia diuina; & licet sub peccato non obligent, assamen obligari aliquem magis perfectum esse in ipsius imitatione, quam ut ea relinquat sine culpa. Dico, quòd obliget in eo, quo perfectionem suadent; & in hoc reddunt sanctiorem, atque Deo magis gratum: Existimo proinde beatos (ut ipse Dominus dicit) pauperes spiritu, id est spontaneos, ut ipsemet expertus sum; licet Deo magis quam propria experientia credam. Dominus concedat Dominationi Vestra tantum luminis, ut intelligere valeat hanc veritatem, eamque perficere: Nec credat illis, qui contrarium asserunt ex luminis defectu, aut ex incredulitate; aut quia nunquam gustauerunt, quam suavis est Deus his, qui ei sentiunt, cum amant, & propter eius amorem renunciant rebus omnibus seculi non necessarijs. Nam huiusmodi inimici sunt Crucis Christi, nec credunt gloria, quæ postmodum eandem consequetur; Addat quoque adhuc lumen Dominationi vestra nè in manifesta adeò veritate vacillet

cellet; nec consilium capiat nisi ab his, qui consilia Euangelica ferid amplexi sunt. Nam licet alij, qui precepta (ad quæ tenentur) seruant, salui fiant; communiter tamen lumen maius non habent, quàm de ijs, quæ operantur: Et quantumvis bonum sit consilium ipsorum; melius tamen Christi Domini nostri consilium erit, qui eadem dono perficiendi auxilium tribuit: & tandem præmia reddis his, qui plenam in eo fiduciam figunt, & non in rebus terrenis. Anila 14. Aprilis, Anno 1562.

Fr. Petrus de Alcantara.

Hac accepta perlectaque epistola, S. Theresia animi sui dubia velut dissolui sentiebat; firmiter sibi proponens, contradicentium obiectionibus Serui Dei consilium, tanquàm scutum oppoñere; atque sic paupertatis regulam in Monasterij fundatione, integram obseruare. Eadem inter scripta Sanctæ inuenta epistola in primo Conuentu ab eadem Aulæ fundato, tanquàm pretiosa reliquia reuerenter custoditur: Cuius insuper Apostolicum spiritum nunquàm celebrare satis sibi videntur Scriptores vitæ eiusdem Sanctæ; inter eos asseruat præsertim Episcopus D. Didacus à Yepes, huius motuius singulariter inductam sanctam, Reformationis suæ integram perfectionem in rerum omnium abdicatione stabilire. Et denique Discalceatorum Carmelitarum nouissimus Chronista Fr. Franciscus à S. Maria occasione huius epistolæ ita propè scribit in tom. 1. lib. 1. cap. 41. num. 11. Hæc talis est, ut in omni clausula, plurima considerata suggerat in fauorem Sanctæ paupertatis; & qui vel verbum adinungere veller, non minorem, quàm auferendo iniuriam faceret. Veneror eandem, non veluti atramento exaratam, sed sanguine Christi aspersam; non tanquàm dictatam ab homine, sed ab ipso Spiritu Sancto; non veluti Euangelij explicationem, sed eiusdem simplicem versionem &c. Et ideo, eam descripsi hoc loco, sperans magnum Religioni meæ fructum allaturam, & futuram velut turrim David contra eos, qui instare velint sanctam paupertatem, quam nunc proficetur. Hactenus Author prædictus:

Quo-

*Quomodo S. Petrus elegit duas socias pro S. Theresia; Et de quibusdam predicationibus. Cap. XIX.*

**P**ostquam supradictam epistolam ad Theresiam transmississet, remansit ulterius Auilæ S. Petrus de Alcantara, ut quædam negocia fundationi conuenientia disponderet; quasi timens opus illud post se imperfectum relinquere. Imprimis multorum animos paupertatis auersione præoccupatos, ad Apostolicam Regulam, atque sensum perduxit: Inter quos præcipuus erat D. Franciscus de Salzedo, qui opinionis contrariæ contagio infectus nimium videbatur. Monebat Ioannem de Oballe cognatum S. Theresiæ, ut cautè omnia in domus emptione, atque præparatione pro fundando Monasterio perageret: Et Dominam Guioniam de Ylloa in fabricæ, quæ in eadem domo alio titulo fiebat, accelerationem animabat.

Ultra hanc temporalis fabricæ sollicitudinem, non neglegebat quoque S. Petrus de Alcantara spiritualem promouere; dum Virginem illam (de qua aliàs mentionem fecimus) D. Isabellam de Ortega, de propinqua occasione perficiendi propositum admoneret; ut prompta Sanctæ Theresiæ adesset. Idem quoque de altera Virgine, licet paupere nomine Maria de Auila; & duabus alijs, quæ numero quatuor, spiritus & deuotionis exemplaria meritò dici poterant; ut S. Theresia associarentur. Ideoque non sine ratione S. Petrus de Alcantara à præfata Sancta, tanquam Pater, & principalis Promotor istius suæ Reformationis, sæpius nuncupari atque coli promeruit.

His foeliciter dispositis, commendataque operis cura Magistro Dazæ, atque Gondifaluo de Aranda; ipse ad Conuentum de Arenas proficiscitur. Et sicut erat exhaustus viribus; & corpore infirmus, pedibus iter per æstus & frigora perficere, magis mirandū videbatur, quàm quòd mortis vicinia excluderet: Erat tunc Aestas feruētior, cum Dei Seruus (pro more) capite radijs Solis exposito incederet; nec tamen pro-

pter mentis in Deum eleuationem, molestias vllas sentire cernebatur. Sociis autem Fr. Gasparus siti potissimum confectus ferre vlteriùs eandem nequibat, ob quam paulatinè S. Commissariù præcedens, ad riuum quemdā hansta ex eodē aqua aduenientem expectabat: Quem ille, quòd sine licentiā sitim leuasset, increpans; pro pœnitentia febris correptū iri, atque in tali demo cuiusdam denoti remansurum, vsquequò ipse eum indè sanum reduxisset, exactè atque sine hæsitatione prædixit. Dignum sanè admiratione fuit, Religiosum ætate robustum vix prolata Sancti prædicatione; malè se habere, cœpisse febricitare, atque ita valetudine affici, vt progredi vltra vicinū Oppidum non valeret: Vndè ibidem apud amicum quēmdam spiritualem relictus, tamdiū ægrotus permansit, vsque dum Religiosus quidam à S. Petro missus, ad reducendum eum ad Conuentum aduenisset. Tunc velut renouari miraculum, cū accedente prædicto Religioso statim Fr. Gasparus rectè valere, atque cessante febris, integris viribus sequi eundem versus Conuentum, cunctis admirantibus, visus fuit: Ibi rem gestam cæteris Fratribus narrare, vt discriminis sui exemplo, obedientiæ perfectionem, ac studium fidelius inculcaret.

Interea S. Petrus de Alcantara extrema quoque vitæ Deo sacrificans, nè torpere otio in eius seruitio videretur; licet debilis, ad vicina loca transibat, vbi plurimos prædicatione, atque pœnitentiæ administratione ad viam virtutis conuertit; vsquequò morbo ingrauescente, ad Conuentum reuertere cogebatur. Transēdo autem per quendam Pagū Menbeltran dictum, diuertit ad domum cuiusdam deuotæ mulieris, quæ plurimū Religiosis suis fauebat. Hic dum tantisper quieti datum; de præsentis vitæ breuitate, atque futuræ æternitate altissimum sermonem instituens, tandem conclusit dicendo mulier; *Soror Ioanna, Deus tibi abundanter reddat, quæ pro amore eius facis: Nos quidem vlteriùs inuicem non videbimus; idè quia aliud non habeo, quod tibi relinquam, accipe hunc baculum.* Quo tradito recessit; mæstam valdè relinquens, ob imminentis suæ mortis prænuncium.

At doloris huius folatium ex reliquæ munere fumens, deuota mulier sæpiſſimè experiebatur, baculi huius virtute, plurimorum morbos, aut expelli planè, aut ex parte leuari, deuotis præſertim quibus tradebatur; quemadmodum adhuc fieri narratur.

*Ex diuina inſpirati: ne inſirmus vadit Auilam, vt S. Thereſia in fundatione operam præſtet. Cap. XX.*

Circa hoc tempus à Prouinciali S. Thereſiæ iniunctum erat; vt ad Monafterium ſuum Auilam reuerteretur, vbi eam Monachæ ſibi præficiendi animo auidiſſimè expectabant: Ipſa verò electionis terminum declinare ſatagens, calor obſtentu (qui tunc Iulio menſe feruebat) diuina tamen inſpiratione, Toletò abire perſuadetur; vt eadem gratia fauente, Auilæ maioribus rebus intenderet.

Itaque S. Petrus de Alcantara, qui in Conuentu Ar enis nouis morbi accēſibus grauabatur, ſtomachi verò ſolito dolore vix non ad extrema redactus, moueri ſe ſupernè ſenſit vehementer Auilam eundi, vbi præſentia eius tunc maxime neceſſaria erat: Et quia præ debilitate, manibus aliorum ſuſtinebatur; omnium Religioſorum voto ab hoc itinere diſſuadebatur inſtantiùs, nè mortis ſe periculo exponere tentaret. At ipſe interno Charitatis ſtimulo magis vrgente, videbatur animum, viresque aſſumere; ſic tamen vt à Medico iumentum quoddam peteret, quo Auilam vehi poſſet, quò eum Reformationis introducendę zelus cum S. Thereſia vocabant.

Illuc cùm perueniſſet, commorando in ædibus D. Franciſci de Salzedo; ab eodem magno cum dolore intellexit fundationis negocium multò in deterius mutatum ab eo, quo ipſe proximè illud reliquerat: Nam diuulgato per Ciuitatem S. Thereſiæ propoſito, plurimi ipſum S. Petrũ de Alcantara arguebant; quòd ei adhæreret, atque nimis facilè ſpiritu eius haſtenùs credidiſſet, præſertim verò in negotio cui nullam humana prudentia rationem præbebat; itaque



potius reprehensione dignam iudicabant, atque in proprio Monasterio perfectionis studio occupandam, quam noua, fundatione Carmelitarum Discalceatarum, velut diuinam, Prouidentiam pertentare; nullo prouentuum admissio subsidio. Turbauerant iidem Episcopi mentem, quam prius rationibus S. Petri ad consensum fundationis pertractam; hi seculi prudentes varijs argumentis peruertere adlaborabant. Nec minus contra D. Guiomaram de Villosa importunos se gerebant; ex eo quod suo nomine obtentum fuisse Romæ Pontificium Breue dicebatur. Unde totius nouitatis causam in ipsam refundentes, maximopere affligere non cessabant.

Quibus omnibus perspectis S. Petrus diabolicas astutias agnoscens, Deum ardentem exorabat; ut sibi spiritum augeret easdem superandi, atque diuinæ gloriæ opus feliciter promouendi: Cui sanè desiderio diuinam Benignitatem annueret, id imprimis monstrabat; quod contra omnium opinionem è læto agrotus surgere, atque negotium magno feruore pertractare breui visus fuerit. Itaque prima capita contradictionum frequenter adire, rationibus premere, Euangelicam nimirum paupertatem Religionum præcipuam basim, esse; nec contrarios sanè de diuinis consilijs opinari: Adeoque non leuitate muliebri, sed constantia diuinæ inspirationis; immò ex obedientiæ virtute S. Theresiam noua fundationis propositum animo fouere. Cuius etiam virtutes, atque Instituti excellentiam debitis præconijs subindè commendabat.

Inter alias rationes, quas adducebat ad conuincendos aduersarios paupertatis, ac noui Monasterij, has ut notabiles expressit Chronista; quod videlicet detrimentum reducere in Rempublicam potest, si apud se foueat Parthenonen quoddam Virginum reclusarum, quæ spretis Mundi facultatibus, manuum labore necessaria suæ vitæ, ac sustentationi procurauerint; die nocturne orationibus pro Populo, pro totius Muundi salute apud Deum institerint: Quod damnum sequetur, si ipsarum exemplo aliæ animæ à Deo exci-

tate, in flore iuuentutis seculo renūciando; eiusdem famulatus se integras dicare; atque hostias perfectas in ara Crucis per poenitentiae sacrificia mactare elegerint. Quid utilitatis, aut commodi sententijs ciuium decedet, si praedictae Virgines nullius bona, aut possessiones concupiscentes voluntati paupertati seipsas submiserint? His alijsque rationibus seruo S. Petri de Alcantara productis, omnes propè superati, in sententiam eius facilius transire non sine magna admiratione plurium videbantur.

Deindè apud Episcopum pari humilitate, ac Apostolici Spiritus zelo; eandem paupertatis, ac foundationis nouae causam egit: Aded ut cultus diuini, publicaeque utilitatis efficacissimis motibus pio Praelato persuasis, facile ad priorem sententiam (in qua vacillare videbatur) efficacius reduceret; facta desuper promissione, opportuno tempore operi se omni conatu affuturum. Hinc ad D. Guomarae transfreti, eamque inquietam consolari; atque incepto operis fauore confirmare; suadere tamen ut pro maiori animi sui quiete (dum diploma Pontificium Roma non venisset) extra Ciuitatem secederet, ab ipsa Sancta Theresia suo tempore reuocanda: Cui illa promptissime obsecrata, Auila egreditur, curam domus (quae pro nouo Monasterio parabatur) relinquens Mariae à Pace; quam S. Petrus de Alcantara inter fundamentales nouae Reformationis petras, primam destinauerat; ut alibi retulimus.

Sic itaque insigni ardore Reformationem S. Matris Theresiae promouens, admirationi erat omnibus; quod in vitam extremo constitutus, aegrèque pedibus insistens, tam incessanter nunc ad Praelatos accederet, nunc cum Viris Religiosis, ac doctis congregaretur; interdum deuotas personas ad fauorem sollicitaret, denique cuncta maiori quasi zelo; quam in propria causa agere videretur. Vnde negotium istud tanquam celeste Viro sancto; singulari diuino praeepto commissum fuisse; omnia foundationis huius initia; felicia eiusdem meritis adscribebant, atque interpretabantur.

*De aduentu S. Theresiæ Auilam, & de diligentia S. Petri de Alcantara pro acceptando Diplomate nouæ Reformationis. Cap. XXI.*

**D**Um Auilæ expectabantur literæ Apostolicæ pro noua Reformatione S. Theresiæ stabilicnda, placuit Deo; vt D. Ioannes de Oballe affinis S. Matris, qui parabat ex eadem Ciuitate egressum, morbo quodam correptus remanere cogeretur in eadem domo, quæ pro nouo Monasterio destinata fuerat: Vndè sæpius hic à S. Petro de Alcantara uisitatus pro absentia vxoris, atque sororis tristior; ex eiusdè Sancti consuetudine & promissis, maius leuamen & doloris, & ægritudinis libenter capiebat. Nec vana quadam spe elusum se agnouit, cum eodem tempore & Diploma Pontificium Roma, & Sanctam Theresiam Toletò Auilam peruenisse intellexit, ita disponente atque fauente Deo; vt omnia opportunè ad negocij promotionem concurrerent, tam aduentus Sanctæ Matris, quàm Breue foundationis, atque ipsius S. Petri præsentia, quam nec ipsa S. Theresia opportuniorẽ optare poterat; præter ipsam affinis infirmitatem, cuius obtentu extra Monasterium Incarnationis in noua illa domo habitare ei licebat. His accedebant Episcopi in Ciuitatem reditus, & D. Francisci de Salzedo commoratio; quæ præter consuetudinem eum tunc Auilæ detinebat. Quæ omnia faciliè cunctis persuadebant, diuinæ Prouidentię ordinem cuncta ad intenti operis perfectionem colligere.

Hinc intellecto Theresiæ aduentu S. Petrus confestim illam in Monasterio Incarnationis adire, ibiquè suadere; vt Superiorum licentiam impetret manendi apud affinem ægrotum, dum proximorum solatio desituebatur: Sic enim turbationem aliquam imminentem ex publicatione Diplomatis Pontificij, melius declinaturam; cæterisque rebus commodius agendis prouisuram prudenter assererat. Præterea licentiã nouæ foundationis à proprio Prælato prius petendam; vt pa-

ci, atque vrbanitati satisfaceret, licet Episcopo commissum foret.

His ritè à S. Theresia obseruatis, nequaquam à Prouinciali obtinere potuit; vt Monasterium nouum sine redditibus certis fundare permetteret: Ideò collata cum S. Petro difficultate, Diplomatis clausulam diuina dispositione insertam de Monasterio Episcopo subiiciendo, mirè extollabant; atque eidem sine mora insinuare non negligebant, Ipse verò benignè annuere, & licentiam certò cum sua protectione promittere; cùm S. Petrus de Alcantara foundationis fructus copiosos, atque ipsi Episcopo gratos certioresq; prænunciaret: Vndè audito Episcopi consensu, aliqui obstinatores impedire vltèriùs studebant S. Petri ad eundem regressum; & nè cæteros ex Magistratu rationum suarum efficacia, ad operis executionem prorsus adduceret. At Deo fauente, ita in contrarium versa sunt omnia; vt paucorum vota, quæ aduersa operi reddere quorundam fugillationes procurauerant, eidem fauendo maiorem ardorem ostenderent etiam post obitum Serui Dei Petri, cùm nouæ persecutiones contra Sanctam Matrem consurgebant.

Igitur tam indefesso studio huic negotio Vir sanctus, tunc maximè incubuit, vt sine speciali Dei auxilio vix eidem præægritudine, atque debilitate sufficere existimaretur; dum monendo, consulendo, atque omnium reuersiones in suam ipsius conscientiam suscipiendo, cuncta impedimenta amoueret, quò foundationis initia promouerentur. Vndè satis ingenuè P. Ribera, cæterique vitæ Sanctæ Matris Theresiæ Scriptores, B. Patrem tanquàm promotorem, & coadiutorem suæ Reformationis celebrando, alijs non impropriè persuadere possunt eundem S. Petrum de Alcantara aliquaratione Patrem eiusdem, sicut S. Theresiam Matrem appellari debere.

*Quomodo S. Theresia vidit S. Franciscum, & S. Antonium  
assistentes S. Petro de Alcantara celebranti.*

*Cap. XXII.*

**R**eddebat quotidie immensas gratias Deo S. Theresia, quod operis sui progressus, procurante S. Petro de Alcantara, tam feliciter succederent: Exorabatque instantius diuinam largitatem pro eiusdem salute, quod infirma, valetudine, atque deficiente vita reliquis perficiendis sufficeret. Ille verò diligentius domum illam, ubi Monasterium designabatur, occasione D. Ioannis de Oballe infirmi inuifere; Sanctam in omnibus (quæ peragenda occurrebant) adiunare, disponendo, distribuendoque loca officinis, cæterisque mansionibus pro Monasterio necessarijs; quæ quod angustiora erant, eò Sanctum Virum maiori consolatione afficiebant sibi representantē intus tugurium Bethleemiticum aliquo modo imitatione exprimi: Vnde quodam die spiritu plenus, ad S. Theresiam magno feruore conuersus admonuit; nè vnquam strictæ paupertatis modum, ac formam, mutaret, aut dimitteret; quam suo instituto propriam, atque pretiosam esse debere diuina voluntas expressè decreuerat.

Interdum S. Theresia B. Patrem in Ecclesia maiori adibat, ubi ab eodem Confessionis, atque Eucharistæ Sacramentis reficiebatur: Accedebant quoque quatuor illæ Virgines electæ, quas Sanctæ Matri B. Petrus tanquam dilectissimas filias, Reformationis primitias offerebat; singulariter autē virtutem D. Isabellæ de Ortega commendabat; quam Instituto suo magnum emolumentum allaturam prædicens, voluit in dicta die ad familiarius colloquium in prædicta Ecclesia renocare. Paruit deuota Virgo, atque in eadem Ecclesia Sancto Viro confessa, supplicauit se sacrificij precibus participem facere; vt quod animo de vitæ ratione ineunda diu fuerat meditata, id nunc inspirante Domino exactius perficeret.

Deindè

Deindè ad sacrum celebrandum accessit S. Petrus de Alcantara, & dum (pro more) mentis quodam excessu sursum raperetur; meruit agnoscere sibi Sanctos assistentes, Patriarcham Franciscum Diaconi, atque Antonium Subdiaconi ministeria exhibere. Nec idè in faciendo turbari, sed ad participationem sanctissimæ hostiæ properare; ut interno animi iubilo, quo diffuebat in lachrymas, citius expediretur, atque assistentes communicaret.

Nec dum visio illa tam insolitæ gratiæ, Virginibus nisi per indicia aliqua innotuerat; usque dum Seruus Dei sanctæ Theresiæ sacra mysteria porrigendo, ab eadem observatus fuit, medius inter duos illos sanctos approximare, sibi: Erat autem uterque vestibus sacris fulgentibus indutus, qui dum S. Petrus Sacramentum tradebat, reuerenter genua flectendo, cum ipso celebrante statim ministrantes ad Altare reuertebantur. Quamquidem summam gratiam, licet præ timore Confessarij, in scriptis suis referre omiserit; ut de alijs confessa fuit, aut nè exindè maiorem existimationem quæreret: Tamen disponente Deo, post aliquot annos in quodam colloquio cum Viris doctis, atque cordatis eandem visionem S. Theresia, inter cætera S. Petri de Alcantara merita atque mirabilia, distinctius enarrauit. Ex quo ad posteritatis memoriam, tam insigne miraculum, peruenisse intelligimus.

*De his, quæ postremùm S. Petrus cum Theresia egit; & quemadmodum noui Monasterij possessio capta fuit.*

Cap. XXIII.

**P**erfolutis Deo gratijs, Petrus ad deuotas illas Virgines, in quodam sacello orantes, accessit; ubi ad spirituale colloquium inuitatas, mentes sincerius aperire inuicem, nihil inter se celatum habere admonebat. Hinc S. Theresia, Instituti sui rationes Isabellæ explicare; hæc Theresiæ confortij sui desiderium, ac fidem promittere eamque rogare, altem ut coniunctis orationibus à Deo impetrare stude-



rent vnicum impedimentum, quod sibi à Patruo obstabat, quàm citius remoueri. Cognouit tunc S. Theresia, altissimū Isabella spiritum, quem S. Petro de Alcantara commendās, ei quamplurimū obstrictam se fatebatur; quòd tam insignem virtutem indagasset, cuius societas quamecumq; etiam expectationem compensaret.

Post colloquium vnusquisque ad sua reuertitur, licet S. Petrus de Alcantara moræ impatiens, paucis diebus interiectis S. Theresiam conueniret, exhortando vt foundationis initium faceret; inducendo quatuor illas Virgines, quas ille conquiserat, & adeundo possessionem noui illius Monasterij, in quo iam tanquàm priuata domo commorabatur; cui etiam factò dies Sancti Bartholomæi decretus fuit. Conuenit quoque diligenter Episcopum, atque pro obtinenda vltima licentia tam digna S. Theresiæ virtute eidem narrauit; vt alloquendi eam occasionem præbuerit: Exin verò deuotus Prælatus tam seriò prudentiam, atque sanctitatem S. Theresiæ mente & affectu concepit, vt non modò valdè rationabilem S. Petri zelum in promouendo hoc negotio Reformationis iudicaret; sed etiam quò magis eiusdem fauori se obstringeret, capellam maiorem primi Monasterij huius Sanctæ, sibi iurepatronatus in sepulturam elegerit.

His omnibus ritè dispositis S. Petrus de Alcantara vitæ sibi finem instare præsentens, ad Religiosorum suorum conubernium redire priùs constituit, atque Auila discedere. Quare nè quidquā in Reformationis S. Matris Theresiæ negotio infectum relinqueret; postremò Episcopum in fauoris constantia confirmare, deuotis Virginibus perseuerantiam cum Institutrice commendare, Magistro Dazæ spiritualem curam noui Monasterij ex Episcopi approbatione sedulo iniungere D. Gonzalo de Aranda, vt in omnibus S. Theresiæ adesset, confidentius committere; denique omnibus vltimum vale dicere, nonissima laborum eius Auilæ fuerit.

Quæ porrò cum Sancta Theresia priuato, atque postremo illo congressu tractata fuere, considerationi potius quàm

notitiæ explicanda relinquo; quàmuis S. Petrus de Alcantara se ultra fautorem Sanctæ istius Reformationis semper futurum reciperet, & ipsa obligationis suæ onus ex tam feruenti charitate (qua negotium totum hætenus promoueret) non parùm aggruari in futurum, etiam doloris incremento ostenderet. Testimonia huius veritatis ipsa Sanctæ verba ex scriptis eius producenda sic habent in cap. 36. eius vitæ in principio: *Ille fuit, qui omnia operatus est; & nisi in tali occasione aduenisset, non possem intelligere, quomodo fieri hæc potuissent; quia parùm temporis hic mansi: Vir sanctus, nec existimo quòd ultra octo dies, quàmuis infirmus; & paulò post, eum ad se Dominus vocauit. Et videtur ad hoc tantùm à diuina Benignitate fuisse seruatus, ut negotio finem imponeret; quia à longo tempore, idest ut existimo, à duobus annis malè habebat. Sic illa.*

S. Petrus de Alcantara Auila discedit, visitat suos Conuentus, suisque Religiosis salutaria monita præscribit.

Cap. XXIV.

**R**edeundum iam erat S. Petro ad Fratrum suorum consortium, quod Reformationis à S. Theresia intentæ zelus interruperat: Indè cruribus vacillâs, iumento impositus Auila exire, atque principales sui Instituti Conuentus circumire curarum primas sumpsit. Itaque primùm Pedrosam, dein ad ceteros ordine Conuentus iter dirigere, ut approbata Religiosorum disciplina, tanquàm filijs obedientibus vltimam paterni affectus benedictionem impertiret: Vndè dum hoc loco Instituti eius obseruantia describenda commodiùs occurrat, vitæ formam (quam tunc vigentem) apud suos B. Pater inuenit, breuibus præfere lineis non pigebit.

Omnibus spiritus vnus corpora, animam trahentibus similia, sustentabat; dum mens Cælo affixa vix ea curabât, quæ mortis necessitatem excluderet: Hinc lectus durior, quædam tabulæ vili stragulo coopertæ; aut sarmenta, aut nuda humus. Alij, quos orationis feruor in Odeo detinebat,

bat, cum somnus opprimeret, ibidem vigiliam instar excubias agere, nec cellam petere: Ipsas vigiliis asperrimis disciplinis intexebant; dum somnum excutiendo, carnes flagellis dilaniare non perhorrescerent. His continuum cilicij tormentum addebatur, quod aut catenis, aut laminis ferreis, aut hirsutis pilis compactum indicabat cœlestes milites, seuerius contra seipsos, quam contra inimicos armari: Erat nimirum adeo infractus hic rigor; ut cum corpus diutius resistere nequiret, occultis vlceribus aperire eadem necessum erat Chirurgis, qui nouis incisionibus exactius iam marcida curarent. Displicebat quidem veris Dei Seruis secreta, quæ ei soli patebant, hominibus pandere; sed humanitatis ratio suadebat castigatione rationabili corpus in seruitutem redigere, non animam iniqua carnificina proprijs manibus expellere. Hinc cum vitæ huiusmodi austeritas plurimos Religiosos morbis grauioribus affligeret, procurandum fuit; ut in commodis locis valitudinaria instituerentur, ubi pro paupertatis, ac necessitatis modo, ægrotantibus remedia exhibebantur: Vbi verò quorundam tenerior complexio austeritatum laxamentum suggerebat, tunc maximè incomparabilis Magistri, ac Patris Petri de Alcantara adhuc in extremo vitæ colluctantis exemplum, velut aculeus ad perseuerantiam exstimulabat; nè remitterent.

Idem rigor foris observabatur, cum quæstuarii gratia, ad Oppida, & loca missi exhibant; ubi paucioribus, quæ apponebantur contenti, noctis maiorem partem in oratione, aut disciplina transigebant. Interdiu colloquijs, ac sermonibus sacris deuotos hospites; aliosque benefactores animando ad cœlestia; humane vitæ, ac caducarum rerum contemptum; ipsa etiam vultus, habitusque effigie, efficacius persuadebant: Nec illa sine admiratione omnium conscientias, non minus quam oculos feriebat; eo quod homines quasi semimortuos aspicientes, observabant accuratius vix lacinijs se regere, pedes inter spinas atque tribulos laniare, totos denique vix pelle; & ossibus coherere;

aut

aut abſtinentiæ, frigoriſque algore interdum totos obri-  
geſcere. Penetrabant hæc altius in multorum animos; ſi-  
mulque cum cõpaſſionis teneritudine propriarum culpa-  
rum conſcientiam, atque rigidiuſ examen reuocabant: Nam  
ſi viri innoxij, & mortis ſtudio planè addicti, adeò ſeuere  
ſeiſpoſ caſtigare videbantur; quid ſibi timendum foret? qui  
criminibus graues occaſionibus vitiorum inhærebant, vnuf-  
quiſque maturiùs deliberabat.

Hic igitur fructuſ notabilis erat, religioſe S. Petri fami-  
liæ, ex qua ſicut ſinguloſ ad vitæ ſanctioris diſciplinam pri-  
uatim inſtruxerat; ita omneſ ad ſecularium mores corrigendos,  
tum ſalutaribuſ præceptiſ, tum rariori extra clauſtra  
commercio admirandoiſ effecerat: Nemini enim niſi pro  
ſpirituali aliquo proximi beneficio, aut Fratrum neceſſitate  
ſubuenienda; ſecularium domoſ adire permittebatur. Et  
cùm hoc per obedientiam præcipiebatur, admonebat cau-  
tiùs; nè religioſam conuerſationem corrumpereſt:  
*Nam ſeculareſ illi (vt aiebat Sanctuſ) non vident aſteriuſ-  
teſ, aut deuota exercitia, quibuſ Religioſi intra clauſtra exercen-  
tur; itaque verbis, & operibuſ inſtruendi ſunt, vt odore bonæ  
conuerſationiſ in vitæ & moribuſ corrigantur, atque proficiant.*  
Addebat inſuper tanquàm optimuſ remediũ Dei præſen-  
tiam, quam in omni loco ſeruandam apta ſimilitudine de-  
clarabat: *Fily, eſſote imitatoſ piſcium in mari, qui in ſecum  
piſtaſteſ, & commotioneſ undarum non extra aquam fugere in-  
tentant, ſed potiùſ ad profundiora ſe recipiunt. Sic voſ inter ru-  
moreſ, & ſtrepituſ hominuſ immergit. von diuine genitriciſ  
templationi: Et ſi diabolica forrè ſuggeſtione interdum extra voſmetipſoſ  
rapi ſentiaſiſ; recurrite ad ſanctiſſima Saluatoriſ noſtri vulne-  
ra, tanquàm ſalutareſ quodaſ portuſ nobiſ patentiaſ, ubi ſe-  
cũrũ quacũque tempeſtate, quam per ſecularium conuerſatio-  
nem conditare contra voſ Sathanaſ, poterit tranquilliſ animi veſtri  
quieteſ, & poditiũ frenemini.* Quibuſ omniibuſ B. Viri diſcipuli  
quotidiè eruditi, breuiſ ad eum perfectioniſ gradum perue-  
nerunt, vt ſanctitatiſ opinionem plurimuſ ubique inſtillaret,  
quemadmodum alio loco annotabimur.

Nec deerat interea domi famulis suis providere diuina liberalitas; dum sponte, ac studiose sibi seruientibus, sepius mirabili modo vitæ alimenta subministravit: Nam sicut quotidianus victus tenuis herbas, & legumina insipida ministrabat; sic paupertas non raro penuriam generabat earum præcipue rerum, quæ ad famem arcendam maximè necessariæ videbantur. Hinc interdum temporis inclementia inclusis, vt quæsturare non possent, foris deuotorum pietas præter humanam spem, victum asportabat: Interdum panes (qui paucis vix sufficerent) miraculoso modo per aliquot dies pro necessitate augebantur. Interim infirmis mitiori alimento indigentibus, cœlestis Apotheca & nutrimentum, ac medicinam deprompsit: Contigisse id aliquando, traditur in Conuentu Rosarij; vbi tribus ægrotis Fratribus panis cœlestis, quem Aeditimus in Altari inuenerat, & famem expulit & ægritudinem. Non minus memoria digna res in regali Conuentu Guadalupo euenit; quò cum duo Religiosi ex Conuentu S. Ioannis Baptiste Viciose, ad quærendum pro medicina parum mellis accessissent, Celerarius feces tantum superesse eisdem excusando, ad Priorem remisit: Hic nè planè vacuos dimitteret, qualecumque fuerit, dari eis iubet; sicquæ cum rediisset Celerarius vas (in quo feces seruabantur) plenum melle optimo inuentum, ex quo ipse miraculum proclamare, & Religiosis proferre liberalius posset. Quod cum religiosæ paupertatis merito omnes adscriberent, constituunt in posterum quæcumque Franciscani Fratres petiissent, promptè in illo Cœnobio concedendum; atque adhuc vas ipsum, in miraculi memoriam seruari refertur.

Non displiceat hic magnæ authoritatis testimonium, pro paupertatis strictiori obseruantia, Prouinciæ Sancti Iosephi expressius adscribere; quod celebris ille Franciscus Gonzaga, Franciscani Ordinis & Generalis, & Scriptor, & Mantuæ Episcopus in Chronicis suis part. 3. Conu. 6. vbi de fundatione Conuentus de Arenis pag. 1327. sic ait: *Quisquis ille fuerit, qui apertis oculis huius Prouinciæ paupertatem, videri*  
digne

*dique modum contemplatus fuerit , nullo pacto nos Apologi fabulas ad horum Conuentuum deſcriptiones attexere , dum huiusmodi euentus in medium adducimus .*

*De aliquot inſignis vita S. Petri ſocijs . Cap. XXV.*

**Q**uemadmodum in prima Religionis fundatione Patriarchæ illius Franciſco Deus duodecim ſocios adiunxit , qui ſpiritu eiſdem conformes , Euangelicam doctrinã Apoſtolicæ vitæ exemplo per vniuerſum Orbem diſſeminarent . Haud ſecus in antiquæ diſciplinæ reſtauratione, idẽ Dominus B. Petro de Alcantara alios duodecim Viros ſpiritu , & virtute ſeruantes prouidit ; qui ex diuerſis Regionibus euocati , ſocietati eiſdem adſcripti Diſcalceatorum , doctrina , & exemplo pietatem dilatarent ; vineam hanc plantante , atque rigante eodem Viro Apoſtolico , cui poſtea hand diſpares vitæ filij ſuccederent .

Primus eum ſecutus fuit exeuntem ex Prouincia Sancti Gabrielis , Frater Michael à Catena , qui à prima habitus ſuſceptione Magiſtrum ſuum pœnitentiſ imitari ſibi propoſuit . Tantamque huic ſeruori Deus virtutem tribuit ; vt breui temporis progreſſu ſingulare pœnitentiæ exemplar euaserit, omneſq; Magiſtri virtutes, quas ex familiari eiſdem conſuetudine collegerat , ad viuum exprimeret : Quod nimirum præcipuè ex eo enituit , cum illum B. Pater ad iacienda fundamenta Prouinciæ Sancti Joſephi comitem adſciuiſſet .

Secundus ſocius fuit Venerabilis Fr. Leo Luſitanus , qui odore fragantiſſimæ ſanctitatis S. Petri de Alcantara illeſus , & ſeculo & patriæ renuncians , eodem magno Religionis ac pietatis ſpiritu adhærere elegit . Amabat ſingulariter in illo S. Pater ardentem pro animarum ſalute zelum , quem tam proſpera , quàm aduerſa valetudine in conuerſione peccatorum ſtudioſè intendebat ; ita vt alijs quibuſcumque occupationibus præferens diceret, ſe libenter quilibet hora mille vitas exponere velle , vt aliquem peccato-

V

rem



rem ad Deum conuerteret : Erat Vir purissimus anima, & corpore, atque insigni prudentia ; quibus columbina innocentia pretium augebat. Sæpè cum auiculæ syluestres familiariter circumuolitabant, insidebant, atque comitabantur ; Cùm aliquando iter faciendo cum socio, famè confectus sub arbore discubuisset ; ad Deum in oratione, recurrens, meruit sibi (velut alteri Antonio) à coruo panem rostro afferri, cuius sapor, & albedo cœlestis promptuarij portionem arguebat. In extremo vitæ grauissimis doloribus ac infirmitatibus vexatus, coronam insignis patientiæ contextuit ; quam die ultimo claudens in Conuentu S. Ioannis Baptistæ Viciosæ sepultus fuit Anno 1563.

Tertio loco ponendus est Venerab. Fr. Alphonsus de Larena, de quo aliquoties mentionem fecimus : Quomodo ex Italia in Hispaniam proficiscens, ac S. Petro de Alcantara se coniungens, eius vestigia premere omni virtutis studio, ac fauente gratia elaborauit. In abstinentiâ fuit admirabilis, in vitæ asperitate terribilis, in orationis studio vigilantissimus : Cum Dæmonijs sæpè luctabatur visibiliter, dum cum persequebantur, vexabantque corporaliter, de quibus tam certam habebat victoriam, quam illi insultandi iactabant licentiam ; adeò vt incusso eisdem timore, toties fugarent, quoties ei se offerre præsumerent : Animo erat intrepido, & inuictæ prudentiæ. Hinc B. Petrus Guardianum elegit, & Nouitiorum Magistrum, inde Diffinitorem, & tandem Custodem, atque fundatorem Prouinciæ Sancti Ioannis Baptistæ in Regno Valentie. In ea Virorum insignium, horrum plantauit, qui virtutum fructus etiam ad posteros transmisit, & adhuc florescunt : Ante mortem in Castellam ad Conuentum Viciosæ reuersus, & vitam super hominem, agens ; iam Angelicis, ac cœlestibus donis plenus, inter Superos agere videbatur. Postea de mortis hora cœlitus admonitus, ad instar Patriarchæ sui Francisci, in terra nudus animam suam in sinum Abrahæ foeliciter deposuit Anno 1566.

Non indignus quarto loco inter Discipulos S. Petri de Alcantara,

cantara, Venerabilis Fr. Ioannes de Cordouilla, qui in ſeculo ex vxore filium habuit; quem deſuncta Matre, ſtatim ſecum ad Conuentum Lorianæ conduxit. Ibi Pater Religionis Inſtitutum ſuſcipiens, filium habitu indui curauit; vt Miſſis infernirer, & virtutes diſceret, donec ætate maturior ipſe quoq; in Religione, pietate, ac ſanctimonia Patre æmularetur; vt ex Chronicis Prou. S. Iosephi apparet. Initia huius feruoris religioſi Demones infringere tentabant; ubiq; eum horrendis ululatibus, atque clamoribus inſectando, edita voce: *Egredere ciſà ſocietate iſtorum cucullatorum* (Discalceatos ſic cognominans) quam etiam vocem iſtibus percutiendo, proculcando, atque feriendo, die noctūque contra Scruum Dei repetebant; vt inquietum redderent: Quibus tamen omnibus intrepidè reſiſtens, etiam legionem integrā conſtancia animi, atque orationis telo in fugam ſapiùs verbebat: Poenitentia deditus imitati Sanctum Patrem ſtudebat in eo, quod tertio vix die comederet, ieiunaret rigoroſè ſeptem S. P. Franciſci Quadreſimas, diebus feſtis herbas tantū cinere conſperſas manducaret: Extasi præclarus raptus mirabiles, & diuinos fauores ſingulares experiebat. Vnde contemplationi ſe immergès, videbatur Fr. Aegidium S. P. Franciſci ſocium deſcribere; zelo animarum æſtuans, in lachrymarum torrentes prorumpbat frequentius: Hinc obſculta in Africam tranſfretandi licentia, vt captiuum ſua commutatione redimeret; in itinere Hiſpalim verſus opprobria multa ubique ſuſtulit à Fratribus, qui captum mente exiſtimabant. At nocte quadam cœleſtis ſplendor cellam eius ad eò illuminare viſus fuit, vt flamma corruſcans Dormitorium totum corripuiſſe Fratribus videretur; dum cor Viri intus amore diuino ardebat: Inde tranſiens in Africam, in conſpectu Algeri audiuit vocem: *Fr. Ioannes redi Calpen, quod enim Deus vult, eſt hoc, vt ibi conſoleris*. Et ſtatim verſo in fauorem verſo breui ad prædictum portum remeans, ibi ſœlici ex hac vita tranſitu diuinæ promiſſionis fidem exoluit Anno 1566. Eius ſingularem mentionem Sancta Mater Thereſia faciens in libro, cui

titulus est, *Concepción de amor de Dios sobre los Cancares*, in cap. 3. sic ait: Hisce temporibus cognoui quendam (quem optime noscitur) tante charitatis zelo à Deo motum; ut cum multis lachrymis facultatem impetrare non dubitauerit, qua sibi liceret pro liberandis à seruitute alijs, seipsum in seruum commutare. Ille mecum conuersatus est; erat enim ex Sancti Fr. Petri de Alcantara Fratribus Disalceatis: Igitur post importunas instantias à suo Generali licentiam obtinuit; cumque quatuor lencis Algerio vicinus esset; quo pro sui boni desiderij executione pergebat, Dominus illum ad se renocauit; & aeterno premio condecorauit eum. Plures seculi prudentes intentum tale vanum existimabant & incertum; nos verò sic opinamur, siquidem non ita Dominum nostrum diligimus, in hoc etiam vite somnio idipsum efficacia tali nequimus assequi; faxit Deus, ut aliquando Cælum ingredi mereamur, cupientes maxime in amore diuino proficere. Nec inferior socijs aestimandus Ven. Fr. Franciscus à Galisteo, Vin. solide virtutis, & elenati spiritus, Fidei, Charitatisque veræ Apostolica: Tam singularibus dotibus à Cœlo præditus erat, ut à S. Petro de Alcantara cordialiter amari mereretur; & quia Angelicam prudentiam in ipso cognouit, in primum Guardianum elegit Conuentus Matris Dei de Rosario. Paupertatem stricti sumâ seruabat, & humilitati tam profundè studebat, ut miranda de illo in hoc virtutis genere, plurimi annotarint: Inflammasbant Virum ardores Seraphici, extenuabant macerationes admirabiles, nutriebant orationis delicias continuæ; quibus Deo appropinquans, singularibus eius fauoribus ditabatur, dum ad eius intercessionem miracula multa operaretur. Tenerissimo, & quoto, atque fidelicollu Reginam Angelorum prosecutus, eius quoque continuo, fauores usque ad vitæ extremum, seruare promeruit. Diem mortis sibi Deus reuelauit, quem affectus est in Infirmaria Oropese Anno 1567, ubi animam Cœlo reddidit, sepultus fuit in Ecclesia Matris Dei Patrum Obseruantum supradicti loci; & post mortem gloriosus apparuit.

Adhuc in super Sancto Petro de Alcantara Vis profundi  
dissimul

diffima charitatis frater Alphonsus à Manzanete, iste in Prouincia S. Gabrielis professus, altissima perfectionis zelo in syluestria loca Lorianæ rigidiorē adurus pœnitentiā, secessit, & Conuentum sub titulo S. Isidori in prædiō nobilis viri Ioannis Velasco ab Auila construxit, mox obedientiæ Fratris Ioannis Paschasij se submisit. Cum autem Sanctus Petrus initium nouæ foundationi daret, Commissarius totius Reformationis institutus est: Alphonsus igitur à Manzanete, qui nuper Virum sanctum in Prouincia S. Gabrielis Prouincialem habuerat, gauisus est eundem denud agnoscere Superiorem. Itaque eius verbis & exemplis animatus, ad fastigium perfectionis breui peruenit, & Sancto Commissario dignus habitus est; qui inter alios ad fundandam Sancti Ioannis Baptiste Custodiā mitteretur, & in qua postea secundus Custos eligeretur. Elucebant in eo omnes virtutes in schola Sancti Petri vel acquisitæ, vel roboratæ; sed præcipuè inter alias enitebat Regina, mensura, & Mater cæterarum Charitas, cuius illud amoris in proximos signum notissimum fuit; quod aliquando in Italiam proficiscens, cum vidisset hominem miserum sibi notum ad triremes damnatum, misericordiam B. Paulini Nolani Episcopi imitatus, dolens quod ille uxorem cum liberis reliquisset, in eius locum substitui, & prænam alteri debitam sibi postulare infligi: Quo charitatis prodigio motus Præfectus remigem misericorditer dimisit, rogauitque Patrem, ut Sacellani officio functurus in triremi tanto tempore remaneret, quanto reus manere debebat remigaturus. Vidit aliquando in Hispania Dpminum grauib. flagellis vehementius in serpum sequentem, vnde miseratione commotus petijt, vt in humeros suos flagellorum cruciatus commutaret. Tandem orta post mortem Sancti Petri grauissima in præfate Custodiæ Fratres persecutione, iterum in Prouinciā S. Gabrielis redijt; & in Conuentu Alconcherij diues meritis, & plenus dierum in charitate consummata, Anno Christi 1569. obdormiuit in Domino.

n. 109

Silentio prætereundus non est alius Sancti Patris socius  
Pater

Pater Frater Antonius à Conceptione, quem Illustrissimus Gonzaga religiosissimum & humillimum, origine Lusitanum, & Prouinciæ pietatis alumnum nominat. Re enim vera illud summæ humilitatis eius inditium fuit, quod pro Reformationis dilatazione Romam accedens, se (licet nouæ Custodiæ Præfectus esset) cum alijs Fratribus Sancti Petri de Alcantara directioni lubenter submitit, & eundem Commissarium institui sollicitè curauit: Adeo autem Beatus Pater Fr. Antonij pietatem, & Religionem perfectam habebat, vt cum sibi loca pro extruendis Conuentibus, & fundanda Custodia S. Ioannis Baptiste offerrentur in Regno Valentie; mitteret tunc præfatum Antonium cum Fr. Bartholomæo à Sancta Anna (tanquàm alteros Iosue & Caleb) ad explorandas terras istas, & primos vitæ exemplaris odores in illis diffundendos, latiusque semina Religionis dispergenda. Tandem sicut zelo animatus vixerat, ita eodem, feruore plenus in senectute bonæ appositus est ad Patres suos.

Fuit & Sancti Patris socius fidelissimus Frater Bartholomæus à Sancta Anna, qui suscepto habitu in Sancti Gabrielis Prouinciâ, omnes boni Laici partes expleuit; donec diuino instinctu à Superioribus suis ad Sacerdotij ordinem reluctans ascendere iussus fuisset. Emittebat tunc temporis maximos sanctitatis radios tenella, & nascenti sub Sancto Patre Petro de Alcantara Custodia Sancti Iosephi; ad quam eò lubentius Frater Bartholomæus se recepit, quod in ministerii officio, Sanctum Seraphicæ paupertatis zelatorem vigere agnouerat: Ab illo itaque in noua Custodia receptus, vt verum tanti Patris socium in omnibus se exhibuit: præcipue tamen in profundissimæ humilitatis, altissimæ contemplationis, & rigidissimæ mortificationis imitatione, cibus ei adeo exiguus erat, vt mirarentur Fratres corpus humanum tam tenui alimento potuisse sustentari; nunquam vinum admisit, nisi grauissimi morbi remedio adstrictus, illudque ab aceto, non semel sibi eius vice per negligentiam porrecto, aut non distinguebat; aut saltem se distinguere

guere non manifeſtabat: Paupertatis amantiſſimus erat, in aduerſis patientiſſimus, & in magnis Prouinciæ ſuæ calamitatibus ſemper ſerenus, ſemper hilariſ, & ſemper quietiſſimus. Conuerſatio eius ſanctitatem in ſchola Beati Petri de Alcantara acquiſitam, ita redolebat; vt cum loqueretur quadam die Toleti cum Sancta Thereſia de rebus meliorem Prouinciæ ſuæ ſtatum concernentibus, ipſa deuotū, & ſimplex eius colloquium ex Beati Petri conſortio hauſtū ſuſpicata ſciſcitaretur; *An Sancto Patri aliquando familiaris fuiſſet?* cui ille, *Non ſolum vt ſubditus eidem diu obediri; ſed etiam lateri eius ſocius per multos annos adheſiſſe.* Quo audito Sancta Reformatrix, ſciens non niſi caſtiſſimos oculos, vultuſque modeſtiſſimos vnquā amico Dei Petro placuiſſe, ſublato ab oculis (quos texerat velo) dixit; *quare non me prius de hac re monuiſti, quò te facie deſectā alloqui potuiſſem?* Multis igitur virtutibus decoratus, bis Prouincialatus munere digniſſimè perfunctus eſt; bis Romam ex Sancti Patris obedientia pro Reformationis incremento ſe contulit. Denique in vltimum morbum incidens, ſerena & tranquilla facie, manibus ex more Fratrum Minorum, intra habitum compoſitis, dormienti ſimilis ad vigilias Cœli æternas tranſiuit Anno Domini 1600.

*De reliquis Socjſ, & Diſcipulis quibuſdam Sancti Petri de Alcantara. Cap. XXVI.*

**V**enerabilis P. & Seruus Dei Fr. Franciſcus de Melo Luſitanus inter primos Reformationis Authores, ſocius Beati Petri de Alcantara fuit; ob admirabilem virtutē vulgò S.Fr. Franciſcus nuncupatus: Pœnitentiæ, ac ſanctitatis eius perfeuerantia, cum ad vitæ finem uſque perfectionis imaginem declarauit. De hora tranſitus à Deo certior factus, amoribus ſeraphicis intentus extremum punctum expectabat; ſæpè à Sancto Antonio de Padua viſitatus cum eo familiariter colloqui videbatur, velut ipſe retulit Infirmario, cui prædixit etiam horam, quæ eſt vniſ diſcedere debebat;



bebat; qui monenti Medico de exiguo vitæ spatio (quod restabat) respondit: *Parùm scit Dominatio vestra de hac hora, quæ Deo soli nota est, cum vitæ Dominus sit; & non vult, ut moriar neque hodiè, neque cras, sed post triduum hora duodecima.* Et in hoc puncto animam Deo reddidisse perhibetur; relictis signis beatitudinis animæ, quam gloria susceperat: Corpus in Ecclesia Zaraizexo, vbi habetur Infirmaria Fratrum Conuentus S. Ioannis Baptistæ Viciosæ, & sacello Spiritus Sancti sepultum, post decem annos incorruptum inuentum; & iterùm post quindecim alios in eodem statu repperit. Pulvis ex eadem sepultura varia mirabilia operatur.

Venerabilis Fr. Ioannes de Albuquerque cæteris socijs non inferior sanctitate fuit, ideòque S. Petro de Alcantara carus maximè ob spiritus candorem, & pœnitentiæ continua exercitia, quæ eum testem fecerunt multorum ex his, quæ Deus in S. Petro operabatur. Vnde post mortem eiusdem, cum varia de eius pœnitentia miranda narrari audisset, solebat dicere: *Audeo dicere de his, quæ oculis meis vidi, de eius pœnitentia, & oratione; quòd nihil differunt ab illis, quæ de Sancto Patre nostro Francisco scribuntur, licet in aliquibus rigoribus illum superarint.* Fuit Ioannes etiam in vita sanctitatis fama præclarus, quam post mortem incorruptionis, aliorumque donorum indicijs apud suos deuotos insigniter auxit.

Seruus Dei Fr. Christophorus Braud, cuius sæpè facta est mentio; Magister Capellæ, & Rationarius fuit Ecclesiæ Zamorensis: Habitum Reformationis ab ipso B. Patre suscepit, à quo propter insignes virtutes, & prudentiam breui Guardianus; & indè Prouincialis creatus fuit. Eius in regendo sufficientiam, varia tùm Romæ, tùm in Prouincia tolerata, atque superata aduersa pro Reformationis defensione in Chronicis scripta loquuntur, quibus quidem maximam fidem addet; quòd videbatur à Deo singulariter electus, qui post S. Petri mortem totius Reformationis oneri, atque tutelæ præficeretur. Zelantissimus salutis animarum,

Regi.

Reginæ quoque Angelorum gratijs fruebatur; qui dum in-  
uigilabat fundationi cuiusdam Conuentus, mortis hora  
præcognita, vultu mirè reſplendente animam ad Superos  
transmiſit Anno 1573. relicto corpore in Oppido Nauaſſaz  
in Puertò del Pico.

Poſtremum hic locum dabimus Venerando Fratri Gaſpa-  
ro à Sancto Iosepho, qui oriundus ex Ciuitate Baecæ, ibi-  
que S. Petri mirabilia nartari audiens, iuuenis vix quindec-  
cim annos natus ad eundem Patrem ex domo noctu prope-  
rauit: Quo in Conuentu Oppidi de Arenis inuento ab eo-  
dem ſine mora habitum Religionis ſuſcepit; quia cognoue-  
rät S. Petrus vocatum à Deo, & Reformationis ſuæ magnum  
decus aliquando futurum. Propter candorem, & virginal-  
em pudorem intimè à B. Patre dilectus, virtutum heroïca-  
rum & Magiſtrum habuit, & quotidianum inſtigatorem;  
Oniculæ nomine ab eodem nuncupatus, in omnibus tanta  
puritatis innocentia reſpondebat; vt in ipſo non peccaſſe  
dixiſſes primum naturæ noſtræ Protoplaſten. Sæpius coram  
Sanctiſſimæ Virginis imagine orans, viſus fuit facie ſplen-  
deſcere Angelica; diuini amoris intentio, tanta in eo re-  
periebatur, vt corde inflammatus sæpè à Mediçis febris ar-  
dere acuta iudicaretur: Extasi, & raptu mirabilis extitit;  
conſuetudini Sanctæ Theretiæ gratiſſimus. Magiſter No-  
uitiorum toto quaſi vitæ tempore, homines virtute inſignes  
educavit; qui Reformationis baſes fuerunt, eorumque alij  
in terris infidelium pro Fidei veritate, ſanguinem fuderunt;  
alij hæredes extitere ſeruentis eius ſpiritus, quem ipſe velut  
alter Eliſæus à Patre ſuo relictum acceperat, & etiam à Deo  
miraculis illuſtratus eſt. Deuotionis Sanctiſſimæ Eucharistiæ  
ſingulariter addiſtus, die eiſdem ſolemnitatis in morbum  
incidit, cum à proceſſione publica rediſſet: Dein prædicta  
mortis hora S. Patrem Franciſcum imitando, nudus in ter-  
ra vna manu crucifixi effigiem, altera candelam tenens, in-  
ter hymnos, & laudes diuinas ſine aliquo doloris indicio  
animam Saluatori tradidit Anno ſalutis 1575. in Conuen-  
tu Villæ nouæ de la Serena, in quo erat Guardianus.

His tam præclaris Viris paupereula Discalceatorum familia (Authore S. Petro de Alcantara) profundiores in Franciscana vinea radices agens, in dies novas propagines ubique Teriarum produxit; dum in varijs Regnis novæ Reformationis studia, & Prouinciarum foundationes, & Religiosæ vitæ exempla tam in pœnitentibus, quàm Martyribus mirandū seraphico Ordini decorem adauxerunt. Distinctam autem omnium narrationem in varijs historijs egregiè descriptam ijs relinquimus, ac suademus, qui pro virtutis affectu renouatum Apostolicæ vitæ splendorem, Anachoretarum veterum mirandam austeritatem primitiue Ecclesiæ in Fidei professione constantiam, renouatis velut characteribus expressam delectantur contemplari, atque agnoscere: Hoc tantum loco quosdam conspicuos Viros adiungere licebit; qui ex schola S. Petri prodeuntes, vberimum plurimisque Authoribus Elogiorum argumentum ministrarunt.

Inter primos itaque Sancti hujus Discipulos non immerito connumerandum existimo Venerabilem P. Petrum de Alfaro, virtutū doctrinæ, ac disciplinæ Religiosæ exquisitissimum. Hic quibusdam alijs Religiosis suæ societatis præpositus instante Catholico Rege Philippo II. in Indiam transmissus, Prouinciā Sancti Gregori Papæ in Insulis Philippinis fundauit: Hinc euangelicum semen in Chinam, seu Sinenſe Regnum transfuehens, multa ibidem perpeſſus; tandem Conuentus in Machao, & Malacha, alijsque locis stabiliiuit; qui postea in Prouinciā Matris Dei coaluerunt, sub qua adhuc cum Indorum salutari fructu perseuerant.

Huic subiungendus occurrit tanquā socius Venerabilis P. Ioannes Baptista à Pesaro, qui natione Italus ex Conuentualibus ad Discalceatorum Institutum transiens, cum prædicto Patre Petro de Alfaro in Indiam pro animarum conuersione transfetrauit. Eidem pro Religionis zelo defuncto in regimine succedens, cunctis sanctitatis suæ opinionem, atque Christianæ charitatis præclarissimas notas ubique instillauit; dum prædicationis, ac pietatis indefessis exercitijs plurimos infideles ad Ecclesiæ gremium conduceret:

ceret: Nec adeò tamen ei omnia proſperè ſucceſſere , quin opponente ſe Dæmonio varia tunc tribulationum genera , tunc maximè ei etiam à domeſticis fidei concitaret; quæ per inuictam conſtantiam orationis , ac patientiæ ſcuto ſuperando , compoſitis pro occasione rebus , iterùm in Hiſpaniam redire , ac inde ad Pontificem Maximum Sixtum V. pergere conſtituit . Et quia huic olim in Conuentuali ſodalicio ſtudiorum contubernio pergratus , nunc ob præclarè geſta acceptior erat , in Italia remanere perſuaſus fuit ; vbi eiufdem Pontificis ſingulari Indulto aliquorum Conuentuum Reformationem ſuſcepit , ex quibus ad Indiarum meſſem miniſtri , atque operarij inſtructi Religioſi vtilius prodirent: Tandem vbique admirandæ ſuæ vitæ , ac religioſi zeli veſtigijs relictis in Conuentu Sanctæ Lucie Neapoli curſum ſui laborioſi itineris ſanctè terminauit . Ei poſt tot annorum interualla , hoc nuper memoria dignum acceſſit: quòd benignitate Sanctiſſimi Pontificis Clementis IX. nuper corporis eius deſiſitum cum prædicto Conuentu S. Lucie ad Diſcalceatos Provinciæ S. Petri de Alcantara , translatum fuerit , quaſi rinulus ad Reformationis ſuæ fontè , Diſcipulus ad Magiſtrum rediturum ſe præuiſſet .

In Prouincia S. Ioannis Baptiſtæ , quæ ſub S. Petro de Alcantara in Conuentibus de Elche , ac Lorito initium ſumpſit ; plurimi magnæ virtutis Religioſi vitæ perfectione inclaruerunt . Notabili verò præ cæteris miraculorum frequentia illuſtratur B. Paſchalis Baylon , cuius vitæ meritum ſicut Eccleſia Beatificationis priuilegio decorauit ; ita ſolemnis Canonizationis ritu glorificari vniuerſæ Hiſpaniæ deuotio inſtantiſſimè ſollicitat .

Ex ſuperiori Philippinarum Prouincia Sancti Gregorij varijs in Iaponem miſſionibus , S. Petri progenies copioſos in eodem Regno fructus animarum retulit ; vſquequò contra euangelicum hunc prædicationis feruorem concitati Bonzi Idololatriæ Miniſtri , B. Petrum Baptiſtam cum quinque ſocijs , ac ſeptemdecim familiaribus Iaponenſibus pro Chriſti confeſſione in crucem egiſſent , atque glorioſo martyrio

tyrio coronassent. Quorum martyrium adiunctis tribus ex societate Iesu, Vrbanus VIII. Pont. Opt. Max. Anno 1617. solemni iudicio approbatum, vniuersalis Ecclesiæ venerationi proposuit.

Præfatos imposterum copiosius Martyrum agmen consequutum fuisse relationes variæ publica fide confirmant; quarum etiam aliquot Romæ, Ecclesiæ auctoritatem exposculant. Interea non sine magno Ecclesiæ incremento, ac Religionis Franciscanæ gloria ex omnibus colligere fas est id, quod ex ista Sancti Gregorij Prouincia aliquando ad piæ memoriæ Philippum IV. Regem Catholicum perscriptum fuit verum esse; videlicet in lapponem, ac Chinam ex illa prouincia Religiosos Fidei zelantissimos transiisse, quorum plurimi Laurentij, ac Vincentij martyria æmulantes, tanquam Piropi, ac Carbunculi in hac Orientali Ecclesia fulgere agnoscuntur. Eorum autem numerum vsque ad Annū 1667. quadraginta quatuor, secularium verò trecentos nimirum Tertiæ Regulæ sodalitis adscriptos; alios diuersi sexus, ac ætatis supra quadringentos certiori calculo collectos intelligimus.

Ex quibus facile licebit iudicium sincerum de re perspecta ferre, quantum vtilitatis atque decoris Seraphico Ordini, ipsique Catholicæ Ecclesiæ ex hac Sancti Petri de Alcantara Reformatione accesserit. Nam & Martyrum splendidissima corona Fidei soliditatem exornat, atque illustrat apud infideles; & vitæ Apostolicæ renouatione in Prouinciarum augmento eiusdem Religionis commendat sanctitatem inter Catholicos: Ita quod non frustra aduertisse videatur insignis Religione, ac doctrina P. Martinus à Sancto Iosepho; vt videre licet in expositione Regulæ Fratrum Minorū pag. 793. Omnes quasi Reformationes nostri seculi dici posse filias Sancti Petri de Alcantara; cuius in habitus, ac vitæ asperitate, ac paupertate instituta describendo, tanquam principale exemplar imitari adnituntur, ac student.

# LIBER QVARTVS

De virtutibus Theologalibus, & donis  
gratuitis S. Petro de Alcantara  
concessis.

*De Fidei virtute. Cap. 1.*



Athenus vitæ S. Petri de Alcantara illustria multa perspeximus, nunc fundamenta (quibus hæc innixa fuere) penitiùs introspicere virtutum Christianarum perfectio suadet; quæ supra Petram Dominum Christum posita, Fide, Spe, atque Charitate mirabiliùs compaginatur: Et quemadmodum in prodigioso Viro multa naturæ vires excedere, ipsa gestarum rerum veritas ostendit; ita diuinam consideranti gratiam faciliùs patebit connexionem virtutum, qua velut per gradus ad apicem illum ascenditur diuinæ contemplationis, nihil in eo vacuum reliquisse. Hinc Fides illa, sine qua placere Deo nemo potest, adeò firmiter in corde S. Petri fixa, erat; vt eius veritates cunctis rebus, quæ oculis cernuntur, certiores haberet: Quascumque extases, aut reuelationes à diuina Benignitate habebat, nunquàm ab illis sibi persuaderi quicquam permittebat, quod priùs ad eiusdem Catholice veritatis trutinam non appendisset; ideòque ab his tentationem nullam passus fuit.

Solebat dicere tunc Fidei mysteria certiora haberi, cum eis minora intellectus humanus præstaret experimenta: Solius enim Dei sapientia nostræ confundit capacitatis angustias, & subleuat obsequij humilitatem; cum ignorantie tenebras illuminat his, quæ præter ipsum nemo, aut capere, aut explicare potest. Profundè de Fidei nostræ mysterijs ad Populum prædicabat, exhortando; vt frequenter il-  
lorum



lorum recordationem repeterent: In campestribus pastores quærebat, in villis & pagis pauperes, & paruulos, hominesque; quos doctrinæ Christianæ articulos edoceret. His nē victus quærendi tempus subtraheret; dum ad portam elemosinæ causa confluebant, prius spirituales sustentationem summa patientia, ac charitate singulis pro capacitatis modulo ministrabat; sæpè eadem iisdem inculcando.

Ardentissimo propagationis Fidei zelo, quod ipsi non, permittet atar, in alijs procurabat; vt nimirum eius Instituti Religiosi ad Infidelium terras euangelizandi causa trāsirent. Hac eadem ex causa magno dolore augebatur ob grauissimum damnum, quod suo seculo Ecclesia passa fuit à Lutheranæ hæresis pestifera disseminatione: Idèò super omnia obedientiam necessariam Capiti Ecclesiæ Pōtifici Romano debitam, diligentibus cunctis imprimebat; præcipuè verò Fratribus suis, vt in his (quæ ad Reformationis negocium pertinebant) ad nutum Vicarij Christi cuncta intenderent, sollicitè persuadebat.

Sacras literas quasi semper manibus tractabat; ita vt eius familiari vsu maiorem partem memoria teneret: Ad quodcumque verbum (quod proferri ex sancto Euangelio audiebat) assurgere, atque profundè se inclinare solitus, indicabat intimam eiusdem in corde reuerentiam. Cùm Fidei Mysteria explicabat; ordinariè extra sensus rapi, & lumine superno à Domino illustrari videbatur: Quadam die monendo Religiosos de veneratione, quæ Fidei dogmatibus debetur, aiebat; *Cùm Euangelium legis, attendite; et iunctis manibus, & modesta compositione, atque attentione percipiatis ea, quæ continet; nimirum quemodò Deus incarnatus est.* Hicquè vehementia spiritus raptus, altiori subindè voce eadem verba, repetebat; donec altissima contemplatione, euectus, ad illa verba: *Deus assumpsit carnem humanam,* tonitrus instar vocem edens, ad cellam magno impetu currebat; illic anima eius cœlesti ardore repleta cum in suauißima extasi ultra tres horas continuas detinebat.

Aliquando Religiosus sui Ordinis ex Italia rediit B. Patrem

trein in cella decumbentem inuiferat: Hic inter alia enarrans sensibilem deuotionem, quam in sacra Lahitana Aede expertus fuerat, dum sacra Incarnationis pignora (quæ ibi asseruantur) adorasset; tam altè cqr S. Petri de Alcantara, huius Mysterij memoria penetrauit, vt ei acutissimum clamorem exprimeret. Religiosus verò consueti affectus huius ignarus è cella aufugiens, Dei Seruum in altissima Mysterij contemplatione raptum reliquit; vsquequò cæteri ex Conuentu opportuniùs accurrentes in eadem depræhendissent.

Quadam die duo Religiosi sacris Ordinibus initiati, à Sancto Viro præceptum acceperant sese præparandi; vt Missam decantarent. Vñs illorum, vt cantus experimentum faceret, in hortum secesserat, vbi fortè tunc S. Petrus contemplationi intendebat. Itaque cum à prædicto Religioso Euangelij verba; *In principio erat Verbum* &c. intonari audisset, accensus spiritu genua & caput inflectens, implexusque tanquam rota volatu celerrimo ad portam Conuentus, indèque per alias portas sine vlla læsione ferebatur vltra enbitum à terra elenatus; vsquedum coram Sanctissimo Sacramento in Ecclesia in altissima extasi raptus substitisset. Aliqui Religiosi, qui Sanctum assequi non poterant, cum ante Aram maiorem in illo statu depræhendissent, aliquandiu priùs expectare, vt ad se rediret; mox omni industria experiri, an sensus retineret: Tandem certò inuenere columnæ instar immobilem hæsisse; quia firmiter corpus fixerat, qui animam rapuerat, & qui Fidem accendit, Mysterij quoque lumine integrum absorpsit. Fuit insuper à Deo dotatus speciali illa Fide, quam gratis datam Apostolus nuncupauit, & priori superadditur: Hæc nimirum magna fiducia est de diuina Bonitate, à qua consequi se posse credunt Sancti, quæcumque rectè à Deo petierint; promittente Christo etiam montes transferre posse, aliæque stupenda operari, cum necessum fuerit. Huius Fidei testimonia fuisse tot in vita S. Petri de Alcantara prodigiosi successus, quibus sæpiùs siccis pedibus rapidissimos transiit fluuios; diuinæ confusus Omnipotentix crebrò in maximis necessitatibus,

præsentem habuit diuinam opem, tam sibi quàm suis Religiosis miraculosè fauentem : Hinc quoque totiès deuotis exhortationibus Religiosos suos ad hanc virtutem, diuinæ Prouidentię immensa benignitate extimulabat; vt quos Fides docuerat, nullo humano subsidio inniti, eosdem fiducia certiores redderet, confidentes in Deo cuncta obtinere.

*De virtute Spei, quæ in S. Petro de Alcantara eluxit.*

*Cap. II.*

**N**on dissimilem fiduciæ sociam S. Petrus de Alcantara in pectore alebat Spem, quæ inter tempestates huius vitæ anchora animæ non immeritò dici solet; sicut est medicina contra humanam inconstantiam, vinculum diuinæ gratiæ, & pignus inæstimabile gloriæ. Hæc virtus illum à teneris annis cœlesti lumine induit, in toto vitæ decursu instar solidæ columnæ sustinuit : Hac Magistra adhuc obsessus humanis illecebris, earundem laqueos euadere, pompas cum seculo contemnere, solam Spem ad superna bona dirigere, cætera pro nihilo habere constantissimè didicit; immò cum iam maturus annis corpus maximis pœnitentijs subegisset, suadentibus vt eidem, aut quietem aliquam, aut refrigeriū indulgeret, respondere solebat : *Non hic locus solatus est; omnem enim quietem in superna patria expecto, quò iturum me spero.*

Pro omnium rerum successu, maximè futurarum ( quæ tempore maturescunt ) oculos attollebat in Cœlum, quò cordis affectum transmiserat; dicens deuotè cum Regio Prophetæ : *In te Domine speravi non confundar in æternum.* Ad eò verò longè aberat à Spe in Principibus, aut quocumque homine collocanda; vt Magnatibus pluribus Hispaniæ fauorem sibi pro negocijs offerentibus, aut rarissimè vti vellet, aut si aliquando vteretur, eosdem tantum tanquàm instrumenta diuinæ Prouidentię attentius respiceret : Eandem virtutem omnibus suis deuotis in quacumque tribulatione, aut prætensione inculcabat, dicendq : *Sperate in Deo, qui*

*omnibus mederi potens est; figite in eo Spem vestram, ipse omnia ad desideratum finem perducet, per media opportuna. Cuius quidem virtutis in ipso Sancto fidem faciunt tot superatæ contradietiones, tot euictæ difficultates; cum quibus omnibus colluctatus, primum maioris Dei gloriæ intentum, gloriosè affecutus fuit.*

Aliud Spei genus diuina ei Liberalitas concesserat, dum gratiæ gradus augendo, humanis viribus easdem mirabiliter corroboraret: Nam corpore, atque complexione debili, varijs etiam accidentibus infirmabatur; ita vt licitè, ac necessariò eisdem indulgere aliquando teneretur. Nec tamen idè ille receptas humanæ prudentiæ regulas admittere; nec mysticorum etiam consilia sequi, qui proprias vires metiri non inutiliter suadent: Sic enim ipse Sanctus in Tractatu de Oratione part. 2. cap. 5. notabili 5. Inueniuntur aliqui, qui nec tempus, nec discretionem seruant in suis exercitijs, cum à Deo fauores recipiunt; & his ipsam prosperitatem interdum periculi causam esse existimo: Multi enim sunt, quibus videtur gratiæ sibi plenò sinu effundi, idèque propter tam suauem Dei conuersationem, toti in ea occupantur, frequentando studia orationis, vigiliarum, & macerationum corporis; ita quòd natura impar tantis oneribus, tandem succumbere cogatur. Vndè fit, vt multistomachum debilitent, & caput; sic quòd non solum inuitiles reddantur pro laboribus corporalibus, sed etiam pro his ipsè exercitijs orationis: Itaque in his rebus magna discretione utendum est in principijs maxime; quando feruores, consolationesque maiores sunt, & experientia, & discretio minores; vt sic passus in hac via contemperemus, nè in media deficient. Sed his neglectis non naturam sua virtute; sed ea, quam à Deo accipere poterat, foeliciùs metiebatur: Vndè cum de alijs Sanctis, Spiritu Sancto intus eos mouente, mirabilia multa narrantur; quæ temeritatis speciem habere videntur tam in martyrijs iubeundis, quàm in diuina Prouidentia experienda. De Sancto nostro adèd stupenda scribi possunt, vt maximam etiam fatigare ponderationem valeant; dum omnia, quæ sperabat, consecutum fuisse animaduertitur: Fi-

xa namque in corde suo seraphici spiritus verba habebat ; cum ex Sancto Bonaventura ediceret ; *O Spes celestis , que quantum speras , tantum impetras .*

Hinc multa quoque contra proprium corpus tormentorum genera intentare , quorum quodlibet illud ipsum sua natura destruere potuisset ; ni Spes secum diuini auxilij præfidia appræhendens , animum & vigorem addidisset . Hinc inter alia in quodam difficili itinere à deuoto inuitatus , vt aliquid secum viatici deferret , planè recusauit , dicens : *Nihil refert , Deus nobis providebit ;* idemque nè reciperet , socio iniunxit . Hic nè deuoti affectus pignora recusasse videretur , frustra panis , paucosque fructus petere non neglexit ; quod cognoscens S. Petrus de Alcantara nequaquam admisit , sed eum sic mansuetè corripuit : *Non nè semper tibi dixi , vt in Deo speres , & in misericordijs eius ? Conside firmiter in ipso ; quia solus in maioribus necessitatibus opportuna auxilia præstat .* Ea namque sæpiùs tam in itineribus , quàm in suis Cõuentibus mirabiliter expertum , in historiæ eius contextu varia exempla probant : Nec frustrà propheticum illud in Psal. 54. *Iacta curam tuam in Dominum , & ipse te enutriet ;* Magistri sui Christi Dñi monito attèperasse creditur , Lucæ 12. & Matth. 6. *Ideò dico vobis , nolite solliciti esse anima vestra , quid manducetis , nequè corpori quid induamini . Quarite ergo primum Regnum Dei , & iustitiam eius ; & hac omnia adycientur vobis .* Idem in alijs successibus eluxit , quibus humani ingenij industriam applicando , difficilia omnia , atque impossibilia multa euentum prosperum negare existimabantur ; nisi Spes , quæ fiduciam animabat , cuncta sibi à propitio Numine alacrius promississet , & promptior diuina Benignitas ritè præstitisset .

*De Charitate Sancti Petri de Alcantara erga Deum .*

*Cap. III.*

**R**egina virtutum Christianarum Charitas adeò sublimè in corde S. Petri de Alcantara thronum erexisse videbatur ;

batur; ut ad eundem omnes suos affectus, desideria, atque cogitationes reuocaret: Nam *hæc corrumpi nescia* (ut scripsit S. Prosper de vita contemplat. cap. 11.) *nulli vitio mutabilitatis obnoxia, finis cælestium præceptorum, mors criminum, vita virtutum, palma victorum, quam Fides concipit, ad quam Spes currit, & cui profectus omnis seruit, ex qua quicquid est boni operis, vinit.* Hinc quocumque motiuo sibi de summo bono occurrenti, tam vehementer accendebatur; ut intra se contineri nequiret, quin ignitis suspirijs acutissimisque clamoribus ex cordis intimo foris prorumpentibus, aut audientes quoscumque perterreret, aut deuotos compungeret: Huius namque affectus praxim, etiam Sanctus Petrus noster in suis exercitijs part. 1. cap. 12. monito 8. sic appositè descripsit. *Sunt aliqui adeò amore Dei inflammati, ut vix memoria occurrat quacumque eius imago, quin amore ipsius viscera eorum colliqueſcant: Et hi discursu, aut considerationibus his non indigent magis ad excitandum hunc amorem, quàm aut Mater, aut Sponsa, ut gaudeant; cum de filio, aut Sponſo sermo incidit. Alij quoque qui non solum in orationis exercitio, sed etiam extra illud ita in Deo absorpti sunt; ut propter eum omnium rerum, immò sui ipsius obliuisci videantur: Nam si hoc quandoque fieri posse in amore sensuali experimur; quàn tò magis id amorem infinita, atque increata illius pulchritudinis efficere posse credendum est, dum longè potentior gratia sit, quàm natura, vel culpa.*

Quadam vice S. Petrus de Alcantara infirmitate decumbens, sensit adeò vehementer cor suum diuini huius amoris iaculo transigi; ut in vocem tonitrus instar prorumpens, Infirmary excitarer: Hic infirmo aliquem nouum casum superuenisse suspicatus, accurrens eum mortuo perſimilem inuenit; cuius causam non morbi, sed affectus violentiæ adscribendam ipse postea S. Petrus Confessario aperuit. Sola diuini amoris mentio ita eum commouebat; ut quodcumque etiam difficile, eius respectu libenter cuiuscumque petenti concederet: Vndè sæpius poenitentes eius, aliique deuoti multa (quibus quàm maximè aduersabatur) peten-



do propter amorem Dei, promptius extorquebant. Interdum hoc suavi incendio exardescens, nec cellæ angustijs retineri, nec cordis anxietates pati sufficiens, in campos euolabat; vt vel sic eam partem incendij, qua corpus æstuat, aeris refrigerio contemperaret: Quod mirum nequaquam videri potest, cum ipsas etiam niues interdum super eum cadentes fuisse liquefactas, iam alibi annotauimus; & ex sequenti successu confirmabitur.

Quadam die huius incendij diuini flamma etiã corpus sibi correptũ sentiẽs, procurrebat in hortum, ibique se totũ vsq; ad collum congelato stagno promptius immerfit; tanto verò temporis spatio in eodem permansit; quanto cuiusque alteri ad extinguendum omnem calorem naturalem, ipsamque etiam vitam certò suffecisset: Miro tamen diuinæ Charitatis prodigio visum est gelu resolui, stagnumque instar feruentis ollæ ebullire; eò quòd cor S. Petri de Alcantara, intus accensum, corporis ardore aquam feruentem effecerat. Nequẽ ille hoc facto tribus pueris Babilonicis inferior æstimandus, dum illi fornacem egressi, cœlesti rore ignẽ extinguente seruantur; hic gelidas aquas suo corpore velut fornacem accendens, nec gelu perimitur, nec aquæ feruore amburitur.

Verba insuper & colloquia, quæ de hoc diuino amore faciebat, quàm ignita, atque fauillantia forent; varij euentus in eius gestis indicati probabunt, quorum licet vnicum hoc loco addere specimen, ingratum non videbitur.

Accesserat quadam die S. Petrus domum Illustris cuiusdam Fœminæ suæ pœnitentis, in pago Beluis: Hic cœpit coram ipsa, eiusque filia satis deuotũ de rebus spiritualibus sermonem texere, capto motiuo ex currenți festiuitate duorum Apostolorum Philippi, & Iacobi, quorum in Christum Fidei, & amorem præclare exaggerans, dum omnia adiisse difficilia demonstraret; ex libro mox spiritali feruenti affectu hæc verba prælegit: *Deus meus, sus me carbonibus flammis, atque igne tui amoris totum accendi, atque inuolui: ita ut conuertar in te, & tu in me.* Idque tam penetranti voce, atque

atque modo pietatem spirante proferebat; ut ex hinc prædicta Domina toto animo ad deuotionem accenderetur. Maxime verò filia, omnium terrenarum cura penitus deposita, sic orationis studio incumbibat; ut in ea notabiles progressus faciens, fauoribus cœlestibus superabundaret. Fuit hæc Maldonata genere, cuius alibi memoria recurrit.

Tam diffusus erat hic sancti Viri amor, ut libenter seipsum in tot corda diuississet, quot Mundus homines continebat; ut sic diuinis laudibus abundaret magis. Hinc sæpius ad diuinas laudes omnes creaturas prouocando, sic exclamare audiebatur. *Venite, & iuuate me, o vos Celi, & Terra, & Angeli Sancti ad collaudandum Dominum, & ad vices reddendas tot fauoribus, quibus nos immensa eius Benignitas cumulauit: Nimiam excedunt mensuram obligationes mee; ideòque melius vos defectibus meis succurrite. Vos Seraphini inflammati, qui optimè amoris naturam, ac vim cognoscitis, optimi mihi ferte; dum amoris selo vulneratum me sentio, & redamandi debitum agnosco; tormenti tamen remedium, ac leuamen non inuenio. Tu qui labia Isaïæ, ignito forcipe mundasti, hanc animam meam ardentissimo amore tuo accende; ut nihil præter Dominum meum diligam, in ipso solo requiescam, & viam in seculorum secula.* His & similibus alijs indicijs diuini amoris cor S. Petri de Alcantara æstuans, continuò latentis ardoris flammæ conglobatim eructabat; ut quantò maioribus corpusculum cruciatibus, ac pœnitentijs subigeret; tantò in corde latens ignis magis cresceret, atque foris quoque erumperet.

Eundem feruorem in alijs, quos de diuino amore alloquebatur, adeò mirabiliter accendebat; ut ab his etiam, quibus mirabile hoc amoris genus ignotum erat, ipse Vir sanctus amens existimaretur; dum verba affectuosè proferendo, corporis gestibus decorem perdere arguissent. Indè quoque de ipso Sancta Theresia hæc in mansionē 6. cap. 6. annotauit; *Ego cognoui quendam Fr. Petrum de Alcantara, quem Sanctum existimo secundum ea, quæ in vita demonstrabat; interdum ab his, qui eum audiebant, habitum fuisse pro mente capto. Et verè talis erat, si sanctam illam amentiam respiciamus.*

mus, atque ebrietatem; qua sanctus ille Propheta redundans, omnes creaturas caelestes, ac terrestres, in Psalmo illo Benedicite, ad collaudandum Deum feruenter prouocabat. O felix amentia, fratres, si eam nobis Dominus concederet! O infelicia tempora, à vita miserabilis, in qua adèò obscura, & ignota est talis stultitia. Felices hi, quibus salem gratiam Deus concesserit; ut participes reddantur huiusmodi stultitiae, & seipso inueniant aliorum exemplo. Excitemus ergo nos ipsos ad diuinas laudes; & adiuuent nos omnes creatura persecula seculorum. Amen.

Prædicabat quadam die S. Petrus in Ciuitate Plasentiae coram numeroso Populo super immenso Dei amore, quo Incarnationis mysterium perfecit: Dum itaque rationum pondere mutæ obligationis causas concioni efficacius persuadebat, visus fuit tam vehementer eiusdem desiderio accendi; ut sensibus destitutus per longissimum tempus, in altissima extasi suspenderetur. Cuius admiratione, quamplurimi maximè compungi, atque ad diuini amoris desideria excitari; ipsum denique Seruum Dei in se reuersum, atque post gratiarum actionem euadentem, summa veneratione velut Angelum incarnatum deuotè vbique prosequi: Ille verò tam verbis, quàm affectibus, ac operatione dies noctibus, actiones meditationibus hoc exercitij vinculo coniungens, semper Deo fruebatur; nec vnquam minimum, vel punctum prætermittebat; quod diuinæ voluntatis promptissimum obsequium importaret: Vnde plurimi Religiosi, qui eius consuetudine familiariter utebantur, iuramento firmasse scribuntur nullum reperi in Euangelio præceptum, aut consilium, quod à suo prædicto Magistro ad literam non fuerit integerrimè obseruatum.

*De Charitate S. Petri de Alcantara erga proximum.*

*Cap. IV.*

**S**uperioris virtutis filiam, aut sororem rectè vocaueris Charitatem erga proximum; quæ sicut legem perficit, ita Deum lætificat, in quem refunditur: Hinc S. Petrus alio-

aliorum infortunijs tanquàm proprijs compatiens, omni studio ac diligentia satagebat; vt quàm promptissimè ijsdem succurreret. Pro hac causa, difficillima interdum itinera suscipiebat; nimirum vt Ciuium, aliarumque personarum, familiarumque animos inuicem reconciliaret; immò poenitentes, aliosque deuotos in graui aliqua tribulatione consolaretur: Omnes ad solam eius præsentiam serenati, animi tristitiâ deponebant; & sicut Sole glaciem liquefieri cognoscimus, ita quascumque frigiditates ad Charitatis S. Petri calorem fuisse resolutas accepimus. Ob hanc causam sæpius solitudinem intermittebat ac conuersationem, qua Deo in oratione fruebatur; dum eum aut Conuentu egredi, aut ad se accedentes, patienter auscultare necessitas cogebat: Nec verborum tantum suauitate hæc Charitatis officia præstare; sed & omnem operam impendere, orationibus quoque & poenitentijs diuinum auxilium compellare, donec petentium necessitati subuentum cognouisset. Id verò maximè pro peccatorum conuersione, atque conuersorum perseuerantia attentius præstare. Hinc etiam de alienis factis nunquàm sinistrè iudicare, aut censorem agere; idemque diuersis documentis suis Fratribus ita inculcare: *Ecce evidens signum est, quòd Deus alicui animæ assistit, quando huius in mala bonam inuenit; quemadmodum alij præsumunt in bono malum querere*: Nam unusquisque præ se fert ea, quibus cor eius replendum est. Sic enim anima inuidia plena, de malitia, eadem lingua enuntiare non desinit; sed quæ Charitatem possidet, cogitat, & loquitur de omnibus bene, indicans omnes Deo perfectius seruire quàm se.

Mirum in modum hanc virtutem S. Petrus de Alcantara manifestabat, serendo mansuere illatas iniurias: Nam sicut cuiuscumque beneficii tenax, vices rependere; vel orationis præmio nunquàm negligebat; ita offensarum immemor, potius easdem beneficii loco habere, quàm vel minimè indignari; cum sibi contradicere, aut calumniari se magis gauderet. Idem quoque Religiosis suis commendabat; vt quæ secreto aliquo Dei iudicio contingere potuissent, ea in humanis

manis contradictionibus Charitatis officio libentiùs excusarent.

Eandem virtutem quantum religiosa paupertas permetteret, etiam externo opere proximo præstabat; ita quòd omnium pauperrimus; alienam tamen necessitatem diuicem elemosynis subueniret: Hinc etiam in proprijs Conuentibus mendicis ad portam primus ministrare; caput & membra sordida abluere, indumenta refarcire ac lauare, omniaque illis pietatis officia exhibere, quæ misericordiæ viscera concipere abundantius poterant. Alios, quibus nuditas verecundiam facere videbatur, ad amicos spirituales induendos remittebat; sicque omnes, quos inopia aut necessitas filios offerebat S. Petri Charitas, paterno affectu amplectebatur, & fouebat.

Pro ægrotis singularem sollicitudinem etiam assiduus humilitatis officijs exercebat; ita quòd ab alijs Fratribus huic curæ destinatis, sæpè admonitus parceret suæ debilitati, & ipsis pensum soluendum relinqueret, respondebat: *Filij, mecum imprimis hoc est officium, in quo si defectus, aut negligentia aliqua occurrerit; magis à me, quàm à vobis rationem eius exquisiturum Deum scitis.* Extra Conuentum Nosocomia frequentabat, atque priuatorum domos; quibus præcipuè in necessitate publica priuatim laborantibus, ea industria, atque diligentia succurrebat, qua & egestate liberari, & diuinæ offensæ periculo eripi conuenientiùs poterant.

Quadam die æstu feruente iter faciebat versus Oppidum Torregonzillo, quando Solis ardor, viæque asperitas eum, & viribus & siti languentem cogebat remedium petere à duabus mulieribus; quas fors obtulerat: illæ verò propriæ necessitatis obtestatione, Sanctum Virum ad sui commiserationem conuerterunt; ita vt opem, quam à se peteret, ipse tam siti quàm fame laborantibus opportunus exhiberet. Mira sanè pietatis commutatio, dum S. Petrus sui oblitus ad Cælum oculos attollens, indè pro eis auxilium obtinuit, vnde sibi ipsi vix petere præsumebat; & ad mulieres conuersus: *Recedite*, inquit, *sub umbra illius gaudete, & vbi necessi-*

*satis vestra remedium inuenietis. Obedientes illæ in loco, quem indicarat, medium panem inueniunt; cuius sapor & albedo coelesti manu compactus, & sitim extinguere valuit, & famem: At ipsa huic miraculo Charitas S. Petri pretium abstulit; dum hæc ordinis negligens, alienam necessitatem proprio periculo postponere notata fuit, nec sibi vel in minimo subuenire.*

Aliquando S. Petrus de Alcantara iter faciebat cum quodam Religioso genere nobili, qui nuper ex seculo ad Religionem transiens, nondum domesticas delicias, aut naturæ molliorem deponere, & asperitati Religionis satis assuescere didicerat; licet fervore spiritus, multa etiam difficilia, superasset. Hic pro usu Religionis, nudis pedibus longa via, inter prærupta saxa incedens, tam sanguine cruentatus, quàm lassitudine deficiens, nitebatur vestigia præcedentis Patris pro viribus assequi: Sed eidem adeò commiserationem eliciebat; ut sæpè inuitatus, tandem suavi verborum violentia coeretur tergo Patris se imponere, & sic longo spacio portari, idque etiam diuersis locis, vbi difficiliior transitus occurrebat, repetere. Miro sanè pietatis spæ. Etaculo visus fuit S. Petrus compassiua affectus teneritudine incuruatum ætate, atque continuis macerationibus dorsum iuniori se submittere, atque duplicato onere ipsa saxa, quæ pedibus cruentabat, velut emollire quodammodò; & nisi supernè vires haussisset, oneri impar succumbere.

Nec præsens tantum quæcumq; Charitatis officia prestare S. Petrus de Alcantara promptissimè solebat, sed cum longè etiam abesset, diuinæ virtutis impulsu eadem deuotis egentibus remedia mirabiliter afferre. Erat in Oppido Arenas Vir honestus Balthazar de Frias, de S. Petro cuiusque Religiosis optimè meritis; cuius filio sexenni, Patrique percaro violentia morbi per quatuor ingentes suppuraciones, atque acutam inflammationem mortem minabatur: Quæ Medicorum iudicio certis intellecta, Pater ut cordis amaritudinem lachrymarum resolutione temperaret, à filij conspectu secessit. Augebat dolorem de S. Petri absentia,



cogitatio, cuius præsentia merito non dubitabat se à Deo filij salutem impetrare posse: At non ideo spem deposuit deuotus vir, cum vel sic absentis S. Petri opem magna fiducia imploraret; nec vanam ei fuisse disposuit diuina Benignitas, quæ S. Petro de Alcantara deuoti necessitatem manifestans, voluit; vt licet longissimè distans præfato viro de filij salute lætum nuncium ore tenus proferret, totumque consolaretur: Nam ille ad præsentis dictum obstupescens, mox euanescente, ad ægroti filij cubiculum aduolare; & licet adhuc periculo teneri cernebat, nequaquam tamen dubitare quin saluus euaderet. Hinc rei successum adstantibus enarrare, & cum ipsis Dei mirabilia Serui sui Charitate extollere; donec stupentibus etiam Medicis, infirmum breui integrè conualuisse, omnes eiusdem S. Petri meritis certius adscripissent.

*De Patientia S. Petri de Alcantara, & animi eius constantia*

*contra iniurias. Cap. V.*

**E**X præcedenti Charitatis radice mira in aduersis constantia, atque contra calumnias patientia pullulabat. Nam qui nihil nisi à Deo moueri sibi firmiter persuadebat, eiusdem amoris; licet aduersa atque opprobria, omnia libenter condonabat. Dierum vitæ S. Petri chatalogum texere, oppoteret, si virtutum harum exempla colligere vellemus; quæ in illo adeò miranda solo prouerbij vsu confirmata, nobis facilius persuaderi possunt: Nam cum aliquis, iusta se indignatione commoueri sentiret, Patientia Fr. Petri de Alcantara opus esse pro responsionis dicto, tunc temporis inualuit.

In Reformationis negocio multas, variasque difficultates inuicta constantia superauit; grauiissimas calumnias, reprehensiones, atque acerbis mortificationes humili patientia tolerauit; vt nec ægri animi signum aliquod proderet. Sæpè non verbis tantum, sed & verberibus impetitus, aliam defensionem opponere nesciebat, quam quòd oculos

in Cœlum attollens, pro persecutoribus exoraret; sic cùm virtute Diplomatis Pontificij quemcumque ad suum Institutum recipere facultatem obtinuisset, tunc insignem quendam Canonicum Christophorum Braud, priùs vt sua pauperibus distribueret, induxerat. Hic consilio obsequens, charitatiuè omnia sua largiendo, Viri Dei æmulis auctoritatem eiusdem inuisam reddidit, validasque contra eum, persecutiones innocenter concitauit: Quibus tam atrocia, atque indigna Sanctus Vir perpeffus fuit; vt iurati testes in Canonizationis processu, ea vix describi posse, deposuerint. Illum verò innata frontis serenitate, & animi imperturbabili tranquillitate cunctos insultus cuiuslibet sustinuisse, ipsos etiam Religiosos suarum iniuriarum impatientes, pro impatientia interdum coarguisse, atque ad Deum conuersum, sæpè ita inuocasse: *Gloria tibi sit Deus meus. Nunc verè cognitum me lator, pro eo qualis verè sum; & sic rectè me tractant, prout mereor.*

In quodam itinere Conuentum Religiosorum hospitij causa ingressus, inhumaniter exceptus fuit; eò quòd Diplomatis Pontificij requisitus, hoiuitatis accusaretur. Hinc iniurijs atque conuicijs laceffitus; habitu spoliari, atque pro more Religionis tanquàm Apostata flagris cædi iubetur: Quæ ille humiliter pèrferre paratus, cùm corpus cinctum, cilicijs, inedia extenuatum, atque disciplinis sulcatum, ostendisset; tantum suis aduersarijs pudorem incussit, vt spectaculo confusi omnes, recedere potiùs, quàm intueri ipsum, aut attingere eligerent: Itaque ipse ab accusatoribus relictus in medio, veste sua indutus humiles Deo pro hoc pane tribulationis gratias egit. Mox è Conuentu exire, & pro subuenienda socij refectione, eleemosynam per domos petere; & sic iter alacris prosequi non dubitauit: Sic quoque cùm alios sui Instituti Religiosos iter agentes, in quibusdam locis malè habitos fuisse intelligebat; indè gaudendi occasionem sumere, atque aduersarios excusare, monerequè suos, nè conqueri præsumerent; sed apud alios, etiam seculares pietatis affectu obtegerent.

Decumbebat graniter S. Petrus de Alcantara in Conuentu Arenis, cum diuina inspiratione Auilam eundum sibi Religiosis significaret; vt Sanctæ Theresiæ in Diplomatis: Pontificij executione auxilium præstaret: Nec quibuscumque precibus à proposito moueri, quin aggrauatus morbo è lecto surgere, & iumento quodam vectus, iter suscipere visus fuerit. Pernenerat ad tabernam de Puerto del Pico, vbi quiescendi necessitate in terram proiectus, caput super petram, cui socius mantellum superposuit, inclinarat: Interea iumentum hortum fortè propinquum ingressum, olera quædam, & herbas corroserat; quod à cauponis vxore obseruatum, iracundia accensa iumentum pro damno includit, & in rabiem versa, contra S. Petrum & Socium conuicia, & probra effundit. At cum mansuetiores ad omnia animaduertit; insolentior facta, duplicat iniurias, & pro pignore pallium capiti recumbentis violenter subripit: Qua vi infirmus senex colliso ad lapidem capite, sanguinem fundere, atque vix genibus sustineri validus, mulierem pro culpa humiliter deprecatur; & vt iracundiam deponat, obtestatur. Pergebat insolenter debacchari insana foemina, quasi infernalibus agitata furijs, quæ S. Petri de Alcantara constantiam prosternerent; dum moestus Socius, secum cogitabat, quò sibi pro afflicto Patre resciendo, atque curando eundum esset; tunc Seruo suo Deus opportuni remedij, æque egregiæ patientiæ publicandæ occasionem optimam præstitit: Nam transibat illac versus Arenas D. Franciscus de Guzman Eques Illustris, ac S. Petri filius spiritualis; vt eum in Conuentu inuideret. Hic cum sanctum Virum ita, in terra prostratum animaduertisset sanguine conspersum, stupore primò perculsus, casum aliquem ex via interpretabatur; mox cum ex mulieris clamoribus successum indagasset, in furorem mutatus aggreditur tabernam signi succendere, atque mulierem occidere: Sed S. Petrus, quem præ nimia debilitate sola Charitas erigere poterat, furentem insequutus à facinore reuocat; ac miræ pietatis, & mansuetudinis excessu ruinam auertit. Nam eius voce tanquam

quàm Angelica suspensus iratus vindex, manus continuit, districtum ferrum cohibuit; atque cui mortem intentabat, ad preces S. Petri de Alcantara pecuniam pro pretio dati damni, liberaliter exsoluit: Sic itaque effrenis mulier lenitate correctâ, ad S. Petri pedes culpam, & iniuriam dolens deprecabatur, cum ipse suauibus monitis eandem corripiens, & meliorem reddidit, & singulare patientiæ exemplum omnibus simul præstitit.

Eius constantiæ in tolerandis infirmitatibus fidem maximam faciet, quòd iisdem quasi continuò vexatus, maiores dolores pati optaret; nec remedia (quæ afferri possent) nisi coactus admitteret. Sic in itineribus, aliaue occasione accepta vulnera negligebat, sic toto quasi vitæ tempore, nullo se dolore vacuum in corpore, aut in animo afflictione aliqua liberum sensit: Et cum à Fratribus, ut à Deo leuamen in oratione peteret, peramanter monebatur; responsum dabat. *Fili, pro Christo summo nostro bono, dolores, afflictiones, & aduersa pati, via est breuissima, æquè ac certa, & secura ad perfectionem; qua licet angusta sit & difficilis, sine dubio tamen rectâ ad portus Cæli perducit.*

*De Humilitate S. Petri de Alcantara. Cap. VI.*

**I**Am obduratæ patientiæ, cuius in superiori capitulo exempla indicauimus, S. Petrus profundæ Humilitatis animi fundamentum effoderat; ita quòd tam in prosperis, quàm in aduersis eundem sensum gerens, sæpè dicere solebat: *Seruus inutilis sum, & sine fructu in domo Dei. Quid habes, quod à Deo, non accepisti? Quid reddam ego Deo, pro omnibus gratiis, quas mihi tribuit? Offero tibi Deus meus, exigua illa, qua habeo, & valeo offerre.* Ita quoque sanctitatis suæ fama summè eum affligebat, eamque vel vulgari ignorantia, vel Magnatum adulationi adscribere studebat: Interdum ut applausus populares declinaret, noctu Villas, aut Ciuitates ingredi, aut in aliquo paleario, vel tugurio obuiò hospitari solebat; sed quia hoc quoque sæpè fieri non

non poterat, dum aut charitatis, aut negotij occasio ad hominum frequentiam eum constringerent; paulatim profusis illis obsequijs, tanquàm martirijs assuescere didicit, cùm ex singulis reuerentiæ demonstrationibus plura in corde iacula excipere sibi videretur. Quod euenire vel tunc plerumque ei solebat, cùm ab Episcopis, aut Principibus hospitio exceptus; summo amoris, ac existimationis affectu benedictionis gratiam impartiri eis rogabatur: Vndè Humilitatis huius fouendæ causâ, ità se commonebat; *nonne in Mundo defunctus es? permitte itaque te tanquàm mortuum tractari, qui nullo aut laudum, aut incensationis sensu stimulatus, vilam internam, aut externam patitur immutationem.*

Aliàs cùm ad eius ingressum in aliquam Ciuitatem commoueri omnes solerent, vt illi obuiam irent: Ipse (vt contemptum potius prouocaret) relictis nobilioribus, pueris se miscbat, atque ad ludicra conuersus, oblatos honores declinabat. Interdum in viis publicis studiosè ea peragebat, quæ nauscam magis ac risum, quàm admirationem, aut reuerentiam ei generare possent: Intereà versicolores panniculos hinc inde in sportam collectos, tunicæ assuebat; vt pro insensato haberetur. Interdum inter opifices baiulum agens, vilibus ministerijs occupabatur, vt despectui omnibus esset: Idem in Nosocomijs publicis circa infirmos diligenter præstabat; cùm contemptibilioribus exercitijs additus, ingeniosa Humilitate factum, & applausum publicum eludebat. In Palatijs, atque Curijs Magnatum, vbi maximi honores illi deferrebantur, sæpè ita se gerebat; vt seria etiam in risum conuerteret, quò vilipendi mereretur.

Vocatus vrgentissimis literis D. Ioannæ Austriacæ filiæ Imperatoris Caroli V. & sororis Regis Catholici Philippi II. Aulam adiit: Vbi ab eadem Principissa pro suis confessionibus electus, constanti Humilitate, atque insufficientiæ suæ obtentu, solitudinem repetere difficulter obtinuit. Idem cum ipsomet Augustissimo Imperatore euenit, à quo licentiam discedendi, hac conditione obtinuit; *placeat Maiestati vestra, vt in hoc negotio voluntas Dei fiat: Et ideo si ego non re-*

*uertor,*

uertor, certò sibi persuadeat voluntatem Dei esse; ut in hoc Maie-  
stati vestra non assentiar. Itaque cum Pedrosi super eodem,  
negocio in oratione Deum consuleret, interiùs illuminante  
eodem intellexit, se non ad quærendos; sed fugiendos ho-  
nores ad Religionem vocatum, & ut poenitentiae rigores in  
solitudine amplecteretur: Vndè ad Imperatorem ampliùs  
non reuersum, altiori id consilio adscriptum fuit; & postea  
ad maiorem Dei gloriam seruatum clariùs eluxit.

Iter faciebat quãdam Hyeme S. Petrus de Alcantara yer-  
sus locum Verraco, cum niue coopertus cum socijs, in quo-  
dam diuersorio noctem transigere cogeretur: At inhumana  
hospes nullum ex pauperibus lucrum expectans, excusabat  
se; quòd lectos non haberet. Qua repulsa lætus Vir Dei,  
quòd se indignum iudicasset; sociorum tamen necessitati  
compatiens, mulierem alloquitur: *Soror mea audi, nos pau-  
perculi sumus, quibus nec lecti conueniunt, nec is indigemus; si  
propter amorem Dei ita tibi placuerit, hic prope ignem in terra  
decumbentes habitus nostros desiccabimus; aut si hoc displicet, con-  
ducas nos saltem ad stabulum, & nobis sufficiet.* Quod cum  
blandienti similis, & voce & habitu submisso protulisset;  
confusa pudore mulier, perhumaniter eum cum socijs ex-  
cepit; & proximo manè erroris culpam deprecata, illorum  
se orationibus deuotè commendauit: Postea verò ipsameter  
alijs humilem hanc S. Petri de Alcantara responsionem re-  
censens, tantam omnibus virtutis eius existimationem im-  
preffit; ut quoties illac imposterum transisset, congloba-  
tim omnes ei occurrere, atque eum, aut Religiosos sui In-  
stituti hospitio recipere, studiosè certarent.

Nec minori studio apud Fratres suos vilis haberi S. Petrus  
satagebat, dum abiectionibus ministerijs applicatus, pro-  
prium arbitrium alieno sæpè submitteret, etiam in rebus  
grauioribus, quæ Reformationis regimen tangebant: In  
quocumque opere, instrumenta ineptiora, & difficiliorem  
partem sibi eligere; adire syluam, lignaque cedere, & pro-  
prijs humeris ad Conuentum portare, pro confusionis exer-  
citio sæpiùs amplectebatur. Hinc maior illi à Populis ve-  
neratio



neratio haberi; vt sequenti exemplo indicabitur.

Nobilis quidam D. Didacus de Loaisa ex Comitibus del Arco fama S. Petri de Alcantara excitus, ad Conuentum Pedrosi accedens, inuenit illum effodiendæ, atque transportandæ terræ pro Conuentus fabrica anxie occupatum. Ad cuius aspectum, quod Virum Hispaniæ perelebrem, & toti Imperatoris Aulæ venerabilem, ad seruilia demissum videret; confusus ac præ deuotione in lachrymas distuens, ad eius se pedes elinguis prostravit. At S. Petrus Virum insigni pietatis affectu suscipiens, primum spiritali colloquio, mox confessionis remedio ita consolatum remisit; vt sæpè postea confiteretur, se ex Humilitatis S. Patris recordatione maximum culpas suas defendi stimulum habuisse.

Dum Prouincialis, aut Commissarij munere eminebat, viliora Conuentus officia, tractare non dedignabatur; sed reliquos in omnibus præueniens, ad se tanquam omnium Ministrum ea pertinere asserbat. Honoribus sibi à Fratribus delatis profundiori Humilitate occurrere solitus, persuadebat singulis maioris meriti esse; cum indignum se quis honore cognosceret, eundem confusionis loco admittere.

Aliquando infirmitate grauissima laborans, iumento vehabatur cum socio pedestri, qui post longam laboriosamque viam ad ascensum cuiusdam montis accliu de sua lassitudine, ac Patris commoditate tacite murmurabat: At S. Petrus secreta socij diuina reuelatione cognoscens, iumento statim se demittit, eique dulcissimis verbis ad conscendendum vim facit. Ad quam erubescens Religiosus culpam fusurri sui deprecatus, post longum Humilitatis certamen, amoris Dei obrektionem equitare constringitur; sequente non sine grauissimo labore S. Petro, cui licet morbus, & ætas, corporis pondus grauarent; Humilitatis tamen spiritus vires animi augere videbatur.

## De Paupertate S. Petri de Alcantara. Cap. VII.

**I**nstitutum præcipuum, quod sibi rigidiùs renouandum S. Petrus mente præfixerat, sanctę paupertatis obseruantia erat; quam primus eius fundator Franciscus, in Ordinẽ suum strictissimum introduxerat: Vndè sæpè Fratribus suis dicere consuevit; *Paupertatem Fratris Minoris ita egentem esse debere, ut etiam aliquid relinquat ex necessario.* Eandem non suis modò Religiosis pro hæreditate sacratiùs commẽdauit; cùm fabricas Conuentuum ad strictiorem formam, ædificari, eorumque clauẽ Patronis quotannis resignari præcepit: Verùm etiam Sanctę illi Fundatrici Theresiæ in suo Carmelitano Instituto, ad eò fideliter persuasit; ut etiã post mortem eidem apparens, priora monita de Prouidentia diuinæ fiducia repetendo tanquàm negligenti exprobraret.

Cella (quam incolebat prædicta Sancta describente) atque adhuc Pedrosi existens, longitudinem pedum habet quatuor, & mediã latitudinem, trium altitudinem; quæ erectum non admitteret, & extensum non caperet: Huic supellectile petra, sedile, aut stratum præstabat, Crucis imago ornamentum, lignum parieti immissum cervical, Breviarium antiquum Bibliothecam. Religiosis suis nulla prorsus curiosã, nec sacra quidem permisit præter Crucem ligneam, & librum spiritualem; quibus pro Confessoribus Summam, pro Prædicatoribus Bibliam adiungebat: Et ut huic nuditatis exercitio perfectus assuesceret, repetebat sæpiùs euangelicam sententiam; *ubi Thesaurus tuus, ibi & cor tuum erit.* Addendo interdum, ut sibi non solùm à cuiuscunque rei terrenæ possessione; sed & desiderio diligenter custodirent, eò quòd eadem planè infectus, faciliẽ etiam alios inficere posset.

Tunica (qua induebatur) omnium vilissima erat; ita quòd morti proximus, deteriore (quam petebat) inuenire non posset: Nouam nunquàm gestauit, sed laceram, aut

repetitam; quæ nuditati obtegendæ sufficeret cum corda grossa, mantello breui, ac femoralibus. Calceamenta nec infirmus etiam portabat, nisi dum aliquo casu offensum pedem curaret, dicendo tale ei solatium, dum malè haberet, conuenire; cætera paupertati aduersari, quando necessitati non seruiunt. Ex his, quæ vitæ sustentandæ necessaria erant, sibi deteriora semper capiebat tam quantitate, quàm qualitate parcissima; & pro his tanquàm mendicus ad portam, Fratribus gratias humillimas reddens: Egere se interdum necessarijs quoque summè lætabatur, cùm dicere so-  
leret; *minimè pauperem dici posse, cui etiam necessaria quando-  
quē non desunt.*

Dum officio Commissarij Generalisungebatur, accidit semel eum à quodam Patre conspicuo Dominicani Ordinis, in Conuentu Pedrosi visitari. Erat autem illo accedente, in remotiori horti parte occupatus S. Petrus de Alcantara, vt tunicam, quam solam gestare consuevit, ablueret; idè-  
que etiam (dum siccaretur) nudus expectabat, petræ insi-  
dens: Hoc modo cum repertum Dominicanus ignotum si-  
bi percontatur; *Pater quomodò sic nudus hic stas?* Cui ille, & *Christus quomodò stat in Cruce?* nec vltèrius nisi vbi esset Pater Petrus de Alcantara inquisitus, seipsum esse demon-  
strauit. Ad hæc obstupescere hospes, & velut tanti Viri vi-  
lipendium indignè ferens replicat; *Pater quomodò possibile  
est, quòd Vir tantæ authoritatis ita spoliatus habitu appareas?*  
ad quod S. Petrus manu tunicam ex arbore pendentem in-  
dicans respondit: *Pater, si quicquam in hoc culpa est, eam  
potius Euangelio adscribe; quod nos vnica tantum tunica conten-  
tos esse debere præscripsit.* Quibus verbis compunctus Religio-  
sus maiori cum admiratione, etiam lachrymas continere  
nequibat; cùm tunicam adhuc madidam induere vidisset:  
Vndè negotio (ad quod venerat) pertractato, tale semper  
iudicium de S. Petro de Alcantara proferebat se neminem  
vnquàm inuenisse, qui Euangelium ad literam melius quàm  
ipse obseruaret. Eandem paupertatem in cæterarum rerum  
vsu, strictissimam obseruabat; ita vt in minimis etiam admi-  
rationi esset.

Ad huius sanctæ paupertatis studium frequentibus exhortationibus ultra exemplum, documenta salutaria Fratribus dabat: *Filij, caute vobis à quacumque re possidenda, immò desideranda; quia amorem destruit, qui soli Deo debetur, eique soli conuenit, & integer redditur. Qui minus cupit, minimisque contentus est, Deo se similem facit, qui nullius eget, & omnia in seipso continet: Solliciti estote, sociam vestram habere necessitatem; quia paupertatem simplicem declarat, quæ necessarijs etiã spontè renunciat.*

*De puritate virginali S. Petri de Alcantara.  
Cap. VIII.*

**V**ix vsum rationis attigerat S. Petrus, cùm puritatis affectione captus pro eiusdem custodia, diuinum auxiliũ implorare Regina Virginum, atque dilecti Discipuli intercessionibus sollicitare; omnium studiorum intẽssimum haberet. His statim alia adiungere, vini abstinentiam, ieiunia, corporisque macerationes, quæ carnis stimulum comprimerent; præter mulierum fugam, oculorumque admirandam mortificationem.

Eadem postea in Religione constitutus, maiori diligentia reperebat; ita quod fœdissimis suggestionibus à Dæmonio sæpè tentatus (Deo permittente) virtutem eius probari, post longum certamen carnis & spiritus, tandem victor gloriøsus euaserit. Hinc quadam die, qua acrius se carnis stimulis, fœdisque cogitationibus vexari sentiebat; coram Crucifixi imagine prostratus, earum sibi tentationem auferri lachrymando precabatur: Inter orandum verò hæc etiam dicere audiebatur; *Quomodo Deus meus, corpus tuum virginale tot cruciatuum doloribus angitur, & ego in meo voluptates & oblectamenta permittam? Quomodo fieri potest; ut eam offendam, qui suum mihi amorem dedit, & suæ puritatis reddidit participem? O Dæmon nequaquam hoc erit, nimis me video à Deo meo amatum; qui plurius mihi erit, quàm omnia solatia, aut delectabilia Mundi.* Ad quæ verba, ex cordis intimo singula-

ri pietatis affectu prolata, euanescente cogitationes obscœnas, animam suam serenitate gaudere, & inimicum recedere; ut insolentior rediret, eodem momento obseruatum fuit.

Alia quoque vice cellæ inclusus, vehementi carnis tentatione, cogitationum impuritate cor, animumque sibi accendi aduertit: Cui licet animosè prius orando resistisset; tamē perseueranti maius injicere frænus generosè concludit. Itaque tunica spoliatus, flagris sæuissimis corpus castigat, & cum sanguinem copiosè elicuisset, orabat Redemptorem; ut sui memor phantasmata importuna deleret. Sed qui Seruo suo triumphos præparabat, permisit vehementius libidinis incendium membra eius peruagare; vsque dum pro eo extinguendo S. Petrus de Alcantara rigidissimæ Hyemis frigori se exponere, mox stagno propinquo totum se immergere, tanquàm expeditius remedium excogitasset: Tali sæpè modo, alijsque ab antiquioribus Sanctis vlitatis petulantiam carnis sollicitè refrenabat; licet ex quarundam violentia, vehementer illos stomachi dolores, quos senectute prouectior patiebatur, contraxisse iudicetur.

His velut spinis cùm rosam puritatis suæ armasset, oculorum quoque, auriumque custodia candem obserabat: Nam sicut quascunque vtriusque sensus offensiones diligentissimè fugiebat, ita oculorum vsum non modò à mulierum aspectu; verùm etiam à quocunque etiam delectabili auerrendo, consuetudine vix non amiserat. Firmiter memoriæ suæ Spiritus Sancti monitum illud impresserat ex Ecclesiast. cap. 42. *omni homini noli intendere in specie, & in medio mulierum noli commorari: De vestimentis enim procedit tinea, & à muliere iniquitas viri.* Ideoque nunquàm aut Charitatis, aut necessitatis quacunque occasione mulieres alloquens, in alicuius faciem oculos figebat; ita quòd Auilæ Illustri cuidam mulieri sibi de infirmitate conquerenti, sincerè sic responderit: *O Domina, nunquàm vos in meliori sanitate flauidi, quàm nunc.* Ex quo ipsa intelligere faciliè potuit, nunquàm illum se aspexisse; quàmuis sapissimè fuisset alloquutus. Eandem cautelam in Fratribus suis attentè zelabat,  
dum

dum iuniores licentiùs oculos attollentes, etiam in publico liberè corripere; seniores seria admonitione modè argueret, omnes fideliter tali doctrina instrueret: *Non confidat quisquam sibi metipsi, dicendo sufficere cor benè custoditum, habere; quia tam ingeniosa est carnis petulantia ad nos decipiendum, ut contra quamcunque virtutem, qua quis polleat, ipsa audentior insurgat ad fallendum eum, qui magis se prudentem, ac spiritualem esse presumit; nisi intùs vigilet, & foris se custodiat.* Hac nimirum doctrina pretiosum animæ nostræ thesaurum, in vasis fictilibus portandum omni præsidio munitum voluit; ita quòd toto vitæ decursu semper ipsi vigiles posuerit, maximèque diffideret, nè carnis insidijs impetitus facilè succumberet. Hinc iam morti proximus, cum habitu spoliari, & ultimum agonem inire nudus voluisset; quidam ex Religiosis circumstantibus applicato habitu, ut se operiri permitteret, admonuit: Ad quem S. Petrus de Alcantara, *recede fili, nè me operias; adhuc enim in periculo versor.* Prudenti monito indicans, etiam ultimo vitæ certamini à carnis illecebris timendum esse; quantò magis dum illa adhuc vegetior, integras contra nos vires explicare intentat.

*De Pœnitentia admirabili S. Petri de Alcantara.*

*Cap. IX.*

**C**orporis castigatio, quæ S. Petro familiaris, veterum Anachoretarum exempla non renouauit solum, sed & auxit; verè titulum Portenti Pœnitentiæ illi acquisiuit. Cui ut magna laus à pœnarum varietate, quam excogitabat; ita non minor commendatio à secreti humilitate, qua eandem occultare laborabat: Nam si ex his (quæ oculis hominum subtrahi non poterant) cætera, quæ in abscondito peragebat, æstimare contingat; non immeritò dubitari posset, an spiritus naturam immutarit, ut insensibilis esset; aut natura exuerit humanitatem, cum crudelitatem in religionem vertit. Prioris testimonium Sanctæ Virginis Theresiæ fides  
confir-



confirmat; cui soli, vt in deuotionis incepto animaret, poenitentiae suae rigores facilitate excusabat. Alterius fidem, ea, quae hic strictim annotantur, ex toto eius vitae discursu notiora sincerius praestabunt; dum caetera, quae intimorum notitiae subtrahit, in Beatorum conspectu pretiosa aestimauerimus.

Imprimis abstinentiae rigorem non certis temporibus, vt in multis Sanctis distinctum; sed multorum annorum continuatione, strictissimum seruauit. Pane solum vulgari, & duro contentus, lautitiarum loco diebus festis herbas, & legumina sine condimento addebat, dicens superfluum id esse & vanum, quod gulae magis quam naturae seruiret; etiam tormenti causa cineres, aut frigidam aspergens. Interdum absynthij, aliarumque herbarum amaritudine saporem distemperabat; vt gustus varietate poenarum tortus etiam non vni soli assuesceret: Idque tam exacte obseruare visus, vt huic sensui quotidie noua stratagemata opponeret; qui omnibus potentijs irreconciliabile bellum iam dudum indixerat. Tribus annis continuis panem tantum durissimum, & aquam non ad satietatem capiebat; nec à Fratribus etiam, rogatus, propter dolorem stomachi vnquam admittens: De leuissimo illo sustentamento, corpus suum ad rationes sapere reuocabat, nè in Dei seruitio torpesceret; dicebat enim, panem illum non hereditate paterna, sed pietate fidelium comparatum, oratione ac operibus bonis exsoluendum esse. Sapere tertium, vel etiam octauum diem ieiunus transigebat; vt meritò à Sancta Theresia obseruatum fuerit, id tunc contigisse praecipue, cum in contemplatione coelestis spiritus (superno cibo plenus) infirmitatis corporis obliuisceretur.

Somni quierem, ac refrigerium tanquam dimidium naturae alimentum, non minus quam cibi adeo mirabiliter à se S. Petrus arcebat; vt si in vno varijs ingenij modis, palato illuserit; in altero tortoris instar, singula membra aequuleo addixisse videatur: Vnde cum perpetuis vigilijs noctes infomes peragens, sociorum querelas eliciebat, quoddam naturam destrueret; promptè ijs respondere non dubitabat.

bat, se ideò somnum excutere, quòd illum magis quàm mortem ipsam abhorreret. Nec sine causa dum ille sufficiens esset, animam à diuina præsentiâ separare; quam hæc cum Deo foeliciùs coniungit: Itaque per quadraginta annos tot laboribus, itineribus, atque curis defatigatus; nunquàm toto hoc tempore vltra horam & dimidiam somno indulgisse deprehensus fuit: Ex quo sicut hoc pœnitentiæ genus difficillimum, ità à principio assuescere, omnium studiorum, laboriosissimum habuisse; ipsius confessione Sanctæ Virgini Theresiæ facta manifestiùs constitit. Itaque nunquàm nisi erectus, aut genuflexus consistere, & si somnus obreperet pondus capitis, ligno parieti infixò furtim acclinabat; dum inimicum fugaret: Nunquàm membra extensa quieti dabat; quia nec cellæ angustia Virum statura procerum integrum caperet, nec strati commoditas, nisi corticem infirmo, ac sedenti ministraret. Eundem rigorem extra proprios Conuentus apud seculares transeundo, præcisè seruabat; dū vel orare genuflexus, vel eodem habitu dormire; semper vigil inuentus, omnibus admirationi esset.

Ceteros cruciatus, quos Martyribus Tyrannorum manus inferre solent; eos S. Petri de Alcantara solertia suo corpori, non sine aliqua martyrij comparatione adhibuit: Ita quòd non solum martyrij prompta voluntas, sed & quadraginta septem annorum incredibilis maceratio suadere, facile posset, cum in perpetua pœnarum tolerantia longiori martyrio vitam consumpsisse. Hinc disciplinæ seu flagellationes quotidianæ, quas bis noctū vsque ad sanguinis effusione protrahebat; in ipso crudelitatem in religionem vertisse, in alijs carnificinam non pietatis exercitium existimari potuisse, iudicare licebit: Hæ quoque asperiores fiebant flagrorum varietate, quæ aut nodosis funibus compacta, aut vtricarum manipulis vrentia, aut aculeatis carenis pungentia integram eius carnem tam dolore macerabant, quàm vulneribus miserè dilaniabant.

Caput nunquàm ob diuinæ præsentiæ reuerentiam tegere solitus, aut Solis æstu adustum, aut vulneribus afflictum

vix non semper fauciatum habebat: Spiritus namque impetus, qui in extasi sensus suspendebat; sæpius eum ad superius portarum limen impingere rarò plagas, vel vlcera, curare compellebat. Ipsæ niues, quæ capiti quandoque incidebant, liquefactæ per interiora caputij ad cætera membra diffuebant; interdum crines, ac supercilia frigore congelabant, vt euellere necessum esset: Neque his cruciatus corpus suum affligere remisit, aut aliquando foueri sodalium etiam precibus concessit, quibus subindè respondebat; *Fratres, iam cum corpore meo conueni, quòd dum in hoc Mundo vixero, pati non cessabit: At cum in Cælum peruenero, æternam ei requiem permissam.* Pedum operimentum simile capitis erat, idèdque nudis plantis incedens, aut spinarum, aut tribulorum offendiculis quotidie fauciabatur; quibus terram applicans hanc sufficere dicebat, nè vnguenta admitteret. Cilitium (quod cingebat, tam horridum aspectu, quàm tactu asperum) continuam plagarum Christi memoriam renouabat; dum S. Petri de Alcantara meus eiusdem imagine occupata, corpori toto compuncto aculeis, dilacerato flagellis, nihil integri, aut sani relinqueret: Nec minus habitus pilis hirsutus, aliud tormentum addebat; cùm nuditati tegendæ tantum, non frigori arcendo sufficeret, etiam pellem, & vlcera refricabat.

*De alijs Pœnitentiæ experimentis etiam S. Theresia testimonio probatis. Cap. X.*

**P**Ræfatos rigores amplectebatur S. Petrus de Alcantara Spiritus Sancti documentis persuasus, qui in sacro eloquio asperum Eliæ habitum, in Euangelio à Redemptore, Christo Baptistæ rigores encomijs celebratos optimè nouerat. Hinc non minori ingenio quàm assiduitate corpori suo nouos cruciatus meditari, non tam vt delicijs non insolesceret, aut animæ amore diuino præoccupatæ obediret, quàm vt eiusdem amoris exercitio, corporis passiones conformaret:

ret: In hoc enim se vocatum iudicabat, ex Apostolico illo documento, *Christus passus est pro nobis, vobis relinquens exemplum, ut sequamini vestigia eius*. Ideò quoque ut internum ignem securiùs foueret, externos pœnitentiæ cineres diligentius apponebat; maioribus, quos narrauimus, alios quoque addendo.

Sicut nudus semper Christum sequebatur habitum, & femoralia (quæ lacera, & aspera gestabat) lauare solitus, ea vix dum desiccata ad aerem, statim membris imponebat; quàmuis media Hieme frigore obriguissent. Interdum cellâ ingressus, ut requiem caperet; corpus suum de nimio comodo increpabat: Ideòque mantellum deponens, medius inter portam, & fenestram aeris inclementiam ingeniculatus suscipiebat, vsque dum totus quasi obduruisset; dein vtramque claudens eidem corpori illudebat, dicens; *valdè tibi nunc indulgeo, quare conquereris?* Et post modicum, mantellum assumens: *Benè tibi nunc est*, inquit, *fatis commodè in oratione perseruare potes*. Et sic in exercitio persistens, non quieti, sed tormento potiùs corpus addixisse etiam per iocum videbatur. Interdum flamma interiori ardens, in hortum egrediens habitum deponebat, ut frigori se exponeret, aut piscinæ congelatæ se immergebat; vndè sine interni incendij virtute, illæsus exire impossibile videbatur: Nonnūquàm in cella per fenestram Cœlum aspiciens, in contemplatione cœlestium deliciarum frigoris niuium, imbriumque iniurias longo temporis spatio aspernabatur; ita quòd ex tot passionum rigoribus, etiam stomachi acutissimi dolores, vsque ad vitæ extremum Seruum Dei continuò affligerint. Admirabantur autem maximè omnes illum tam rigidas pœnas, cæterarum virtutum praxi adiungere potuisse; dum patientiam, mansuetudinem, humilitatem, paupertatem, castitatem, integramque sensuum omnium mortificationem tam perfectè obseruasset: Quapropter nè tot tormenta temeritatis, aut imprudentiæ humanæ argui possent; voluit Deus ea diuino instinctu assumpta fuisse, declarare. Et ut cognosceret Mundus diuinæ quantùm gratiæ virtus valeat in his,

qui S. Petri exemplum sequendo eandem adipisci conantur; mirè Seruo suo vitam per annos quadraginta septem conseruauit, in qua cæteris eius heroicis virtutibus hanc rigidissimæ poenitentix gloriam superadditam miramur; ideòq; foelicem ipse vocabat, quia Spiritus Sancti suggestionem susceptam, altissimum præmium adeptam fuisse obseruamus. Audire licet ex integro fidelem S. Petri de Alcantara testem Sanctam Theresiam, cuius in capitulo 27. eius vitæ hæc sunt verba; postquàm temporum calamitates, imitatorumque Christi paucitatem deplorauit.

*Quantum nobis boni abstulit Deus in benedicto Fr. Petro de Alcantara, cùm tanta perfectionis capax non aestimetur Mundus: Dicunt enim sanitates nunc debiliores esse, nec tempora similia præteritis. Ille Sanctus Vir his temporibus vixit, quibus Spiritus crassus erat ut in prioribus; & tamen ipse sub pedibus Mundum conculcabat: Et quàmuis non omnes sicut ipse nudis pedibus incedant, aut tantam poenitentiam agant; multa tamen sunt (ut aliàs dixi) cum quibus Mundum conculcare possumus, & quæ à Domino decantur, postquàm voluntatem explorauit. Quantum verò huic Sancto, de quo loquor, idem Dominus concesserit; ut quadraginta annis tam asperam poenitentiam ageret, quò omnes probè noscant; libet de ea aliqua dicere, quæ eiusdem veritatem confirmant.*

*Dixit mihi, & alteri persona, à qua non sibi cauebat (quia placeuit Deo, ut affectu me singulari complecteretur, quo me animaret, & iuuaret in tempore tanta necessitatis, ut dixi) quòd per quadraginta annos nō fallor, dormisset tantum per horam, & mediam; Et quòd hoc ipsi difficillimum fuerit in principio; ideòq; ad superandum somnum, vel ingeniculatum, vel erectum stetisse. Paululum autem id quod quiescebat, erat sedendo, atque capite ligno cuidam acclinans, quod parieti infixum erat: Decumbere autem non poterat; quia (ut scitur) cella eius longitudinem quatuor pedum cum dimidio non excedebat. Toto hoc tempore nunquàm caput operiebatur contra Solis ardores, vel imbrium, aerisque inclementiam: Nec pedes calceatos, nec præter unam tunnicam simplicem, atque angustam gestabat pro nuditate tegenda,*

*cum*

cum mantello lenissimo. Dicebat se interdum apertis ianna, ac fenestra, depositoque mantello frigoris vim experiri solitum; mox ut corpori indulgeret, obseratis utrisque, mantellum assumere: Comedere tertio quoque die ordinarium sibi, addendo facile id esse; si quis assuesceret. Socius quidam eius mihi dixit, quod aliquando per octo dies non manducabat: Quod existimo fuisse, cum in oratione persenerabat; propter magnas extases, & impetus diuini amoris, quos patiebatur, & ego semel presens vidi.

Paupertas eius extrema fuit, sicut & mortificatio in eius iuuentute: Dixit enim se aliquando per tres annos in quodam Conuentu sui Ordinis commoratum, nec aliquem Religiosum, nisi ex voce cognouisse; quia oculos non aperiebat, & quod necessitate eundum erat, alios sequebatur in vijs. Mulieres per multos annos non aspexit: Dixitque nihil sibi referre, an videret quicquam, vel non; licet cum ego illum cognoscebam, iam atate valde prouectus esset, & admodum specie deformatus, ut similior arborum radicibus videretur. Et cap. 30. eadem Sancta Mater, eius vitam continuando, sic ait: Aliquid iam dixi de sua penitentia, ultra quod me certiores multi fecerunt; quod per viginti annos continuos pro cilicio gestauit bracteam ferream. Seruauit strictissime Regulam Sancti Patris Francisci; præter ea, quæ suo loco dixi.

De dono orationis, & contemplationis Sancti Petri de Alcantara. Cap. XI.

**C**UM ex diuersis, contrariisque partibus hominis natura consistat, quarum vna concupiscit aduersus aliam; viri sapientis officium est, intestinum corporis & animæ bellum sedare, suosque cuilibet motus diuinæ voluntati conformes accommodare. Unde non mirum si Sanctus Petrus de Alcantara exemplar rarissimæ penitentiae factus, simul altissimæ contemplationis exercitio claruerit; ut quantum deprimebat corpus ieiunijs, tantum erigeret spiritum orationibus; utque non minus eleuationem Christi imitaretur in anima, quam mortificationem circumferebat in membris.



Vndè & quando B. Patris oratio inœeperit, non facile dixerim; paternæ domus oratorium, locus tirocinij eius & magisterij fuit: Cùm adhuc in puerilibus sexennij temporibus, non nisi exercitatis orationis sanctæ militibus concedi, solitos raptus experiretur. At verò post Religionis ingressum sancto Seraphici Patris indutus habitu, cum eo duplicem eius pœnitentiæ, & contemplationis spiritum hæreditauit; non gradatim, non successiuè, sed vnica, & abundanti infusione communicatum: Quamobrem summa, istius eleuatio ex fructibus eius cognoscetur.

Anima sanctæ vnionis orationem attingens, & omninò à sensibilibus rebus auulsa, quæ clauso cordis sui ostio intus cum Deo conuersatur, & totaliter quietata Deum sibi loquentem audit, vacua esse non potest; sed donis cœlestibus Sapientiæ, & Intellectus decorata nitidiori, quàm Fidei ordinariæ oculo veritates altissimas Trinitatis, Incarnationis, aliorumque Mysteriorum percipere debet. Vndè extaticus sancti Patris Francisci socius Ægidius, supernæ contemplationis luce perfusus, tanta se euidentiâ Christianæ Doctrinæ arcana cognoscere dictabat; vt sibi à Deo fidè certo modo ereptam, eique claritatem fuisse substitutam, affirmaret: Hæc est illa scientia Sanctorum, quam Deus amicis suis communicat; *Ego sum*, inquit ipse, *qui doceo hominem scientiam, & clariorem intelligentiam paruulis tribuo, quam ab homine possit doceri; cui ego loquor, citò sapiens erit.*

Quarè cùm diuina Veritas S. Petrum de Alcantara tam crebrò in solitudinem duxerit, vt loqueretur ad cor eius; ipsum sanè cœlesti intelligentia repleuit. Hæc est illa claritudo, quæ tam suauiter intellectum eius in Fide Mysteriorum firmauerat, ac stabilierat; vt se millies vita priuari potius elegisset, quàm si parumper in rerum cœlestium fide titubasset: Indè conuicta diuinæ præsentis mens, tantam, ipsius reuerentiam imbuerat; vt nunquàm caput operuerit coram Domino, quem sibi semper præsentem apprehendebat, peculiari in mysterium Incarnationis affectu ferebatur; quippè qui nouerat, quantæ dignitatis opus existeret;

ret; nec poterat suauem illum, ac mellisuum Euangelij textum (*Verbum caro factum est*) aut lingua exprimere, vel aure percipere, siue mente reuoluere, quin statim à terra eleuatus in profundas extases raperetur. Inuitabat persæpè omnes creaturas ad laudem Creatoris; & dum in pulpitis versaretur, magno mentis affectu Incarnationis Dominicæ mysterium vsque ad sui extasim commendabat: Erant illi sanctæ orationis fructus, ex qua effluebat amor seraphicus, quo velut igne succensus, aliorum quoque mentes accendebat; ex illo etiam sacro fonte hauserat sacræ Scripturæ, & Theologicarum quæstionum miram intelligentiam, casuum conscientiæ difficillimorum enodationem; vitæ ac viæ spiritualis notitiam, quàm cum non librorum studio comparasset, fallebat non rarò superbos hominum Doctores, qui nihil in Viro Dei præter humilitatem, & sanctam simplicitatem præsumentes; scientiam mirabilem, non sine stupore depræhendebant. Denique vt quantum Sanctissimæ Trinitatis mysterij excellentiam cognouerit, quantumq; dilexarit, notefieret, impletum est, quod Christus diligentibus se promissit: *Si quis diligit me, Pater meus diliget eum, & ad eum veniemus, & mansionem apud eum faciemus*. Morienti quippè astitit Pater cum Filio, & Spiritu Sancto, & mansionem apud eum facturum, in cœlestem patriam secum perduxit.

Cùm autem S. Petrus de Alcantara, Vir omnium virtutum extiterit, fuit & omnium orationum; accessit ad illam summam vnionem, mira eiusdem corporis eleuatio, nec mirum quippè; cùm anima dono liberalissimi Dei velut cœlestibus pluuijs irrigata, in passiuæ cœlestium motionum receptione consistit: Succedunt raptus, & extases, succedit illa mirabilis per aera transportatio, qua corpus (grauelicer) animæ feruentis motibus rapitur, operarius tanti effectus est misericors Dominus, qui huiusmodi gratiam non solet, nisi viris summè contemplatiuis, concedere. Dedit eam Sanctæ Theresiæ, & largitus est Sancto Petro de Alcantara; ita vt orans in Choro, & in Dei contemplatione, absorptus,

sorptus, vsque ad laquearia spiritus ardore ferretur: sæpè  
 ad radices arborum genuflexus, supremos ramos velut auis  
 volando attingere videbatur; aliquando ab horto ad Ec-  
 clesiam subito impetu per aera ducebatur. Si quis de Deo  
 sermonem coram ipso agebat, dabat nouis excessibus men-  
 tis occasionem: sæpè coram Cruce lignea orans, brachijs  
 in modum crucis extensis multùm supra terram euectus, om-  
 nium transeuntium, & pastorum admirationem mouebat.  
 Super omnes autem raptus is singulari prærogatiua notan-  
 dus, quò obstupescuntibus quibusdam Religiosis Pedrosi  
 existens, dum Crucem in horto à se erectam deuotis oculis  
 respiceret, diuini amoris seruire accensus sursum ferri, in  
 aere coram ipsa Cruce suspendi, lucidissimos ex oculis ra-  
 dios emittere & in Crucem vibratos, ab ipsa miraculi refle-  
 xione in Sanctum redire, candidissima nube radios Solis imi-  
 tante caput ipsius circumdari, totamque splendore viciniã  
 illustrari; resoluta tandem nubecula Vir Dei ad se reuersus,  
 modesta & hilari compositione in cellam suam se recipere  
 visus est: Nè autem exteriori apparentia in periculum su-  
 perbiæ veniret, rogabat enixè Dominum; vt sibi externos  
 illos fauores subtraheret, nec nisi cum magna confusione  
 præsentiam hominum in tam insignibus donis patiebatur.  
 Sunt equidem iuxta Sanctorum doctrinam periculosi eius-  
 modi raptus animæ in perfecta humilitate non solidatæ, &  
 solet aliquando hac fraude suos decipere Pater mendacij;  
 sed si raptus à Deo est, generat in mente humilitatem, &  
 supremæ potentiæ reuerentiam, parit filialem timorem, &  
 ex illo amorem producit: Præterea animam à rebus terre-  
 stribus separat, videt in illis excessibus humana mens quàm  
 parum, immò quàm nihilum sit terrena substantia; totam-  
 se Dei voluntati assimilât, nihil præter Dominum optat.  
 Ecce purissimi raptus vestigia, quæ quia in Sancto Petro de  
 Alcantara ex totius vitæ decursu claruisse patet; non est du-  
 bium, quin ab vnione maxima processerint.

Sunt alia raptus & extasis genera, quæ tantò meliora  
 sunt, quantò tutiora: Postquàm enim anima orationis lu-  
 mine

mine illustrata, omnia Mundi bona esse dolorem, & afflictionem spiritus nouit; ad perfectam Sponsi sui fruitionem, summo ardore mentis anhelat: Vnde vt illud sacrum sponsalium, ac mysticum foedus concludatur in terra, sequuntur extases, & quasi animæ liquefactiones; quia tantæ Maiestati vicina, vitam sensualem viuere respuit, ex quo in summi boni contemplatione omnes potentiae suspenduntur, & impletur, quod de se Sponsa narrat in Canticis, *Amore langueo*; vel quod Apostolus Gentium Doctor dicit, *Cupio dissolui, & esse cum Christo*. Hinc oriuntur extases illæ, quas Magistra mysticorum Theresia volatum spiritus vocat, in quo tam velociter, tamque fortiter motus repentinus sentitur, vt raptus extra carnem appareat spiritus, & timorem mortis incutiat; illi autem resisti non potest, & anima quasi palca à succino attrahitur, quæ cum ad Sponsi sui amplexus peruenisse confidit, videtque se corpori alligatam, concipit vitæ præsentis fastidium, & ab illo carnis exilio liberari quamcitiùs optat: Illud summæ vnionis genus S. Petro de Alcantara fuisse concessum non dubitabit, qui vitæ illius historiam reuoluet; ex qua vel vnicum efficax argumentum decerpisse sufficiat. Cum aliquando grauiter infirmaretur, auditus est in extraordinarium strepitum prorumpere, & inuentus est in violentâ non corporis, sed animæ dulcē extasim raptus, in qua mortuo similis, tota nocte remansit; qui ad se reuersus, respondit Infirmario de morte ipsius prius suspicanti: *Non ita est, viuus sum per gratiam Dei, & multa consolatione repletus*. In Aulis Principum existens, non minus quàm in eremitorijs intima Dei communicatione fruebatur: Testis est Sancta Theresia, quæ de Viro Dei sibi optimè noto hæc dicit in cap. 27. eius vitæ; *Raptus amoris diuini frequentes, & validos experiebatur, quorum ego vnum semel vidi, mihi-que à socio eius narratum est, per octo dies cibis abstinere solitum esse; per quos sine dubio continua contemplationi vacabat*. Cum per hortos, per sylvas, in ipsisque conuiujs aliquid humanis oculis gratum aspiceret; erigebat ad Deum oculos mentis, & in eius amorem (cum quo est pulchritudo agri, & sin-

cera

cera voluptas) accendebatur: Cùm apertum Cœlum nocte respiceret stellis lucentibus plenum, aut die Solis splendore fulgens; dies ei eructabat verbum laudis diuinæ, & nox ori eius indicabat benedictionem. Quas extases, motusque viri & mulieres fide dignissimi, & præcipuè Episcopus Cauriensis frequenter notauit: Egressis enim simul in syluam Præsule, & Sancto Patre, tacet ex obiectu speluncæ arboribus consitæ S. Petrus; illuc se orando recepit, nec vsque ad sequentem diem recedere ab Episcopo visus est. Cùm aliquando de Omnipotentia diuinæ dispositione mirabili in plantis, herbisque manifestata discurrerent, captus extasi Sanctus, humanam conuersationem interruptit; vt totus se daret diuinæ: Vno verbo in quocunque loco existeret, semper abstractus, semper Deo vnitus, & in contemplatione absorptus videbatur. Sæpè auditus est post redditam sibi linguæ facultatem, finita extasi diuinam Bonitatē sollicitare; vt corporis sui vincula disrumperet, & eum de carnis ergastulo liberaret: Sed quia ad illam perfectissimam Dei vnionem (quam Sancta Theresia septimam, & supremam mansionem vocat) peruenerat, in qua anima proprii commodi oblita, ita esse vult cum Christo; vt vitam vlteriùs sibi prorogari, & exilium sibi longiùs extendi patiatur pro eiusdem Christi honore; ideò Vir Sanctus velut alter Martinus, cùm anima ad centrum pergeret, nouis se laboribus pro dilecti sui gloria, & gregis vtilitate offerebat.

Si quis autem à me peteret, quibus horis, locisque sanctæ orationi intendebat? dicerem; quòd quasi ad litteram, Euangelij consilium secutus, semper orabat, & nunquam deficiebat: Non enim illud exercitium destinatis temporibus distinguere nouerat, sed omnem horam, & locum aptū eleuationi mentis in Deum inueniebat; tamen cùm paululum animam à curis exterioribus suspenderat, quærebat loca remota, & in solitarijs Conuentibus habitabat, & in abdito sylvarum, aut rupum secessu diuinæ potestatis operam contemplantur. Sæpè obseruatus est incœptam serò orationem non interrompere, donec oculos eius radij Solis surgen-

furgentis ( velut Antonij Magni ) percuterent ; quibus non rarò à tam sancto colloquio non impediabatur . Solebat post Matutinum in Choro ad Primam vsque perseuerare ; vno verbo quidquid hominum conuersationibus, quidquid cibo comedendo subtrahebat, totum orando consumebat ; vnde exiens aliam præsentiae diuinæ, & cœlestium aspirationum viam incipiebat . Nec silentio prætereundum est, per quadraginta annorum spatium vnâ, & semihorâ noctis somno ; reliquum tempus indulsisse contemplationi : Ex quo sanctæ orationis amore factum est ; vt vnâ ex præcipuis nouæ Reformationis legem imposuerit, quod scilicet quotidie tres horæ sacro illi exercitio à Fratribus suis impenderentur ,

*De alijs summe contemplationis effectibus, & signis  
in Sancto Petro de Alcantara relucensibus .*

Cap. XII.

**E** Nituit insuper in amico Dei alius sanctæ contemplationis effectus, quem abscondit Deus Sapientibus, & reuelauit paruulis ; idèdque ab hominibus humana sapientia plenis, plerumque stultitia vocatur : Vnde quantò secularibus ingenijs minus est cognitum, tantò à Sanctis creditur excellentius Dei donum . Hæc est illa stultitia, quam S. Theresia Sororibus suis dari cupiebat ; hæ sunt illæ puræ mentis iubilationes, quas Deus animabus sibi fidelibus elargitur : Cùm enim Sponsus earum Dominus, pœnis interioribus oppressas videt, eis arrhas futuri gaudij mittit, mira dispositione dulcia, & amara temperans . Fit autem huiusmodi iubilationis, & clamoris excessus ; cùm non obstante intima potentiarum vnione à Deo satis liberæ relinquuntur, vt hanc interiorẽ lætitiã pandant ; immò & ipsi sensus gaudent, & tamen quomodò, & de quo lætentur, ignorant . Et hæc est ita excessiua mentis iubilatio, vt anima nolit gaudere sola, sed omnibus sui gaudij excessum profert ; vt ab omnibus adiuuetur in laudem Sponsi sui



promendam, ad quem totus eius affectus terminatur: Sic autem agitata mens nullo modo dubitat, motionem sibi esse diuinitus impressam. Talis erat spiritualis Sancti Petri latitiae; de quo ait S. Theresia: *Cognosco nominatum Petrum de Alcantara, quem existimo Sanctum esse propter modum vite eius, quod idem agebat; & qui aliquando eum audierunt, stultum reputabant: O sorores quam bona stultitia! Utinam Deus eam, omnibus nobis concederet.* Enimuero sæpè notatum est, quòd cum in Conuentibus remotis extaret, in Eremum solus exibat; vt ignem diuini amoris euentilaret: Audiebatur in magnos clamores prorumpere, mox creaturas omnes ad laudem Creatoris inuitare.

Veniam autem ad visiones, & reuelationes Viri Sancti. Exercebatur frequenter ariditatibus cordis, & magnis animæ mœroribus; carebat aliquando gustu, & suauitate; subtrahebat ei Deus dulcedines, & felle Passionis suæ portabat eum: Sed qui consolabatur humiles, ipsum consolabatur crebris sanctissimæ Christi humanitatis, & Sanctorum apparitionibus, eorum, quibus à Deo monstratæ, sunt relatione confirmatis; distincta enim tot gratiarum notitia in summa ipsius humilitate absorpta esset, nisi Deus aliorum linguis eas manifestasset. Vtebatur ille suo, & Diuini Bernardi consilio, quòd Viri spiritualis est in cella sua scribere; *Secretum meum mihi, secretum meum mihi.* Linguam autem & oculos Sanctæ Theresiæ substituit, quæ dum cordis sui mœrores & siccitates immensa coelestium apparitionum profusione sanatas, Viro Dei narraret; *Dum ego, inquit, illi de mea vita, deque meo orationis modo cum quantâ potui claritate discurrerem; ab initio cogneci, quòd ille mea verba per experientiam concipiebat.* Cùmquæ aliquos insignes fauores, & Christi Domini Sanctissimæ Matris & Sanctorum visiones exponeret, subiungit; *opus erat eadem via exercitatum fuisse, vt me intelligeret, & quid de præfatis visionibus deberem credere, declarares.* Coniectura equidem vera, sed visu deindè firmata; cùm eadem Sancta non semel Dei Seruum coelestibus apparitionibus, & ministerijs honoratum, perspexerit.

Ex quibus Sanctæ Theresiæ verbis aliud colligitur, quod non parum Sancti nostri excellentem sapientiam commendat; directio scilicet animarum spiritualis vitæ sequacium. Fœlices fuere illæ animæ, quibus contigit tanti Viri directioni subesse: Fœlix ipsamet Sancta Theresia; quæ cum varijs opinionum fluctibus agigaretur, à Sancto Patre directâ, & de suæ viæ securitate monita est. Cum enim frequentes Christi Saluatoris, & Sanctorum apparitiones ipsi non paruum gignerent illusionis, & deceptionis metum, cum ex vna parte ab intimo conscientiæ suæ directore Christo, de veritate cœlestis visionis certa redderetur; tamen suæ tenuitatis conscia, & Confessorum suorum piorum Virorum dictis perterrita, angustias maximas patiebatur: Consulebat frequenter doctissimos Viros; sed eorum scientia ad Spiritus discretionem, quæ donum Dei est, pervenire non poterat, quid faciet Sponsa Christi? Placuit (inquit ipsa cap. 30. eius vitæ) *Domino ex maiori parte, & modo toti sollicitudini meæ subuenire, mittendo in terram istam, benedictum Fratrem Petrum de Alcantara; iste Vir Sanctus circa ista omnia mihi claritatem dedit, & singula declaravit, dixitque nè sollicita essem; sed laudarem Deum, & certissima remanerem illum esse Spiritum Dei, & excepta fide nihil eo verius esse, nec me aliud certius credere debere. Reliquit me in multa consolatione, & satisfactione; & effecit, ut securè orationi vacarem, nec dubitarem omnia à Spiritu Dei procedere.*

Pater Ludovicus Granatensis Ordinis Prædicatorum, pietate & doctrina notissimus, hærebat dubius ad quid divina electione vocaretur; consuluit epistola Sanctum Petrum de Alcantara, qui respondens asseruit eum Deo placiturum, si scribendis pijs Operibus se daret; cui consilio adherens Ludovicus, scriptorum suorum fructu Ecclesiam mirè decoravit.

Fanossima est directio multarum animarum, à Viro prudenti ad apicem perfectionis ductarum. Sed est imprimis celebrè eius, quo illustrissimum Episcopum Cauriensem, S. Francisci Discalceatorum habitum induere volentem ad-

monuit; vt in pastoralis sollicitudine suas oues pasceret exemplis, & verbis; cui acquiescens Episcopus piè vitam duxit, & fœliciter terminauit.

Omitto Maldonatam nobilis Matronæ filiam, quæ perhasibilibus diuinæ Sapientiæ verbis ab ore Sancti manantibus facta, sub ipsius magisterio vsque ad diuinas illustrationes, & visiones in oratione profecit: Fallaciam Sathanæ viri secundum carnem prudentes existimabant, & in ipsum S. Petrum deceptionis culpam refundebant; timebat iuuenis, & simplex virgo, solus S. Petrus (quem vsus capacem, quem Spiritus Sancti vnctio doctum effecerat) quidquid in ea agebatur, Deo tribui debere affirmauit; & veritas miraculosa vita, & morte Maldonatæ comprobata est.

Solent etiam diuini fauores, animæ contemplatiuæ collati, humilitatem parere, scientia secularis inflat, scientia Sanctorum humiliat; ex quo in suo orationis libro docet idem Sanctus, quòd *qui scire volet, quantum in oratione profecerit, videat quot gradus interna, & externe humilitatis singulis diebus acquirat*. Quo consilio optimè vsus, omnem orationis suæ fructum sæpè in humilitate colloca-  
bat: Sic à Carolo V. enixè ad confessiones ipsius audien-  
das rogatus, sanctæ orationis auxilio (qua se ad solitudinem, pœnitentiam, & Mundi despectionem vocatum agnouit) tanti officij dignitatem, & factum recusauit.

Est aliud signum eleuatæ orationis euidentissimum; vt qui spiritu viuunt, spiritu ambulent, & carnis desideria, non perficiant. Ita docuit S. Petrus de Alcantara verbo, & monstrauit exemplo: *Si quis (inquit in mirabili suo orationis tractatu Part. 2. cap. 5.) scire desiderat, quos fructus ex oratione perceperit, attendat quantum interius, & exterius in humilitate quotidie proficiat; quemadmodum iniurias tolleret, necessitati proximi succurrat, eiusque defectibus compatiatur; quantum tribulatus speres in Deo, linguam refrænet, cor custodiat, carnem cum sensuum appetitibus domet, qualem se in aduersis, & in prosperis exhibeat; prouideat rebus omnibus cum grauitate, & discretionem, & super omnia perspicat, an in se*.

*se mortuus fueris amor honoris, deliciarum, & Mundi, & iuxta factum in istis progressum, non secundum gustus, quos sensit, se indicet; idcircoque supra se intentum semper oculum gerat, & principalem mortificationi applicet, alteram orationi; mortificatio namque sine illius adiutorio, perfecte acquiri non potest. Hæc autem documenta quid sunt, nisi ipsius Viri Sancti vita? Nunquam magis hilaris erat, quam derisionibus illusus; aut iniurijs affectus, aut malis oppressus; nunquam magis afflictus, quam cum honorabatur. In malis suis patientissimus, in alienis curandis diligentissimus, in tolerandis humillimus: Offendebat sæpè lapidibus, & spinis, quas propter altissimam contemplationem aduertere non poterat; cumque ex effusione sanguinis vehementia vulneris appareret, dicere solitus erat sibi compatientibus; *Istud nihil est, nullum mihi dolorem parit, spina ista sensus meos quasi veyæ rose delectant.**

Tandem perfectissimæ orationis scopus est imitatio Christi, conformes namque seruos suos Deus vult esse imagini Filij sui; ex quo Apostolus ei perfecte assimilatus dicebat: *Ego signata Domini IESV in corpore meo porto: vivo enim iam non ego, vivit verò in me Christus.* Ad hanc similitudinem diuinæ orationis ministerio S. Petri de Alcantara pervenerat; ita ut sincera meriti ipsius appretiatrix Theresia scripserit cap. 27. eius vitæ; *quod optimum, & necessarium erat, nos aliquam passionum Christi, & Apostolorum imaginem habere: O quam bonum suppeditavit nobis nunc Deus, in benedicto Fratre Petro de Alcantara.* Re enim vera cum initio conuersationis suæ mortificandis sensibus per pœnitentiam attenderet; deinde altioris perfectionis motuo, mortificationem IESV in corpore suo circumferebat; ex quo præcipuè Passionis eius Mysteria contemplabatur, & suaviissimis verbis Dominum alloquens, seipsum ei in omnimodæ similitudinis effigiem offerebat.

His & similibus orationum exercitijs donum lachrymarum Deus infuderat, quo memoriam Dominicæ Passionis recolens, totus in gemitus disfluebat: Præterea continuis abstra-

abstractionibus sensuum non impediabatur, quia officijs exterioribus attentè vacaret; cùm aut charitas, siuè necessitas, vel obedientia postulabant. Vno verbo mirabilis fuit pœnitentia S. Petri de Alcantara, sed mirabilior contemplatio, ad quam continuò suos exhortabatur; vt velut pisces in mari, in secretum plagarum Christi habitaculum inter Mundi procellas & tempestates, sanctæ orationis adiutorio, secederent. Deniquè quicumque Sancti istius vitam, & acta peruoluet, cum sapientissimo Imperatore, Carolo V. oculati ipsius teste concludet; *quòd verè iste Religiosus, non est homo istius mundi; est enim semper absorptus in Deo, & conuersatur cum beatis Spiritibus Cæli.*

*De fructu, & efficacia orationis S. Petri de Alcantara  
pro beneficijs proximi. Cap. XIII.*

**Q**uemadmodum in superioribus Capitulis forma, & modus contemplationis, ac orationis S. Petri distinctius explicata manet; vt indè etiam Lectori deuoto imitationis exemplar succinctius proponi queat: Ita nunc in præsentem non sine aliqua eiusdem voluptate, quibusdam exemplis comprobandum occurrit; quantum etiam, quòd ad effectum impetrationis, eadem oratio apud Deum efficax extiterit. Si enim testante Ecclesiastæ, ad multum valet oratio iusti assidua; dubitari nequaquam potest B. Patrem non solis internis animæ donis priuilegia diuinæ conuersationis, bi obtinuisse: Verùm etiam externos amicitie eiusdem fauores in proximorum beneficijs promeruisse, dum hæc præter scientiæ lumen, & raptum frequentiam in varijs petitionum suarum effectibus, & multiplici exauditionis gratia, ac plurimorum experientia comprobata fuerint.

Nec equidem occurrit hoc loco diuersas quamplurimorum tam spirituales, quàm temporales necessitates iterùm repetere; quas S. Petri de Alcantara orationibus commendatas, foelici exitu sublatas totius historiæ huius contex-

tus ubique declarat. Quarundam tantum exempla, exera narrationis seriem relictas, hic prestabimus; quibus & orationis eius integritas, & exauditionis diuinæ fauor, utraque in conspectu Domini grata fuisse vltèrius confirmari potest: Dùm enim oratio, seu mentis ascensio S. Petri in Deum integrè cum à terrenis desiderijs separauerat; non mirum videbitur, si decentes eius petitiones (quæ pro altera parte orationis assignari solent) non nisi ex charitatis officio susceptæ, ac iuxta requisitas conditiones directæ, largitiones propitias diuinæ Benignitati impetrare meruerunt, vt in Psalm. 33. *Aures quippè Domini in preces Iustorum, & deprecationes timentium se, exaudiet Dominus.*

Itaque cùm aliquando S. Petrus de Alcantara in Oppido Alburquerque commoraretur, sæua illic pestilentia ingentem Oppidanorum stragem faciebat: Vndè nobilis quidam loci Castellanus ad Conuentum Fratrum Discalceatorum confugiens; ibi præsidium Sanctissimæ Virginis Deiparæ cultu Fratrum percelebris, deuotissimè implorabat. Perdurante autem contagio Guardianum precabatur, vt duos Religiosos pro consolatione miserorum superstitum ad Oppidum mitteret: Paruit Guardianus, & S. Petrum de Alcantara cum alio quodam Didaco de Almonte, quamprimum destinauit. Hi cùm Oppidi solitudinem, ac miseriam aduertissent; ambo altiore turrim ascendentes, in eadem totam noctem in oratione exegerunt, diuinam Misericordiam exorantes, vt tam crudele flagellum suspenderet: Videbant autem Angelos iacula quædam ignita vibrantes, quæ cadendo deorsum, strepitum edebant horrendum. Ad quæ B. Pater orationem intendere, sequè ipsum affectu iustis offerre, modò Oppido parceretur: Tantoque feruore diuinam pietatem laceffens obtinuit, vt vnus ex Angelis (quos viderat) ipsum accedens nunciaret, suæ hoc supplicationi concessum esse, vt ampliùs Oppidum pestis non affligeret: idèdque ad Conuentum suum regredi posset. Hoc cùm iidem ad Conuentum rediissent, Fr. Didacus Guardianò narrauit, eò quòd eiusdem visionis particeps fue-



fuerat ; compertumque omnes habuerunt ex illo instanti pestilentiam cessasse , Petrique feruorem diuinum furorem placasse .

Nobilis quidam Adolefcens assiduis instantijs , à S. Petro de Alcantara obtinuerat ; vt ad Religionis habitum admitteretur : At cum ingeniculatus in plurimorum præsentia , eundem induere debèbat ; asperitate , ac tentatione vehementi exterritus , recedere moliebatur , licet tam anxie priùs expetijffet . Hinc omnes vrgerè Adolefcentem varijs exhortationibus , ipseque præcipuè S. Petrus diabolicam astutiam feruenti spiritu increpare ; quàmuis obdurato animo , auribusquè obturatis frustra suasus se tunc viderentur : At mentem in Deum Sanctus erigens , breui sed efficaci oratione , tantum effecit vt interna quadam vi compulsum Adolefcens , statim propositum mutando , ad suscipiendum habitum , constantior , humiliorque rediret . Quod quidem merito B. Patris adscribendum etiam successus confirmauit , quo iuuenis perseuerantia singularis vitæ , insignique virtutum exemplo in Ordine clarus euasit .

In Oppido Arenis fœmina quædam inops , pecunias quasdam pro soluendis debitis studiosè collegerat : His furtim sibi sublatas , misera Beato Petro dolentissimè conquesta , orationibus ac consilijs eius se instantius commendabat ; quia extrema necessitate premebatur . At casum mulieris commiserans S. Petrus de Alcantara , sublati in Cœlum oculis ; *Vade* , inquit , *filia* , *& dolorem depone* ; *pecunie enim tue ad te redibunt* : Sicque eam verbis suis fidem , letam remisit . Mox orationi insistens à Deo impetrauit , vt sequenti die pecuniæ ad mulierem deferrentur ; quæ nesciens vndè venissent , ad B. Patrem reuersa , pro insigni beneficio debitas gratias referbat .

In pago Erradon dicto Diœcesis Auilæ , aliquot pueri ludicra tractabant prope puteum ; in quem vnus eorum casu incidens , extrahi non poterat . Remansit itaque aliquandiu aquis immersus , atque tanquàm mortuus derelictus ; vsquè dum ( Deo sic ordinante ) illac S. Commissarius transi-

transiret, ut vniuerso Populo, qui ad casum concurrerat, efficacia orationis eius manifestior redderetur: Nam puteo appropinquans, genua flectere, inquit Coelum feruidam orationem, sed breuem dirigere; mox tanquam exauditus fuisset, consurgere, atque cordam suam cum illa socij coniunctam puteo immittere, imperando puero, ut liber exiret. Mirum visu quod vix cordæ aquam attingebant, nec satis fortes; summa tamen facilitate puerum, post longum satis interuallum immisum sanum extraxerunt: Ideoque virtuti orationis S. Petri de Alcantara, omnium suffragijs hoc factum adscribatur.

Non exigua præterea argumenti eiusdem testimonia esse debent tot, tamque varij diuinæ Prouidentiae effectus, quibus sæpius Fratrum necessitatibus mirabiliter subuētum; ultra publicam plurimorum attestationem, qua se quamplurima beneficia per orationes S. Petri de Alcantara obtinuisset, sincerè confessi fuerunt. At omnium instar Sancta Theresia nobis certam fidem facere potest, cum sibi attestatur à Christo Domino reuelatum fuisse S. Petrum immensa gloria coronatum; hoc etiam priuilegio gaudere, ut suis intercessionibus, nihil à Domino gratiæ denegetur: Idedque etiam ipsam se ad eum recurrere; quia, *Dixit mihi Dominus* (verba sunt Sanctæ Theresiæ in fine cap. 37. eius vitæ) *quod nihil in nomine suo quisquam peteret, quod diuina Misericordia non exaudiret: Quemadmodum ego propria experientia attestari possum.*

*De diuersis exercitijs deuotionis S. Petri de Alcantara erga Sanctissimam Eucharistiam, Passionem Dominicam, ac Beatissimam Virginem, aliosque Sanctos.*

Cap. XIV.

Quamquam orationis nutrimentum deuotionum exercitia esse solent, illum ab his ignem concepisse, in S. Petro facile persuadere potest; quod à tenella ætate ipsam deuotionibus velut allactatum nouimus. Imprimis er-

ga supremum in terris diuini Amoris pignus, quod in sacratissima Eucharistia venerantur fideles, tanto deuotionis affectu etiamdum puer exercebat; vt hebdomadam integram vel pro eadem reuerenter suscipienda, vel pro gratijs agendis sanctus meditationibus percurreret, omnia pietatis opera ad illius venerationem dirigendo: Interdum inuentus fuit coram Altari (vbi seruatur Sacramentum) illa attentione, ac reuerentia immobilis perseuerare, tanquam Saluatoris Christi humanitatem defixis oculis præsentem intueretur,

Postquam Sacerdotio initiatus Missam celebrabat, tanta deuotione hoc Sacrum peregrisse asseritur à personis præcipua fide dignis, vt se magis ad pietatem eius celebratione, quam aliorum sermonibus commotos profiterentur. Vnde sæpè quamplurimi ad eius Missam concurrere, atque solo eius aspectu ad Altare compungi; mox finito Sacro ad eius pedes procumbere, & per Pœnitentiæ Sacramentum se Deo reconciliare festinabant: Dum se sacris vestibus induebat, aded feruido affectu sacra Passionis Mysteria ruminabat; vt singulis actibus vnumquodque illorum exprimeret, quæ Christo contigerunt; sicque velut totius Mundi hostia ad Altare sacrificaturus deuotè procedebat. Sæpius ad illa Euangelij verba, *Dixit Iesus*, tanta tenacitate afficiebatur; vt lachrymas continere non posset, quin copiosè erumperent, vocemque in suspiria mutaret; Ad Canonem autem accendebantur aded cordis intima; vt in facie quoque eius quædam velut flamma corruscasset, vsquequò ad consecrationem deuenisset. Ibi tota eius mens in Mysterio absorpta vix reliquas Missæ cæremonias perficere valebat; Attamen consecratione peracta, interdum extra se raptus aliquandiu etiam in aere suspensus videbatur; Vnde ad se reuersus, cætera prosequi, & post Communionem eandem extasim iterum patiebatur. Quæ quidem omnia secundum loca, & tempora variè eidem contingebant; quàmuis in locis remotis frequentius, atque diutius quàm in publicis, vbi celebrando singularibus fauoribus decoratus, omnium affectus ad deuotio-

uotionem prouocabat; Peracto Sacro tanquam celeri volatu ad cellam properabat, vt conceptum feruorem secreto tegeret; & diuinis amplexibus liberius inhæreret; quorum effectus humilitate S. Petri celati, signis tamen suspiriorum, ac vocis subindè Religiosos latere non poterant. Audiebantur etiam strepitus, qui malignorum Spirituum collustationes indicabant, à quibus grauitè verberatus; tamen immobilis in oratione persistebat, aut vt animosius resisteret, cito cursu ad Sanctissimam Eucharistiam in Ecclesiam confugiebat, ibidem illis insultans, atque velut victor gloriofus imbelles conculcando: Idem sibi præsidium erat, quoties negocium aliquod magni ponderis tractandum; idèdque in Cōuentu Pedrosi angustum quendam locum sibi elegit; ex quo vicinior Ecclesiæ, in conspectu huius vitalis hostiæ iugiter assisteret. Cùm apud Principes, & Magnatès diuersabatur, statim post Missæ celebrationem in secretiora, ac remota loca secedere; atquè interdum aliquot dies solitarius, cum Deo conuersari moris habebat, sicque in omni loco Deo fruens, eius præsentia (quam in altissimo Mystèrio Eucharistico fideles agnoscunt) humillimo affectu, ac singulari reuerentia inserviebat.

Hanc deuotionem summè fouebat meditatione Domini-  
cæ Passionis; cuius affectu varijs corporis sui cruciatibus, Saluatorem suum imitari satagebat. Ad hoc, vbique locorum in eminentioribus præcipuè, Cruces erigi curabat; quarum aspectu piorum memoria ad Mystèrij contemplationem reuocaretur: Vndè quoque in Conuentu Pedrosi Caluarij quandam figuram congefferat, ad quem gressus dirigens, distinctis passibus patientis Christi passiones exprimebat; vsque dum ad locum accedens, ibi coram Cruce animæ affectus inflammabat, vt se totum viuum Redemptori sacrificium offerret: Sicque brachijs expansis orans, totus in eum transformabatur; cui concrucifigi ardentissimè cupiebat. Indè sæpè à transeuntibus obseruatus in aere suspendi, omnibus stuporem incutiebat; interdum verò cùm ab extasi rediret, quasi volando ad Conuentum sese recipiebat, vt ho-

minum exultationem effugeret: Frequentius in horto Passionis meditatione exardescens, soluebatur in lachrymarum torrentes, ac deuota suspiria; quibus aliquando tormenti quandam imitationem adiungebat, vt videlicet stagno frigido se nudum immergens, inde per multum temporis Crucis passionem in corpore suo velut describeret. Nil enim ipsi toto vitæ tempore huius comparatione molestum, amarumue videbatur; quin magis omnis cruciatus amaritudo dulcesceret: Hinc etiam per longa spatia orandi in Crucem, consuetudo, quam sine singulari aliqua diuina opè seruare extenuari corporis debilitas non permittebat. Denique predicationis zelus eandem recordationem omnibus inculcabat tam verbis, quam factis; quibus mirabiliter persuadebat, se voluntariè pro Christo mala pati paratum.

Superioribus Sanctissimæ Virginis deuotionem sedulo adiungebat, cuius venerationem summa pietate, & precibus varijs excolens; suæ insuper puritatis custodem elegit; vt holocaustum integrum consecraret: In Conuentu Sanctæ Mariæ Angelorum, vbi Guardianus morabatur, coram ipsius imagine in orationis seruire sæpè visus fuit, facie splendescere; aliquando largiori spatio extra seipsum rapti, eiusque gratiosa presentia frui. Quemadmodum in Conuentu Sancti Ioannis Baptiste Viciosa etiam in vitæ exitu præcipuè contigisse; vt ab eadem Beatissima Virgine cum Angelorum cœta visitaretur, alibi latius retulimus: In eodem loco Incarnationis contemplationi, ac Matris Dei priuilegijs intentus; in quosdam affectus feruentiores erumpere auditus fuit: *O Maria, o Maria Virgo Sanctissima, Mater Dei, Regina Cali, Domina Mundi, Sacramentum Spiritus Sancti, Lilium puritatis, Rosa patientiæ, Paradisus deliciarum, Speculum castitatis, persplendum exemplum innocentie, ora pro me paupere, misero, ac peregrino: & ipse largire abundantiam charitatis vestrae.*

Festa eiusdem Deiparæ seuerissimis mortificationibus, præter solitas celebrabat; ita vt aliorum quoque cum Fratrum, tum secularium pietatem mirè accenderet. Cum se-

mel ex Portugallia rediens, apud Episcopum Oliuentiæ diuertisset; deuotam quandam imaginem Virginis, quam ab eodem dono acceperat, ad Conuentum de Valuerde transtulit: Hanc solemnī processione, ac concursu Populi in Ecclesia collocando, atque Conuentum honori eius dedicando, animi sui affectum, erga eandem Patronam, singulariter expressit; eò constantius, quò semper satagebat, eiusdem patrocinio Reformationis suæ initia præmunire; sicut etiam in Conuentibus eidem dicatis libentius habitare.

Post hanc deuotionem, aliorum quoque Sanctorum excolebat; singulariter verò Apostoli Sancti Ioannis, Sancti Iosephi, Sancti Francisci, ac Sancti Antonij de Padua; quorum se intercessionibus magna pietate commendabat, & ad eorum festa varijs macerationibus præparabat.

*De dono scientiæ Sancti Petri de Alcantara, ex quo magnum Predicationis suæ fructum collegit. Cap. XV.*

**P**RÆ ceteris ornamentis, quæ animam S. Petri condecorabant, scientiæ donum singulare eluxit, in sacrarum Literarum profunda intelligentia; quam magis in orationis schola, quàm alibi didicerat. Ex hac illi summa facilitas, & perspicuitas in explicandis difficillimis scripturarum, atque Theologiæ difficultatibus; quas non sensibus modò Sanctorum Patrum, sed & proprio Spiritus Sancti dictamini conformes, etiam intelligentiores in hac materia agnoscebant. Quidam Vir doctrina celebris in Ciuitate Placentiæ, hanc scientiæ S. Petri famam paruipendens, amicorum instanti suasionem eiusdem experimentum facere adductus fuit: Arrepta itaque propitia occasione, in quadam Ecclesia Petrum pro Confessionis Sacramento confidenter accedens, in hoc non culpas suas pro more accusare, sed subtilium quarundam difficultatum solutionem petere præsumpsit. Quibus cum expedire, ritèque S. Petrus de Alcantara, satisfecisset, non solum animum Viri scientiæ suæ



sua certitudine confirmavit; sed etiam pietatis affectum, verborum suorum vi ita commouit, ut dubitationis culpam prius accusans, cæterorum peccatorum integram Confessionem Viro Sancto magna cum compunctione perfecerit; ac tandem melioris vite perfectam rationem iniecit. Huius instinctu cum se amicorum frequentia subtrahere videbatur, ipsdem sinistri alicuius casus suspicionem faciebat; pro qua tollenda ipse facti sui, ac congressus cum B. Patre seriem enarrans, satis euidenter omnibus persuasit, se ad meliorem frugem eiusdem efficacibus monitis rediisse.

Haud dissimile aliquid in eadem Ciuitate S. Petro de Alcantara euenit, cum insigni quodam Ordinis Sancti Domini Prædicatore, P. Didaco y Bañez in Theologia Magistro. Hic difficulter sibi S. Commissarij scientiam persuaderi passus, eam popularibus potius acclamationibus, quam probatorum testimonijs pertinacius adscribebat: At quadam die, dum in cœtu Religiosorum propè Chorum sermones misceret, ingredientem in Ecclesiam S. Petrum de Alcantara attentius conspexit; ideòque non ulterius Fratrum confabulationi aures præbere, sed ad Virum Dei in Ecclesia accedere, atque pro secreto colloquio importunè ad Claustrum pertrahere. Indè ambo in remotum cubiculum secedentes, prior P. Didacus ad pedes S. Petri procidens, cordis compunctionem profusis lacrymis, ac singultibus propalabat; quam etiam post longam conuersationem eius Religiosi attentius obseruauerunt: Itaq; soluto congressu instabant ipsdem; ut sibi gestorum cum S. Commissario ordinem enarraret, quo improuisæ mutationis causam agnoscerent. Quibus ille faciliè morem gerens, conuocatis prius ad concionem omnibus; tale sanctitatis, ac scientiæ S. Petri de Alcantara testimonium concepto sermone edidit: *Patres charissimi, notam vobis fuisse non ignoro incredulitatem meam; qua varijs testimonijs vestris de Seruo Dei Petro de Alcantara, fidem dare obstinatius recusavi. Hanc verò solùm ad eius aspectum in Ecclesia ita in me mutatum sensi; ut constrictus fuerim*  
ad

aduius pedes secreta animæ meæ liberius pandere: Sciatis itaque, quid Deus mihi oculos aperire dignatus fuit, dum P. Petrus in Ecclesiâ ambulabas; ut mirabilia intueri mererer, quibus Seruum suum Dominus tunc condecorabat. Conspiciebam nimirum plurimos Angelos cum circumdantes, atque in manibus quasi gestantes; singulari quodam modo ei blandiri: Vnde reuerentia percussus ad pedes eius aduolans; ut culpæ mearum confessione citius edita, diuina Misericordia veniam impetrarem, quam tunc concepto dolore ardentius exposcebam. Videbatur enim mihi neminem inueniri posse, qui Cæli viam indicare rectius posset, quàm eum, cui ipsi Cæli ciues Angeli socij destinati fuerant: Conueni itaque cum festinatione, & post Confessionem varia dabilia super difficillimas materias eidem proposui; & verè vobis in fide Sacerdotis indigni (ut sum) profiteor me à nullo Virò docto talia unquam intellexisse, qualia Vir ille Sanctus brevi illo temporis intervallo mihi exactè declarauit. Est enim ille præditus superno lumine interiora cognoscendi, suauitate mirabili, & efficacia in persuadendo; sicut & obscura dubiorum elucidandi scientia diuina; quæ omnia sibi ab eodem Spiritu infusa dignoscuntur: O scientia humana, quantis ignorantia tenebris offunderis, nisi diuini luminis radys illustraris! Sicque Sermonem claudens apud omnes B. Patris sanctitate, atque scientia firmissimo argumento comprobata, impofterum famæ eius, ac virtutis præco effectus est singularis. Alij quoque plurimi, qui pro scripturarum difficultatibus, S. Petrum de Alcantara crebrò accefferant; magnæ eius facilitatis in earumdem explicatione, admirationem non vulgarem concipiebant.

Ex hac insuper admirabilem prædicationis eius efficaciam prouenisse haud difficile concluditur; cum feruentissimo eius zelo coniunctæ tot peccatorum conuersiones, animarumquæ lucra omnibus fuerint in confesso. His etiam accedebat exterior corporis habitus, qui macie, ac vitæ austeritate deformatus, interiorisque luminis in vultum redundantia terrorem potius incutiebat, atque reuerentiam quàm ut verborum lenocinijs auribus, oculisque peccatorum blandiretur:

diretur : Propterea quoque ille solitus erat eligere motius sermonum aspera, atque in vicijs reprehendendis vehementiora, quibus ex Redemptionis nostræ memoria lenimenta suauiora obduceret. Hinc frequenter etiam in exclamationes quasdam prorumpere : *Deum incarnari? Deum pati? Deum mihi vitam concedere, & hoc me non agnoscere?* ita vt aliquando super hæc fixus, in extasi remaneret.

Mirum hoc erat, quòd dum Viris doctis varias scripturarum obscuritates explanabat, aut alia ad nobiliores documenta dirigebat; eodem tempore etiam à rudioribus perceptus, illis compunctionis atque conuersionis affectum eliceret: Ita vt linguarum donum, seu intelligentiæ Apostolis concessæ S. Petro clargitam ex tali argumento facili iudicassent, qui eius doctrinam ab omnibus capi, atque distinctius intelligi, notabiliter mirabantur. Erant itaque audiendi eum cupidi adeò homines; vt cùm Tempora Populi multitudinem non admitterent, in aperto campo munere suo fungi quàm sæpiùs contingeret: Ipse autem tanto feruore eidem incumberebat, vt terras, locaque distantia percurrens, occasionem deuotis dederit eum suæ sanitatis propriæ admonendi, quam ipse se libentissimè salutis animarum sacrificare retorquebat; nec quicquam gratius habere, quàm Regnum Christi peccatorum poenitentibus augere. Variarum huiusmodi conuersionum exempla in hac narratione adduximus; quorum illustre non minus additamentum erit D. Roderici à Chaves, Viri inter Plasentinos nobilissimi mutatio notabilis: Hic enim ætate, ac opibus florens, luxu ac vanitate absorbebatur; vsquequò secreta quadam curiositate ad prædicationem S. Petri de Alcantara accedens, adeò eius dicendi vi se compunctum agnouit; vt nulla præsentis multitudinis habita ratione, ad S. Petrum percurrere, eiusque se consilij pro nouæ vitæ via incunda committere, nequaquàm erubesceret. Eum S. Petrus de Alcantara amplectens, salutaribus monitis instructum, atque in Conuentum ad se reuersurum pro disponenda generali peccatorum expiatione, Domum remisit: At vxor tam repenti-

nam mariti mutatione percussa, S. Petrum adiit causam exploratura, à quo cum varijs spirituatibus documentis erudita, spiritum Christianæ pietatis concepisset; aded in eiusdem affectum exarsit, ut mariti viam probare, eiusque etiam consortium relinquere, ac Monasterium ingredi designaret. Sed B. Pater utriusque deuotionem temperando, eos ad Tertij Ordinis Institutum admisit in quo egregijs virtutum exercitijs se inuicem æmulantes; Parentum & amicorum contradictiones, & probra constanti sui ipsius despectu, ac perfecta humilitatis professione superarunt. Hic fuit, cui S. Petrus Tractatū de Oratione inscripsit; qui etiam locum Palancar pro fundando Conuentu Pedrosi, liberaliter ac deuotē Petro obtulerat.

Tam continuo conuersionis animarum zelo, non domos modò priuatas & publicas sed Oratoria, ac Societates etiam quamplurimas replebat: In quibus congregatis Nobilium præcipuis, viam virtutis, ac pietatis Christianæ Apostolico spiritu, ac mirabili effectū edocebat; ita ut quidam ad amplexum pœnitentiæ; alij ad virtutum studium; alij ad deuotionis feruorem; alij ad Mundi contemptum, vniuersi ad compositæ vitæ desideria accenderentur.

*De dono Prophetia Sancto Petro de Alcantara concessa.*

*Cap. XVI.*

**I**nter insignia diuinæ Gratia munera, quæ animam S. Petri Deus illustrauit; Prophetia donum in futurorum cognitione eluxit; cuius effectus ex plurimis singulari memoria dignos aliquos hoc loco recensēbimus. Placentia Nobilis quædam foemina de mariti sui salute anxia, quod in Indiarum partibus in bello periclitaretur; B. Patrem adiit deprecando, ut orationum subsidio eidem studiosè succurreret: Cui respondens S. Petrus de Alcantara ne amplius turbaretur, monuit: ut pro prælij iam transacti victoria Deo gratias redderet, ex qua maritum suum incolumem breui reducem habiturū esset. Hanc veritatem post

aliquot menses nuncius confirmavit; qui de rei successu literas attulit, omnibusquē persuasit, id sine diuina reuelatione prius sciri non potuisse.

Alius quidam Nobilis in deuotione erga S. Petrum de Alcantara ab infantia educatus, in eiusdem conuersatione semel literas quasdam ex Aula recepit; quibus significabatur hæreditatem quandam notabilem ex morte sui propinqui obtigisse: De qua sorte exultans Nobilis, sine mora per dispositos equites iter facere velle, ad capiendam possessionem indicabat. Cui S. Petrus de Alcantara à Deo illuminatus id tunc dissuasit, & varijs instantijs vrgenti, atque persistenti in sua opinione; tandem secretò in quodam cubiculo hæc verba intimaui: *Valdè vos exultantem video super hac hereditate, cum potius futura prouidere deberetis; qua prater id, quod nunc vobis in mentem venit, vltius succedet. Recordare igitur (fili) eorum, quæ tamò si deo à me didicisti, & haud minori seruire amplexus es; ita ut te etiam paratum obuleris, quemcumque cruciatum, etiam siue ad sanguinem pro Christo pati velle. Ad quæ Nobilis: Tandem (Pater) adhuc voluntatem seruo, atque in omni occasione si iuabo; nec unquam obliuiscar eorum, quæ Deo meo debere me agnosco.* S. Petrus, qui diuina reuelatione futurorum conscius erat; intentis in eum oculis, hæc vehementi spiritu subiunxit: *At fili, si hereditatem (quam anhelas) ab alio præoccupatam intellexeris, patienter nè propter Deum id feres? Cui ille, certè quòd sic, cum omnes res terrenas, pro Cælo perdere paratus sim: Sed si prater bona, institit S. Petrus, etiam honoris iacturam feceris, id nè propter eundem amorem pari patientia sustinges? quid nè (inquit iuuenis) pro eo, qui pro me passus est, libenter tales iniurias tolerarem? Et si vltèrius omnes amici tui (respondit S. Petrus) in te insurrexerint; ita ut etiam vita insidiantur, si permissum fuerit? Ad hæc turbatus aliquantulum Nobilis; Pater mi, dummodò, animam non tetigerint, cetera quacumque externa lubens tolerabo. Tunc B. Pater edito profundo suspirio, ac lachrymantibus oculis ita prædixit: *Eheu fili, si super, prædicta omnia, Deo inimica su-**

*Ea fuerit ac infidelis anima tua; ita ut propterea etiam carcerem merearis, & publicæ infamiae sententiam? Ad quæ velut semimortuus Nobilis, animosè tamen respondit: Deus mihi propitijs sit, ut nunquam eum offendam; & concludens S. Petrus: Eia ergo, vade in pacem & ad omnia, quæ tibi evenire possunt, patientiam tuam præpara. Sic recedens iuuenis animo conturbato, se orationibus S. Petri de Alcantara instantèr commendavit: Sequenti die iter (quod destinarat) ingressus, in socium incidit Virum famosum, ac doctum; secreta tamen hæresi infectum. Huius argumentis sensim, illaqueatus, eiusdem hæresin faciliùs imbibit immemor salutarium admonitionum, quas à Viro Dei priùs hauserat: Ex quo omnia illi prædicta succedere, usque dum in quendam locum secedens, ut pœnitentiam ageret; ibi errores suos amare defleuit. Nec maius interea ibi solatium habere contigit, quàm quòd à Patribus Discalceatis crebrò visitaretur; quibus prædictiones S. Petri de Alcantara enarrare, eiusque propheticum Spiritum altissimo præconio celebrare nunquam intermittebat: Præ ceteris autem dictus Eques totum istud cum multis lachrymis narrauit Fr. Ioanni Baptistæ Moles, & Fr. Michaeli de Laque grauib; Prouinciæ S. Gabrielis Religiosis; cùm ipsum die Visitationis B. Mariæ Virginis 2. Iulij Anni 1569. in loco Madrito propinquo, ad quem à Sancto Inquisitionis Officio relegatus fuerat, inuississent.*

*Aliquando S. Petrus confabulando cum Comitissa de Torrejon D. Catherina Manriquez, audiuit ipsam proposuisse sibi, filiam D. Mariam Carauajal Illustri iuueni D. Ioanni de Vargas Sponsam dare. Cui proposito dissentiens S. Petrus, iteratò affirmabat illam Sponsam futuram non istius, sed D. Gundisalui de Carauajal: Erat autem hic affinitate attingens Comitem de Torrejon iam defunctum, & tunc nuptus è Agneti de Vargas, & Camargo. Vnde Comitissæ dictum S. Petri de Alcantara, tantò difficilius videbatur, quia uxorem illam adhuc superstitem, & ætate viridem videret: At ille, potest ipsa mori, & sic Matrimo-*



nium contrahi, quod ego sic affirmo, & quidem certum erit. Ad quod responsum suspensa Comitissa, ulterius de filix nuptijs non tractare curabat, oraculo Viri Dei cuncta cedens; licet prius Matrimonium, tum nubilis Virginis aetati, tum cæteris conditionibus conuenire magis iudicasset; At mortua eodem anno vxore prædicta, breui post tempore prædictio B. Patris, Matrimonio D. Gundisalui, atque filix Comitissæ comprobata fuit; quemadmodum ipsa Mater pro maiori Serui Dei gloria publica fide attestari voluit.

Tres Virgines honestæ ex Ciuitate Plasentix S. Petri de Alcantara Discipulæ, eidem ingrediendi Monasterium desideria sua communicarant; at Beatus Pater reprobando hoc intentum sic illis respondit: *Modò non conuenit, ut in aliquo Conuentu Religionem ingredi tentetis.* Contra quod replicando natu maior argumenta varia, quæ propositum, suum urgere possent; hac ratione institit S. Petrus: *Vitam sanctam in stituite, ut Dei præsentiam ingiter seruetis; & confido in Domino, quod gratia sua vobis propitijs erit: Ideoq; non turbemini, quòd modò desiderijs vestris non assentior; quia certas vos facio, quòd omnes tres Religiosæ eritis, quamuis id post mortem meam contingat.* Intercà Terti Ordinis habitum vobis concedens quò secundum Dei voluntatem, nunc ei hac ratione liberius auxiliatis. Sufficit hæc oratio ad animos Virginum componendos, licet futuri cupiditate Monasterium sibi indicari instarent, ubi aliquando Religionem suscepturæ forent: At S. Petrus de Alcantara importunitati, atque consolationi contumescens; *post mortem* (inquit) *meam in hac Ciuitate, Monasterium fundabitur Discalceatarum primæ Regule Sanctæ Clare, in quod vos ingrediemini, atque usque ad mortem perfenerabitis;* atque ita eis silentium imposuit. Toto autem tempore, quo vixit S. Petrus, nulla vnquam de tali Monasterio fundando memoria fuit: Sed aliquantùm post eius fatum eodem constructo, D. Anna Maria eum cæteris duabus illud ingressæ; vaticinium S. Petri de Alcantara etiam sanctitatis vitæ fama laudabiliter confirmarunt, ac publicarunt.

In Oppido Alcantaræ sua patria, S. Petrus cum quibusdam Nobilibus de quarundam Virginum votis conferens; quæ se perfectionis studio Religioni dicare optarant; si Monasterij commoditas adfuisset. Quibus ille futuram aliquando talem occasionem prædicens, in Monasterio Discalceatarum sui Instituti; eo, qui post mortem suam successit evenitu, rei veritatem stabilivit.

Illustris quædam Plasentiæ fœmina non virtutibus minùs, quàm sanguine; post integerrimam multorum annorum, conscientiam, scrupulis vexari cœperat, quibus tollendis, nulla variorum Doctorum consilia, aut remedia proficiebant. Scripsit itaque ad S. Petrum de Alcantara, ut quanto citius ad se transfret; quod animæ suæ opportuniùs succurreret: Sed ille aliquandiu moram trahens, post aliquot dies inquietam valdè ac afflictam accessit. Vix ad ingressum eius mulier subsistere; sed statim ad pedes prouoluta, animi anxietates explicare incipiebat: At ipse præueniens; *Filia (inquit) sufficis, iam mihi integer conscientie tuæ status notus est: Est quia satis infirma est causa trepidationis tuæ; idèò pro auxilio venire hactenus distuli. Nunc verò tibi dico, quòd impòsterum nihil ampliùs tibi continget, nec ampliùs his molestijs turbaberit.* Ad quæ deuota mulier nò magis attonita, quòd interna animi nemini manifestata cognouisset; quàm quòd apud seipsam altissimam tranquillitatem, ac serenitatem mentis sentiebat, cui temporis tractus firmitatem afferret.

Nec minor S. Petri cum pluribus alijs, quæ ipsum consulebant fiducia, atque certitudo: Ita ut Sanctæ Theresiæ ad primum congressum animæ suæ molestias ex eo indicarit, quòd virorum doctorum contradictiones passa; neque à proprio suo Confessore spiritum eius capi posse declararet. Alijs insuper Virginibus, quæ Institutum eius amplexuræ erant, confidenter id prædiceret.

Eodem lumine intima conscientiarum scrutari, & quæ alijs abscondita erant, integrè perspiciebat. Habebat Plasentiæ mulier, quæ apparenti virtute magnam sanctitatis famam acquisierat: De qua commonendo S. Petrus quasdam filias

suas spirituales, vt ab eius familiaritate abstinerent; ipsæ valde admiratæ causam à B. Viro diligentius inquisiere, dum se proficere magis tali conuersatione prætendebant. Ad quod S. Petrus; *tandem spiritus istius mulieris ex Deo non est, quemadmodum exitus monstrabit*. Sic non multò post, illa in grauissimos errores lapsa, & fictæ virtutis fallaciam, & Sancti Viri veritatem manifestam reddidit.

Certius hoc donum Sanctæ Theresiæ constabat; quæ ultra proprium experimentum sæpius S. Petrû de Alcantara ad aliorum spiritus examinandos inuitabat. Ex quò tantùm, profecisse, vt multorum spiritus sibi aliquantum suspectos, maiori claritate distingueret; ipsa in foundationum suarum libro diffusè scriptum reliquit.

*De laudabili S. Petri de Alcantara Conuersatione, quæ omnium ad eam venerationem trahebat. Cap. XVII.*

**Q**uamuis Vir Sanctus asperè nimis seipsum tractaret, alijs tamen comem, facilemque se præstabat; attestante Sancta Theresia eum cum magna sanctitate, mirabilem affabilitatem coniunxisse, nec verba nisi pressum, multiplicasse, eaque grata, & magno iudicio plena: Erant quippè sine ambiguitate cuiusque consulentis necessitati cõuenientiæ, non superflua, aut vana.

Nunquàm sinistrè de quoquam iudicare, licet actiones integræ non forent; pro quibus excusandæ causas conquirebat. Affirmarunt socij toto vitæ decursu eum de aliquo nunquàm conuicium dixisse; sed potiùs mali quidquam suspicari ignorasse: De Religionibus omnibus cum magna reuerentia loquebatur, tanquàm de cœlestibus Hierarchijs. Et de his, à quibus in sua Reformatione plurimà passus fuerat, nunquàm queruli quidquam protulisse, auditus fuit, iudicans singulis bonum finem propositum esse; ideoque dicere consueuerat: *Patres ignoscite zelo meo, & si Deus sic permiserit, impedit illum*. Hinc nemo eo præsentè, de quoquam perperam loqui ausus; aut præsumens, eius reprehensionibus obmù-

obmutefcebat: Talibus enim verbis obtreftationum, cor fuū velut acutis telis transfigi sentiebat.

Quadā vice Comes Oropesē sermones mifcebat cum Beato Petro, exaggerando grauiter publicorum ſclerum multitudinem, quibus diuina prouocabatur vindicta; & S. Petrus de Alcantara de remedio inſtanti cordatiūſ respondit: *Facile ego remedium inuenio, modò Dominatio ueſtra, & ego tales ſimus, quales eſſe debemus; & tunc tantū apud Deum valebimus, vt remedium tantorum malorum ab ipſo impetremus: Et quando hoc fuerit, ex parte noſtra Mundo prouiſum erit, aut minùs emendandum reſtabit.* Et certiffimum eſt, quod ſi vnicuique hoc cordi foret, nullum efficacius remedium dari poſſe; ideòque malum omne ex eo prouenit, quòd nemo ſeiſpſum, alios vnusquiſque emendare ſtudet; ſicque totus Mundus ſine remedio remanet.

Quando admonere aliquem volebat, tempus opportunū captabat, cū mentis turbatione tranſacta, locum lenioribus verbis ſerenitas dediffet. Quotiès pro conſilio rerum, temporalium plurimi Nobiles ad illum conſluebant, ipſe ita colloquia dirigere; vt ſemper exindè fructum aliquem ſpiritualem colligeret, in ſuis deuotis æternarum rerum deſideria excitando: Sinceritatem adeò diligebat; vt quācunque duplicitatem angue peius fugeret, affirmando neminem ad perfectionem peruenturum, qui illa vteretur. Sic quoque vana, aut ridicula velut Religioſis indecentia deſteſtabatur.

Adeò pacis ac concordie amicus erat; vt indè ſibi Angeli pacis nomen acquiſierit; dum non familias modò integras, ſed & loca, ac Oppida ſuauiſſitate ſua atque prudentia ſepiùs componeret. Eandem in ſubditorum correptione obſeruare, ſeueritatem ſic manſuetudine contemperans; vt nullum corrigendo exaſperaret: A licitis recreationibus ſic abſtinebat, vt vultu hilari non alijs conuiuium facere; ſed aliam conuerſationem quocari videretur, vbi eo frui poſſet, cuius deliciae ſunt eſſe cum filiis hominū. Conuerſando autem cum alijs ea verborum ſuauiſſitate utebatur, vt atteſtā-

te Viro graui D. Hieronymo Loaisa, multi se adeò ligari affirmarint; nè quicquam licet suæ voluntati repugnans, aut arduum, eius persuasionibus negare potuerint: Qui verò eius præsentia frui impediabantur, per literas ad eum recurrere; & cum occasio ferebat, summa cum reuerentia, eum conuenire operam dabant.

Ad hos tam multiplicium virtutum splendores, omnium in eum veneratio conuertebatur; ita vt quàmuis in locis solitarijs atque remotis habitaret, tamen è longinquo Populi ad eum cateruatim confluerent: Ex quibus alij ab ipso benedictionem petere, alij orationum suffragia, alij consilia, in negocijs difficillimis exquirere, alij gratias mirandas obtinere; omnes vt conscientijs expurgatis melioris vitæ rationes discerent. Sæpius autem, etiam priusquam eius præsentia sisterentur ipsos parietes (vbi habitabat) proster-nati venerabantur; tantam enim sanctitatis eius opinionem conceperant: Vndè etiam cum Vrbes, aut Oppida transiret, concurrebant vndique Ciues ad eius aspectum; vt infirmos quoque ei benedicendos offerrent. Et cum aliter eo frui non liceret, ad eius Missam frequentior, ac deuotior concursus fiebat; qui postea eo recedente auctus, sæpius loca ipsa sine habitatoribus relinquebat, dum Seruum Dei longo spatio sequi non fastidirent: Nec id tantum à vulgo S. Petro de Alcantara, sed à Nobilioribus quoque, qui animarum suarum curam ei committentes, ideò frequentius eum in Conuentibus interpellabant; aut cum aliquando apud ipsos transiret, de recipiendo ipso piè contendebant, quò colloquijs eius ac conuersatione instructi, beneficia quoque gratiora reciperent. Plurimi Comites, ac Marchiones hospitio eum excipere æmulantes inuicem, proprijs illi manibus inferuire in pretio habebant: Alij Conuentus pro ipso è fundamentis construere, aut prope eos Palatia conducere; vt commodius eius familiaritate uti, & consilijs ac doctrina in spiritus, ac morum via dirigi possent.

Inter eos, qui diligentius S. Petrum de Alcantara conueniebant, Comes de Oropeza, de Nieba, & Torrejon interdum integras septimanas apud ipsum commorabantur: Et  
cum

cùm aliter frui eius præsentia non poterant; audiendo eius Missam, eumque in Choro, alijsque Communitatis actibus publicis conspicerere, pro magna consolatione ducebant. Commoti sanctitatis eius fama D. Ferdinandus Henriquez, Patruus Architalassi Castellæ, & alter Illustris Vir D. Didacus Suárez, Madrito Pedrosum venerunt; vt Viri Dei monitis cœlestibus erudirentur, & si permissum foret, cum ipso cohabitarent: Cùm id fieri S. Petrus de Alcantara non permisisset, prope locum habitationem conducere, quotidie ad Conuentum accedere, ac B. Patris oracula tanquàm Angelica excipere, summa diligentia operam dederunt. Ipse Comes de Oropeza eodem tempore, quo Conuentus Rosarij construebatur, Palatium vicinum in quadam possessione ædificari curauit; vbi aliqua anni parte commorando, per plures dies in Conuentu vitam vivebat cum S. Petro de Alcantara religiosam, omnibus Communitatis exercitijs assistens: Horum exemplo Illustres quoque Domine aut S. Petri præsentiam adibant, aut per literas de rebus grauioribus consultabant; aut secundum earundem necessitates precibus importunis ad se vocabant. Ex quo ipse hos tantùm fructus trahebat, vt multis spiritualis vitæ amplexum, plurimis ornatus vani contemptum persuaderet.

Nullum penè negocium occurrebat, aut pro litibus inter Ciuitates, ac familias componendis susceptum; cui S. Commissarius auctoritatem suam interponere, rogatus non esset: Idque tam felici successu ab ipso perfici consuevit; vt partes rationibus, ac reuerentia eius persuasione cedere sæpius illi, quod magnæ præstantiæ Viris negare, non sine magna admiratione visi fuerint. Hinc à multis Ciuitatibus etiam remotioribus vocatus, Plasentia, Toledo, Ciuitate Roderici, alijsque omnibus tanquàm Apostolus à Cœlo missus, gratus habebatur, ac desideratus.



*Continuatur eadem materia in Magnatum exemplis.*  
 Cap. XVIII.

**A** pud Reges verò in magna præcipuè exultatione habebatur S. Petrus de Alcantara, ita quòd ab ipso Imperatore Carolo V. sæpiùs euocaretur: Cum quo postquam varia negocia contulisset, talem sui opinionem impressit: vt aliquando ad suos Imperator diccret: *Certè hic Religiosus non est homo ex hoc Mundo; semper enim absorptus spiritu cum Deo, ac spiritibus beatis in Cælo conuersatur.* Sæpè à Rege Portugalliæ, Vlyssiponam inuitatus, in Palatio habitare cogeatur; vndè Principes D. Maria, & D. Ludouicus tanto doctrinæ eius amore capiebantur: vt nisi ipso B. Viro impediente, tunc vitam humilem eius Instituti spontè amplexati fuissent.

Nec minori veneratione Seruum Dei D. Isabella Infans Portugalliæ prosequabatur, cùm frequenter eum ad se vocare solebat: vt tam animæ suæ, quàm status rationem redderet: Maximè verò post obitum mariti D. Eduardi filij Regis Emanuelis, quem mors in flore ætatis annorū 25. importunè oppresserat. Tunc præcipuè opem eius implorare, multa ei donaria pro Ecclesiæ cultu, ac pro Fratrum vestitu pannum transmittere: Sic quòd eius beneficijs obstrictus S. Petrus de Alcantara, magna fiducia de Prouinciæ suarum statu subindè scribere ad eandem non dubitaret. Exemplum cuiusdam epistolæ hoc est.

I E S V S.

**P** Ax Christi habitet in anima Celsitudinis Vestræ. Quamuis absens sum ex illo Regno, quia talem fuisse voluntatem Dei existimo, propter optimum rerum successum istius Sanctæ Custodiæ, ad quam cum Fratre Ioanne ab Aquila feliciùs accesseram: Nunc verò intelligo scè ab eodem res prosperè dirigi, vt mihi videatur perfectionis apicem attigisse, & Deum specialissimam ben-  
 ius

ius Custodia curam gerere, tanquam de particulari quadam sua hereditate; dum viuendi huius ratio tam sit pacifica, atque in tam exiguo numero tot habeat suos Seruos: At meum reditum ad has partes, spero eidem Domino nostro acceptum fore; eò quòd ab ipso cuncta dirigantur, & tam clarè hac demonstret, ut ultra dicere quicquam nequeam. Nostra Prouincia in multis melior facta est, quàm unquàm fuit, undè Deum glorificare possum: Idque Celsitudini vestra dico: eò quòd norim eius zelum pro Dei gloria maximè optare, ut in his suis Prouincijs Pietatis, ac Sancti Gabrielis, & Custodia Arabida summo perè angeatur: Et ad hanc ego singulari affectu trahor, quia scio quid in illa bonis sit, & propier magnam pietatem Principum istius Regni Portugallia, quam inter illos in Celsitudine vestra Deus singulariter eminere facit, & quam à suis Progenitoribus traxis. Ita ut optima indole dotata eam iuncti bonis suis operationibus, ac animi quiete, quae se Regnorum temporalium curis subtraxit: Hoc sentio semper, & dico vlicunque; quemadmodum & omnes, qui Celsitudinem vestram aut viderunt, aut audierunt. Es propterea spero, quòd vnica illa cura filiorum, qua Celsitudini Vestra remanet, à Deo subleuanda erit; quemadmodum ego diuinam eius Benignitatem incessanter precor: Es ut principale remedium D. Maria videat Celsitudo vestra, priusquam eam Dominus ad caelestia Regna euocet. Amen. Harum lator fidelis est persona, si placuerit Celsitudini Vestra rescribere.

### Celsitudinis Vestrae

Capellanus & Orator indignus

Fr. Petrus de Alcantara.

Ad Aulam quoque Madritensem Sancto Viro pertransire necessum fuit, dum à Principissa Ioanna Sore Magni Imperatoris Caroli V. vocatus, singulari reuerentiae obsequio ab eadem habitus fuit: Eodem quoque à varijs Religiosis diuersorum Ordinum, qui in grauioribus consultationibus eius sententiae summo cum respectu acquiescebant.

Quòd in propria eius Religione non adeò mirum videbatur, cum quotidie Reformationis eius difficultates cœlesti fauore, ac singlari constantia superatas, incrementa maiora capere experiebantur: Apud Prælatos insigniores totius Hispaniæ adeò gratus habebatur; vt sæpius ab eis inuitatus tam animarum conuerfiones, quàm multorum abusu emendationes lubens pro Dei gloria susciperet. Maximè autem illum affligebant honores atque obsequia, quæ prædicti Prælati ei deferrebant, præsertim Episcopi Auilæ, Plasentiæ, Pacis Iuliæ; quos tamen omnes superabat affectu, ac veneratione Episcopus Cauriensis D. Didacus Henriquez, de quo infra latius memoriam faciemus.

Tandem omnes, qui illo tempore, aliqua sanctitatis fama clari habebantur, pro vt maiori lumine cœlesti pollebant: tantò diligentius se Sancti Viri orationibus commendabant, virtutesque eius singulares in pretio habebant. Inter hos P. Ludouicus à Granata, tunc pietatis ac literarum scientia percelebris, varias ad Dei Seruum epistolas scripsit; magnæ suæ existimationis testes singulares, præter frequentia commercia, quibus vtriusque animos coaluisse, iudicari rectius posset. Idem Magister Ioannes de Auila, Vir non vulgaris sanctitatis; nihil magis cordi habebat, quàm S. Petrum de Alcantara honorare, atque eius familiaritate vti: Ex cuius doctrinæ quoque admiratione captus non laudes modò eius diulgare; sed & opera eius in notabilioribus quibusdam negocijs vti studebat, sicut alibi dictum fuit.

Singulari affectu S. Petrus de Alcantara Patres Societatis colebat ob communem animarum zelum, quò Fidei propagationi indefessam operam impendunt. Præ cæteris verò huius Religionis conspicuis Viris ( quibus familiariter utebatur ) vt P. Ludouico de Ponte, P. Christophoro Cobos, P. Ioanne à Monte Maiore viris illuminatis, qui Seruo Dei per multos annos singulari familiaritate contuebantur, eiusq; postea defuncti rarâ poenitentiâ & contèplationē ubiq; laudarunt; arctissima illi cū B. Francisco Borgia necessitudo

inter-

intercedebat: Hanc ne longiori narratione exprimere molestum sit, ex cuiusdam epistolæ contextu colligere expeditius videbitur. Destinatus fuerat hic Beatus Anno 1557. ob eminentem sanctitatis, ac prudentiæ laudem à Magno Imperatore Carolo V. ad sororem Portugalliæ Reginam Catharinam; vt negocia magni ponderis pertractaret: Hinc quò amoris, ac existimationis erga S. Petrum de Alcantara pignus relinqueret, talem ei epistolam ex itinere scripsisse inuenimus.

*Admodum Reuerende Pater in Christo.*

**G**ratia D.N.Iesu Christi sit nobiscum semper. Amen. Nouit Deus quantam consolationē ex literis, alijsque rebus Reuerentia vestra anima mea capiat libet ad paruum illum Conuentum vestrum accedere, & pro Paradiso habere in terra, nisi quia audiui Deū ad se vocasse optimum Episcopum Pacis Iulie; ideoque illac iter dirigendum non erit, sed rectā Eboram, atque in Lusitania existens, curam (quam oportet) de rebus Reuerentia Vestra habebō; sicut & in Deo confido nos inuicem in reditu meo visuros, atque confidenter de omnibus collaturos. Audiui quoque quòd P. Magister Zapata valdè ab eodem bona memoria Episcopo amatus fuerit: Ora pro me Pater mi; vt communi cet Dominus mihi Spiritum Sanctum. Ex Xaradilla vigesima-seconda Augusti, millesimo quingentesimo quinquagesimo-septimo. Quocunque modo aliter scripserim, curabo tamen de via instrui; vt (si possim) illac transeam, quamuis aliquantulum declinem: Dominus cuncta dirigat. Et si extra viam fuerit, eris quod superius dixi; atque iterum peto, vt Reuerentia vestra oret pro me.

Suus Seruus in Domino  
Franciscus Borgia.

Huius promissi fidem B. Franciscus exoluit quamprimum ex Portugallia reuersus, Pedrosū accessit: Hic aliquot dies cum S. Petro de Alcantara in deuotis conferentijs, cum Reli-

Religiosis cæteris in Communitatis frequentatione, cum Deo in varijs spiritualibus consolationibus transigere, quousque muneris obligatio B. Patrem à tam cœlesti habitatione, ac societate plenum stuporis, atque ad propria auocaret.

De huius quoque Patre spirituali, nēpè venerabili Seruo Dei Ioanne de Texeda Ord. Sancti Francisci, narratur; quod cū ardenti flagraret desiderio conferendi cum S. Petro de Alcantara, quem locorum distantia absentem longè faciebat: Aliquando à Deo id concessum fuit; ut vterque se in spiritu videret, ex quo insignis ille Pater summam animæ suæ consolationem caperet.

At super omnia testimonia, vnum nobis præclaræ venerationis eius indicium sufficiat ex Sancta Theresia in mansione 4. cap. 3. quæ sic alicubi inter cætera à nobis notata de S. Petro loquitur: *Quidam mihi citauit librum Sancti Fr. Petri de Alcantara, quem pro Sancto habeo, cuius me i. d. 10 reddidisse; quia sciebam illum hoc scire: Sed postquam legissem, inueni quod idem quod ego, diceret; licet alijs verbis. Et alibi: Multas alias res dicerem, ni timerem à Dominatione vestra corripi: quare hoc facio &c. In principio videbam, quod me intelligeret per experientiam, quod mihi tunc maximè necessarium erat &c.* Sic itaque quotiès de S. Petro de Alcantara in scriptis suis mentionem facit; semper titulo Sancti ipsum honorat, & summis encomijs virtutem eius celebrat.

*De quibusdam S. Petri de Alcantara penitentibus virtute conspicuis. Cap. XIX.*

**N**Ec virtutis huius S. Petri existimatio solū in ea reuerentiā consistebat, quam mundani etiam quique Seruis Dei vt plurimum deferre non recusant; sed magis in altissimo quodam illorum conceptu, qui eius vitam penitiùs introspicere, atque cœlesti doctrina, in via salutis proficere assueuerant. Quorum hic nobis aliqua memoria facienda occurrit.

Primum inter omnes locum meretur Episcopus Caurien-  
 sis D. Didacus Enriquez de Almanfa. Qui quamprimum  
 de virtutibus S. Petri de Alcantara notitiam habuit, eius  
 affectu captus, instanter persuadebat; vt in sua Ciuitate,  
 eius Instituti Conuentum fundari permitteret: Quod cum  
 negatum sibi fuisset, omni alio modo eius presentiam pro-  
 curauit; vt cum ipso animæ suæ statum, ac pietatis consilia  
 cōferre frequentius posset. Itaq; cū aliquādo S. Petrus Cau-  
 rium venisset, ex occasione fabricæ Conuentus Altamiræ;  
 prædictus Episcopus, relictis pro tempore secularibus curis,  
 Conuentum Fratrum accedebat; vt ibidem omni religioso  
 conuictu infimos etiam, immò & ipsum S. Petrum de Alcan-  
 tara æmularetur: Sicque magna abstinentia, atque cætero-  
 rum exercitiorum rigore semetipsum affligens, S. Petrum  
 prouocabat; vt suo feruori propter complexionis ténerti-  
 tudinem, fræna inijceret. Spiritualibus tamen conferentijs  
 tantum proficiebat, vt ab iisdem, vix etiam propter vrgen-  
 tissima negocia, auelli posset; quin ad eadem excurrens bre-  
 uis ad Conuentum reuertebatur, vt animum suauis conuersa-  
 tione sui admirandi Magistri expleret, deuotorumque Reli-  
 giosorum imitatione perficeret: Creuit in hoc perfectionis  
 studio tantum deuotus Episcopus, vt relictâ pastoralis digni-  
 tate libenter ad religiosam solitudinem, & humilem viuen-  
 di vitam transisset; nisi efficacibus S. Petri de Alcantara per-  
 suasionibus pro maiori Dei gloria, & animarum lucro in  
 suo munere vitam virtutibus insignem religiosa pietate con-  
 tinuare inductus fuisset. Postea tamen frequenter ad se S.  
 Petrum aduocabat, omnisque generis officia, tanquam  
 Angelico Viro deuotè præstando, summa diligentia operam  
 nauabat; vt tum orationis eius assiduitatem, tum abstinẽ-  
 tiæ rigorem (quàm exactè posset) imitando exprimeret. Hinc  
 quoque maiorem reddituum partem in elemosynas paupe-  
 rum erogando, suo decori atque sustentationi moderatas  
 impensas præscripsit. Gregi suo visitando, atque consolando  
 indefessam sollicitudinem adhibuit; suo proprio exem-  
 plo, totiusquæ familiæ modestia quamplurimos ad melioris  
 vitæ



vitz amplexum, deuotionisque exercitia adduxit, in Ecclesiastica disciplina conseruanda vigilantissimus. Tandem ad Concilium Prouinciale Salmaticæ celebratum Anno 1565. inuitatus, omnibus illis Episcopis cum summo honore gratus, zeli ac virtutis suæ fidem fecit præclaram; ibique morte præuentus, venerationis suæ laudabilem memoriam reliquit.

Huius Episcopi exemplo eius frater Comes de Nieba, summa veneratione S. Petrum de Alcantara profecutus; prope eius Conuentum habitare, sæpiùsque Seruum Dei inuifere, atque eius spiritali directione pro animæ suæ salute ad pietatis opera excitari non desisteat. Vndè cùm Religionis ingrediendi propositum B. Petrus diuertisset, Comes in familiæ suæ compositione omnem attentionem conuertit; ita vt religiosæ vitæ normam extra Claustra obseruaret: Eandem ad propinquiores suos foeliciùs traduxit, cùm filium quotidiana Sancti Viri instructione educaret; & aliū consanguineum suum D. Ludouicum Enriquez annis, opibusque florentem ad deuotæ, & solitariæ vitæ culturâ promptius inuicaret. Hic S. Petro de Alcantara diligentius adherere, neque cùm Caurium venisset, etiam pedestre deferere; vt sanctis eius colloquijs liberiùs frueretur: Hinc dignus quoque fuit, qui multorum mirabilium, quæ S. Commissario supernè contigerant, spectator atque testis haberetur; tùm in raptibus, tùm in vaticinijs, quorum omnium post eius mortem, fidelem narrationem fecit. In hac spiritalis vitæ tranquillitate, deuotus Dominus in quadam sua Villa viuendi cursum magna cum virtutis opinione terminauit.

Non inferior pietate fuit D. Ioannes de Albarado, qui priùs sorori suæ D. Isabellæ, filiæ spiritali S. Petri contrarius, postea virtutis eiusdem æmulator strenuissimus factus fuit hoc modo. Quadam die accedens ad audiendum Seruum Dei prædicantem, talem sui ipsius cognitionem accepit; vt vanitatibus seculi renunciare, atque (ni obstitisset S. Petrus) Religionem ingredi paratus fuisset: Sed postquàm confessionibus eiusdem, ac cõsilijs assuetus cuncta pretiosa

fora vendidisset; ut in pauperes erogaret; Sacerdos factus vitam adeo religiosam suscepit, ut vestitu vili ieiunijs frequentioribus, cubili durissimo contentus praeclarum suae virtutis odorem omnibus præberet. In visitando Nosocomia, infirmorumque cura assiduus, aliquam diei partem in texendis sportis vimineis (quas pauperibus distribueret) exercitijs impendebat: Ita ut adeo laudabiliter annos triginta octo vitam transigens, miraculis etiam quibusdam condecorari mereretur. Eius corpus post aliquot annos incorruptum vixit cum illo sororis inuentum fuit; quæ pietatis studio pariter equitavit. Hæc enim tunica rudi induta, linum non admittebat, domo nunquam (nisi ad Sacrum, aut Confessiones) egrediebatur; carnes nunquam gustabat, orationibus semper intentata, diuersos à Deo fauores experiri meruit.

Eiusdem Sancti Viri consilijs magnos in pietate progressus fecit Portugalliae Serenissimus Infans D. Ludouicus, Regia Emanuelis filius. Qui ex spiritualibus colloquijs S. Petri de Alcantara, cum sorore sua habitis, tantum vite perfectioris desiderium concepit; ut eum sibi conscientiae ducem, ac morum Magistrum eligens, imitari quoque viuendi austeritate satageret. Cum verò id in statu religioso exequi validissime impeditus fuisset, quò in seculo magis subditorum salutis exemplo prodesset, Saluaterram secessit penitente Rege, ut liberius spiritualibus exercitijs feruorem spiritus accenderet. Hic illustris Princeps Conuentum fabricari curauit duodecim Fratrum capacem, in quorum societate, ac si votum emisisset, in oratione, ieiunijs, cetera, quæ religiosa disciplina omnia exemplo præiit, plurimos ad emulationem prouocauit. Accessit aliquando ad hunc Conuentum S. Petrus de Alcantara, ut ex parte Principis rigores moderaretur; huius consilijs tanquam oraculis in proposito confirmatus, extra religiosum statum cum viuendi tenorem prosequeretur, quem Magistri imitatio, atque doctrina; obedientia insuper Superioris localis Conuentus, rigorosius suggererat. In paupertate religiosa imitanda, superflua corporis, aut pomposam suppellectilem de his st-

milia recusabat: Puritatem verò mentis, strictiori custodia, sensuum pramuniebat; & eiusdem affectione nullum aliquo contrario vitio maculatum, ad suum seruitium admittebat; sicque innocenter viuens, sancto fine in Domino quieuit.

*De quibusdam feminis pietate præclaris S. Petri de Alcantara Discipulis. Cap. XX.*

**H**Arum aliquot sanctitate illustriores, singulare sibi hoc loco memoriam vendicant. In Ciuitate Beluis quædam Nobilis foemina luxui maximè intra honestatis limites addicta, ad S. Petri de Alcantara famam commota, eum adire, in Conuentu cum alia sua Consanguinea proposuit; vt Seruum Dei super negotio quodam nuptiarum sibi tunc oblatarum consuleret. Vbi verò Seruum Dei adeò macie extenuatum conspexit, pudore quodam suffusa, & peplum faciei obducens, ad priuatum colloquium (pro quo accesserat) reuerentiùs inuitauit: S. Petrus Deo negotium precibus commendandum in se suscepit; quò ab eo illuminari mereretur, quid pro Dei gloria, animæque suæ salute magis expediret. Hinc sermonem ad puritatis prætia conuerrens, quibus à Christo animæ desponsantur; vtrique Virgini, vt Monasterium ingrederentur, apertissimè suauit: Sensit se Nobilis femina talibus rationibus ita compungi; vt (postquam se in Confessione de secretis conscientie maculis apud Deum purgaret) consilij S. Petri ad nouæ vitæ studium (effectus admirantibus stupendam mutationem) summus animæ viribus priuatim aliquandiu, mox etiam ingressa Monasterium Sancti Ioannis de Pœnitentia integrè applicaret. Eius exemplum ac seruorem amulata Consobrina Beato Patre instigante; quantumvis annis tenella; eodem se Monasterio inclussit; quò maturior, Religionem aliquando profiteretur: Sic itaque amba Viri Dei monitis ad perfectionis cursum anuntate; prior singulari virtutis exemplo enituit; dum continuis eiusdem doctrinis fovebatur: Fuit hæc Serua Dei Mariuà Iesur, quæ propter insignem pietatis famam, discipula

pula S. Fr. Petri de Alcantara nuncupata; multa eius mirabilia post mortem publicauit; prædicando eum aliquando publicæ venerationi, Sancti titulo proponendum fore; Perseuerauit ipsa quàmplurimis annis in prædicto Monasterio singulari pœnitentiæ, atque deuotionis tenore; vsque quò naturæ debito soluto, quibusdam miraculis corruscasset, ita vt campanæ quoque proprio motu pulsata, totam Ciuitatem ad eius exequias conuocarent.

Inter cæteras etiam nobiles fœminas, quæ in Conuentu de Beluis S. Petrum de Alcantara frequentabant, singularis quædam Religiosorum benefatrix filiam habebat nomine Maldonatam, in pietatis exercitijs optimè instructam. Hæc sæpè de rebus spiritus Seruum Dei consulendo, quadam vice de amore Dei talia differenter audiuit; vt quasi telò quodam transfixa eidem acquirendo, totam mentis aciem applicaret: Vnde continuâ oratione exardescens, plurimis cœlestibus fauoribus illustrata, Magistri disciplinam, in humilitatis Schola, nunquàm refugiebat; sed diuinæ voluntati totam se permittens, tales extases habere visa fuit; vt multis illusionis suspicionem iniiceret, & suggillandi S. Petrum, occasionem daret quasi Adolescentulam in paterne domo tenerè educatam talibus diabolicis fallacijs decipi permetteret. Quibus opinionibus detergendis, atque optimæ famæ eiusdem Adolescentulæ, quam sparserat S. Petrus de Alcantara confirmandæ; placuit Deo eam sequenti successu illustrare: Assistebat illa deuotissimè Sæcro cuidam, quod ad Altare Crucifixi in Ecclesia Parochiali celebrabatur; vbi contemplationi Dominicæ Passionis immerfa, affectus teneritudine in diffusum planctum prorupit, mox quasdam voces sibi interiùs resonantes audiuit, quibus in Altissimam extasim raptâ, omnibus singularem admirationem cū reuerentiâ ingessit; his præcipuè quibus voces illas audire, à Crucifixo concessum fuit. Hæc ad B. Patrèm perlata, induxerunt; vt famulam Christi inultas contradictiones passuram admoneret, atque ad eas patienter tolerandas animaret Sanctorum exemplis, quorum in aduersis constantia

maximè probari solet: Animo itaque in Dei seruitiò, ac spiritus deuotione firmata, quàmuis ex primis Ciuitatis esset; cum vilioribus tamen conuersari non abnuebat, quò alios eleemosinis subleuaret, alios doctrina instrueret, alios infirmitate oppressos curaret; omnes denique monitis, ac exemplis ad pietatis cultum efficacius allireret. Tandem magna sanctitatis fama iuclarescens, post varias prædictiones à Deo sibi reuelatas, sanctè obdormiuit in Domino.

Venerabilis Soror Anna Maria Placentiæ oriunda, à primis annis Discipula fieri meruit S. Petri de Alcantara, ea occasione; qua ipse in domo Patris sui hõspitio aliquotiès receptus, aliquando eiusdem precibus sanitatem recuperauit. Quæsierat ipsa quadã vice quare oculis semper clausis incederet Sæptus, quasi cæcus esset. Ad quòd ille; *Filia, qui Deum intus in anima sãgerit, oculos habere non debet, vt terrena, allã respiciat.* Quo responso adeò Virgo in Dei amorem accensa fuit, vt imposterum Deo soli cor suum offerre, mundana quæque despiceret; ac tandem ad eam Magistri nutum Religionem ingredi proponeret: Distulit tamen effectum, dum iuxta Diui nostri monitum, Monasterium primi Instituti Sanctæ Clare in eadem Ciuitate extructum fuit. Ibi postea tanta pietatis, ac pœnitentiæ asperitate emicuit, vt exquirentibus alijs Sororibus tam mirandæ austeritatis motiua, ipsa respondere soleret se Magistri sui vestigia sequentem; ad tormentorum eius rigorem, nec à longè quidem accedere posse: In orationis exercitio plurimis à Deo visitationibus illustrata fuit; octuagesimum annum attingens, ac morti propinqua, meruit à Domino circumdato splendissima luce visitari, qui ei quoque promisit breuì se in Cœlo visuram; & quòd S. Petrus, morti eius assistens animam in Cœlum comitari permetteretur. Exultabunda super his deuota Religiosa, alteri suæ Sorori intimæ latum monitum communicauit; expectandoque aduentum S. Petri de Alcantara Chorum Virginum ad se venientem conspexit, quarum conuersatione Paradisi delicias prægustare videbatur, priusquam exiret è vita: Quærebat interim amica illa, an inter istas

istas S. Fr. Petrus aduenisset; cui nondum tempus esse respondens, aliquantùm post (cum agoni propinquior fieret) Seruum Dei mirabiliter resplendentem adesse agnouit. In huius societate cum cæteris animabus beatis, amoris potius resolutione, quàm animæ dolore ad superna feliciter euolare visa fuit: Corpus à Religiosis eius Monasterij honorificè custoditum, singulari veneratione memoriam eius commendat.

Ex his itaque paucis cæterarum, quas S. Petrus de Alcantara erudit, animarum integritas ac perfectio iudicari potest; quàmuis in priuatis domibus actiue vitæ attenderent: Ita vt non minùs, quàm gloriosus eius Pater Franciscus, qui Pœnitentum Ordinem secularibus instituit;

S. Petrus eodem zelo plurimos diuersæ conditionis ad vitæ spiritualis studium adduxerit, qui suo exemplo, totius Hispaniæ Ciuitates virtutum exercitijs imple-

rent. Sicque S. Petrus de Alcantara omnium orationibus, ac animis deuota

veneratione percurrens; celebrari etiam à plurimis Scriptoribus obtinuit.



## LIBER QVINTVS

De extrema S. Petri de Alcantara infirmitate  
vsque ad corporis eius translationem.

*Visitat vltima vice Conuentus Pedrosi, Rosarij, ac Viciosæ.*

Cap. I.



Ntequàm vita egredi S. Petrum contigisset, Conuentus, ac Fratres suos paterna sollicitudine inuifere destinauit; vt Obseruantia rigorem, ac Charitatis feruorem confirmando accenderet. Discedens itaque Auila ( vt in fine tertij libri narrauimus ) & nouis accessibus dolorum grauatus, post difficilem viam accessit Pedrosum, primam suæ reformatæ familiæ plantam: Hic indicibili consolatione propter anteaçtæ vitæ memoriam, atque cœlestium fauorùm largitionem repletus; quadam die coram deuota imagine ( quæ hic seruator ) gratias eidem Deiparæ referendo in stupendam extasim rapiebatur. Ita quòd defixis in eandem imaginem oculis, corpus in aere, anima in superis detineri, omnes iudicare possent: Nec per paucos illos dies, quibus hic morabatur, ante aëtorum temporum fauores à Deo concessorum, sine lachrymis copiosissimis, recogitare poterat, vt omnibus apparebat; vltra quas profunda suspiria continuò edens, cordis affectus externis indiçijs prodebat.

Memoria digna videntur aliquot documenta, quæ in hac occasione Religiosis suis diligentius relinquebat, sic dicere solitus: *Quamdiù vos debito verorum filiorum respondetis, viuendo in sanctitate morum; Dominus benignissimus vobis, tanquàm verus Pater, propitiùs eris: Causa verò, quare in Monasterio necessitates corporales deficiunt, ex eo prouenit; quia in illis negligenter Deo seruitur. Quas misericordias ex-*

*perti*

*perti non estis vos in extremis vestris necessitatibus? Hic idem Conuentus fidem hanc vobis faciet, per tot mirabiles subuentiones, quas in extremis de Cælo expertus fuit; quemadmodum & cæteri Conuentus noua huius Prouincia, vbi Dominus sapiens Religiosos nostros fratres cælesti pane pascere dignatus fuit. Ponite itaque filij, & Deum omnem fiduciam vestram; ab ipso etenim erit omne vestrum remedium, cura habere: Vsque enim hodiernum diem nunquam derelictus fuit quisquam, qui in eo, spem suam firmiter collocauit. His tam affectuosis monitis amorem Patris concipientes filij, extremam hanc eius visitationem esse suspicabantur. Indèque lachrymis eum ad portam vsque prosequuti, nè à cæterorum Conuentuum spirituali consolatione diutius detinerent, accepta benedictione recesserunt.*

*Hinc B. Pater ad Conuentum Rosarij, iumento quodam vinctus pergebat. At vbi eum ad eò extenuatum conspexere Religiosi, extremum vitæ imminere iudicarunt: Idèdque lautiùs solito curare solliciti, nequaquam obtinere poterant; vt à solito suo rigore viuendi remitteret. Exemplo enim huiusmodi insinuabat, qua ratione vsque ad mortem, corpus suum tractare fratres sui deberent: Sicque paucis ibidem diebus in Fratrum visitatione consumptis, ille horum viuendi austeritate consolatus; hi orationum, eius suffragio confisi, ab inuicem separari agrè potuerunt:*

*Perrexit tandem Viciosam, vbi plures dies commorari contigit, dum illuc varij iuuenes ad famam sanctitatis loci conuenissent; vt admitti ad habitus susceptionem impetrarent: Horum itaque spiritu probato ad Institutum, admisit, & cum quibusdam prouectioribus virtute, atque ætate ad excolendos alios Conuentus distribuit; vt vbique & pietatis Magistri, & laborum socij in promptu haberentur: Recreabatur valdè. Vir Sanctus studijs orationis, & interiòris mortificationis, quibus attentos Conuentus huius incolæ seriò videbat, eosquè suo exemplo ad maiora animabat: Sæpè enim videbatur in eremitorio, quod à*

Bethlehem nuncupabant) solitarius, multas horas in contemplatione Dei etiam in aere subleuatus perseuerare; aut lachrymis, & suspirijs diuinam Maiestatem, sanctissimamque eius Matrem exorare. Interdum montem propinquum ascendebat; amoris feruore magis, quàm virium vigore suffultus; ibique longiori oratione, ac contemplatione cum Deo communicans, omnes creaturas alias ad laudem Conditoris ardentem innitabatur, talesque voces subindè edebatur, quæ audientium corda, in diuinos affectus mirificè attraherent.

*Infirmatur in Conuentu Vicijsæ. Cap. 11.*

**I**Nter alias consolationes, quas in superiori loco recepit S. Petrus de Alcantara non inferior erat, quam per literas Custodis Galitiæ P. Michaelis à Catena, & Custodis Valentiniæ P. Alphonsi de Lerena sensit; dum istorum Conuentuum religiosum statum cum his (quos ipse visitarat) perfectione certare intellexit. Nam de nouorum Conuentuum fundatione, pietatis quoque, ac sanctæ paupertatis augmento instructus; videbatur Vir Dei dolorem (quos patiebatur) vim; huius nonitatis consolatione subleuare. Lachrymæ enim, ceteraque indicia, quæ à Religiosis obseruabantur; internam mentis lætitiā indicabant, quam subindè externa etiam ad Fratres exhortatio, vt Deo gratias referrent; & pro futuro Reformationis progressu spem haberent; omnium animos ad depoti Patris solatium erigebat.

Hinc ad Superiorum literas tanto affectu respondit; vt omnes ad perfectionis studium, nouo quasi spiritu inflammarer: Vltra quod filios suos iam morti propinquos, cum præsens non posset, literis tamen visitare, atque amplecti non negligeret. Angebat hæc omnia nuncijs Sanctæ Therese, de possessione suæ fundationis adita die Sancti Bartholomæi; vt cum S. Petro de Alcantara conuentum fuit. Et quod quatuor illæ Virgines ab ipso eruditæ, habitum

Reli-

Religionis, ac noui Instituti suscepissent; summa iucunditate B. Patris animum afficiebant tam foelici rerum successu.

Cùm itaque animo cuncta præsentis vitæ reuolueret, nec sibi superesse quicquam desiderandum, nisi dissolui, & esse cum Christo, seriò pensaret; sæpè à Religiosis suspirando in has voces erumpere auditus fuit: *Principium amabile, & omnis sufficientia mea, quando me accipies; ut totum in te immergas, & transferas, ut nunquam amplius peream? Quando submotis omnibus impedimentis, me facies tuo Spiritui coniunctum; ut à te nunquam possim diuelli.* Et quia sciebat breuè se à Domino exaudìtum iri procurabat paucis illis diebus vitæ (quæ supererant) nouos rigores solitis pœnitentijs adiungere: Sed impeditus à Charitate Religiosorum, qui deficientem viribus prohibebant; in lachrymas distemperans mentis feruorem videbatur amariùs deslere vitæ transactæ negligentias, dum instantiùs repeteret; *Væ mihi seruo inutiles, & nullius fructus.* Quibus verbis, atque affectibus omnium Fratrum corda in se conuerti, & pœnitentiæ, ac paupertatis studia incredibili auiditate amplecti efficacius persuadebat.

Paucis ab hinc diebus S. Petrum de Alcantara acuta febris in lectum prostrauit, cui subuenire opportunis remedijs loci solitudo prohibebat; eòque magis afflitos Religiosos omnes tenebat. Hinc quàm citiùs Comitem Oropefæ de Sancti Viri statu certiore faciant; ut pro affectus pietate carissimo suo Patri spirituali promptius adesset: Nec fefellit opinio, cùm mox aduolans Comes ad pedes B. Patris prostratus rogabat; ut se permitteret ad Palatium suum deferri. Quod licet ipse negaret priùs; diuina tamen cognita voluntate, ut Arenas appropinquaret, vbi sepeliendus erat, preces admisit: Vix tamen alio, quàm iumento vehi voluit; ut molestias pateretur, associantibus sibi prædicto Comite & duobus Fratribus, dum reliqui in Conuentu relictì Sancti Patris vices, & lachrymis, & precibus prosequerentur.

*Accedis Domum Comitiss Oropefa, & qua ibi contingunt,  
Cap. III.*

**P**ervenit itaque S. Petrus de Alcantara ad Comitiss Domum lassus adeò; vt vix non animam trahere videretur: Ibiq; ad cubiculum ornatu præclaro instructum perductus, nequaquam in lecto pretioso decumbere; sed in angulo quodam, ac strato humili quiescere elegit, vbi Altare quoddam præparari supplicauit. Omnibus quidem Sancti Viri debilitas mœrorem augebat, sed eius præsentia, tanquàm de thesauro quodam acquisito, amplius lætabantur: Hinc aduocare Medicos, qui morbi vim declarando, remedia opportuna obedientiæ præcepto iniungebant. Ministrare cibos, qui contrarij solitæ Viri abstinentiæ, magis cruciare, quàm reficere videbantur: Augeri tamen paulisper morbus; ita vt febris ossa etiam penetrans, doloribus totum excruciet. Indè crus intumescens, & in vlcus erumpens, in lecto immobilem detinebat: Accedebat consuetus stomachi dolor, qui nimium auctus interdum loquelam impendiebat; ita vt nulla pars corporis, suo singulari tormento careret. At spiritu gaudens S. Petrus de Alcantara nullum externum doloris, aut quærimoniæ dabat signum: Sed ex ipsis medicamentis, quæ torquebant, motiua solatij capere videbatur.

Maximè autem affligebat S. Petrum de Alcantara, quòd sibi serui à Comitissa permittere cogeretur; dum ipsa omnia proprijs manibus ministrare, atque infimis etiam officijs adfiscere lætabatur. Permisit insuper Deus, quò meritum Serui sui augeret, cum (quia impatientia morbi vinci non poterat) intercà Dæmonum suggestionem ad iram prouocari; ita quòd cæteris omnibus tentationibus superior, aliquo suspirio animum alleuiaret dicendo: *Sis nomen Domini benedictum; fiat Domine, fiat voluntas tua.* In hac verò quasi imparem Diabolus eum succumbere posse putabat, cum ministerio quorundam ex Comitiss famulatu, hoc modo aggrederetur.

Obti-

Obtinuit B. Petrus pro sua humilitate, ab insigni Comitum Charitate; vt hora refectiois sibi à quibusdam eorum domesticis vice Dominorum, qui hoc præstare consueverant, liberius seruiretur. Vnde cum quidam ad hoc seruitium Ephebi Comitum destinati fuissent, qui cibos ad eum deferrent, atque porrigerent: Suggestione quadam diabolica officium quotidianum in irrisionem eius conuertere incœperunt; ita quod aut actiones eius irridentes, aut doctrinas (quas dictabat) salutes subsannantes, contemptum potius ac conuicia, quàm refectioem aut solatium eidem præstarent. Quæ omnia diu magno, ac patienti animo sufferendo S. Petrus, nunquam de his iniurijs apud aliquem conqueri, nec serenitatem vultus, aut animi tranquillitatem mutare, vllò modo visus fuit; itaut præ cæterorum dolorum, ac ægritudinis tolerantia singularis hæc (quam à Dæmone sibi intentari cognouerat) magnam virtutis suæ coronam addidisse, post mortem eius vel ipsi iuvenes confessi fuerint; dum rem ritè enarrando admirari se dicebant, quomodo ipsi talia tunc ausi in domo Domini sui, singularem Viri reuerentiam in tot opprobria tam inconsideratè conuertere præsumpssissent. Quod nisi ab aliqua vehementi Dæmonis suggestione fieri potuisset, communi omnium opinione ad probandam S. Petri de Alcantara constantiam, conclusum fuit.

Manfit in hoc statu B. Pater per aliquot dies in præfata Domo Comitum de Oropefa; assidua vtriusque Coniugis assistentia honoratus. Quibus ille varia spiritualia documenta suggerendo & affectum rapiebat ad cœlestia, & alios quoque prouocabat ad pietatem; dum pro animæ suæ salute consilia exquirerent, & benedictionem frequenter, ac deuotè peterent. Admirabantur quidem omnes, quod tali rerum statu B. Petrus singulis satisfacere tum in consulendo, tum in erudiendo ritè posset; sed multò magis ad patientiam eius stupefacti, ad morum correctionem, & mundanorum casuum patientiam tam mirabili exemplo animari videbantur, dum compuncti recederent.



*Defertur S. Petrus de Alcantara ad Conuentum de Arenas, ubi creuit infirmitas eius ad mortem. Cap. IV.*

**Q**uamuis omnia humana remedia deuoti Comes, ac coniunx eius S. Petro studiosè adhiberi curarent, videbatur tamen intereà febris serpendo secretiùs, vitam minuire: Vndè cognoscens paucos sibi dies superesse, instabat ad Conuentum de Arenas transferri; vt inter manus suorum Fratrum humili, ac deuoto loco moreretur. Cui licet obstarent Comites, metu alicuius sinistri successus itinerare; tamen cùm ei id futurum neganti credidissent, ægrè ac cum summo dolore, à se dimittere voluerunt: Aduocatis itaque à Conuentu Rosarij duobus socijs, & Comitissa discessum Viri Sancti deplorante, S. Petrum de Alcantara iumento impositum, ipse Comes cum Medico deducere ad Conuentum, summa pietate suscepit. Hinc data benedictione deuotæ benefactrici, ac numeroso Populo, qui ad videndum S. Petrum confluerat; Oiopesa discedens sustentantibus se duobus Religiosis, ac Comite, cum Medico associantibus, ad Conuentum Arenarum sine vllò nouo morbi accidente peruenit.

Hic Religiosorum mixto cum dolore gaudio exceptus, petijt trium, vel quatuor dierum requiem; vt se solus recolligeret, nullum aliud, præter orationis solatium admitrens: Vbi insolitis à Deo fauoribus visitatum, non ineptè Religiosi iudicarunt. Postea Guardiani præcepto, vt Medicorum consilio obsequeretur, ad locum Conuentui propinquum (vbi infirmi curabantur) delatus, humili strato impetu quodam iniectus, quietem appetere indicabat; sicque omnibus vitæ longioris spem præscindens, reliquum Medicorum curæ permisit: Et licet ipse nihil sibi profuturum ad sanitatem intelligeret; obedientiæ tamen, ac naturalis debiti persuasione, etiam cum cruciatu curationis asperitatem tolerabat, quò extremum etiam vitæ inter tormenta claudere posset. Nec omisit proptereà diuini Offi-

cij penſum exoluere, cùm ſingulis diebus maxima cum deuotione Horas recitare conabatur, animi interiore affectum lachrymis offendens; & interdum flammam diuini amoris, magis quàm febris, quæ vitam conſumabat, eructans; prouocabat cœleſtes Spiritus huiusmodi vocibus: *Vos Seraphini, qui Cælos accenditis ſicut & terram vſtro amore; nè deſeratis humile hoc & miſeraçile cor meum.*

Quatuor circiter ante obitum diebus, Magiſter Daza, de infirmitate eius ſollicitus, literas quaſdam D. Franciſci de Salzedo citus attulit; vt oretenùs etiam quædam alia, conferret. Relatum itaque S. Commiſſario fuit, quomodò Sanctæ Thereſiæ nouę difficultates obijciebantur, pro Sanctæ paupertatis negotio, quod ſuſtinebat; & S. Petrum valdè affligebant: Vndè cum morbi vi præpeditus, pro remedio (cui hætenùs quamplurima præſtiterat) Auilam ire non poſſet; epiſtolam (quo meliori modo potuit) ad Thereſiam ſcribit, in qua ad propoſiti perſeuerantiam in paupertatis deſenſione, mirabiliter extimulat; addendo inſuper aſſeueranter poſt breue tempus, omnes illas oppoſitiones fœliciter terminandas, ac omninò irritas fore. Ad hæc inſtruxit quoque Dazam, qua ratione quorundam animos Sanctæ paupertati maximè aduerſos demulceret, ſpondens ſe quoque eandem rem in memoria habiturum; quemadmodum etiam poſt mortem experientia comprobauit: Sic igitur toto vitæ tempore S. Petrus de Aleantara ſe zelantiſſimū Inſtituti Sanctæ Thereſiæ promotorem demonſtrauit, dum ſanctæ paupertatis deſenſionem ſuſcipiens, atque vltima manu protegendò, cuncta propria alienæ ſollicitudini poſtponeret; nec ideò à Dei continua conuerſatione vacaret.

*De ſalutaribus quibuſdam documentis, quæ in hac infirmitate dictabat, & inſigni patientia.*

Cap. V.

**P**oſtquàm fama mortalem B. Patris infirmitatem Arenis, & in vicinis terris diuulgaffet; confluxere vndiquè Populi

puli ad videndum, ac audiendum eum, cuius venerationem affectu tenebant: Itaque ille omnes quantum morbus permisit, alijs virtutum regulas dictando, alijs seculi contemptum persuadendo, alijs aduersorum tolerantiam spe æternorum præmiorum commendando: Sic ut omnes ad amorem Pœnitentiæ accensi, ac in deuotione erga Dei Seruum confirmati; præclaros ex eius monitis virtutum fructus colligerent; & ipse admirandi suæ zelî pro animarum conuersione, fidem certissimam vsque ad vltimum spiritum manifestè redderet. Idem præstitit absentibus suis deuotis, ac suis Fratribus, quorum literis aliàs monitis spiritualibus plenas rescripsit, aliorum ædificationem propriæ quieti postponens; licet quotidie eandem Deo approximaret arctius: His omnibus propinquiores fuerant eius Religiosi, qui pietatis affectu cum ad medicinæ vsus animabant, quò multorum utilitati spirituali diutius prodesset; si verò eum monentem audiebant: *Sinite Filij, & fratres, ut terra suo officio fungatur; remedia tarda sunt nimis; & si quadam resipio, ad nihilum vltra valent, quàm ut tormenta mea producant: Non præendo in his doloribus vires corporis absorbere; sed gratiam Dei acquirere.* Interdum sic differebat: *Natura ea, quæ gratia contraria sunt, appetis; idè dum viuunt, periculum imminet, & sic vsque ad mortem semper vigilandum erit.* Videte Filij, quantam nobis sollicitudinem Sancti commendunt, & quàm parum de vobis considendum sit: Respicite magnum illum sanctitate Paulum, in gratia confirmatum; quomodo à sensualitatis bestia sibi timebas, cum corpus affligeres, dicens: *Sentio aliam legem in membris meis repugnantem legi mentis meæ. Cui si hoc contingit, quid mihi non timendum erit, qui tanta securitate plane carco?* Non licet in hac vita corpori indulgere propter periculum, quod affert secum; nec remedia necessaria videntur, cum ampliùs iuuare non possunt.

Ad hæc verba Religiosos in planctum diffusis sic solabatur. *Qua hæc vestra angustia est Filij? Quis dolor vos tenet? Nolite obitum meum plangere: Tempus enim adest, quò diuina Misericordia immensa mei miserebitur, & spero quò vestri non obliui-*

*obtiniscetur . Ego hic ultra necessarius non sum . Ipsi verò teneriori affectu commoti instare vltcriùs , vt à Deo longiorem vitam precibus obtineret ; quò meliùs Conuentus suos contra tot oppositores firmaret , atque in perfectione Obseruantia influeret : At S. Petrus interno affectu , voce submissa , sic in Cœlum orationem vertere auditus fuit ; Domine , & Deus meus , si ampliùs pro hac hereditate tua necessarius sum , & tibi placitum fueris , vt pro nouis laboribus viuam ; fiat in me sancta voluntas tua ; Pati enim non recusò , modò ita tibi placeam .*

Non omittebant interea Medici diligentem eius curam , agere , applicando remedia præsertim auri , quod maiori eum dolore excruciatum ; Nec ipse etiam pro febris ardore aquam admittere visus fuit , quò in omnibus torqueri se sentiret ; prout toto vitæ tempore assueuerat . Hinc quodam die persona quædam huius loci deuota cubiculum ingressa , benedictionem eius postulabat : Cui ille monitis salutaribus respondens , cum singulari adstantium consolatione videbatur pro sitis ariditate , verba profere non posse . Itaque egrediens persona illa , & aquam frigidam apportans , rogabat ; vt tã ingenti necessitati succurreret : S. Petrus de Alcantara verò vase de manu amici accepto , vt affectu compensaret , dum vltcriùs ori admoüendo oculos in Crucifixi imaginem intendit ; sitis (quam Saluator passus fuit) memor , illud eidem in holocaustum obtulit , nec guttam quidem degustans amico reddendo , subdit ; *Sit propter amorem Dei , ipse hanc vobis charitatem reddere dignetur .* Sicque fixis in lateris vulnus oculis diù persistens , omnium in se admirationem , atque deuotionem conuertit .

*Visitatùr à Christo Domino , & eius sanctissima Matre , & alijs Sanctis ; & de quadam concione ad Fratres habita . Cap. VI .*

**I**Nter hos corporis cruciatus singulares fauores Deus animæ B. Patris communicabat , dum longo interdum ,  
mentis

mentis excessu noctes transigens in altissima contemplatione colloquia cum Deo & Sanctis suis misceret; quæ à Religiosis ex splendore cuiusdam lucis insuetæ, dignosci poterant. Interdum etiam ex verbis, quæ hinc inde miscebantur, Sacerdotum cum ipso commercia audire quibusdam concessum fuit: Singulariter verò quadam vice cum à Christo, ac Matre eius Sanctissima, & Sancto Ioanne Euangelista visitari ex insolito apparitionis splendore, atque interrogationum vicissitudine illorum præsentiam distinctius concluderent. Cuius equidem tam sanctæ conuersationis delicias exprimere, nobis negatum est; sicut Religiosis præsentibus id tantum constare potuit magnas fuisse, ex eo quod S. Petrus de Alcantara sæpè priuatim conquereretur, se adhuc per aliquot dies in hoc mundano carcere detinendum esse.

Nec interea charitatis Fratrum immemor, absentes aliquot senes ad se venire mandauit; ut cum his ultimos sermones haberet, qui in futurum nouo Instituto conseruando prodesse. Confluxere itaque ex propinquis Conuentibus, tam vocati, quam alij, quibus videndi postremo Patris, ac benedictionis eius accipiendæ cupiditas allèxit: Quibus quidem sic adunatis cœpit Vir Sanctus priora Dei beneficia commemorare tam in vocatione, quam sustentatione mirabili, addendo obligationem strictam, qua Deo tenebantur tum in obseruatione regulæ, tum in orationis ac mortificationis exercitijs; quibus ad imitationem sui Institutoris, ac Patris S. Francisci maximopere incumbendum esset. Super omnia verò paupertatem eis iteratò commendabat, dicens: *Filij paupertatem vobis iniungo; filij paupertas nobis à Christo relicta fuit pro hereditate, quia natus in Præsepio, mortuus est in Cruce. Hanc etiam P. Franciscus commendauit: Viuite ut pauperes & peregrini in hoc Mundo. Ah quod illi, qui plura desiderauerint, multò pauciora inuenient, quam qua inuenire desiderant.*

Exhortabatur quoque ad orationis exercitium dicens: *Oratio filij, vestrum quotidianum sit exercitium, hoc vobis iniungo tanquam cæterarum virtutum fundamentum, ad quarum exerci-*

*exercitia tenemini: In Deo omnem curam vestram ponite, & cum omni fidelitate, seruite ei, ipse vos enutriet. Loquor vobis per experientiam, dum nunquam in vanum spes mea secesserunt, quas in Domino posui: Non vos detexerat Vita asperitas, quam elegistis; nec videatur difficilis via Crucis, quam tenens. Anime mini pro Deo ardua aggredi; ipse enim vos iuvabit: Affuescite penitentia, & Regula Seraphica vestrarum sit actionum speculū; & consolentur vobis in omni tribulatione verba S. P. N. Francisci, quibus filios suos hortabatur: Magna promissimus; sed maiora promissa sunt nobis.*

Hæc & similia tanto spiritus fervore filijs suis S. Petrus, de Alcantara dictabat, ut firmiter mentibus eorum impressa, ad perfectionis studium mirabiliter accenderent. Alia insuper senioribus, pro conservatione, atque augmento discipline, suggessit; ac tandem omnibus benedicendo à se dimisit.

Die Veneris subsequenti circa horam Completorii, crescentibus notabiliter doloribus; Sanctissimum Viaticum expertijt: Medicus verò (qui aderat) differri illud usque in crastinum diem, posse monuit; cui ipse respondit: *Erat in Dei nomine, cuius in omnibus voluntas sit benedicta; finite me solum.* Erant in eodem angusto cubiculo multi Seculares, quibus cateruatim accedentibus benedictionem dabat; ut sic consolati recederent: Tandemquè omnibus exclusis, integram quasi noctem in oratione transegit; dum interim suspiria edens, audiebatur se ipsum accusare, tanquam ingratum & peccatorem, præteritorum defectuum veniam cum lachrymis petens. Quæ sanè Viri innocentis accusatio & dolor, cæterorum Fratrum compunctionem, & humilitatis confusionem elicit.

Circa mediam noctem socius cubiculum ingressus, ut pro more secum Officium persolveret; quo recitato iterum in contemplatione perseverans, audiebatur ad sacram Communionem præparare. Sæpius *Miserere mei Deus* repetens, verba *Amplius lava me ab iniquitate mea*, voce vehementiori intonabat: Magnaque compunctione dicebat, *Munda me*



*Domine magis, magisque; ut mundus coram altissima præsencia vestra appaream; à qua nulla res nisi pura recipitur. Mox paulisper subtrahendo, repetebat fortius: Deus meus, & Dominus meus, castiga me si vis, sed cum misericordia; quia per merita Sanctissime Passionis tue saluari confido.*

*Recipit sanctissimum Viaticum, & extremam Vnctionem, atque horam mortis prædicat, Cap. VII.*

**D**ie Sabbathi valdè manè accessit Parochus loci cum alijs Sacerdotibus; ut inuiserent, ac quærerent; an Viaticum afferri vellent: Cui S. Petrus de Alcantara impatiens inoræ, *ita Domine; diuinam Maiestatem expecto*, respondit. Interea Altare quoddam decenter preparatur prope cilius stratum; ipseque solitis suspirijs & affectibus, varios ex Davidicis Psalmis versiculos repetere intelligebatur, quibus animam accendens; in suauissimam extasim rapitur.

Diuulgata hæc fama confluit ingens incolarum numerus, ut B. Patri in hoc ultimo vitæ officio obsequeretur. Dein Parochus, ut primus cubiculum ingreditur, vidit S. Petrum iam ab extasi ad se reuersum impetu quodam spiritus; licet viribus impotentem sursum ferri; & genibus flexis sanctissimam Eucharistiam apertis oculis, ac lachrymantibus adorare: Sicque pectus fortiter tundens, deuoto affectu iterabat, *Domine non sum dignus*, quasi aperire pectus optaret; ut inter cor suum Dominum reciperet. Quo recepto impetum spiritus refrænans; iterum recubuit; & facie serena admirationem omnibus prouocabat, ac deuotionem: Interrogatus proinde à Parocho, an extremæ Vnctionis Sacramentum afferri optaret pro anima magis roboranda? Cui ipse, *ita Domine, Dominatio vestra afferat suo tempore; quia ut Christianus hoc Sacramentum peto*; sicque cuncti recedentes, vnionē Serui Dei (quam tunc cum Deo habebat) ultra turbare non sunt ausi. Itaque ipse Deum ardentè inuocando; ac pietatis affectibus amplexando, per iucundam extasim primitiis futuræ gloriæ degustare coepit; atque exiguum quod restabat

bat vitæ tempus per reuelationem cognoscere.

His tam felicibus nuncijs post aliquod spacium ad se reuerſus, à Medico quærebat; quantum adhuc ſibi vitæ ſuperſeſſe crederet: Et accepto reſponſo parum id eſſe, vultu hilari verba hæc Pſalmiſtæ proferre, viſus fuit: *Latatus ſum in his, quæ dicta ſunt mihi; in Domum Domini ibimus.* Intereâ tamen ſolitis doloribus cruciatus, nunquàm aut animum, aut vultum mutare viſus eſt; ſed propter internam ſpiritus conſolationem, iſtantiſ gloriæ externa quædam velut indicia prodere.

Circa Veſperam reuerſus Pærochus, aliquandùm cum eo conuerſatus, obtulit ſe neceſſitate urgente Sacramentum extremæ Vnctionis miniſtraturum: Cui S. Petrus animaduertens eiſuſpicionem, ne intentionem mors præueniret, reſpondit: *Eat Deminatio veſtra, canet, & quieſcat ſine metu; expedet ipſam, cræſſino die hora quarta.* (quæ more Italico dicitur, decima) cum extrema Vnctione, quia uſque ad ſextam (quæ ſecundum Italicum horologium eſt duodecima) adhuc vitam habebo.

Maiores huius noſtis partem in contemplatione tranſegit, quando circa Matutini horam, vocauit Religioſos; vt ipſi aſſiſterent: Nec dici poteſt, quanta deuotione cum ipſis Officiũ perſoluit; tum quia vltimum, tum quia feſtum, imminēbat Euangeliftæ Sancti Lucæ. Dein diſmiſſis Fratribus, quibus ſemper aliqua documenta ſalutaria ſuggerebat, ad contemplationem ſe recollegit per duas integras horas; ubi varios ex Dauidicis Pſalmis verſiculos proferens animam ſuam deuotè recreabat, & inter alios: *Auxilium meum à Domino, qui ſecit Cælum & terram: Dominus firmamentum meum, & refugium meum, & liberator meus: Deus meus, Adiutor meus, & ſperabo in eum.* His alijs quaſdam aspirationes adiungens dicebat: *In te Deus meus omnem ſiluciam meam toto vitæ tempore poſui, & ſpero in hac hora theſauro meo frui, ad quem ſemper cor meum direxi.* Sicque animam recreans, corporis cruciatus quaſi vincebat; ita vt aſſiſtentibus Fratribus tenerum pietatis ſenſũ ſuauiſter extorqueret.

Hora autem quarta, & more Romano decima appropinquante, accessit Parochus cum extrema Vnctione, ab alijs Sacerdotibus, ac deuotis secularibus comitatus: Iamque orationem solitam cum caeremonijs incipiens; audiuit S. Petrum tanquam sanum valde attentè ad singula sibi respondentem. Dein cum gratijs Parocho expedito, ad Fratres suos conuersus & Crucifixum intuens, videbatur eius similitudinem exoptare, quem nudum in Cruce mori aspiciebat: Hinc spiritus quodam impetu habitu se spolians, consignauit Guardiano, humiliter supplicando; vt sibi viliorem concederet; in quo sepeliri posset, simulque deprecando molestias, quas omnibus creauerat aut offensas, quas imprudenter commisisset.

Stupebant ad hoc spectaculum Fratres conspicientes Virum tantæ virtutis & pœnitentiæ signis opertum, culparum veniam postulantem tanquam criminis reum; quod nullum commiserat; indeque in seipsos conuerti; & vitæ suæ rationes exquirere, atque ad pœnitentiæ imitationem exstimulare. Et quia alius habitus inueniri non poterat deterior, à Guardiano pro eleemosina suus illi redditus fuit; quem ipse cum gratiarum actione recipiens, paupertatis singularem obseruantiam Fratribus insinuauit.

Interim autem dum nudus, ac in terra genibus flexis corâ Fratribus adlisterbat, Fr. Gasparus à Sancto Iosepho charitate motus corpus eius iam quasi emortuum tangens; monuit; *vt super fratrum decumbens caleferi procuraret.* Ad quem S. Commissarius: *Sine me fili, nec corpori meo molestus sis; quia adhuc periculum timeo.* Indicans quanta semper custodia puritatem corporis sui sepisisset; dum nec etiam morti proximus illud vel leuiter tangi permitteret à carissimo suo Discipulo; pietatisque alumno strenuissimo.

*Defalici S. Petri de Alcantara transitu, & apparitione facta  
Sancta Theresia. Cap. VIII.*

**S**Upremæ iam horæ proximus S. Petrus, rogauit Guardianum; ut cum cæteris Religiosis orationes sibi recitaret, quas pro animæ commendatione Ecclesia destinauit: Quibus ipse deuotè respondens, hoc officium deuotè expleuit; licet voce deficiens. At mirabili quadam virtute robatus, mirabiles de vitæ huius fallacijs sententias eruans; ac tandem voce magis sonora, quasi sui oblitus, ad suos Fratres sic loqui auditus fuit. *Filij mei, in hac ultima hora repeto vobis ea, quæ sæpius inculcaui de sancta paupertate, quam vobis iniungo quantum possum; quia pauperum spiritus Regnum est Cælorum. Solliciti estote in obseruatione illius, quod edocti estis à me; nec grauius vobis videantur Regula, Institutique precepta: Lenis enim labor est, & premium infinitum, ac æternum. Si persëueraueritis usque in finem, Pater vester cælestis Regnum vobis promittit Cælorum: Vitam vestram ad Christi exemplar instituite, omnis vestra sollicitudo pro animarum salute intendatur; vnde doctrina vestra eas Deo lucremini, & exemplo viam ad Cælum monstratis. Sit conuersatio vestra inter Angelorum Choros, sum his in oratione seruite Domino; hæc enim omnium virtutum aurifodina erit: Fælices vos dicam, si hanc doctrinam meam seraueritis, aliosque Fratres vestros obseruare feceritis: vniatque in vobis semper amor Christi Domini nostri, sic enim in vobis vixit ipse.*

Post hos sermones omnes deuoto affectu amplexatus, & leuatis in Cælum oculis, in nomine Sanctissimæ Trinitatis ex parte P. Francisci benedicens, orationibus eorum se diligenter commendauit. At Filij Patris transitum profusis lachrymis præuenientes, ita ab eo consolati fuere: *Ne ploretis Filij, decessum meum; nam adest hora, qua mei miserebitur Deus, nec vestri obliuiscetur.* Dum igitur vitæ terminum intrepidus expectabat, & vultus serenitas tranquillitatem animi indicabat; ad Psalmum *Miserere* ritè respondens, sæpius tam-

quam

quàm peccator maximus verba illa, *Amplius laua me Domine*, intenso affectu iterabat. Quo finito aliquantisper in contemplatione suspensus, meruit à Sanctissima Virgine, Sancto Ioanne Euangelista, multisque Angelis visitari, qui innocentem illius animam in Cœlum deferrent: Quos ipse oculis animæ conspiciens, nec ulterius intra se continere valens spiritus feruorem, in illa verba prorupit: *Frates mei, non videtis hic adesse Sanctissimam Trinitatem gloriosissimam, Virginem Mariam Dominam meam, & Sanctum Ioannem Euangelistam*. Itaque spiritus impetu in altissima contemplatione immersus, inde viribus ulterius auctus velut Christi verus Assecla. (pio vt potuit) se in genua erexit, crucifixi Saluatoris effigiem sibi met ob oculos posuit, affectus cordis orationibus iaculatorijs protulit, atque Psalmum: *Voce mea ad Dominum clamavi*, attentius recitauit, vnde omnes hinc assistentes stupor incescit, videntes virum cum morte colluctantem extrema sine dolore pati, & potius delicias Paradisi, supremis velut labijs prægustare: Tandem sic in genua prouolutus in medio Fratrum suorum illi tunc adstantium, cum ad verba illa peruenisset, *Me expectant Iusti, donec retribuas mihi*, videbatur quasi vocationi Dei, & Sanctorum morem gerens, suavi & Angelica voce sic respondere: *Edatus sum in his, quæ dicta sunt mihi in Domum Domini ibimus*. Nec multum interfuit, quod ipse sic humi genas flexus despiranti similis, Deo animam exhalaret hora diei sextæ, nimirum Italiæ duodecimæ, velut alias prædixerat, die Dominica, festo Sancti Lucæ solemnî, decimo octauo mensis Octobris, Anno Saluationis 1562. ætatis 63. Fol. 109

Superius à nobis dictum remanet, Sanctæ Theresiæ reuelatum fuisse, illam postremum vitæ S. Petri de Alcantara annum futurum; licet dies præfixus non constaret: Itaque post acceptam ei epistolam, in qua præsentis morbi discrimen nunciabat, anxia Virgo expectabat rerum exitum intelligere; quàmuis optasset magis ei vitam prolongari, vt nouis difficultatibus (quæ operi suo obstabant) adhuc occurreret. Fol. 110

Dum

Dum igitur prædicta Dominica, oratione absorpta in cella recludebatur, vidit Sanctum Virum ad se ingredientem Solis instar radiantem; ita ut formæ maiestatem se explicare non posses ipsa Sancta fateatur. Stupore igitur petculsa sic ipsum alloquuta fuit: *Quid hoc est Pater mi?* responsum accepit: *Vado ad requiem meam.* Undè maximo perfusa gaudio, intellexit beatam illam animam Paradisi delicias petere; & deinde de quibusdam alijs ad Institutum suum pertinentibus interrogans, omnium resolutionem integram accepit; atque ad perseverantiam ab eodem fuit animata: Subiunxit quoque S. Petrus, quomodo potentia animæ suæ participes factæ fuerant in illo instanti supremæ illius gloriæ. Explicavit insuper gloriæ eiusdem sublimitatem, quam ob virtutem poenitentia adeptus erat, cuius præmia micis encomijs celebrabat; ita ut in hæc verba prorumperet: *O fortunata Poenitentia, cui tantum concessum est premium;* sicque postquam Sanctam confortasset in Dei servitio, ab eadem visus fuit Coelos penetrare mirabili splendore circumdatus, nec Purgatorium aliquo modo tetigisse; Post hanc visionem ipsa sibi dissidens, & præ nimia humilitate talibus indignam se iudicans, Confessori suo, atque D. Francisco de Salzedo eandem citius aperuit; quibus etiam rei veritas tunc, maximè persuasa fuit, cum post octiduum mortis S. Petri hora nunciata fuit; quæ cum apparitionis puncto à Theresia relata, mirè convenisse noscebatur.

*De his, quæ in Sancti Viri funere contigerunt.*

## Cap. IX.

**A**T cum felicem illam animam Creatori suo tradidit S. Petrus, de Alcantara corpus eius inter brachia Discipulorum genibus inflexum, oculisque in Coelum defixis, sustineri visum fuit. In eubiculo fragrans odor omnes recreabat, & splendor lucidissimus illustrabat habitaculum. Præterea suavis quidam sonus, quem cœlitus Ange-

lorum



lorum Chori formasse credebantur, omnes in stuporem rapiebant, magnumque ex Viri obitu omnium moerorem, aliqua ratione temperabat: Creuit verò magis omnium admiratio, cum corpus Solis ardore adustum, atque macerationum tormentis liuidum, ita vt truncum arboris exprimeret; visum fuit velut reuirescere, colore rubescens atque candescens, ita quòd aspectu gratiosum tractari instar infantis corpusculum posset. Maximè tamen in facie splendor, qui coeleste quid referebat, & in oculis apertis duabus stellis similibus, singulariter rutilabat; quasi in præmium admirandæ in vita custodiæ visus S. Petrus hoc sibi mortuo, à Deo concedi meruisset.

Percrebuerat hic mortis rumor per vicina loca, & omnes sine discrimine ad locum (vbi iacebat corpus) citò conuocauit; nec detineri poterant, quin ad venerationem sacri corporis deuotius procumberent: Ex quo necessum fuit loci Gubernatori (nè quid sinistri succederet) excubias ad portam domus destinare; compositoque cadauere, in omnium conspectu, extra portam loco eminentiori exponere. Exin omnis Populus vocibus, ac suspirijs Deum laudando, Sancti merita celebrabat altissimè, dum quidam miracula, alij beneficia spiritualia, alij multas singularesque Viri virtutes enarrabant; omnes tamen prostrati, auxilium eius, tanquam amici Dei in Coelis regnantis instantissimè implorabant; Nobiliores à Fratribus reliquias postulabant, quibus cum nihil esset (quod daretur) necessum fuit ex habitu particulas præscindere, quas per manus custodum, ad insigniores trans mittebant, quòd ex parte deuotioni satisfacerent.

Interea placuit Deo virtutem Serui sui varijs miraculis illustrare, dum multi infirmi ad contactum sacri pignoris, alij inuocando Sancti patrocini in grabatis, confestim sanarentur: Post hæc Processio ordinata, quæ funus ad Ecclesiam Patrum Discalceatorum distantem ab Oppido per duo milliaria, efferret; nec quisquam ab hoc officio abesse voluit. Itaque Confratres Ecclesiæ Parochialis cum

cum facibus accensis, Capitulum & reliquus Clerus cum candelis, Gubernator cum nobilioribus, ceteroque Populo; cuncti cum luminibus ad locum Valetudinarij concurrebant: Erat tunc tempus adeò pluuijs importunum; vt quantò diutius expectaretur, quòd cessassent, tantò magis imber, ventusque inualefcerent. Itaque quoniam dies declinabat, & Religiosi suspicabantur corpus à piorum manibus illa nocte seruari non posse; ideò consultum iudicabant, quocunque modo, ad Conuentum transferre.

Dum igitur hæc meditantur, deuotus quidam ad portandum cadauer spontè oblati, quia oculos defuncti adeò lucidos conspexerat, monuit Fratres; vt vultum saltem velarent, quia nullo studio oculi claudi poterant: Nec tamen auditus fuit, quòd locus daretur omnium deuotioni, cum liberius intuendi. Sicque ordine omnes procedendo, neque vento, neque imbre furente ab officio deterrebantur; donec elato in publicum cadauere, visa fuit confestim cessare pluuia, ventus minui, nec quisquam aliquo modo offendi; licet in circuitu vndique cuncta perstreperent: Hoc itaque percussus stupore, se non maderieri, nec luminaria extinguï, pro maiori Sancti gloria omnes interpretabantur.

Peruentum tandem ad Conuentum, ex quo aliquot Religiosi cum cruce, & luminarijs obuiam venientes; cadauer in Ecclesia super nudam humum deponunt, Psalmos decantant, ceteraque peragunt, quæ Ecclesiæ ritus pietati suggerit fidelium, licet strepitu, ac deuotione incurfantium turbarentur. Mox aperta propè Altare maius sepultura, eidemque corpore immisso, terram more suo ingerunt; quàmuis multorum precibus monerentur, corpus in loco honoratiori condere. Interea dum quisque terram, ac sepulchrum contingere, & se Sancto commendare contendunt, nox ingruerat; & pluuiæ (quæ priùs cessarant) iterùm copiosiores cadebant, vsque dum multitudo (quæ cum funere accesserat) domum regrediens, videret renouari priùs miraculum, & cessare imbrem, nè quemquam illorum attingeret; quàmuis in circuitu cuncta maderent.

Sicque glorificans Deum in Seruo suo mirabilem prædica-  
bat ; quod eius merita his signis illustrare cœpisset : Quibus  
etiam præ cæteris mirandis , illud quoque accessisse nota-  
batur ; quòd cæra (quæ tota illa die in funere arserat) in-  
pondere nihil defecisse inueniretur , licet & tempore , & vè-  
to consumi contigisset

Paulò post vulgata mortis huius fama ab Illustribus Hi-  
spaniarum , mirabilia S. Petri de Alcantara ab omnibus pu-  
blicari cœperunt ; referente quolibet quid sibi contigisset .  
Mox quamplurimi ad sepulchrum eius concurrere , pleriq;  
instantissime protectioni eius se deuouere , quæ iam in Cœlis  
regnare certissime sibi persuadebant .

*Quomodò iterùm manifestatur gloria S. Petri de Al-  
cantara Sanctæ Matri Theresiæ, & alijs deuotis.*

*Cap. X.*

**V**Exabatur adhuc quotidie Sancta Theresia à contradi-  
ctoribus sanctæ paupertatis , quam in suo Instituto pro-  
fiteri intendebat : Idèò pro eius solatio placuit Deo , vt in-  
ter has angustias ei spectanda sese offerret gloria , qua in  
Cœlo Magistrum suum diuina Benignitas coronauerat . Hinc  
quadam die in oratione suspensa , apparuit ei inter Cœlos  
apertos S. Petrus de Alcantara circumdatus splendore , qui  
Solem vincebat ; indutus veste pretiosissima , & pallio pluri-  
mis , leuissimisque margaritis intexto : Sedebat quoque in  
throno christallino miro artificio elaborato , cui adstebant  
quàmplurimi Spiritus Angelici . Ex qua apparitione , & S. Petri  
documentis supra modum confortatam se sensit Theresia :  
Eandem post anni spatium retulit deuotæ cuidam Religio-  
sæ , cum summa B. Patris merita recenseret ; & quomodò  
nunciatum sibi fuit , quòd patrocinio eius se commendans  
in quacumque necessitate , opem promptiorem experiretur .  
Narrauit & suo Confessario , cum præ timore manifestandi  
faues (quos sibi Deus faciebat) his tantum verbis expres-  
sit : *Manifestauit eum mihi Deus cum gloria quasi immensa .*

*Appa-*

Apparuit quoque S. Petrus de Alcantara Thereſiæ alia quadam occasione hoc modo . Commota erat quaſi tota Ciuitas, & concilium celebrabant principiliores literati, atque Prælati Religionum ; ſtatuendo non conuenire duodecim mulieres in Monafterio ſine aliquibus certis redditibus includi : Vndè neceſſarium Magiſtro Dazæ (cui curam ac deſenſionem Sanctæ Petrus demandarat) ad Conſilium Regium appellare , nomine Monacharum Diſcalceatarum ; quò ſic ſententiæ rigorem declinaret . Pergebat itaque conſeſſum Madritum D. Gundifaluus de Aranda ; vt Regium decretum eiſdem propitium obtineret : Sancta verò tempori cedere conuenientiùs rata , obſtinationique tam inſignium Virorum non obſiſtens ; animo firmiter ſeruabat (ceſſantibus turbulentijs) omnibus redditibus renunciare . Et interea moriens D. Franciſcum de Salzedo, & Magiſtrum Dazam vt cuncta pro libitu diſponerent ; quia ſequenti die négocium terminare proponebat : At eadem nocte apparens ei glorioſus Pater , obiurgabat humanam hanc prudentiam , ac puſillanimitatem , quæ ei tale conſilium ſuggeſſerat ; dum aliquoties ipſe declaraffet , aliam voluntatem Dei eſſe, contra quã illa opiniones hominum præferre videbatur .

Refert hæc Sancta cap. 36. eius vitæ talibus verbis . Ego adeò affligebar laboribus eorum , qui me adinuabant ; vt mihi non importunum videretur ( dum res ſe in meliùs componerent ) admittere aliquos redditus, quos poſtea dimitterem . Itaque dum eadem nocte in oratione perſeuerarem , cùm negocium terminari debebat , dixit mihi Dominus ; nè tale quid facerem : Eadem quoque nocte apparuit mihi Sanctus Frater Petrus de Alcantara iam deſunctus ; qui antè mortem mihi ſcripſerat ; quomodo ipſi conſtabat de contraditionibus , & perſecutionibus , quas ſuſtinebamus , & quòd gaudebat ſatis foundationem hanc talia pati ; eò quòd ſignum eſſet , Deo maximè hoc Monafterium gratum fore , dum Sathanas ſic omnes vires intendebat pro eius impedimento . Iam aliàs bis eum videram , & inſignem gloriam , qua fruebatur ; & ſic nullum mihi timorem incuſſit : Nam ſemper in ſpecie corporis gloriſicati , mihi apparuit plenus magna luce , quæ me

*etiam consolabatur. Aliud non dico, nisi quòd hac vice seuerum se mihi offendit, dicendos quòd nullo modo redditus acceptarem, addendo quare nollem consilia eius sequi? & mox disparuit. Sic Sancta die sequenti vocari fecit Magistrum Dazam, & Franciscum de Salzedo; quibus significabat se prioris propositi pœnitere, nec in illo ampliùs quodcunque humanum consilium admittere velle: Itaque suasioni Sancti Patris adhærens, post exiguum tempus omnibus tempestatibus superatis, redijt ad suum Monasterium, & Institutum, (quod cœperat) singulari totius Ciuitatis applausu continuauit.*

Inter alios insuper, quos S. Petri mors mærore ingenti affecerat; duo Nobiles erant Ciuitatis Alcantaræ, spiritus ac doctrinæ eius Discipuli: Quibus etiam viuus, ac longè absens in magna quadam afflictione (vt supra narratum, est) mirè præsens adfuit. Itaque cognita eiusdem morte, lachrymis & supplicationibus eius continuam tutelam implorabant: Vndè quadam die dum mœsti varijs scrupulis exagitarentur, apparuit eis S. Petrus de Alcantara, pacem annuncians; & cætera (quæ proponebant dubia) clarissimè elucidans; hortando vt præsentis, ac futuræ vitæ comparatione conscientias serenarent; ac monitis salutaribus insistendo, timorem Dei sollicitè vsque in finem conseruarent: Sicque maximè consolatos reliquit. Idem alijs diuersis in locis præstitisse perhibetur; præcipuè verò his, quibus orationis exercitium magis familiare erat, efficacius (quàm cùm viueret) eiusdem perseuerantiam ac virtutem imprimebat.

Dum Auilæ murus horti Monasterij Sancti Iosephi construeretur, Sancta Mater Theresia mandauit opificibus; vt solidum (quantùm possent) elaborarent, paupertati sic maximè consulens. Cui obediens, se calce firmaturos receperunt muratores, postquàm totum erexissent: At non diù post Sanctæ apparuit S. Petrus grauiter interdicens, *ne tale admitteret, quòd paupertati toties à se præscripta repugnaret; addendo, quòd fabrica cæteraque opera pauperum, ex Evan-*  
gelio

gelio plurimum differre deberent ab his, qua diuites seculi moluntur. Et quia morium, quo inducta fuit, iustum Theresia prætendebat; responsum habuit: *Si ceciderint, non deerunt, qui resiciant*; talique dicto disparuit. Ab hinc quoties in fundatione alicuius Monasterij Discalceatarum, Aduersarius impedimentum aliquod obijceret; toties B. Pater Sanctæ Theresiæ apparens, animabat consilio, difficultatesque, & obstacula remouebat: Vndè ipsa sapiens confessæ est, Sancti sollicitudinem, atque fauorem crebriorem se post mortem (quàm in vita) multoties expertam fuisse. Adeoque ob hanc causam singulari affectu, atque reuerentia Franciscanos Discalceatos, tanquàm Patris sui sobolem prosequi studebat; præcipuè illos, qui socij B. Patris, ac familiares fuerant: Hinc quadam vice cum P. Bartholomæo de Sancta Anna (dum Toleti pro Conuentu fundando moraretur) colloquia miscens, vultu (vt solebat) oblecto, eum postea cum socium fuisse cognouisset, sic admonuit, *Quid ni Pater, mihi hoc prius significastis, vt facie ad faciem, vos alloqui potuissẽm*. Indicans hac ratione quanto animi affectu, atque pietatis veneratione S. Petri de Alcantara socios, ac filios à cæteris quibuscunque meritò discerneret: Nec ex parte Discalceatorum huic religioso affectui paria, reddere neglectum fuit, dum eandem Sanctam loco Matris in pluribus necessitatibus habere, & ad eam recurrere pro consilio assuescerent. Ita vt sancta illa familiaritas

( quæ inter S. Theresiam, & D. Petrum,

viuentes contracta fuerat ) in-

violata semper in vtrius-

que Discipulis,

lauda-

biliter per seuerare ad-

huc videatur,

✱ ✱  
✱



*Quomodo corpus S. Petri de Alcantara incorruptum inuenitur,  
& ad Capellam transfertur cum prodigio.*

*Cap. XI.*

**Q**UAMVIS Deus Seruum suum Petrum stupendis miraculis quotidie illustraret, nunquam tamen Religiosi eius quibuscumque instantijs induci potuerunt; vt corpus ex communi sepultura in decentiorem locum transferrent, quò omnium venerationi exponeretur, nisi prius Sanctæ Sedis Apostolicæ authoritas interuenisset: Vndè quatuor effluxere anni, quòd Populus ad sepulcrum Sancti Viri concurrens, alij è longinquo patrociniū eius implorando, beneficia insignia receperunt; plurimique terram, qua tangebatur, aquæ commixtam bibendo mirōs effectus sentiebant. Tandem Prouincialis Fr. Bartholomæus de Sancta Anna B. Patris socius statuit sepulturam pro sua cæterorumque Fratrum consolatione effodere, tūm etiam vt ex corporis reliquijs plurimorum pietati satisfaceret, qui instantiū cum vrgebant: Nocte igitur quadam secretè valdè effodiendo terram, corpus integrum, summamque fragrantiam spirans inuenerunt; quod verò stuporem magis auxit, erat quòd videbantur crines ætate cani conuersi in colorem aureum, & oculi aperti eundem splendorem retinere, quem (cū sepelirentur) habuerunt. Præterea quòd liquorem quēdam sacrum corpus stillaret, qui olei speciem referebat; visum quoque fuit corpus à quodam hospite deuoto (qui tunc in Conuentu pernoctabat) veste auro intexta obtectum, veluti pro fidei veritate deposuit publicè. Quanta itaque lætitia, ac consolatione hæc omnia à Religiosis accepta, visaque fuerint, dici non possunt; dum his argumentis ingentem Patris sui in Cœlis gloriam, certiū sibi persuaderent.

Prouincialis igitur postquàm sacrum corpus cum cæteris Fratribus reuerenter deosculatus fuisset, secreta quadam inspiratione idem aqua aspergi, atque calce viua operiri iussit

iussit, quæ carnes consumeret; dein magnam terræ copiam imponi curauit, vt ex ea piorum, infirmorumque necessitatibus succurreretur, in quibus mirè iuuari se profitebantur. Sed non diù factum latuit, quin frequentiori numero multitudo ad sepulchrum concurreret, atque iniectam terram abundantius auferret; quasi corpus effodere tentaret.

Multos itaque post annos sepultura denuò aperta fuit, dū intereà eandem Deus varijs miraculis honorare non intermitteret. Ex quo moti Religiosi, Episcopo Auilæ D. Petro, Ferdinando Ternino supplicarunt; vt sacras reliquias in decentiori loco collocari permitteret: Quemadmodum ipse de mirabilibus Serui Dei, tam in vita, quam in morte optimè instructus, benignè concessit.

Præparata igitur arca egregiè ornata, plurimi ex Religiosa familia cum Prouinciali ad exhumandum corpus sollicitè confluxere: Tunc inuentum fuit corpus ex parte integrum, ex parte à calce corrosum; ossa tamen liquorem, quendam stillabant, qui odorem suauissimum reddebat. Inuolutas itaque cum summa reuerentia, ac deuotione venerandas reliquias candidis velis, in arca deposuerunt propè Altare maius murò inclusa; idque cum summo secreto, nè concursus, aut tumultum Populi excitarent: Prouincialis verò antequàm arcam occluderet, particellam abstulit reliquæ; quam infirmorum remedio, & pro aliorum deuotorum solatio (qui Seruo Dei se commendabant) in Conuentu seruari præcepit. Nec sine singulari diuina dispositione id fuit, cum aqua cui hæc reliquia intingebatur, quamplurimis perfectam sanitatem afferret; immò simpliciter aspersa animalibus mirabiles effectus produxerit, sicut in sequenti libro narrabitur.

Proindè concurrebant vndiquè imposterum, maiori frequentia Populi ex tota Hispania ad prædictum Sarcophagum; vel pro gratijs referendis, vel pro beneficijs impetrandis: Ita vt ex remotis Indiæ partibus alieni etiam, qui auxilium S. Petri de Alcantara senserant, pro gratiarum actione

Arc-

Arenas venisse ad Sancti reliquias inuenirentur. Admirabantur tamen omnes, quòd tam obscuro loco, corpus sine aliquo cultu, muro inclusum iaceret; adeò vt vrserit Patres plurimorum zelus, post aliquod tempus consilium incundi, quomodò tot miraculorum fides publica ad Summum Pontificem transmitteretur, vt eius decreto approbari posset, quod quidem non longè post diligenter factum obtinuit. Dein vltèriùs instantibus plurimis Hispaniæ Proceribus, persuasum fuit iisdem Religiosis; vt Capellam quandam particularem ædificari permitterent, in qua decentiùs sacrum corpus deponi posset, atque pro merito coli: Post varias igitur deliberationes, maturè placuit Prouinciali cuidam Patri Didaco del Escorial, opus hoc perfici curare, atque supplicando Episcopo Auilæ (in cuius Diœcesi locus situs est) tunc D. Francisco Gamarræ; vt solemnì corporis translationi diem indicare dignaretur. Cui deuotus Prælatus promptum se ostendens, destinauit diem sextum decimum Decembris Anni tunc currentis 1616.

At non defuere plurimi ex familia eius tali se deliberationi opponere, eò quòd timerent tempus rigidum, debilem Prælati complexionem offendere posse; quod ille fiducia, & pietate in Sancti Patris merita despiciens, se mutare decretum nolle constantiùs affirmabat. Cùm ergo prædicti familiares pertinaciùs insisterent, deuotus Prælatus iter pedes arripiens, solus versus Arenas pergebat; vt solemnitati assisteret: Quod animaduertentes statim illi properabant cum curru assequi, & admirati stationis rigorem niuib. ac frigore intensum, Prælato non officere; Sancto acceptum ferre cgebantur, quòd iter tam foeliciter, atque iucundè ad destinatum locum perduxissent.

Eodem die (quo Episcopus) aduenerant quoque Arenas Marchio de Xarandilla, nomine Aui sui Comitis de Oropeña Sancto familiarissimi, & cum ipso Comites de Morata, & de Orgaz: Præter hos numerosus Populus cum Magistratu, atque principalioribus loci ad idem officium confluxerat. Noctū igitur circa decimam horam Episcopus arcam muro inclu-

inclusam excauari iubet, eamque in alto prope Altare omnium deuotioni, atque uenerationi exponi: Mox exurgens sublato uelo, cui sacre reliquie inuolute fuerant, ossa deuote omnibus ostendit; ex quibus odor fragrantissimus ab omnibus perceptus, non sensus modo recreabat, sed & corda compungebat; ita quod lachrymas ex oculis exprimeret. Deinde easdem reliquias uelo pretiosiori inuolucens, & ornatiori arca includens, super Altare maius cum plurimis facibus accensis deposuit; excubias interea circa Conuentum agente presidio militari Oppidanorum de Arenas.

Sequens dies, qui Dominicus erat, omnium vicinorum locorum concursu celebris fuit; cum Episcopus Pontificalia peragens, solemniter cum Musica, ac Missa nouam Capellam benediceret. At in eadem celebritate laudibus Serui Dei prædicandis destinatus fuerat P. Franciscus de Zuazo Prior Augustiniani Conuentus Arenis, qui quatuor antediebus acutissima febris præuentus, officium apud Patres Discalceatos excusabat: Sed respondens præfatus Prouincialis instabat, nè recusaret; quod in processione S. Petri de Alcantara consideret cum integra salute egregie suo tempore præstiturum. Nec uotum euentus fefellit, cum Sabbatho antecedente Prior conualescens solemni die præconia S. Petri ex motiuo thematis, *Tu quis es*, miro omnium applausu, eleganti ac deuota oratione proponens; specialis quoque huius gratiæ publicam fidem fecisset.

Missæ autem finitæ; Processio ordinata fuit; ita quod præcedentibus Religiosis Discalceatis cum luminibus accensis, cæteroque Clero (qui undique concurrerat) arca à Comitibus prædictis, ac Gubernatore loci gestata sequeretur. Post hæc Episcopus cum suis assistentibus, numeroque Populo portam Ecclesiæ egressi; magnum vicini campi ambitum circumueundo, ad Ecclesiam reuertuntur: Hic depositam super Altare arcam, postea eidem includi Episcopus iussit. Iam ultra meridiem erat, & post refectionem Vesperæ solemni ter decantatz; ut quibusdam Populi tripudijs locus

daretur: Nec in vanum multis persuasum fuit, diem illum  
 ut tante solemnitati sufficeret, aliquot horis fuisse prolon-  
 gatum; eò quòd aliter tam multa fieri potuisse hyberna die  
 impossibile cunctis videbatur. In eodem adhuc loco  
 summa frequentia Populorum vndequaque ac-  
 currentium corpus inuisitur; summis gratijs  
 à Deo honoratur, quarum distinctum  
 aliquem Cathalogum in sequenti  
 libro texere, non iniucundum  
 nobis pro Dei, ac Serui  
 sui gloria videbi-

tur.



## LIBER SEXTVS

De miraculis, quæ post mortem Sancti Petri de  
Alcantara contigerunt

*De quibusdam à morte ereptis . Cap. I.*



Vperest hoc ultimo libro tot præclara insignis Athletæ merita, diuinæ approbationis præmio coronata ostendere; dum S. Petrum de Alcantara, in campo certaminis huius vitæ strenuissimum, videre iam licet prodigiorum operatione, de Cælo triumphare gloriosorem. Non enim Christus Dux noster milites suos in glorios, aut sine honore relinquit; quin hos, quos Mundum, carnem, atque Dæmonia subiugasse constant, respexit benignè: Non modò immensæ gloriæ aureola, sed & amicitie suæ priuilegio, in signis, & mirabilibus condecoraret notabilis. Vnde quò admirandam diuinæ retributionis abundantiam, in solo Seruo suo fideli Petro de Alcantara condignis obseruamus; ex Canonizationis Processu insigniora quædam miracula strictiori filo breuiter annotabimus, priuata & quotidiana beneficia deuotorum studio commendando. Imprimis autem eorum nobis memoria facienda videtur, qui Sancti Patris inuocatione è mortis faucibus eripi meruerunt; ita vt humano iudicio vita priuati, ad eiusdem usum intercessionis S. Petri de Alcantara, fuerint singulari priuilegio reuocati sequentibus modis.

I Lucas filius Sebastiani Gonzalez Galan, & Mariæ Rodriguez incolarum Oppidi de Arenas, annorum ætatis duorum & medij circiter; fortè in vini dolium incidit, ita vt crura tantum emincerent: Post aliquod interuallum accurrens Mater, puerum inde extraxit, quem circum-



stantes omnes, etiam Medicorum experientia, mortuum iudicarunt. Afflicta Mater de omni humano remedio desperans, diuinum implorat, inuocataque intercessione S. Petri de Alcantara; ad eius Capellam nouenam vouit cum imagine cetera, & elemosyna frumenti Fratribus elargiendi, quantum puer ponderis habebat. Hinc commota B. P. pietas, tam precibus deuotæ Matris, quàm lachrymis cuiusdam filiæ eius innocentis sex annorum, vitam filij à Domino impetrat; ut statim vultu rubescens, & ad se reuersus has primas voces ederet: *O Sancte Petre de Alcantara. O Mater, Mater.* Atque ex hac hora integra salute, in Parentum domo diu superuixit.

Angela de Sancto Gabriele: filia Melchioris de Canizares, & Marcellinæ de Trinitate, infans duorum annorum; ex fenestra quadam Conuentus Sancti Iosephi (qui tunc Toleti construebatur) decidit in terram, altitudine duodecim cubitorum: Ex quo casu in saxa impingens, caput confregit; ita ut cerebrum efflueret. Ad cuius remedium vocatus Chirurgus, negabat se vitam mortuæ reddere posse: Erat: fortè præsens Religiosus quidam Conuentus eiusdem, qui commiseratione afflictæ Matris, & extinctæ filiæ; reliquiam quandam eidem applicans, deuotè Sancto precibus commendabat. Mox stupentibus cunctis, puella illachrymari visa fuit, & post horas quatuor cibum petere, eumque sumere ea auditate, quasi malum nullum perpeffa fuisset.

3 Ioannes Hernandez incola Oppidi de Arenas, annæ ætatis vigesimo secundo repente cadens in terram, loquelam perdidit; ad quem vocati Medici, iam vita functum iudicantes dereliquerunt. Pater cum cæteris amicis mœrore confecti, Sanctum Petrum de Alcantara confidentius inuocant; promittentes se gratiam beneficijs in Conuentum, & visitando eius sepulchrum, compensaturos: Nec in cassum preces iuerunt, dum post viginti quatuor horarum spatium (quo vitæ signum nullum iuuenis edidit) visus fuit erectus stare, & breui totus bene se habere: ut

Liberatori suo perpetuas gratias agere non omitteret.

4 Domna Agnes Martinez vxor Ioannis à Vega Madridensis, dolore partus oppressa, reliquia quadam Sancti Petri de Alcantara adhibita; filiam edidit, quæ ab omnibus extincta credebatur; ideòque ab Obstetrice linteò inuoluta, sepulturæ destinabatur. Omnes interim intenti liberandæ parturienti, pietatem B. Patris implorabant: Cum & illa periculo erepta, & quod omnes perculsit; infans ad sepulturam delata, in via audita fuit vagire, sensimque vitæ signa reddere. Ideòque domum relata, Parentibus gaudij, deuotionisque in Sanctum maximum incrementum attulit; cui se tam seriò commendarant.

5 Didacus Martinez de Mombeltrano filium habebat Ioannem nomine, annorum quatuor, qui feбри acuta correptus, tanquàm morti addictus relinquebatur à Medicis. In tali statu accepit eum in vlnas. Soror eius Maria, & iam nouo accessu animam spirantem, reposuit in lectum; vt quæ pro sepeliendo necessaria erant, studiosè præpararet: Pater verò affectu paterno compatiens, coram lecto in genua se prouoluit, Deum instantè supplicans; vt si filij vita ei grata futura esset, eam tunc ob merita Serui sui Petri de Alcantara benignè concederet. Vix orationem finierat, cum viuum se puer ostenderet, oculos, & os aperiens; & mox cum spectantium admiratione, sanitati pristina restituitur.

6 Anno 1580, in Pago Ornillo infirmabatur grauitè Maria Sanchez, vxor Ferdinandi Sanchez, mulier valde pia, ac Religiosis Discalceatis deuota; ideòque Societati Ordinis per literas filiationis adscripta: Post aliquot autem infirmitatis dies, ad extremum redacta, inter alia testamento disposuit; vt sequenti die vel viua, vel mortua ad Ecclesiam S. Andree Patrum Discalceatorum deportata, supra sepulchrum S. Petri de Alcantara collocaretur: Sacrûq; fieri curaretur. Noctè itaq; proxima ex morbi vehementia, eam omnes extinctam iudicarunt; hæredes aperto testamento, ad dictam Ecclesiam leuca distantem eam deportari iubent, atq; sicut lega-

legauerat, omnia ritè exequuntur. Dum autem Missa celebratur, & Sacerdos *Dominus vobiscum* pronunciat; mirabile visu, mulierem moueri aliquantulum: Dein ad Epistolam residere in feretro; post ad Euangelium erectam, ac deuotam Missæ adfistere; sicque adstantium in se admiratione notabiliter conuertit. Peractò Sacro, & gratijs Deo, ac Seruo suo humiliter redditis, sana, ac expedita ad domum, propriam reuertitur; vbi quindecim adhuc annis vitam deuotam ducens, multos ad intercessionem Beati Patris confluere pro varijs gratijs impetrandis edocuit.

7 In Oppido Areualo Licentius Bargas cum vxore, sua D. Barbara, ambo deuotissimi S. Petri de Alcantara, & filium habebant parvulum nomine Ioachimum. Hic fortè transiens per locum quendam domus, vbi cacabus aquæ, plenus fuerat repositus; absente verò Matre & famula, quæ pro rebus domesticis exierant domo, post aliquod interval- lum reuerti: puerum vsque ad medium aquæ immersum extrahendo, facta experientia sine spiritu, aut vitæ indicio extinctum inuenerunt. Quamobrem omnia vocibus ac ciu- larum replent, ipsaque Matre S. Petrum de Alcantara al- tiùs innocante; quia se valdè illi deuotam sciret: Circum- stantes commiseratione mouebantur, & Pater (nè spectaculum videret) domo exibat. Illa verò velut altera *Cananea*, clamore, ac fiducia precibus instando; ira tandem exaudi- ri meruit; vt post horam circiter videret filium reuulsentem, ac infra breue spacium sibi, Patrique alacriter abblandsien- tem. Quibus postea Sancti beneficium perpetuam grati ani- mi memoriam firmius expressisse, vitæ & pietatis exercitiis, facillè demonstrant.

8 Ioannes Barrozo ex Oppido Sanctæ Crucis, per sex integros menses febris in lecto detentus, tandem omnibus Sacramentis Ecclesiæ receptis animam agere visus fuit; dum circa noctis medium vitalis calor, ac spiritus eum destituis- set: Mœsta vxor cum fratre suo Sanctum Petrum de Alcan- tara compellat ardentius; & sequenti manè Ecclesiam Fra- trum Discalceatorum adeundo, Sacrum fieri curant pro de- functi

functi (ut credebatur) salute. Hinc ad domum reuersi, Iohannem inueniunt non sine miraculo respirantem, ac loquentem; ita ut ab hinc triduo sanum cum amicis congratularetur, quem prius pro mortuo desleuerant.

9. Melchior Hernandez ex oppido Mombeltran dicto, filiū vniūm vndecim habebat annorum, quem morbus (quo multi illo anno perierunt) inuaserat; atque post varia remedia per viginti quinque dies adhibita, ad extremum perduxerat. Postulauerat ille sepius ad sepulchrum S. Petri de Alcantara in Conuentu Sancti Andree in Monte conduci, pro salute obtinenda; licet timore Parentum, nè tali motu mortem accelerarent, hæcgenus prohiberetur: Desperatum itaque vitæ ad Conuentum deportari, atque super sepulchrum B. Viri extendi properant. Nec diū sic inanimis iacuit, quin paulatim oculis apertis, apprehensaque Matris manu seipsum sanum in pedes erigeret, Deum altissimè collaudans; qui se tam gloriosum in Sancto suo ostendere dignatus fuerat.

10. In eodem Oppido Mombeltran filius Catharinae Velasquez annorum quinque, post grauissimi morbi varia, medicamenta infructuosa; mortis confinia ingressus, inter Patris amplexus omni quasi respiratione destituitur: Vnde Mater vocem ad Cælos extollens S. Petri de Alcantara auxilium inuocando, tot se rosaria recitaturam deuotè promittit; si filium saluum præstitisset. Finita supplicatione, puer ridere, aperire oculos, loqui, atque cætera viuētis signa præstare, tertioque die cum cæteris contaneis in platea colludere, non sine stupore visus fuit.

11. Magdalena Gomez vxor Pascalis Sanchez, mensæ adsidens in terram decidit; loquela, ac sensibus repente priuata: Itaque omni remedio frustra adhibito, Mater ad patrocinium B. Petri de Alcantara confugit; vouendo se, si spiritum recuperabat. Vix emisso voto color naturalis filię rediit, & sensus integrè restitutus; omnium admirationem prouocauit, qui defunctam existimabant.

12 Michael infans trium mensium, filius Michaelis Serrano, & Mariæ Lopez; cum à Matre in vicinâ cuiusdam lecto repositus (panno quodam laneo fortè vultu obtegente) interdormiendum suffocatus credebatur, ex eo quòd eadem vicina eum sine respiratione, & cum oculis re-  
 tortis inuenisset. Itaque accepto inter brachia puero, ad Matrem eueurit; cui tali spectaculo & pallorem mortis im-  
 pressit, & voces ac gemitus in Coelum tendentes, fortius  
 expressit: Inuocando autem S. Petrum de Alcantara, cum  
 voto conducendi filium cum imagine cerea ad Sancti sepul-  
 chrum; vidit confestim illum colorem recuperare, oculos  
 aperire, & mamillas sugere, cum magno omnium præsen-  
 tium stupore.

13 Petrus de Oliues filius Petri Velasquez de Mombel-  
 trano, mensium decem & octo à Matre sanus lecto proprio  
 impositus, manè sequenti tumidus, ac clausis oculis sine  
 motu inuentus fuit: Quo dolore confusi Genitores S. Petro  
 de Alcantara filium offerunt ad Capellam eius cum Missæ ce-  
 lebratione deferendum. Mirum dictu, quòd statim infans  
 ridendo mamillas apprehendit; & omni timore tum capi-  
 tis, tum colli penitus euanescente, integrè conualuit.

14 Alphonsus de Frias Cepeda Sacerdos de Arenas  
 puellam sex annorum Ludouicam nomine, domi alebat:  
 Huic febris maligna loquelam, pulsum, ac calorem abstu-  
 lerat, vt mortua videretur: Sed applicante Sacerdote reli-  
 quiam quandam S. Petri de Alcantara super caput, & cor  
 eiusdem puellæ cum deuota supplicatione; visa fuit conse-  
 stim in se reuerti; verbaque proferre, *Deus me adiunet*, do-  
 nec integra conualesceret.

15 Anna Gonzalez vxor Gabrielis Lopez incolæ Arè-  
 nis, aliquot dierum febris vexata; Medicorum consultatio-  
 nibus, morti adiudicata fuit: Vnde munita SS. Ecclesiæ  
 \*Sacramentis, agonizans per quinque dies; noua accedente  
 crisi; extincta videbatur. Hinc filia eius Isabella Mattis sa-  
 lutem à S. Petro expostulans, copiosissimis lachrymis ac  
 suspirijs; vidit eidem spiritum rediisse; atque hæc verba  
 profer-

proferre ! O Sancte Petre de Alcantara, quot fauores mihi à Deo impetrasti, & nunc mihi vitam restituis ; nè hac filia orphana rimaneat, & ut ego quoque vitam meam emendem. Paulò post cibari expetijt, & cum cæteris insignia S. Petri merita, deuoto præconio collaudabat.

16 Filius cuiusdam Francisci Hernandez de Paredes, post aliquot febris accessiones, vehementia morbi ad extrema redactus videbatur : Qua fama per Oppidum sparsa, omnes amici ad consolandum Patrem diligentius accesserant. Inter hos Guardianus Conuentus Discalceatorum, qui eidem Patri singulâ deuotione gratus erat ; cùm eiusdem afflictioni condoluisset, ad Conuentum redire se promissit, vt Missam pro agonizante celebrando, S. Petro de Alcantara commendaret. Sacro itaque peracto, regressus ad deuotum, inuenit infantem oculis apertis, signa respirantis ac mouentis se peragere ; qui postea paulatim recedente febre, sanus euasit.

17 Ioannes de Aguero incola Arenis, filium viginti dierum morbo vehementi oppressum desolebat ; eò quod calore vitali, ac sensibus destitutum conspiceret : Vnde quia aliud remedium pro vnigenito desperabat, imaginem cereâ secum ad Ecclesiam Fratrum deportans, eam in Cappella Serui Dei, tanquàm pro gratia obrenta appendit. Post peractam supplicationem domum reuersus, inuenit paruulum in sinu Matris perfecte conualescentem ; quemadmodum prius fiducia in S. Petrum de Alcantara firmiter sibi persuaserat.

18 Ioannes Fernandez de Arroyo Castaño, paroxismo vehementi vitæ extremum attingisse à Medicis censebatur. Parentes Comunione, ac Confessionem ad Capellam S. Petri vouendo ; paulò post eum saluti restitutum, secum ad soluendum votum alacrius conduxerunt.



De quibusdam mancis & claudis, qui visitando S. Petri sepulchrum miraculose conualuerunt. Cap. II.

**A**Lphonſi Sanchez habitantis in Oppido de las Cuevas, tibia infraſta Chirurgorum ſcientiam omnem fatigauerat; ita vt vice curationis, à quodam inexperſto in alio loco eandem imprudentiſs conquaſſari contingeret: Iacebat itaque miſer ſummis doloribus proſtratus, omniumque manus expauſcens; nè tormenta maiora adiungerent. Quo quidem rerum ſtatu, dum ſibi miranda S. Petri de Alcantara narrari audiret à ſuis deuotis, maximam concepit fiduciam ſe deſperatam ſalutem huius Sancti interceſſione à Deo recepturum; ideòque quodam die feſto, aſſociantibus multis, ad ſepulchrum Serui Dei ſe conduci curauit. Cum autem ad Eccleſiam perueniſſet, audito prius Sacro, & Sacramentis perceptis; amicis innixus, ſepulchro S. Petri de Alcantara appropinquat: Quod quàmprimùm attigiſſet, interiùs conſolationem magnam animi ſentiens, quaſi proximi fauoris quoddam pignus; mox ſpectante Populo pedem terram calcans, & iam erectus ſine adminiculis ſtans, tandem cum omnium ſtupore liber incedere ſine dolore viſus fuit. Reddiſſique Deo ac Sancto ſuo humillimis gratijs, cunctis deuotionem in Sanctum auxit; ipſeque ſanus, ac latus, ad domum ſuam conſeſtim regreditur.

**F**ranciſca Martinez de Mombeltràn doloribus intendentis cruciabatur ob pedem adductum, quem nec terræ imponere, nec fulcris ſuſtinere poterat: Itaque poſt triennium fruſtrà Chirurgorum diligentia impenſum; ad S. Petri de Alcantara opem pro vltimo remedio, cum voto viſitandi eius ſepulchrum, confugit confidentiùs. Die ſequenti, deſerri ſe feſtinans, poſt conſcientiam expiatam, ſenſit ita ſibi dolores augeri; vt ad Communionem accedere non poſſet: Vndè mœrore quaſi oppreſſa, adhuc conſtanter Liberatoris ſui auxilium implorat. Ecce igitur quòd redeunt in inſtanti ad locum ſuum oſſa, ceſſant cruciatus: ac ipſa depoſito

posito in terram pede liberè ambulans, domum suam sana-  
ta reuertitur.

3. In Oppido Arenarum Franciscus Ramirez Alphonſi fi-  
lius annorum nonem, ex longa quadant infirmitate crura,  
ita infecta retinebat; vt insistenti vsu negarent. Post ali-  
quot menses cum Parentes ex voto ad Conuentum Sancti  
Andree, ac sepulchrum S. Petri de Alcantara transtulerunt;  
vbi vngendo offensas partes oleo lampadis Serui Dei, con-  
festim consolidatas viderunt; & puerum sine vllò impedi-  
mento, vsui pedum restitutum.

4. Andreas Velez faber ex pago de Lanzaita distante  
tribus leucis Arenis, crurum ægritudinem tantam contra-  
xerat; vt fulcris vti cogeretur per septem menses continuos,  
dein etiam in lecto decumbere: Quod cum vxor aduerteret,  
nec humana pròdesse remedia ad cælestia conuertitur; fug-  
gerens marito, vt S. Petro de Alcantara se deuoueret, de  
quo miranda multa audierat. Huic obediens promptè An-  
dreas equo impositus, ac amicis hinc inde stipatus; ad Ec-  
clesiam; moxquè ad sepulchrum deferitur; vbi post auditum  
sacrum, & sumptam Comunione feruenter se Sancti in-  
tercessionem commendat: Postquam aliquandiu sic persi-  
stisset, sensit sibi vigorem in cruribus redire; ita vt ex se ere-  
ctus, paulatim incedere posset. Tandem integrè per Ec-  
clesiam obambulans, fulcra gratulabundus sepulchro ap-  
pendit; & eum amicis pedester reuertens, incessanter sin-  
gulare Sancti beneficium summis præconijs apud cunctos  
extollit.

5. Madriti puer quidam nomine Balthazar fi-  
lius Ludouici Mendiera, à natiuitate adeò debilia crura  
habebat; vt per septem annos eis insistere non posset, sed  
terra tantum reptans, à cunctis serpentis cognomine signa-  
retur. Mater ex hoc grauiter afflicta, ac verò summo S. Pe-  
tro de Alcantara addicta, ei filij miseriam instantè commē-  
dabat: Quadam die infra Octauam festi huius Sancti, quod  
in Aula summo Principum, ac Populi concursu magnificè  
celebratur, curat puerum ad Capellam Sancti in brachijs

deferri, & ex cordis intimo supplicationes iterari: Bido post infirmus cruribus insistens, & paulo post perfecte viam capiens (qua domum reuerteretur) omnium elicit admirationem, & Sancti gloriam apud plurimos divulgavit.

6. Leonora Gonzalez de Arenas per aliquot annos brachio, & humero dextro ita contracta fuit; vt neque manum quidem attollere posset: Cum igitur miranda, quæ ad S. Petri sepulchrum quotidie perpetrabantur, intellexisset; ex voto se per nouenam illuc transtulit. Vltima tandem die, dum tota orationi intenta in terram se prostrasset, breui iteſum reſurgens; manu, & brachio integrè reſtitutis, domum exultans reuertitur.

7. D. Ludouica de Villagra ex Oppido Mombeltrani, è graui morbo adeò membris capta remansit; vt vltra annum mouere se non valeret: Vnde quadam die inspiratione diuina, ad S. Petri de Alcantara sepulchrum delata, totam se insuper extendit cum magna fiducia, ac deuotione. In eodem instanti, membra reuigescere, totamque se conualuisse; altissimè Sancto acceptum impoſterum ſerebat.

8. Alia mulier ex pago de Ornillo prope Arenas, brachijs ac cruribus manca, ex aliorum manibus moueri, ac cibum capere cogebatur. Hæc ad sepulchrum Sancti delata, antequàm nouenam absoluisset, sana pristinae integritati reſtituta fuit.

9. Catharina Blasquez de Arenas, manibus ac pedibus adducta, per triennium detinebatur in lecto. Hinc cum gratias à S. Petro de Alcantara obtentas, à pluribus narrari audisset ad eius Capellam, ac sepulchrum deportari quam citius procurauit. Ibi ſeruenti oratione, valitudinem suam, Deo per Serui sui merita commendans domum reſertur, nec diu quin liberam se, ac omni impedimento membrorum solutam, infra breue tempus agnosceret.

10. Catharina Velasquez de Mombeltrano cruciabatur vehementi dolore cruris, quod ſpatio trium annorum mouere

uere nequiuera. At verò ad sepulchrum S. Petri de Alcantara delata, atque intercessioni eius se deuotè commendans, dum se insuper extendit, confestim sine dolore resurgit, & gaudens ad propria regreditur.

11. Adolescens quidam sexdecim annorum, ex eodem Oppido Mombeltrani, adductus cruribus, fulcris sustinebatur. Huic cum mirabilium S. Petri de Alcantara memoria obuersaretur; ad eiusdem sepulchrum pergere non tardauit. Hic dum humili supplicatione fauorem implorasset, statim sanus euadere ac sine dolore recedere meruit.

12. Alphonsus Muñoz natiuus ex Oppido Sanctæ Crucis; viribus robustus, dum pondus centum octuaginta librarum brachijs gestabat, crus sibi sinistrū offendi sentiebat; ita quòd dolore crescente, in lecto decumbens, vltra viginti dies maximos dolores pateretur. His adactus, votum S. Petro de Alcantara fecit sepulchrum eius se aditurum, atque crus cerèum appensurum; quo emissio pars offensa obtorpuit, donec equo consenso, vt Ecclesiam adiret: In via omnem dolorem sopitum sentiens, pedibus reliquum confecit, & Sancto gratias obtulit cum voto.

13. In Villa Patræ Vxor Simonis Gomez nomine Maria Martinez, dolore conficiebatur propter incurabiliā, ac foetentia vlcera; quæ crus eius per decem annos, infercerant: Itaque fama sepulchri S. Petri inducta, indè se sanari sperabat; vndè tot conualescentes rediisse audierat: Meliori ergo modo (quo poterat) illuc translata, post deuotam orationem, ac mentis in Deum eleuationem; firmare pedem cœpit, & mox obductis plagis fulcra appendit, & pedes ad sua reuertitur.

14. In eodem loco Petrus Sanchez manibus, & pedibus impeditus, in lecto plurimis mensibus decumbebat: At quadam die memor miraculorum S. Petri ad Alcantara, ad eius sepulchrum peregrinationem vouit. Nec fefellit effectus, dum statim expeditum se sentiens; lecto exurgere, & post biduum ad explendum votum pedester ire cum summo stu pore, ac Liberatoris gloria visus fuit.

15. Ioannes Martinez Caicedo decumbens superiori corporis parte obtorpuerat; qua uti non posset. Hinc per integrum annum Medicis in vanum curantibus, recurre ad S. Petri fauorem concludit; promittendo se eius sepulchrum visitaturum. Nec abnuuit Sanctus; cum innox offensa partem restituens; agro votum exsoluere; ac omnes suos deuotos ex tam mirabili successu, Deum glorificare, sua intercessione obtinuit.

16. Maria Ximenez Vxor Ferdinandi Blasquea; casu quodam adeo grauitur offensa fuit vt mortis quasi periculum adiret. Dum clamorem fortè præ cruciatu attolleret, audita fuit à quodam Religioso Discealceato, qui pro elemosyna ad eius ostium accesserat; ad quam ipse dixit, vt se S. Petro de Alcantara offerret; & cum voto sepulchrum eius inuideret. Itaque morem gerens deuota mulier; concludi se fecit; & gratiam integræ valetudinis confestim obtinuit.

17. Antonius Martin filius Domini; brachium ex quodam casu fractum; Chirurgorum negligentia manum retinebat. Itaque sepulchrum Serui Dei accedere statuit; post deuotam orationem, ex oleo lampadis brachium inunxit; moxque cum omnium stupore; mouere expeditè visus fuit.

18. Iosepha de Salamanca ancilla DuAlphonfi de Montaluo; ex Arcualo Diocesis Auilæ; in manu inouabile vulnus cum dolore patiebatur. Eius Dominus pro deuotione erga S. Petrum de Alcantara, eam suis intercessionibus commendabat. Unde non multò post perfectam ancillæ salutem, suis precibus obtinuit.

19. Catharina de Sarauia; quæ habitabat Arenis, coxendi (seu sciatica) laborabat; quam nullis medicamentis curare poterat. Conducta igitur ad sepulchrum S. Petri, confestim ab omni dolore conualuit.

*De quibusdam cecis, & surditate, aliisque gravissimis morbis affectis, per S. Petri invocationem sanatis. Cap. III.*

**C**ecilia Velasquez, ex Oppido Mombeltrani, per octo menses continuos oculorum aegritudine adeo graviter afflicta, ut nec videret, ubi pedem poneret: Quæ cum audisset, sepulchrum S. Petri de Alcantara apertum fuisse, nimento se ad Ecclesiam vehi fecit: quàmvis tempus rigidum, & niuibz imperisum iter esset. Ibi verò postquam oculos aqua (quam reliquia Beati attigerat) lavisset, & sepulchro adhuc aperto caput immisisset; illico visum recepit, & laudans Deum in Sancto suo domum oculis integerrimis rediit.

**I**sabella Gonzalez de Arenas vidua Sebastiani Moreno, gravi quoque infirmitate oculorum usum amiserat, licet per tres menses Medicorum scientiam frustra exhaustisset. Itaque voto ad sepulchrum S. Petri emissæ, & illic à quadam virgine conductæ, lavit ex eiusdem aqua oculos; & orationis suæ feruore visum à Beato confestim impetravit, nec impotestum quicquam in illis mali amplius passa est.

**I**oannes Velasquez, filius Thomæ incolæ Oppidi Sanctæ Crucis, à quinque mensibus propter panniculum oculo obductum, cæcitatem ex eo patiebatur, nec aliquo remedio curari poterat. Quadam verò die, oculum prædictum baculo S. Petri de Alcantara contingens, visum recepit; & perspicacem postea habuit.

**D**onna Eleonora de Arjas vxor Ioannis de Ffias Madritensis, dolore oculorum capta, post octo menses unius lumen omnino amisit. Quadam die à D. Isabella de Fonseca visitata, admoneretur, ut se S. Petro de Alcantara commendaret; & aquam quoque adhiberet, quam Sancti reliquia attigerat. Hæc itaque accepta, oculum lavit offensum, & confestim lumen recepit.

**F**ranciscus Nietus incola Guisandi, extremum quasi vitæ adierat, ex carbunculo oculo obducto: Eius Mater



ac Soror; ambæ accensa fide ac deuotione, ad S. Petri de Alcantara intercessionem recurrunt; vouendo se cum infirmo ad eius sacellum accessuras. Vix vouerant, cum euanescent tumor, febrique cessante; infirmo sanitas redijt, & votum integrè soluit stupentibus plurimis.

6 Bartholomæus Garzia incola Pagi Sanctæ Crucis, à longo tempore surditatem patiebatur, quam nullo humano remedio recuperare posset: Ad cœlestia tandem conuersus, sepulchrum S. Petri de Alcantara adiit; vt deuotam ibi orationem faceret. Post aquæ guttas ex reliquijs eiusdem auribus instillans, incontinenti auditum mirabiliter recepit; & gratias reddidit.

7 Domna Maria Alvarez de Medrano Vxor Ioannis de Frias Carauaxal incolæ Arenis, spatio nouem mensium auditum amiserat ex quodam capitis dolore intenso. Quadam nocte ingrauescente dolore, cor ad suum Patronum, S. Petrum de Alcantara feruenter eleuat, vouetque se sanam per integrum diem in eius Sacello, gratias reddituram: Expleta oratione, suauiter somnum coepit; ex quo euigilans, & dolore, & surditate ita se liberam sentijt, quasi nunquam graui aliquid passa fuisset.

8 Laurentius Segouia Medicinæ Doctori iuuenis, Ciuis Tolecanus; angina grauiter laborans, diùque frustra medicamentis vsus, mortem expectabat; dum ergo animam ageret, recordatus S. Petri de Alcantara, salutem eidem affectu cordis intimo deuouit. Indè aquam ex reliquijs Sancti bibens, statim sanus euasit.

9 Maria Velasquez ex Oppido de las Cucuas, quadam nocte faucium dolore ita cum febris præoccupata fuit; vt vix verbum proferte posset: Vndè interno affectu ad S. Petrum de Alcantara cor attollens, promissit Sacellum eius adire, ac eleemosynam largiri. Mox febris recessit, & loquela restituta faucibus; eam gratam Sancto præstitit.

10 Dominicus Gonzalez Patris eiusdem nominis filius, ex Oppido de las Cucuas; idem gutturi malum passus, à Genitoribus S. Petro offertur. Peracta oratione, mox sanum

num factum, cum amicis deuotiùs congratulabantur.

11. D. Anna filia Ioannis de Medranò, & Antonie de Herrus habitantium Arenis; in extremis agebat propter anginam, quæ tunc multos exinguebat. Mater, quæ ex filie vice valdè cruciabatur, S. Petro de Alcantara illam commendat: Et quia illo die transferri ad nouum depositum corpus eius intellexerat, voluit contradicentibus Medicis, eam ad Ecclesiam deferri. Quò peruentæ, atquæ infirmam super sepulchrum extendens, vidit illicò sanam, saluamquæ resurgere.

12. Franciscus Lopez del Picon habitans Arenis, anginae doloribus suffocabatur; vt nec cibum caperet, nec verbum proferret: Hinc vxor Anna de Vargas pro salute mariti, ad sepulchrum S. Petri votum fecit, simulque eius corda collum mariti cinxit. Qui postquàm obdormiisset, paulò post obstupente muliere, saluus euigilauit, ac gratias reddidit.

13. D. Isabella de la Cruce nobilis Toletana, grauem anginam patiens cum ardente febris, à Matre S. Petro de Alcantara commendabatur teneriùs. Dein parte reliquæ Serui Dei faucibus eius applicata; omni dolore liberam, Sanctique merita collaudantem vidit quam-citissimè.

14. Elisabettha de Fonseca Madrirensis, à duobus annis assiduam cordis palpitationem sentiebat; ita quòd sepius, vel ampliùs quotidie vexata mortis periculum adiret: Vnde ab alijs persuasa, S. Petri de Alcantara intercessionibus cum voto sese commendabat. Quod ei tam foeliciter quoque successit, vt statim notabilem mutationem agnoscens; breui integram valetudinem recuperare mereretur.

15. Maria Gonzalez nata Arenis, per duodecim annos quotidie ter, aut quater palpitationem cordis patiebatur; quæ illam sensibus priuabat, cum vehementi cruciatu. Vna vice spiritu, ac deuotione feruenti S. Petrum de Alcantara inuocat, & se cum voto Sacellum eius inuisuram promittit: Ab illo puncto omni passione libera, impostorùm sana perseuerauit.

16. D. Isabella de Carauaxal de Arenas, morbo quodam affecta, qui cum febris deliquia, & cordis passiones caufabat: ita quod extremo Vnctionis Sacramento recepto, mortem operiebatur: Accessit interea filius eius Ioannes, & Matri se S. Petro de Alcantara vouere suadet, sicut ille fecerat pro sua salute. Quo facto obdormiuit ægrota, & post pusillum euigilans, à cunctis cum summa admiratione ab omni passione libera inuenta fuit.

17. D. Catharina Pacheca nata Oropeze, tertianam duplicem patiebatur; quæ alias passiones vehementiores inducebat cum vitæ periculo. Itaque offerendo se S. Petro de Alcantara, cui semper addicta fuerat: aquam miraculosam Serui Dei hauriens, sopore capiebatur: Post hunc euigilans, sine febris sanam se factam admirata, Sancto gratias reddidit. Idem quoque in alia infirmitate grauissima, experta fuit.

18. Maria filia Christophori Martini, & Mariæ Sanchez del Arenal; infirmitate quadam singulari ultra annum torquebatur; dum passiones malanchonicæ eam à spiritibus vexari indicabant. Quod animaduertentes Genitores, postquam varijs piorum hominum consilijs, ac experientijs obtulissent; tandem ad Sacellum S. Petri de Alcantara conducunt, & facta oratione, integrè ab omni accidente liberam ad sua reducant.

*De quibusdam hernia, alijsque morbis laborantibus, qui aut  
visitando sepulchrum S. Petri de Alcantara, aut  
vouendo sanati fuerunt. Cap. IV.*

**B**althazar Rodriguez filius Thomæ habitantis Arenis, laborabat hernia, breui à Chirurgis incidendus: Eius Mater Francisca Muñoz vouerat se per nouem dies, filium ad S. Petri de Alcantara sepulchrum conducturam. Ideoque dum quadam die deuotioni suæ intenta, Ecclesiam (ubi corpus Sancti requiescit) verreret; respexit ad se filium venientem, quem prope sepulchrum, antea deposue-  
rat:

rat: Et quia integrè sanatum, expeditèque currentem, agnoscit; præ gaudio miraculum, miraculum exclamans; humillimas Benefactori gratias reddidit, nec beneficium deprædicare cessauit.

2 Thomas Rodríguez eiusdem loci incola, tam molesta hernia cruciabatur; vt quotidie gemitus, & clamores plurimos ederet, Mater quæ Discalceatis erat valde affecta, meliori (quo potuit) modo secum ad sepulchrum S. Petri filium portauit. Quò cum peruenisset, confestim omni defectu ac dolore liberatum, domum reduxit.

3 Maria Nuñez vxor Ioannis Sanchez Serrano, ex Pago Parra; filium habebat, cui intestinum disfluebat sine aliquo remedio. Fide igitur accensa, ad Sacellum S. Petri de Alcantara cum puero recurrit, & cæcæ magnitudine eundem æquans secum attulit; post deuotam orationem puer integrè conualuit.

4 Filius cuiusdam Thomæ Velasquez, & Mariæ Gomez, per annos quatuor herniam ex vtraque parte miserè patiebatur. Vnde Parentes, voto visitandi sepulchrum S. Petri de Alcantara pro gratiarum actione emissio; statim perfectam eius sanationem mirabiliter impetrarunt.

5 Petrus Hernandez de Herrera, ex Pago Candelera; cum pro lucrando iulileo, quadam vice ad Ecclesiam Rosarij Patrum Discalceatorum iuisset; intestina in scrotum defluxere, ita vt in terram prosternerent. Ipse verò affectum cordis ad Sancti auxilium attollens, oratione facta à S. Petro obtinuit sine dolore sanus, liberque resurgere.

6 Domna Catharina de Balde Nebro ex Oppido Arenarum filiam habebat hernia incurabili laborantem; quæ nocte quadam illam ad extrema conduxit. Tunc Mater coram Deo genuflexa, S. Petri de Alcantara fauorem, tanquàm Aduocati particularis, confidenter inuocat: Mox ægra somnum coepit; & breui expergiscens, sine aliquo infirmitatis signo Matri se obrulit.

7 Filia quadam Balthazaris de Frias ex Oppido Arenarum,

narum, adeò acuta febris opprimebatur, vt Medicorum iudicio ; nulla spes ad vitam Patri relinqueretur ; Quibus ille ; *benedictus sis Deus, ergo à Sanctis eius remedium quaramus*. Et statim ad Ecclesiam S. Petri de Alcantara deportata filia, Sacrum fieri curauit cum spe certa filie salutem se impetraturum : Quod equidem euenit, cum finita Missa, puellam, pristinae saluti integrè restitutam Medici, alijque noti summe admirarentur.

8 Maria Lopez ex Pago Sancti Stephani, aliquandiu magnis febribus tenebatur, quæ oppilationes quoque eidem creabant ; sic vt vicinam morti constituerent : Ex quo Matre suam rogat, vt se portari faceret ad Sacellum S. Petri de Alcantara, pro salute recuperanda. Nec spes fefellit, dum eadem imposita sepulchro, confestim sana resurrexit colaudans Deum in Sancto suo.

9 Ioannes Blasquez de Arenas, quadam die castaneam ascenderat, ex qua sub eius pede infractus ramus in terra, prostrauit ; vbi inter saxa quadam prærupta totum corpus contudit. Accurrentes socij (quem mortuum credebant) erectum viderunt, & narrantem quomodò inuocatione S. Petri euidentis mortis periculum euaserat : Vnde eos rogabat secum ad Ecclesiam eiusdem euasere ; vt pro liberatione gratias debitas redderent.

10 Sebastianum Garzia ex Pago de la Parra, febris vehemens inuasit ; cui medicamenta leuamen nullum afferebant. Ideò ad fauorem S. Petri de Alcantara coelestem recurrens, eius patrocinio confisus ad Ecclesiam Discalceatorum deferri se iubet ; vbi feruenti oratione aliquantulum perseuerans, breui sanus, liberque à febre domum suam reuersus est.

11 Ioannes Garzia Ramos de Arenas, ligna securi scindendo, pedem agrè vulnerauit ; vt præ dolore contabesceret. Inuocato fauore S. Petri de Alcantara cum voto mittendi ad eius sepulchrum pedem cereum ; statim tumor decreuit, & vulnus obductum fuit stupente Chirurgo, qui lethale iudicauerat.

12 Infans quidam duorum annorum Mariæ de Flores, febris ardentissima laborabat ab octo mensibus; nec Medicorum magna sollicitudine liberari poterat. Hinc quadam die Matri piè in mentem venit, se cum filio S. Petro offerendi; quod pro gratiarum actione Sacellum eius inuiseret: Moxque hac promissione facta, infantem omnino febris reliquit, & sanus euasit.

13 Didacus Sanchez Arenis incolæ, per viginti quinque dies febris continua vexatus; tandem accedente quartana, viribus destituebatur: Itaque omni ope desperata, ad S. Petrum de Alcantara cum voto visitandi eius sepulchrum quatuor diebus Veneris, recurrit: Vix vouerat, cum sanitati, ac viribus integrè restitutum, Sancto acceptum merito tulit.

14 Catharina de Atienza de Arenas, lecto tenebatur à febris continua; quæ etiam delirium superadduxit: Eam quadam die accedens frater eius, hortabatur S. Petro se commendare; quemadmodum ipse cum alio fratre, sæpè cum fructu expertos se fuisse affirmabat. *Exaudiat nos Deus*, respondit infirma, & inuocata Sancti intercessione cum voto visitandi eius sepulchrum, & ieiunandi per tres sextas ferias; sequenti mane cum omnium stupore liberam, sanamque se ostendit.

15 Filius quidam Petri Ximenez ætatis anno decimo octauo, vehementi capitis dolore vexabatur, adeo ut requiem impediret. Quare Mater S. Petri de Alcantara deuotissima, filium ei ferio commendabat, promittendo eum, discalceatum per tres sextas ferias sepulchrum eius inuisurum. Qua facta promissione, Adolescens è lecto confurgit, & Matris votum rectissime adimpleuit.

16 Bartholomæus filius Francisci Martinez, & Mariæ Sanchez incolæ del Arenal, tam molesta hernia laborabat, ut ex ea mori crederetur. Igitur Parentes eius vouendo se S. Petri sepulchrum eum infirmo inuisuros, confestim conualuisse cognouerunt, & ad præstandum promissa, ad Conuentum Sancti Andreæ Discalceatorum conduxerunt: Hoc

sibi



sibi contigisse anno ætatis tertio decimo, iam annum trigessimum agens infirmus deposuit; nequē ultra quid se passum asseruit in illa parte. Ita quod ex hinc semper S. Petro de Alcantara addicissimus, vltērīus in quodam naufragio (vbi septem naues perierunt) ipse cum sua saluum auassisse, eiusdem fauori confidentiūs adscriberet.

17 Christophorus Lopez Arenis incola, per annum & medium intestinum rectum ad eodē extra solum locum prominens gerebat; vt etiam Matri suæ cruciatus ex suis doloribus adderet. Hæc ergo omni remedio humano desperato, ex consilio cuiusdam Religiosi Discalceati filium ad sepulchrum S. Petri de Alcantara conduxit: Vbi cum feruenti oratione, eundem subsidere fecisset, diuina virtute statim intestinum ad interiora redijt; & æger tam mirabiliter sanatus, diuinam Beneficentiam, & Serui sui gloriam altius vbiquē prædicauit.

18 Puerulus Aethiops inutilis penitus, atque contractus, ad S. Petri sepulchrum ab eius hera, vxore quondam Martini de Frias, Oppidi Arenarum accolæ, adductus; meritis eiusdem Serui Dei integræ sospitati restituitur.

19 Leonora Gonzalua eiusdem Oppidi Arenarum inquilina, à paralyfi, qua grauissimè laborabat, ad eius quoque sepulchrum integrè liberata fuit.

*De quibusdam infirmitatibus inflammationum, & sup-  
purationum curatis solo contactu aliquius reli-  
quia S. Petri de Alcantara. Cap. V.*

1 **I** Sabellæ Gonzalez vxoris Francisci Godinez de Arenas, faciem erysipolæ inflammatio sic occupauerat; vt intra octo dies quasi cæcam redderet. Huic allata corda S. Petri de Alcantara, ac faciei applicata; statim tumorem suppressit, ac sanam præstitit.

2 Ioannes Lopez filius Aegidij de Mombeltran, annorum duorum ac medij magnam suppurationem in crure habebat cum dolore intenso, ac nulla sanandi spe: At Paren-

res ad celestia remedia confugiendo, fascias quasdam intin-  
ctas aquæ ex reliquia S. Petri de Alcantara, cruri obuoluunt,  
cum somnum petebat. Sequenti manè puer omni infirmi-  
tate liber, Parentibus offertur.

33 Maria Alvarez de Soto vxor Simonis Guttierrez de  
Mobeltran, cruciabatur valdè in vna manu ex quodam vul-  
nere; quo infumuerat. Sed postquam baculum S. Petri re-  
uerenter, ac cum deuotione contraxit, non dolore mo-  
do, sed & vulneris figho omninò liberata fuit.

4 Illustri quidam Vir in Castelle Regno vxorem ha-  
bebat in magno periculo versantem, ex faucium inflamma-  
tione irremediabili. Hinc ambo auxilium S. Petri de Alcan-  
tara implorando, quadam eiusdem reliquia offensam partē  
contingunt; ex qua paulatim meliorata, infra sex horas in-  
tegram sanitatem recepit.

5 Ioanni Baptiste Muñoz Arenis habitanti, cum inflā-  
matione quadam secreta, febris ingens per octo dies conti-  
nuos, requiem turbabat. Ideò ex auditu miraculorum S.  
Petri de Alcantara, ad eius Sacellum deportari festinans;  
ibidem post deuotam orationem, perfectam salutem à Deo  
obtinuit.

6 Ioanni de Soto Architriclino Octauij Centurionis, Mar-  
chionis de Monasterio; ex inflammatione quadam cum ar-  
dente febris, maxilla intumescebat. Vadè eius filia D. Cla-  
ra eandem oleo lampadis S. Petri iniungens, statim aperiri  
vidit, & saniem effluere; ita vt post tres dies Pater sanus  
extiterit.

7 Ioannes Martinez Spinosa de Arenas, habebat guttur  
inflammatum cum interiori suppuratione; quæ cum febris  
continua ingens ei tormentum afferebat. Itaque à Medicis  
derelictus, perceptisque Sacramentis cum morte luctari vi-  
debatur. At recordatus beneficiorum S. Petri de Alcantara,  
ei se affectuosius commendabat. Mox guttur aqua ex Sancti  
reliquia aspergens, sensit suppurationem rumpi, marcorem  
diffuere; febrim cessare, sequè pristinx sanitati iam optimè  
restitutum esse.

8. Alphonsus de Arias ex Oppido de Arenas, ex apostema gutturi inhaerente cum ardenti febre, periclitabatur de vita; cum duo Fratres Discalceati ad eum accederent, electosynae causa: Hi promittendo se ad Conuentum reuersos eum Deo precibus oblaturus; simulque missus aquam ex S. Petri reliqua, qua uti posset. Vix bibit infirmus, cum obdormisset; & aliquantulum post euigilans, sensit ruptum apostema, ac febrim cessasse.

9. Andreas Ximenez incola Pagi de las Cuevas, propter suppurationem in crure moueri à lecto non poterat. Itaque auditis mirabilibus S. Petri de Alcantara ei se diligentius commendans, aqua ex reliqua eiusdem vlcus lauit, & breui conualuit.

10. Doctor Laurentius Pinel de Sofa, Medicus Arenis: propter apostema in gutture à Medicis relictus, Sacramenta Ecclesiae acceperat; vt mortem expectaret: Huic applicata corda S. Petri de Alcantara apostema dirupit, & ad salutem profuit; sic vt ex hoc miraculo, omnium deuotio in Sanctum mirum in modum exinde creuerit.

11. D. Rodericus de Mendoza & Sandoual, Dux del Infantado; apostema in aure oui magnitudine habebat, quo vehementer torquebatur, nec requiem capiebat. Accepta igitur reliqua quadam S. Petri de Alcantara, cuius singularis deuotus erat, eam auri applicuit, & cessante dolore somnum coepit: De hinc resurgens à somno, tumorem recessisse, & se sanum agnouit, quod Medicis, ac Chirurgis pro miraculo habitum fuit.

12. D. Thomas Lopez Praefectus Arenis, hydropisi laborans in parte sinistra ventriculi, magnum tumorem sensiebat, qui dolores, & inquietudines causabat vehementes, ita quod de remedio desperans, vxori diceret omnino sibi mortem instare: Cui Nobilis mulier confidendum sibi meritis S. Petri de Alcantara, eique serio se commendandum restare, si salutem cuperet. Hinc cum magno pietatis affectu Sancti cordam parti offensa applicando, illico experiebatur dolores minui, appetitum cibi redire, quem hactenus nausea-

nauseauerat: Tandemque infra paucos dies, totum se conuulisse; cum omnium admiratione, & Sancti gloria.

13. Catharina Rodriguez vidua Ioannis Rodriguez habitanti in Oppido Guisando, pectus occupauerat suppuratione maligna, quæ sub brachio ad sinistrum latus protendebatur; vt necessario à Chirurgis incidenda iudicaretur. Hinc cum misera mulier instrumenta expauesceret, & lecto exiliens in terram se prostrauit, exclamando: *O Sancte Petre de Alcantara, tibi dico Sancte benedicite; vt mihi faueas in hac angustia, nec permittas me ab istis instrumentis attingi.* Mox reliquiam Sancti cum deuotione applicans, vlcus aperiri vidit, & frustula carnis marcidæ exire; atque breui integrè agnouit se sanam euasisse.

14. D. Catharina de Medrano incola Arenis, per tres menses continuos dentium dolore cruciabatur atrociter, cū totius vultus inflammatione. Accepit itaque cordam S. Petri Alcantaræ, & cum ea faciem in crucis modum signauit: Statim dolor cessauit, & infra quadrantem horæ omnis tumor euauit; quasi nihil passa fuisset.

15. Aloysia Centeno ciuis Toletana, fauces tumore quodam inflammatis habebat tali modo, quod acutissimos cruciatus afferret; & tandem caput in sinistrum humerum, cum deformitate detorqueret. Vndè memor ipsa alterius beneficii à S. Petro de Alcantara accepti, misit ad Conuentum pro eiusdem reliquia: Cum ea accedens Guardianus, & tumorem signans obstupescens cunctis, visum fuit guttur detumescere incontinenti, & caput ad locum suum redire sine yllo infirmitatis vestigio.

16. Filius quidam Ludouici Gomez, & Mariæ Lopez de Arenas, cruciabatur valdè à vulnere in crure accepto; cui à Chirurgis ferrum applicandum parabatur: Tunc Mater ad S. Petrum lachrymando confugiens, promisit se crus cereum ad sepulchrum eius allaturam, & tribus sextis feriis visitaturam. Postea ad filium accedens, inuenit rupto apostemate benè valere, vt simul cum ipsa statim votum Sancto persolvere posset.

17 Doctore Zanollos Prætori Toletano, ex quadam confusione crura ad eò intumuerunt; ut lecto inherere cogeretur; & post varia tentata remedia, ferro tumorem aperire. Dum ergo quadam nocte recogitando imminens periculum, cui se exposebat, ad S. Petrum de Alcantara singulari affectu deuotionis conuersus, supplicabat sibi opem ferre; nè incisionem probaret, certisque exercitijs pietatis se ei pro gratiarum actione obstrinxit: Sequenti mane inuentus fuit mirabiliter sine omni inflammatione, aut signo lecto egressus; ut incedere posset.

18 Simon Gomez dum in sylua quadam ligna secabat, ex arbore in terram cadens duo ossa in dorso confregit; quæ maximos ei dolores, & tristitias afferebant: Tandem summa fiducia ad auxilium sui singularis Aduocati S. Petri de Alcantara confugit, promittendo se cæcæ quantitatem ad eius Altare delaturum: Quo facto statim dolores euanesce-  
re; ipse quietem capere, atque die sequenti è lecto surgere; & ad prius exercitium in syluam reuerti;

*Gratia miraculosa operata per cordam S. Petri de Alcantara,  
per terram ex eius sepulchro, aliasque suas  
reliquias. Cap. VI.*

**H**abitabat in Oppido de Arenas Rodericus Arias Godinez, Vir satis conspicuus; qui febri continua periculum adierat. Hinc se commendans quadam vice S. Petro de Alcantara, cui singulariter deuotus erat; cordam eiusdem sibi adferri instanter petijt: Cum ergo illa collum cinxisset, atque aquæ haustum bibisset; compellendo Sancti intercessionem obdormire visus est, cum à multis diebus id non fecisset: Ex quo somno euigilans, omni febris liber gratiam à Sancto iuxta desiderium impetrauit.

2 Antonio Gonzalez de Arenas filia erat, cui grauis morbus loquelam abstulerat; & cum accidentibus mortali-  
bus tremores mirandos, in omnibus membris efficiebat. Statim ac illam corda S. Petri attigisset, sine mora loquelam  
recepit

recepit, & in toto corpore conualuit: ac Sancto perpetuas gratias reddidit.

3. D. Ioanna de Auila habitans Arenis, per triginta dies à continua febris vexata, proxima morti constituebatur. At recordata mirabilium S. Petri de Alcantara, ad eius sanctorum confugit, cingendo se eius corda, & vouendo se eius sepulchrum pro gratiarum actione adituram; confestim febris recessit, & sana votum adimpleuit.

4. Filia quidam Bartholomæi Sanchez, & Annæ Gonzalez, sine ullo remedio febris continua laborabat: Vnde Pater ad Conuentum Fratrum Discalceatorum accedens, reliquiam quandam S. Petri asportauit, & pectori filię imposuit cum fiducia reddendæ eidem salutis. Nec fefellit spes, cum statim omni morbo liberam, non sine omnium stupore; ipse quoque mirabundus conspexit.

5. Petrus Velez incola Pagi de las Cuevas, tertiana duplici usque delirium tenebatur. Itaque consilio amicorum, S. Petro de Alcantara se commendans, quandam eius reliquiam applicari sibi cum deuotione procurauit: Ex qua, mox omni infirmitate liberatus, pro accepto beneficio humillimas gratias egit.

6. Ignis vehemens in quadam sylua D. Antonie de Heruz forte accensus, venti incremento contiguas syluas depopulabatur. Vnde vicinæ mulieres clamores in Cælum extollentes, auxilium S. Petri de Alcantara inuocabant: Venit tunc in mentem prædictæ D. Antonie, se aliquid de terra Sepulchri eiusdem Sancti habere; quam citò prolatam, flammis iniecit. At mirum dictu, quod statim extingui visæ, maiores in omnium cordibus deuotionis ardores relinquerent; vt Deum in Sancto suo magnificarent.

7. D. Agnes de Cepeda nobilis Toletana filiam habebat, propter grauem morbum à Medicis derelictam; ita vt animam ageret. Dum igitur spiranti ministrantur spiritalia subsidia; eidem parum aquæ cum terra ex sepulchro S. Petri missa fuit à D. Maria de Paramo: Hanc cum deuotè hauisset, illico febrem cessasse, atque in se reuersam agros-



nam omnibus summæ admirationis causa fuit, ac Deum laudant.

8 D. Ioanna Valeriano Arenis nata, febris pestifera post aliquot dies ad extremum redacta erat: Animo tamen erecta ex consideratione miraculorum S. Petri, eius fauorem cum fiducia implorat. Mox aliquantulum terræ ex sepulchro eiusdem aquæ commixtum bibendo, liberam se, & rectè valentem mirabiliter agnouit.

9 Franciscus Fernandez de Fonte Toletanus, morti proximus à Matre S. Petri de Alcantara intercessionibus offerebatur. Et cum tangi eum à reliquia eiusdem procurasset, confestim incolumem recepit.

10 Franciscus Godinez de Arenas, duo olei dolia habebat, ita colore, odore, ac sapore corrupta; ut prorsus inutilia æstimarentur, nulliusque pretij. Quod animaduertens eiusdem vxor, aliquantum terræ ex sepulchro S. Petri oleo immiscuit, & statim extrahens paruam quantitatem, adeo purgatum totum inuenit: ut admiratione confusa, miraculum vbique deprædicaret.

11 Isabella Gomez vxor Petri Ximenez, ex Pago Arenal; per duos menses lecto detinebatur à febris continua, quam arte expellere in vanum tentarat. Ergo ad S. Petrum de Alcantara toto corde conuersa, quandam reliquiam ex Conuentu Discalceatorum obtentam, collo imposuit; & illico surrexit incolumis.

12 Fr. Ioannes de Leganez Religiosus Conuentus Sancti Andreæ, cum vehementer se à febris molestari sentiret; cum magna fiducia se reliquia B. Patris sui tangi expetijt, & statim benè habuit.

13 Marchionissa de Mulpica ex ulcere faucibus inherente, de vita periclitabatur: Indè intercessionem S. Petri de Alcantara compellendo, eius reliquiam collo appendit. Ex quo, cum breuem somnum cœpisset, expergiscens sana absque vilo offensionis signo Sanctum glorificauit.

14 D. Catharina Mexia vxor Didaci Ximenez, ex Civitate Toletis, febris pestilentiali mortis periculum Medicorum

rum iudicio timebat. Sed applicando reliquiam S. Petri de Alcantara, post modicum somnum libera euasit.

15 Franciscus Martinez Arenis incola; digitum in manu sinistra adeo ægrum habebat; ut abscindendum Chirurghi iudicaret. Infirmus itaque seipsum cum certa elemosyna S. Petro deuouens; reuerenter quandam eius reliquiam deosculabatur. Tota sequenti nocte sopore relictus, quem per triginta dies ob doloris vehementiam amiserat, proximo mane obstupentibus Chirurgis, sine ulla læsione inuenitur, est sanus.

16 Sebastianus de Medina Ephœbus Comitissa de Garzias, nauigando in Flandriam ingenti maris procella iactabatur in mari, sic ut omnes præsens naufragium pertimescerent. Ipse verò socios ad inuocandum patrocinium S. Petri de Alcantara prouocans, summa in Sanctum suum fiducia reliquiam quandam ex eius vestimentis in mare proiecit. Vix undas retigerat, cum detumescere videbantur, & tempestas cessare; ut ad agendas gratias omnes incitarentur.

17 In Ciuitate Toletana D. Hieronyma de Rios cruciata per duos annos à febris ethyca, vitam per amiserat. Cum soror eius parum aquæ (cui reliquia S. Petri intincta fuerat) propinasset, eamque cum magna fide hausisset, defecit febris accessio, post etiam paucas horas, optima valetudine, se omnibus exhibuit, cum Sancti glorificatione.

18 Dominus Franciscus Gratianus Berrugere Secretarius linguarum apud Regem Catholicum, ab improviso accidente omnibus sensibus priuatus fuit: Ille verò interna cordis eleuatione, coram quadâ S. Petri de Alcantara imagine, se eidem seruo commendat. Satimque in se reuersus, infra breuissimum tempus integrè conualuit.

19 Licentius Vargas ex Oppido Areuâlo, bis febris synopali præoccupatus, cordam S. Petri ex eiusdem loci Conuentu postulat. Insuper voto nouenam offerens, breui post salutem recepit; & pro gratia nihil se possibile negaturum, quod nomine S. Petri de Alcantara à se peteretur, libere spondit.

De quibusdam sanatis ex oleo lampadis, & aqua miraculosa S. Petri de Alcantara. Cap. VII.

**A**lphonſus de Frias inflammatione quadam gutturis per octo dies nimium oppreſſus, quæ iam in faciem protendebatur cum imminenti vitæ periculo: Animatus autem fiducia patrocini, ſingularis ſui Aduocati S. Petri de Alcantara, ad eius Sacellum adiit, & oleo lampadis guttur inungi fecit. Ex quo ſtatim omnis tumor euauit, & ipſe melius habuit.

2. Maria Lopez vxor Blaſij de Ponte habitantis Arenis, filiam habebat annorum duorum, nomine Catharinam. Hæc infraſta ceruice ex graui quodam caſu, caput ſemper in ſiniſtram partem pendens geſtabat. Et quia curari arte humana non poterat, Mater eam ad S. Petri per tres ſextas ſeruias conduxit; ibique vngendo oleo lampadis obtortum filie collum, mox in priſtinum locum caput reſtitui, atque erectum ſtare vidit.

3. Catharina Lopez vxor Alphonſi Palomeri, habitantis Arenis, cruciabatur continuò in genua quodam carbunculo, qui acutos dolores cauſabat. Commendabat itaque ſe ardentè S. Petro de Alcantara; & oleo lampadis inunxit, ſic vt illico ſana euaderet.

4. Maria de Arienza vxor Petri Steuano Arenis incolæ, filiū habebat Nicolaum, cui poſt diuturnam infirmitatem inflammatione gutturis acceſſerat cum febris ardente. Hic quadam die lecto conſurgens, decidit in terram; & Mater accurrens, oleo (quod ſeruabat ex lampade S. Petri) filium inunxit, & Sancto precibus commendauit; ſtatim inflammatione ac febris remittente, Adoleſcens conualuit.

5. Anna de Arenas vxor Didaci Gomez Beziño, genu inflammatione ab omni opere impediabatur. Itaque die quadam auxilium S. Petri inuocans, oleo eius lampadis partem inunxit, & liberata fuit.

6. Ioannes Garzia filius Dominici Garzie Palomero, & Stepha-

Stephanie Gomez, ætate quinquennis catharro ita contritus remansit in neruis; vt nec pedes, nec manus mouere, aut stare, aut sedere valeret. Mater consilijs amicorum persuasa filium ad Sacellum S. Petri de Alcantara conduxit, super sepulchrum collocauit; & oleo lampadis inunxit, dñi Sacrum fieri curaret; quo ritè expleto, puer spontè surrexit, nec impòsterum tale quid amplius passus est.

27. Puella octo mensium filia Mariæ Muñoz de Mombeltran, à medio corpore sursum lepra operiebatur; præter alia quedam vlcerà foetentia; & horrida, quæ curationem respuebant. Post sexdecim dierum medicamina infructuosa, Parentes ad diuina remedia recurrendum statuerunt. Ideoque ex verà pietate S. Petri patrociniū implorando, aqua (quam reliquia eius attigerat) puellam lauante. Vnde mox crustæ vlcerum deciderunt, lepra exsiccata, nullum vltra sui vestigium in cute puellæ reliquit.

8. Isabellæ Lopez habitanti Arenis, oleum (quod conseruabat in propria domo) ita corruptum erat, vt nulla industria purgari posset. Ad cæleste igitur remedium confugiens S. Petri miraculis stimulata, ex aqua eius reliquiæ oleo superfudit, cuius partem pro lampade eiusdem largiendam vouit. Et ecce quòd eodem puncto oleum ad pristinam puritatem reuersum, mulieri deuotionis præmium rependit.

9. Petrus Sanchez Vserò post grauem morbum ad vltimū vitæ terminum peruenerat, ipsis Medicis de salute desperantibus. Circa mediam verò noctem, quasi à lethargo quodam excitatus, filio præcepit; vt ex Conuentu Fratrum Discalceatorum, parum aquæ miraculosæ protinus afferret. Quod cum filius cum omni diligentia præstitisset, bibendamque Patri anhelanti propinasset; vidit eidem febrem declinare, & intra paucos dies integrè sanum è lecto resurgere.

10. Petrus Rama habitans in Arenal; uxorem habebat infirmitate incurabili oppressam: Cui post varia remedia frustra adhibita, aquam S. Petri potandam exhibuit. Ex qua

qua post modicum somnum, infirma integrè sanata euigila-  
uit. *10.* Ioanna de Medina Arenis nata, prostrata iacebat à  
febris continuas cui per triginta dies medicinæ exhibite  
prodesse non valebant. Igitur S. Petrum de Alcantara in-  
uocando, eius aquam hausit; & breuì conualuit.

*12.* Dominicus Ximenez incola Pagi de Mombeltran,  
uarijs accessionibus febris continuæ, ad extrema redactus :  
Quadam die lecto exurgens, sepulchrum S. Petri adiit, ora-  
tionem fudit, atque ex aqua reliquiæ bibit, totusque inco-  
lumis ad sua rediit; vt gloriam Dei, ac meritâ Serui sui al-  
tius deprædicaret.

*13.* Beatrix filia Andreæ Manfo, supradicti loci, febris  
continuæ agitationibus perducta erat ad mortis confinia :  
Quamobrem Pater S. Petro de Alcantara deuotus, ex eius  
aqua febricitanti propinauit; qua hausta statim eam febris  
deseruit, & benè habuit.

*14.* Ioannes de Fonte Ciuis Toletanus, pessimè habe-  
bat à tertiana duplici, qua miserè torquebatur. Hinc qua-  
dam die ad Conuentum Patrum Discalceatorum misit, pro  
aqua ex reliquia S. Petri de Alcantara, quam afferens Guat-  
dianus, & ægrotum reliquia signans; febris totaliter libe-  
rauit.

*15.* Ioannes Ximenez Nieto habitans in Pago Hornil-  
lo, habebat uxorem, & filium sexenriem ambos grauiter  
laborantes tertiana. Adiit Conuentum S. Andreæ del Mon-  
te; & allata infirmis aqua S. Petri de Alcantara, quam potan-  
do sanati fuere.

*16.* Christophorus Martinez Salzedo incola Mombel-  
trani, grauius tormenta passus erat per multos dies à ter-  
tiana duplici: Vndè secum deliberabat, priusquàm vlti-  
mam medicinam caperet à Medico præscriptam, de acci-  
pienda aqua ex reliquia S. Petri de Alcantara; licet ab eo-  
dem Medico valdè contradiceretur. At instante constan-  
tius ægrotans, vas allatum in principio paroxysmi manibus  
tenens, dicebat; *Sancte mi Adiuocate Petre de Alcantara* à

tibi

tibi me commendo, & aquam hanc in tuo nomine haurio; ut me tam longa infirmitate promptius liberes. Vix dum aquam hauserat, cum tota febris cessauit, & Medico presenti summum stuporem incussit.

17 Petrus Velasquez de Arenas fluxum sanguinis per aliquot dies passus; alijs periculosis accessionibus vitæ periculum adierat: Hinc memor beneficiorum S. Petri de Alcantara, ad Guardianum Conuentus pro aqua ex S. Petri reliquia misit, qua hausta, dolor omnis & fluxus recessit; ut lecto statim ex surgere potuisset, ni debilitas prohiberet. Qua non obstante Sacellum Serui Dei inuifere voluit, & votum fecit, se quotannis die eiusdem transitus mendicum aliquem cibaturum; moxque iterum de præfata aqua bibens, perfectè conualuit.

18 Ioannes Sanchez de Mombeltran vulnus in manum recepit, à quo nervi in seipsi periculose vitæ eius statum ex inflammatione fecerunt. Vxor itaque Francisca Gomez, de casu mariti afflictæ, pro eius salute S. Petro de Alcantara se vouit, velle cum marito sepulchrum Sancti adire: Insuper cum aqua ex eius reliquia manum lauit, & statim eandem mouere vidit, nec cicatricem aliquam vulneris remanere. Quo insigni successu valdè in illo loco, deuotio Serui Dei promulgata fuit.

19 Alphonfus Sanchez de Xara, qui morabatur in Pago Guisando; gregem ingentem caprarum alebat, quarum occulta infectione plurimæ peribant cum magno Domini detrimento, ac dolore: Die quadam occurrerunt ei duo Fratres Discalceati, qui authores fuerunt; ut ad Conuentum mitteret pro aqua illa miraculosa reliquiæ S. Petri de Alcantara, qua aspergeret infectas: Promptissimè obedijt Alphonfus, & cum fiducia in Sanctum, asperxit sic; ut cessante morbo, imposterum gregem amplius non infestaret.



*De miraculosis successibus, qui ex apparitione S. Petri euenerunt; aut eius sola intercessione. Item ex ficu, quam plantarat, eiusque fructibus. Cap. VIII.*

**D** Augustinus Nauarrus Burena Eques Ordinis Militiæ Sancti Iacobi, ex Ciuitate Calatayud; graui morbo in Germania affectus, valdè periclitabatur. Hinc quadam nocte S. Petrum de Alcantara suum singularem Aduocatum deuorè inuocans; ab ipso sibi apparenter certior factus fuit, se ex hac infirmitate nequaquam moriturum: Quod quidem sic euenit; cùm contra omnium expectationem, ipse intra breuissimum tempus integerrimè conualuit. Non longo post tempore, idem à Rege Catholico Philippo IV. piæ mem. Mediolanum missus; indè Secretarius Status, & Belli apud Serenissimum Archiducem Austriæ Leopoldum destinatur: Dum autem in quadam nauigatione versus Hispaniam, ipse ex naui horribili tempestate concussa, in mare eiecitur: intima cordis deuotione se S. Petro commendabat. Qui visibiliter apparens illi per brachia ex undis in saluum extrahit, vteriusque securum reddit neminem ex suis periturum; sed conditionem addidit, vt pro accepta gratia, solemne festum in perpetuum dedicaret celebrandum in aliquo Conuentu sui Instituti: Monuit insuper, ipsum moriturum, quadam die infra sui festi Octauam, quemadmodum successit Anno 1656. Madriti, vbi diem extremum clausit. Hoc miraculo inductus, Capellam Sancto dicauit in Calatayud, & dotauit tantis sumptibus, quot sufficerent celebrando festo eiusdem cum magnificentissima pompa.

**I**n vita Venerabilis Serui Dei Patris Didaci de Vera Prouinciæ S. Pauli Discalceatorum olim Ministri, & totius Ordinis Minorum Diffinitoris generalis refertur; quòd cùm Romam aliquando pergeret timens, nè addita pedum nuditati, & infirmæ suæ valitudini grauissima (qua laborabat) febris ipsum à tanta peregrinatione retardaret; à

Sanctis

Sanctis Petro de Alcantara, & Theresia de Iesu (quibus deuotissimus erat) humiliter petijt, vt ipsi à Deo sufficientes tam longo itineri, vires impetrarent. Exauditus pro sua deuotione Didacus, eos sibi visibili specie apparentes inspexit; sibiue benignè dicentes audiuit; nihil timendum esse, non defuturum ipsi Dei auxilium, scelicem itineris sui finem consecuturum; licet non penitus restituta eius corpori sanitate. Diuinæ namque voluntatis esse, vt impositam obedientiæ legem, in doloribus, & infirmitatibus adimpleret.

3 Maria Velasquez febri pestilentiali ad agoniam reducta, à Medicis derelicta, & Sacramentis Ecclesiæ receptis, mortem operiebatur: Cum repente lecto exiliens, stupentibus omnibus adstantibus dixit; vt recederent ad quietem, quia per Dei gratiā, & intercessionem S. Petri de Alcantara benè habebat. Sed vterius de modo interrogatā respondit; dum animam ageret, ex corde Seruo Dei se commendasse, qui apprensus sibi os aridum quadam aqua miraculosa replensse, qua non sitim modò, sed & febris ardorem extinxisset. Vocati igitur Medici miraculi experientiam comprobando, latè famam rei, ac Sancti gloriam sparserunt.

14 Catharina Rodriguez de Arenas, inflammatione faucium angustiatā, nec cibum capere poterat, nec quietem. Unde quadam nocte vehementius oppressa, domesticorum auxilio frustra adhibito, sola S. Petro de Alcantara instantius se commendat; vt succurreret. In oratione igitur obdormiens, per vssam sibi apparuit S. Petrus cum S. Francisco ingenti splendore cubiculum illustrantes: Illi verò quærentes quid à se peteret, respondit, salutem: At ipse, à Patre Sancto Francisco petiit, vt terro sibi à Domino impetret. Nec mora quin in eodem puncto mulier perfecte sanata, omnibus notis suis admirationem maximam afferet.

5 Ioannes Rodríguez Montefinos de Arenas, iter faciens per quasdam angustias, quas de Arenas nuncupant; vbi nebula, vento, ac nifibus infestatus, egre ad culmen

montis penetrabat. Hic iterum utrimque niuibus obsessus, pro auxilio Sanctum suum Aduocatum S. Petrum de Alcantara ardentius compellat: Et ecce quod vidit eundem præcedentem sibi, per medium niuium, semita quadam nuper aperta; dum per tres menses, nullus illac hæcenus transisset. Ipse verò nullo aut ventus, aut nebulæ incommodo, viam perficiens; beneficii magnitudinem, gratijs humillimis semper recoluit.

6 Bernauela de Figeroa vxor Ioannis Rodriguez Cuius Toletani, ex febris maligna vitam desperabat: Vnde Sacramentis perceptis, duos Religiosos ex Conuentu Discalceatorum aduocari fecit; qui animam Deo commendarent. Hi itaque cum aduenissent, monuerunt ægrotam; vt S. Petro se in corde commendaret, & aquam ex eius reliquia bibendam propinarunt: Hac autem accepta obdormiens mulier, post horæ quadrantem euigilans, vocauit Matrem, ac materteram voce sonora, dicens; *D. Mater, Sanctus Religiosus (cuius hac est reliquia) mihi adfuit prope hunc lectum eo splendore, ac pulchritudine, quam optassem, quod vidisses.* Inde accurrentes cæteri omnes, clamantes coeperunt miraculum, miraculum; ægramque sudore aspersam, ac à febris liberam inuenerunt.

7 Francisca Ponze vxor Ioannis Ximenez Oppidi Algarobillas, Anno 1628. febrem malignam patiebatur, cum accessionibus mortalibus: Seruabat autem frustulum ligni ex ficu, quam S. Petrus de Alcantara plantauerat in Conuentu Pedrosi, quod aquæ ciato intingere iubens, statim magna cum fiducia, ac deuotione exhibuit. Quo facto mulier incolumis euasit, & quod admirandum videbatur aridum illud lignum reuircens, globulum fici instar produxit, plurimique ex eius aqua salutem hauserunt.

8 Maria à Sancto Iosepho Tertij Ordinis Sancti Francisci, apud se seruabat partem ficus S. Petri longitudinis vnius palmi, sed subtilem. Hanc rogauit ipsa, vt villicus quidam en area domus suæ plantare veller; quia confidebat in ficu uasuram: At villicus ligni conditionem, ac hybernæ tem-

poris importunitatem adducens, impossibile & ineptam plantationem arguebat; mulier verò spei suæ, ac desiderij causas replicans, tantum effecit, vt particula illa defoderetur; quam sequenti Martio mense radices egisse, folia emittere, atque vt cæteras ficus crescere non immeritò obstupuit. Hæc postea in Conuentum Discalceatorum transplantata, eiusque fructus, multorum infirmitatibus salubres adhuc, continua experientia celebres, omnium deuotioni exhibentur.

9 Religiosus quidam Prædicator in Conuentu Discalceatorum B. Virginis de Cardillexo, febribus magnis ultra duos menses tenebatur, ex quibus inter alias accessiones, hoc patiebatur; quòd post multas horas, cibum indigestum regurgitaret, & quòd Medicus perperam curando, malum cum periculo vitæ augeret: Hinc conuenientiùs sibi duceus, pulueres quosdã ex ficu S. Petri sumere, eosdem à Guardiano petijt, ac Sancto se deuotè commendauit, vouens se eiusdem imaginem semper habiturum prope lectum, & aliquot preces quotidie recitaturum; si salutem sibi redderet, aut bonam mortem, prout expediret magis, concederet. Indè sumpta aqua cum immixto puluere, cœpit intra se hecæ ruminari; *utinam Deus vellet me pro suo seruicio iterum sanitatem donare: Utinam salem euacuationem habere possem;* vt nihil humoris maligni, ex quo patior, remaneat. Aliam insuper multa mente reuoluebat, quæ infra breues horas omnia sibi prosperè euenisse, postea Religiosis narrauit cum summa Sancti veneratione; cui id acceptum ferre, se ingenue fatebatur.

10 In Ciuitate Legionis deuotissima S. Petri de Alcantara infirmabatur benefactrix quædam Fratrum, cognomine Bayarda; cui mors finem accelerabat. Quod cum à duobus Fratribus Guardiano nunciatum fuisset, remisit eidem ex puluere fici; quibus illa acceptis, integrè conualuit.

11 Benedictus Ximenez Ponze ex Opido Garouillas, digitum habebat vlcere pessimo infectum; vt Chirurghi incisendum iudicaret: Sed infirmus incisionem expauescens; facilio-

faciliorem à S. Petro de Alcantara curationem expectabat. Itaque Conuentum Pedrosi accedens, super Altare, quod in cella (quam habitarat Sanctus) erectum erat, digitum posuit orando deuotè; vt se à Chirurgorum manibus liberarer: Postea domum reuersus, Medico, & Chirurgo digitum fascijs obligatum præbens curandum; ab iisdem sine vlla cicatrice inuentus est sanus, ex solo illo contactu Altaris, quem fecerat.

12 Licentiatus Michael Hernandez de Valuerde, ex quadam infirmitate extrema patiebatur; cum ei Clericus quidam amicus, medium ficum ex arbore S. Petri de Alcantara comedendum offerret: Quo accepto melius se habere sentiens, pro gratijs festum in Conuentu Manxarretes celebrandum, magnificè parauit. Illuc itaque Patrem, ac propinquos conducens, tantos vltro conuenisse inuenit; vt vix tertiæ parti sufficere cibaria præparata viderentur, prout iuramento firmavit: At nè coelestia prius quærentibus, temporalia decissent, prouidit Sanctus; vt multiplicando præparata, multæ reliquæ superessent, quæ omnium deuotionem, & admirationem elicerent.

13 Martinus Carrero ex Pago de la Dehesa, benefactor Fratrum S. P. Francisci, decumbebat febri, & gutturis inflammatione, propter quàm duobus diebus vix sputum emittere poterat, aut aquam bibere: Idèdque summo ardore consumebatur. Accessit interea Religiosus quidam ex Conuentu de Arcualo, qui infirmum percontatus; ac deuotionem aliquam ad S. Petrum de Alcantara haberet? Cui ille, nunquàm tali Sancto se commendasse respondens, admonitus fuit; vt se eidem seriò nunc commendaret; & nouenam cum fiducia salutis voveret, quò citius intercessionis beneficium obtineret. Iudè vas aquæ expositulans Religiosus, crucem quandam ex ficu S. Petri de Alcantara iunictens, bibendam egroto exhibuit: Qua hausta sine difficultate, ouum etiam sorbuit, & cætera omnia (quæ gustanda dabantur) facillè inglutiebat; ita quòd ex illa hora tam gutturis inflammatio, quàm febris ardor infirmum penitus des-

seren-

ferendo , ad reddendas Liberatori suo gratias, liberum, sanumque relinquerent .

14 Incolæ Oppidi de Arenas afflicti, valdè molebantur de pluvia continua, quinquaginta dierum; quæ à camporum cultura, cæterarumque suarum rerum cura eos domi inutiles detinebat. Super quo conuocato consilio, decretum fuit; vt Processio fieret gestando corpus S. Petri de Alcantara, quò Deum placarent: Vix in publico comparuit sacrum pignus, quòd visæ sunt nubes aquis grauidæ dissipari, & Sol serenus vniuersi Populi mentes serenare; quò confidentius laudes Serui Dei, eiusque fauores sonoris vocibus decantarent; cui miraculo subsequētis disparitas decorem augebit .

15 Anno 1664. idem Oppidum Arenarum, eiusque vicinos campos diuturna siccitas affligebat; ita vt aruis, pascuisque sterilitatem indixisse videretur. Vndè Ciues natiua, patriæque deuotione, ac fiducia S. Petrum acclamando, eius auxilium tam ingenti necessitati opportunum existimantes implorandum, deliberant; statuuntque die Dominica infra Ascensionem Domini, sacra ossa (quæ apud se seruari magna veneratione gaudebant) in publicum deferre, quò eius patrocinio diuina Clementia solemnitus exorari valeret: Itaque destinata die mirandum contigit, cùm sacrum pignus reuerenter super primorum humeros in publicum delatum, obscurari cuncta nubibus videbantur; quæ priusquàm Processio destinata loca circumiisset, ingentem imbrem emisisset, atque ultra octingentos homines ( qui illuc conuenerant) tā singularis beneficii participes, ac testes fuisse publico Instrumento innotuit. Exaudiente Domino preces Seruorum suorum, quibus potestatem etiam dedit Cælos clauos aperire, & terram fructibus suis foecundare .

16 Fr. Didacus de Arenas, adhuc puer vndecim annorum, de nuce in terram cadens, ægrè corpus contudit; & femur ligno quodam præacuto transfixit: Timens itaque de morte, ex corde auxilium S. Petri inuocauit; & per tres horas, sine alicuius ope, in terra remansit. Post has à quibusdam



busdam aduenientibus domum reductus, à Chirurgo sine lésione inuentus fuit; nec ipse dolorem aliquem exindè sentijt.

17 Idem quasi euenit Ioanni Ximenez, qui ex arbore (quam ascenderat pro ramis quibusdam secandis) non pronus in subiecta saxa, sed rectus in terram sine offensa decidit, idquè inuocando auxilium S. Petri de Alcantara, cui beneficium acceptum tulit, gratias reddendo;

18 D. Aloyía de Villagra, quæ habitabat in Pago Mòbeltran febribus agitata, nullo remedio curari poterat. Memor itaque alterius gratiæ à S. Petro de Alcantara receptæ, eidem se vouit; ac visitando eius sepulchrum, ibi confestim sanitati restituitur.

19 Maria Gonzalez de Arenas, vltra annum quartanam duplicem patiebatur, sine aliquo leuamine; vndè quadem die fiducia erga S. Petrum excitata, nudis pedibus ad Ecclesiam Sancti Andreæ Discalceatorum, viam ingreditur. Erat tunc frigus intentius, & cuncti dolores cum difficultatibus augebat; ita vt media quasi via subsisteret. At spe animata prosequèbatur, quodcumque incommodum patientia superare; vsque dum ad Sacellum Sancti post breuem orationem, sanam se, ac vegetem mirabiliter inuenisset.

20 In Conuentu Patrum Discalceatorum Ciuitatis Legionensis, laborabat per aliquot dies quidam murator ex montibus. Hic à febribus impeditus, operis sui lucrum familiæ suæ sustentationi afferre vltèrius, propter debilitatem nequibat: Itaque rediens ad Fr. Martinum à S. Iosepho tunc Guardianum illius Conuentus, Missam in Sacello S. Petri de Alcantara celebrari expetijt, cui ipse interesset, commendans se iusdem solitis fauoribus, quos à plurimis audierat. Post auditum Sacrum accessit ipse ad Guardianum, quem cum Nobili quodam in Claustro inuenit; præ gaudio exultans dixit; *Pater, scias me, dum in Sacello Sancti orarem, acutum quendam dolorem in uno humero sensisse; mox in me reuersum, nunc sanum, optimèque habentem, gratias tibi maximas pro charitate reddere.*

*De nonnullis laborantibus dolore lateris, urinae, canceris, & similibus; qui intercessione S. Petri de Alcantara, sanitati restituntur. (Cap. IX.)*

1 **I**oannes Martinez Spina, captus fuit adeò vehementi lateris dolore; vt deliquium pateretur. Quod aduertens eius frater, reliquiam quandam S. Petri (quam penes se habebat) apposuit patienti, ex quo obdormiit; indèque euigilans, sanatum se agnouit.

2 D. Menzia Daza eodem morbo fortiter vexabatur; vnde dum maritus eius quadam die S. Petri de Alcantara miranda legeret, spem concipiens aliquam etiam sibi gratiam largiturum; genua flectit, & viua fide Sancti intercessionem apud Deum pro vxoris salute exposcit. Statim obseruauit eam suauiter obdormisse, & paulò post experfectam; nullum vltra dolorem, aut incommodum pati.

3 Gabriel Lopez Arenis incola, quadam nocte acutis doloribus lateris percussus fuit; quibus inguinarum inflammatio accessit, quæ requiem auferebant. Postquam verò varijs medicinis frustrà adhibitis, S. Petro de Alcantara se cum voto visitandi eius sepulchrum, obtulisset; statim dolores euanuerunt cum inflammatione, & ipse liberè officio suo perfunctus est.

4 Ioannes Sanchez Vaquero habitans in Pago Guisando, dum quadam hyberna nocte inter suos prope ignem se calefaceret; doloribus intensis, in terram vix non inanitis concidit. Quamobrem vxor cuiuscunque remedij nescia, magna fiducia, intercessionem S. Petri de Alcantara compellat; factaque breui, sed intensa oratione, vidit maritum se erigere, & sine vllo doloris sensu summas Sancto suo Patrono gratias agere, quem vxor inuocauerat.

5 Ioannes de Olmedo iisdem doloribus per aliquot dies fortiter vexabatur, nec leuamen aliquod ex remedijs sentiebat. Hinc applicans lateri quandam reliquiam S. Petri de Alcantara, quam vxor seruabat, sanus confestim euasit.

6 Maria Ximenez præ graui morbo, ac doloribus oppressa, per tres menses sui mouendi etiam in lecto impotens facta erat: Vndè emissio voti adeundi sepulchrum S. Petri de Alcantara, statim melius habere coepit; & post quatuor dies baculo, ac filia innixta, ad Conuentum se transtulit. Vbi in Sacello Serui Dei orans, integrè liberata, & vegetior nullo iuuantè domum reuersa est.

7 Christophorus Martinez Salzedo incola Mombeltrani, varijs corporis doloribus agitabatur, quibus per octo dies frustra remedia quærebat; vsque quò secum statueret, quo posset meliori modo, ad Conuentum Discalceatorum se transferendi. Illuc cum ægrè peruenisset, orationem aliquandiu in Capella S. Petri fecit, & tangi se reliquia eiusdem deuotè expetiit: Quibus ritè expletis, in eodem puncto sine dolore, aut alio impedimento; sanus domum regressus est, & omnibus notis admirationem attulit.

8 Elisabetha Morena vxor Iuliani Garzia, ex Oppido Alcolea, Diocesis Toletanæ; per sex annos sine remedio, vrinæ difficultates patiebatur. Quadam die ab amica sua persuasa; vt S. Petro de Alcantara se commendaret, & oleo lampadis eius se inungeret: Itaque ter symbolum recitans, promisit se pedibus nudis Sacellum Sancti visitaturam, & Missam celebrari curaturam sequenti manè; dolores vltra non sensit, sed inter magnam sanguinis copiam calculum magnitudinis oui anserini emisit; quem mediæ libræ pondere in manu gestans, excurrit ad vicinos, & miraculum Serui Dei cunctis deuotè publicauit. Quod quidem id magis confirmari fecit, quod Chirurghi hanc petram naturæ viribus egeri non potuisse, constanter asseuerarent; sicque infirma simul cum marito, voti debitum magna cum lætitiâ, Sancto persolvere non distulerunt.

9 Maria Blasquez filium habebat vndecim annorum, calculis laborantem; cui per sex annos medicamina studiosè adhibuit; Ipse tamen moræ, ac infirmitatis pertæsus, cum magna fiducia ad S. Petri de Alcantara auxilium confugit, offerendo Missam, & peregrinationem ad eius sepulchrum.

pulchrum. Mirum remedium, statim ac se cum reliqua, quadam eiusdem contigisset; sanus euadens, ad soluendum votum viæ se commisit.

10 Franciscus Gomez, qui habitabat in Oppido Sanctæ Crucis, Diocesis Auilæ; per quatuor annos, urinæ molestijs torquebatur: Vndè Amita eius Isabella Lopez commiserando eidem, salutem eius S. Petro de Alcantara anxie commendabat; vouendo se eiusdem Sacellum cum munere visitaturam. Domum ergo rediens, inuenit Nepotem doloribus liberatum, nec amplius iisdem affictum, vnquam vidit.

11 Hieronyma Garzia filia Ioannis Sanchez Garziæ, & Catharinæ Blasquez; cancrum in ore alebat, qui maxillam quasi corroserat, & idè à Chirurgis incurabilis habebatur: Quare Parentes eam intercessioni S. Petri de Alcantara commendabant, cum voto visitandi eius sepulchrum. Mox cancer desiccatus, infra breues dies ex toto iuuenem liberam reliquit.

12 D. Franciscus filius D. Ioannis Benegasi de Arenas, quatuor annorum; eodem morbo laborans, desperabat de remedio. Quamobrem D. Maria de Mescua eius Amita, pro salute Nepotis S. Petro de Alcantara votum fecit de portanda ad eius sepulchrum imagine cerea; & exaudita fuit.

13 Maria Sanchez, vxor Christophori Martin Salsero ex Pago Mombeltrani, continuo dolore mamillæ sinistræ torquebatur; ita quòd Chirurgi timerent, nè serpendo ad pectus, cancrum generaret: Vndè periculo exterrita, S. Petro de Alcantara anxie se commendabat, cum voto. Quo quidem emissò, confestim liberam se, ac sanam inuenit.

14 Ioannes de Cepeda, & D. Catharina de Baldenebro inconsolabiliter flebant proximam mortem filiæ Mariæ duorum annorum: Iraque dum hæc in agone erat, Mater S. Petro de Alcantara vorum faciebat de offerendo eius Conuentui tantum grani, quantum filia ponderis habebat;

bat; si salutem recuperasset. Ex quo agonizans oculos aperire, & cibum gustare cœpit, breuîque perfectæ sanitati restituta fuit.

15 Franciscus Montero, & Catharina Pezel filiam Mariam annorum quatuor, à longo tempore ægotam habebant; cui Medicus vix dimidiæ horæ terminum viuendi prædixit. Vndè in planctum diffusi Parentes, altioribus vocibus patrocinium S. Petri de Alcantara confidentius inuocant, & peregrinationem ad eius sepulchrum vouent; statim puella melius habere, & breuî integrè conualescere visa, Liberatori pro gratijs oblata, Parentum mœrorem in gaudia conuertit.

16 D. Maria de Frias ex Oppido Arenarum, annorum quatuordecim; per sex annos febris ethyca consummata, mori credebatur. At voto à Parentibus S. Petro de Alcantara oblato, tum à febris libera in instanti, tum ab omni morbi affectione post breue tempus immunis remansit.

17 Franciscus Gomez Guadalupe ex Mombeltrano, dentium cruciatu Ecclesiam Matris Dei accedere coactus fuit: Hic per integrum diem, sine leuamine perseuerans, S. Petri de Alcantara memor; oculos, ac voces in Cœlum extollens; *O Sancte Fr. Petre de Alcantara, ora pro me Deum*, exclamauit. Quo dicto, statim dolor cessauit, paulò post sanus domum reuertitur.

18 Catharina Sarauia de Arenas, coxendi in latere sinistro ægotabat, nec curari poterat. Quapropter remedium à S. Petro requirens, voto se visitandi eius sepulchrum obstrinxit, ac confestim conualuit.

19 D. Anna de Salazar habitans in Mombeltrano; graui morbo ad mortem properabat, dum omnia funeri ducendo præparabantur, eius famula Domine sortem commiserans, ad Conuentum Fratrum Discalceatorum misit, vt in Sacello S. Petri Missam pro infirma celebrarent. Itaque redeunte domum nuncio, cum summa lætitia, & admiratione agnouit ægotam iuxta durationem Missæ, salutis etiam gradus recuperasse; & tandem optimè valere.

20 In Oppido de Areualo D. Barbara vxor Licentiatæ Vargas, à Medicis deserebatur ob febrem malignam, quæ ipsam opprimebat : Accesserat fortè Guardianus Discalceatorum visitandi vrbānitate, & vt S. Petro de Alcantara se commēdaret suadebat : Ipsa autem de aliqua Sancti reliquia exquirente, protulit particulam baculi, & aquæ immisit; vt ipsa biberet. Tam fausto hoc omine successit, vt infirma, obstupescētibz Medicis, hausta aqua; statim omni febris, ac periculo liberata consurgeret, & maritum pro reddendis Sancto gratijs ad Conuentum comitaretur.

*De illis, qui per inuocationem S. Petri de Alcantara  
prolem obtinuerunt; & de alijs, quæ ex partu  
periculo liberata fuerunt. Cap. X.*

1 **D.** Clara Centuriona filia Marchionis de Monasterio, per sex annos prolem non habuit; propter quandam infirmitatem iudicatam incurabilem: Quadam vice accessit sepulchrum S. Petri de Alcantara, & nouenam absoluit: Ab hinc paucis diebus grauida facta, suo tempore fœliciter filiam peperit, quæ postea Marchionissa Monasterij fuit, & propter gratiæ memoriam, filia S. Petri de Alcantara nuncupabatur.

2 Comes Pignorandæ, quia prolem non habebat, cum coniuge per viam longam nudis pēdibus adiit sepulchrum S. Petri Arenis existēs, supplicando; vt filios sibi apud Deum impetraret. Nec diu, quod vxor concipiens, masculum fœliciter in lucem edidit; cuius effigiem, pro gratia ad Conuentum ambo detulerunt.

3 **D.** Petrus de Vega & Loaysa, & D. Maria Tufiño Coniuges habitantes in Mombeltran; à sexdecim annis sine prole viuebant in magna mœstitia. Ideò quadam vice, sepulchrum S. Petri de Alcantara cum magna deuotione visitarunt, & post nouem menses filium masculum obtinuerunt; cui pro beneficio, Petri nomen impositum fuit.

4 Ioannes à Ponte, & Angela à Palazios Coniuges nobili-



bilitate, & opibus conspicui, in Oppido Corral de Almaguer; cum per duodecim annos nullam prolem habuissent, S. Petro de Alcantara se vouerunt Altare erecturos, si liberos impetrassent. Itaque expleto voto, prædicta Angela concipiens, debito tempore masculum peperit; cui ob beneficium, Petri nomen inditum fuit.

5 In Oppido Empudia morabatur D. Alphonfus Gonzalez, Nepos Archiepiscopi Sancti Iacobi, & de Burgos; quem accedens Religiosus quidam Discalceatus Prædicator, ob viri amicitiam de rebus familiaribus confidentius siscitabatur. Ille omnium foelicem statum enarrans, de proli carentia post octennij coniugium, vehementius conque- rebatur: Ad quæ promptius respondendo idem Religiosus, tanquam facile remediũ suggerens, voto vtrumque Coniugem S. Petro de Alcantara obstrinxit; videlicet vt quolibet die decima nona mensis Missam eidem offerrent, in eius festo confitendo, ac comunicando, aliquibus egenis cibum, & eleemosynam largirentur. Quod quidem cum, prædicti spontè præstitissent, primum deuotionis suæ fructũ D. Alphonfus percepit; cum in eiusdem Sancti festo à quodam catharro grauissimo liberaretur, à quo per aliquot menses vehementes dolores passus erat: Dein cum vxor eiusdem post nouem menses filiam pareret, quam sæpè tanquam suam S. Petro offerre solebat; & ipsa licet adhuc tenella, singulari deuotione Sanctum colebat. Vnde, aliquando quartana laborans in die festo eiusdem Sancti ritè à Parentibus celebrato, sanitatem recuperauit; & impofterum Sanctum domus suæ tutelam singularem gerere agnouit: Nam, vltra præterita beneficia, alio anno eisdem Parentibus filiũ masculum Sanctus concessit; vt voti liberalitati, præmij munificentia responderet.

6 In Oppido Arcualo Licentius Vargas cum vxore D. Barbara, summo studio S. Petrum de Alcantara colebant; & ideò varios ab eo fauores impetrarunt: Inter alios autem afflicti de importuno decessu filiorum, qui quasi omnes in fascijs moriebantur; vouerunt se velle eos ex deuotione

Religionis habitu induere, quàmprimùm annos pueritiæ attigissent. Quod postquàm ritè præstitissent; imposterùm nullus filiorum, immaturæ sortis præda exitit.

7 D. Anna de Bazan Comitissa de Garzias, quatuor filios mortuos peperat; idèdque de altero (quem gerebat in vrero) valdè eandem sortem prætimeſcebat. Quadam die visitando Comitissam de Oropeſa, ab eadem perſuaſa fuit; vt confidendo meritis S. Petri de Alcantara, eiùſdem patrocinio ſe deuoueret integris; Vndè deuotà Domina conſilio ritè obediens, opportuno tempore, filium masculum, in lucem edidit. Hic poſt biennium infirmitate quadam ad extrema redactus, Parentibus nouæ deuotionis occaſionem, & Sancto noui beneficij materiàm obtulit: Mater enim ad conſuetum patrocinium ſui Aduocati ſeriò confugiens, dum in Eccleſia Miſſam celebrari faciebat, nuncium accepit puerum contra omnium ſpem ſomnum cœpiſſe; & poſtquàm domum rediſſet, vidit integrè ab omni morbo ſanatum. Vndè adèd deuota ſemper S. Petro de Alcantara permanſit vt deuotionis eius propagatrix ſtudioſiſſima fuerit & poſt mortem corpus ſuum ab Aula Madritenſi, ad Conuentum Arenarum deſerri, atque in Sacello Sancti ſepeliri teſtamento legauit.

8 Gratia de Villalobos vxor Petri Gomez Macotela, habitans Arenis; in quodam partu difficili, de vita periclitabatur. Quare ad S. Petrum de Alcantara affectum eleuàs, eius cordam expetiit; vt periculo ſuccurreret. Hac itaque præcincta, facile filium masculum enixa eſt; qui ab omnibus pro mortuo habebatur: At vbi eum quoque eadè reliqua attigisset, in ſe reuerſus; Matri duplicis gaudiij, & gratiæ motiuum attulit.

9 Idem contigit Petronillæ del Valle eiùſdem loci, quæ per quindecim diès doloribus partus anguſtiata, à vicino mortis periculo per contactum cordæ S. Petri de Alcantara liberata fuit.

10 Maria Blaſquez vxor Ioannis Gonzalez ex conſilio cuiuſdam amici corda S. Petri præcincta, foeliciter peperit; cum

cum periculosa iudicaretur, & à Chirurgis aperienda. Unde alia vice huius beneficii memor, S. Petrum de Alcantara inuocando; difficile partum expeditius exoneravit.

11. D. Beatrici de Olmedo vxori Ioannis de Xubera, & Petronillæ del Valle coniugi Ioannis Martinez de Olmedo, sicut & Mariæ Flores vxori Francisci Gomez; omnibus in partu periclitantibus, S. Petri corda ac deuota inuocatio, & vitam; & prolem miraculosè donauit.

12. Maria Lopez vxor Didaci Gomez, & Catharina Ramos, diù cum morte pariendo luctabantur; cum allata illis corda S. Petri, & parturientes fiducia intercessionis eiusdem animauit, & adhibita foetu faciliùs expediuit.

13. Filia quædam Franciscæ Blasquez de las Cuevas, incipiendo foetum eniti, vix animum exhalabat; cum in tanta angustia, varios Sanctos inuocasset, & eius Mater nudis pedibus varias Ecclesias visitasset: Tandem filiæ suasis, vt se S. Petro de Alcantara ex corde commendaret; eò quòd hoc tempore varias suis deuotis beneficia præstaret. Itaque dum parturiens affectu, Mater opere Sanctum inuocant: statim ambæ exaudiri visæ, desiderij sui effectum impetrarunt.

14. Mulier quædam Arenis; dum partui vicina febris accessione aggrauaretur; audito quodam beneficio per aquam ex reliquiâ S. Petri de Alcantara cuidam moribundo ex Arroio Castaño concessa, pro ea ad Conuentum citius misit. Hac itaque sumpta, mulieri Sanctum cum magna fiducia, inuocanti, febris extincta est; & præsens periculum euasit.

15. D. Anna de Bustos & Zepeda in Oppido Tordecillas, Castellæ Veteris degens; Anno 1631. maritum amiserat, & paucis ab hinc diebus partus doloribus premebatur: Propter quos ex inuocatione cuiusdam imaginis Beatissimæ Virginis de la Peña nuncupatæ, ab imminenti periculo liberata, foetum edidit sanum, & integrum; sed cum tanta sanguinis effusione, & totius corporis commotione, vt quasi viribus destituta periret ex Medicorum iudicio. Accesserat ad eam fortè consolandam Guardianus Sancti Francisci Discalceatorum

ceatorum eiusdem Oppidi, qui sortis eius misertus, varia pietatis consilia suggerebat: Inter cætera verò suavit, ut quolibet die decimo nono mensis, in honorem S. Petri de Alcantara Sacrum fieri curaret, & in eius festo Sacramentis Poenitentiae, & Eucharistiae se muniret; insuper ut pauperes aliquos cibaret, & tandem aquam biberet, cui ipse reliquiam Sancti intinxisset. Quibus cunctis summo affectu à deuota muliere approbatis, & aquam bibens, materiam quandam albam euomuit; quæ Medico præsentī, optimū indicium salutis ministravit: Nec fefellit euentus, cum ab illo puncto cessarent vomitus, cæteraque incommoda; vsque dum ægrota, intra paucos dies integrè conualuisset. Quadam igitur die cum pro eadem visitandæ, forè Medicus vnā cum Guardiano conuenisset, à priori dictum fuit illam salutem suam meritò B. Virgini de Penā adscribere debere; ab altero autem Dei Matri omnium Sanctorum intercessionem adscribi: Sed in illa occasione videri eam voluisse Seruo suo S. Petro de Alcantara restauandæ sanitatis istius infirmæ gloriam relinquere; cum à puncto acceptæ aquæ, & facti voti, illa morbi sui integram mutationem experta fuerit. Ad quæ ipsa Domina, plurimum se B. Virgini debere confessā, nullam de S. Petro mentionem faciebat; & sic aliquantulum Guardiano prædicto ingratitude suspicionem concitauit: Vnde ipse tunc ad Conuentum suum recedens, vix à se obtinere poterat; ut culpæ huius memoriam abstergeret. Sequenti manè, cum forè ad prædicandum properaret, accedens quidam nunciū prædictæ Dominae instabat; ut sine mora ad eandem veniret, eò quòd priores vomitus, & sanguinis profluuiū ægrotaanti rediissent: Ad quæ hæsitans aliquantisper Guardianus, quid factū opus; nunciū tamen celeri passu comitari elegit. Cum ergo infirmam valde afflictam inuenisset, admiratus nimis causam exquæsiuit tam repentinæ mutationis: Illa verò, ingratitude suæ erga S. Petrum de Alcantara culpam liberè assignans, nouoque voto visitandi eius sepulchri spontè se obstringens; aquam (qua prius

salutem impetrarat) iterum dari sibi obnixè supplicauit. Quibus auditis Guardianus infirmæ aquam ex reliquiâ exhibuit, & deuotionis feruorem rationum igniculis, aptius accendit: Hinc ægrota innox ad meliorem statum reuerti; breui post exoluendo voto, debilem se adhuc ad Conuentum deferri curauit. At verò vbi expleta nouena, perfectam sanitatem recuperauit; ex tunc maximè Serui Dei præco feruentissima, & alijs salutis occasio fuit promptissima, cum multis ægrotis sui remedij experimentum suggessisset efficacissimum.

*De quibusdam ægrotis à febre maligna sanatis per S. Petri de Alcantara intercessionem. (cap. XI.*

1 **D** Maria de Paramo habitanti Toleti, post febrem septem mensium cum intensis doloribus, pustulæ quædam eruperunt; ex quibus Medici ægrota mortem præfagiebant. Eapropter de remedijs humanis desperans; magnaque fiducia S. Petri auxilium implorans, aquam cum terra ex eius sepulchro commixtam ebibit; & sanitatem recuperauit.

2 Catharina de Strada Arenis habitans, febris maligna per viginti dies consumpta, ex indicijs pustularum mortem timebat; eò magis quòd Medicis deserventibus, Sacramentis se munierat. Ideò affectuosius se S. Petro de Alcantara deuouens de visitando eius sepulchro cum Missa; mox febris minutam, & post paucas horas perfectè sanam se inuenit.

3 Ludouicus de Frias Arenis incola, post aliquot dies febris maligna aggrauatus, pustulas emisit; quæ periculosum indicarunt. Eius Matertera D. Catharina de Frias, cum deuotione corda S. Petri de Alcantara cinxit eum; ex quo statim pustulæ euanuerunt, & febris eum totaliter reliquit.

4 Didaco Caluo annorum quindecim, habitanti Toleti; lethargo & febris oppresso, aqua ex reliquiâ S. Petri

ad bibendum oblata fuit; quæ cum febris liberatum, post tres dies perfectæ salutis restituit.

5 Ferdinandus Ochoa ex Mombeltrano, filium habebat eiusdem nominis, quem post quintum diem febris maligna ex vomitu, & pustulis, mortalem declarabat. Ideo Parentes ardentius S. Petri de Alcantara intercessionem, sollicitando, obtinuerunt; ut die sequenti infirmus sine febris, & integrè sanus illis redderetur miraculosius.

6 Catharina Gomez de Mombeltrano, maritum Ioannem Fernandez Montero, febris maligna ad extrema redactum habebat propter plurimos vomitus, deliria, ac cordis palpitaciones. Quamobrem Medicorum consilij destituta, intercessioni B. Patris se commisit; & ex aqua eiusdem marito propinavit, cui idem votum de visitando eius sepulchro emisit: Confestim igitur febris eum dimisit, & breuè reddendo voto exurrexit. Simile beneficium S. Petrus filio eorundem Ioanni præstitit; cui post septem mensium ardentissimam febrem, salutem contulit salutaris aqua.

7 Filius D. Marianæ de Fonte, ex febris maligna mori videbatur; cum Mater omni humana ope neglecta, ad S. Petri patrocinium confugit: Nam quadam eius reliquia aquam benedicens, filio cum fiducia bibendam exhibuit. Qua in multorum præsentia hausta, infirmus ijsdem obstupescens, sanus surrexit.

8 Quædam filia Mariæ Romanæ, & Alphonsi Gomez de Pago Sancti Stephani, annorum duodecim; febris acutissima grauitè affligebatur. Vnde post aliquot dies præ dolore lachrymas fundens, Matrem ad has voces prouocauit: *Filia quid à me vis? Vnicum tibi remedium sperandum restat à glorioso Patre Petro de Alcantara; cui ex intimo cordis te commenda.* Mox aquam ex Sancti reliquia porrigens, reliquit puellam suam somno sopitam; ut ad duos alios plangentes paruulos accurreret: Euigilans verò infirma, cognouit se sine febris melius habere; & Medici iudicio, gratia S. Petri mirè sanatam.

Doct̃or Andreas Herrera Toletanus, diu febris con-



tinua vexatus; tandem à Medicis iudicatus fuit, à maligna liberari non posse: Tunc D. Ludouica eius soror, pro reliquia S. Petri de Alcantara ad Conuentum Patrum Discalceatorum misit: & cum ea fratrem, & aquam signans, agonizantem quoque aspersit. Mirum dictu, quod statim oculos aperuit, loqui coepit; & sensim, quasi nunquam ægrotasset, inuentus est sanus.

10 Maria de la Xara, ardenti febris laborans, aquam è reliquia S. Petri de Alcantara auidè ac deuotè hauriens, incontinenti libera, incolumisque surrexit.

11 Filia quædam Isabellæ Gonzalez de Arenas, annos tres nata; ex atrentissima febris, etiam nauscam omnis nutrimenti contraxerat sic, vt Parentes de salute filiæ desperantes, ad præsidium S. Petri de Alcantara confugerent, promittendo illam ad eius sepulchrum conducere. Oratione peracta, viderunt moribundam ad se reuerti, & paucis post diebus cum Matre, voti soluendi causa exurgere.

12 Franciscus, & Ludouica Zenteno, habitantes Toleti; ambo febris pestilentiali ad vitæ vltimum redacti fuerunt: Accesserat tunc fortè Guardianus Patrum Discalceatorum, qui partem baculi S. Petri de Alcantara secum afferebat, qua virumquè tangendo suasit; vt se B. Patris intercessionibus commendarent, & vlteriùs aquam (quàm eadem reliquia signauerat) confidentiùs biberent. Admirabile omnibus visu, post aquam haustram febris desecit, & virtutis Sancti gloria quàm maxime aucta fuit.

13 Maria Rodriguez de Mombeltrano, filium septennem habebat; quem febris pestilentialis in extremis constituerat. Et Mater fide, ac animo constantior, voto ad S. Petrum de Alcantara emisso, obtinuit illum à præsentì periculo expeditiùs cum omnium admiratione liberari.

14 Didacus Caluo in Ciuitate Toleti, in extremis propter febrem pestilentialem laborabat; ira quod dum illi animæ officia præstarentur, Guardianus Discalceatorum cubiculum ingrederetur, & reliquiam S. Petri afferret; Hanc agonizans manibus premens, se deuoto animo eidem offerre.

offerebat, & aquam eius contactu benedictam auidius bibiti. Ex tunc visus est per totum corpus sudor copiosus erumpere, per duas horas continuas, ex quo valde declinans morbus, breui integrè cum omnium congratulatione recessit; qui mortuum iam descebant.

15 In Oppido Sanctæ Crucis Thomas Velasquez post quindecim dierum febrem grauissimam, quadam die præse-  
sente Medico, accessione quadam mortali expirare iudicabatur. Quapropter ægrotus apud se votum faciens S. Petro, spiritum recepit; & non longè post, sanus ad sepulchrū eius gratias exsoluit.

16 Didacus Lopez barbitonsor, habitans in Pago Arenal; cum febris acuta, delirium patiebatur. Vnde eius Parentes aquam ex reliquia S. Petri de Alcantara offerendo, & à delirio statim, & à febris post paucas horas integrè liberarunt.

17 Ioannes Baptista Pagnoncellus Faber lignarius Romæ, febris maligna correptus, septima die morbi erat morti proximus, etiam ad obitū irreuocabili constantia currebat; ideòq; post tres dies mansit cadaueri similis sine vlllo pabulo, sic ab omnibus deploratus. Deindè sine vlla sensibili euacuatione præmissa à natura in tali statu, ex inuocatione S. Petri de Alcantara petijt alimentum, & inuentus est sine febre, ac alio syntomate, frui meliori valetudine quàm antea. Attestante hoc ipsum huius patientis Medico ordinario, Ioanne Antonio Anconello Anno 1668.

18 P. Didacus Romanus Religiosus Sancti Francisci, Diffinitor & Commissarius Prouincialis Romanæ Prouinciæ in Conuentu Ara-cœlitano ætatis annorum 45. adeò se viscerum palpitatione torqueri sentiebat; vt nec cibum, nec somnum; nec in lecto quietem capere valeret. Vnde videns se in vigilia S. Petri die 18. Octobris vltra solitum his cruciatibus grauari; quos Infirmarij iudicio ægrotum ad mortem cogere posse, si sequenti nocte continuarent, omnes pertimescebant: Vocatis itaque quibusdam Religiosis amicis, rogabat eos instantissimè; vt ipsum S. Petro de Alcantara

tara commendarent. Dum autem illi in Sacello Serui Dei orationi instant, ægrotus super lectum muro acclinatus, & sensim obdormiens, tota nocte suauiter requieuit: Manè verò proximo totum extensum se videns, mirabatur omni dolore liberatum fuisse; ita vt consurgens, ad Sacellum Sancti pro Sacro faciendo, gratulabundus accedere posset.

Ex Processu facto pro Beatificatione, & Canonizatione S. Petri de Alcantara plurimæ gratiæ cōstāt; quæ factæ fuisse leguntur plurimis, qui patrociniū eius pro diuersis beneficijs impetrādīs exquæsierūt, & in signū gratitudinis vota ad eius Sacellum appenderunt, quarum hic mentionem omisimus. Vndè ex ijsdem, alijsque multis miraculis à Seruo Dei patratīs, Gregorius XV. Anno salutis 1622. ad instantiam Regū Catholicorum Philippi III. & IV. ritè peracto solito examine; Beatorum numero S. Petrum de Alcantara adscripsit, & tanquā de Confessore non Pontifice, Missam quotannis celebrari pro die eiusdem obitus, benignè indulgit.

19 Panormi in Sicilia Anno 1633. festum Sancti Petri de Alcantara cum summa pompa per octo dies à Prorege, & Illustribus Regni celebrabatur. In quo vltra apparatus, & eleemosynarum magnificentiam, ac largitionem, quam singuli Procerum magnis sumptibus exhibebant, Sancti quoque virtus (diuina operante gratia) illuxit in eo, quod aliquot beneficia tunc præstitisse obseruatum fuerit.

Imprimis quidam Ecclesiam adornans, scate gradu sub pondere infracto, ab alto in terram præcipitabatur; ni miraculosè tali alteri gradui adhærens, vsque dum succurrī posset, in aere remansisset.

Dein infra Octauam cæcus quidam miserabilis diligenter Sacra frequentans, ac Sancto se commendans, cum omnium stupore, agnitus fuit visum recepisse.

Puerulus quidam fortè sub curru conculcatus; mirabiliter ab omni periculo præsentī euasit.

Filius Secretarij Antonij de Herrera omni humano remedio destitutus, à Matre deuotissimè S. Petro de Alcantara cōmenda-

mendabatur. Indè quadam eius reliquia puerum tangens, & aquam intinctam propinàs; breuì ad optimam valetudinem ex imminente morte reuocatus videbatur, vt Sanctum glorificaret notabilius.

20 In Aula Madritensi quotannis dies S. Petri de Alcantara solemnè pompa per octiduum celebrari solitus, totius Nobilitatis concursu, ipsarumque Regiarum Maiestatum præsentiâ, augustior redditur. Ibi enim in Conuentu Regali S. Aegidij Discalceatorum sanctissimo Sacramèto patiente, Musica, ac panegyricis Oratorum insignium S. Petri laudibus magnificè latatur; Deo interdum etiam propter Serui sui merita, beneficia singularia deuotè largiente.

Eundem quoque solemnem cultum prædicto Sancto in suo die quotannis exhibere consuevit præclara Ciuitas Calatini; vbi Clerus, ac Populus cum Regijs Ministris publica, processione ad Conuentum Fratrum Obseruantum Sancti Francisci eiusdem Ciuitatis numerosior conuenire solet.

Tunc in Capella S. Petri de Alcantara à Doctore Augustino Nauar.

ro Burena Equite Sancti Iacobi ad

hunc effectum dotata, eius-

dem Sancti festiuitas sù-

ptuosè peragitur

in

memoriâ perpetuam cuiusdam bene-

ficii, eidem Fundatori præstiti;

cuius mentionem fecimus co-

piosam hoc libro cap. 8.

num. 1.

# Beatificatio Serui Dei Fratris PETRI DE ALCANTARA

Ordinis Minorum Regularis Observantiæ Discalceatorum, Fundatoris Prouinciæ S. Iosephi in Regno Castellæ.

GREGORIUS PAPA XV.

Ad perpetuam rei Memoriam.



*N* Sede Principis Apostolorum nullis licet nostris suffragantibus meritis à Domino constituti; p[ro]p[ri]js fidelium votis; quibus virtutum Dominus in Seruis suis honorificatur, libenter annuimus; eaque fauoribus prosequimur opportunis. Cum itaque instantibus non solum clara memorie Philippo III. & carissimo in Christo filio nostro Philippo IV. Hispaniarum Regibus Catholicis; sed etiam ferè omnibus Hispania Regnis, Venerabiles Fratres nostri S.R.E. Cardinales sacris Ritibus Præpositi; de mandato nostro causam Serui Dei Petri de Alcantara, Ordinis Minorum strictioris Observantia Discalceatorum nuncupatorum, ac Prouinciæ Sancti Iosephi eiusdem Ordinis Fundatoris, iuxta seriem relationis trium causarum Palatij Apostolici Auditorum ad affectum Canonizationis pluriès examinauerint, ac multis desuper habitis sessionibus; referente dilecto filio nostro Marco Antonio tituli Sancti Eusebii, Presbytero Cardinale Gozzadino nuncupato, plenissimè constare de validitate processuum, fama sanctitatis, fidei puritate, ceterisque virtutibus non in genere solum, sed etiam in specie reliquiarum, ac sepulchri veneratione, plurimisque tandem miraculis pronuncianerint, censuerintque posse Nos quandocumque voluerimus, eundem Dei Seruum iuxta Catholica Ecclesiæ ritum, sanctum, atque in Cælis regnantem declarare, omnibusque fidelibus

delibus solemnī Canonizatione proponere venerandum: Prædictus verò Philippus IV. Rex, & dilecti filij Minister generalis, & Fratres Ordinis prædicti Nobis humiliter supplicari fecerint; ut donec ad Canonizationem dicti Petri deueniatur, idem Petrus Beatus nuncupari, ac de eo tanquàm de Confessore non Pontifice, Missam, ac Officium (ut infra) celebrari, & recitari respectivè possit, indulgere de benignitate Apostolica dignaremur. Nos supplicationibus huiusmodi inclinati, de eorundem Cardinalium consilio; ut idem Dei Servus Petrus de Alcantara impostèrùm Beatus nuncupari, atque de eo tanquàm de Confessore non Pontifice die xix. Octobris, qua ipsius obitus memoria celebrabitur, ubique Terrarum ab univèrsa Religione Minorum, Observantium utriusque sexus respectivè Missa celebrari, atque Officium recitari possit: In Oppido verò de Alcantara illius Diœcesis, ubi natus; atque in altero de Arenas Abulensis Diœcesis, ubi corpus eiusdem requiescere accepimus, omnibus tam Regularibus, quàm secularibus Clericis, sub ritu tamen semiduplici, idem omninò liceat; ac demùm in Pròvincia prædicti S. Iosephi, cuius Auctor extitit, ab ipsis dicti Ordinis Discalceatorum Fratribus etiam cum octava (veluti de Patrono) Officium pariter, ac Missa iuxta Breuiarij, ac Missalis Romani rubricas celebrari possint Apostolica auctoritate tenore præsentium perpetuò concedimus, & indulgemus non obstantibus Constitutionibus, & Ordinationibus Apostolicis, ceterisque contrarijs quibuscunque. Volumus autem; ut præsentium transumptis etiam impressis, manu alicuius Notarij publici subscriptis, & sigillo persona in dignitate Ecclesiastica constituta munitis, eadem prorsus fides adhibeatur, qua præsentibus adhiberetur, si forent exhibitæ, vel ostensæ. Datum Roma apud Sanctum Petrum sub Annulo Piscatoris die xviij. Aprilis 1622. Pontificatus nostri Anno secundo.

S. Card. S. Susannæ.



*De his, quæ Beatificationem S. Petri consecuta sunt.*

*Cap. XII.*

**P**ostquam S. Petri merita non humano tantum iudicio, sed & Diuino Sedis Apostolicæ oraculo, Beatitudinis laureola condecorari meruissent; creuit adeò continua Populorum deuotio non solum in celebranda festiuitatum eiusdem solemnitate cum magnificentia: Sed & propter percepta à Beato quotidiana non minus quam notabiliora beneficia, seriore singulari accendebatur ad promouendam eiusdem solemnem Canonizationem. Hinc imprimis Episcoporum, Principum, Ciuitatumque totius Hispaniæ iteratæ supplicationes ab Apostolica Sede Processus formationem elicerunt super his, quæ post Sancti Beatificationem publico testimonio contigisse vulgabantur; ita quòd super Processu quodam Madriti, ac Arenis compilato Anno 1647. Romæ à Sacra Rituum Congregatione præuio solito examine ad Sanctiss. tunc Dominum Papam Innocentium X. relatum fuerit constare de quibusdam miraculis, quorum fides à Decreto etiam coram Sanctissimo die 8. Martij 1650. stabilita fuit.

Intercà coruscantibus in dies Sancti meritis nouo prodigiorum successu, instantius apud Innocentij Successorem Alexandrum VII. pia mem. de totius Causæ determinatione repetitæ supplicationes perseuerarunt: Propter quas reassumptis iterum omnibus ac maturè expensis, pro grauitate negotij, ac fidelium pietate, atque deliberando peruentum fuit; vt annuente præfato Summo Pontifice Alexandro, ab eadem Sacra Rituum Congregatione aliud Decretum emanarit die 12. Aprilis Anno 1660. In hoc videlicet declaratum vnanimi plurimorum Theologorum, & Iurisperitorum eiusdem Sacræ Congregationis Consultorum; subindè verò Eminentissimorum & Reuerendissimorum DD. Cardinalium suffragio: Quòd nedum inoffenso pede  
*proce-*

*procedi posset ad solemnem B. Petri Canonizationem; immò in Domino plurimum expedire, ut diuturna mortificationis assiduus labor planè ad prodigij genus accedens, argumentum insigne perfectissimæ Charitatis in Deum cum salubri animarum profectu sanè admirabili, Christi fidelibus colendus & imitandus omninò proponatur.*

At intercedente insperato præfati Pontificis Alexandri VII. fel. rec. ex hac vita transitu, suspensoque huius Beati solemnis Canonizationis actu, foelicius ad SS. D. N. Clementem IX. Sancti Petri gloria celebranda transiit. Igitur repetitis prioribus diligentijs, & accedentibus nouis Principum Catholicorum instantijs, maximè Regis Catholici Caroli II. præfatus Pontifex in Consistorio secreto habito die 18. Martij Anno 1669. referente Em. Cardinali Ginetto statum Causæ B. Petri, omnium Eminentissimorum Cardinalium Vota pro Canonizationis effectu experiri voluit: Quibus sub verbo *Placet* sufficienter declaratis die 21. Martij in Consistorio publico ab eodem Sanctissimo sancitum fuit; quòd orationibus, ac ieiunijs publicè indictis Diuinæ voluntatis beneplacitum, ac inspiratio deuotè sollicitari deberet; veluti statim concessam pro hoc fidelibus Indulgentiam edicto publicari iussit. Indè die octaua Aprilis habito Consistorio semipublico Cardinalium, Patriarcharum, Archiepiscoporum, & Episcoporum scripta suffragia, Canonizationis solemnitati approbante Summo Pontifice diem Dominicum in Albis vnanimiter indixerunt; quo omnia ritè pro festiuitatis decore disponi possent, ac deberent.

Tandem indicta die, nec non instructa magnifico ac pretioso cultu Basilica Principis Apostolorum Supremus Ecclesiæ Rector & D. N. Clemens Nonus Eminentissimorum Cardinalium, ac Prælatorum, totiusque Cleri coronatus, cum ingenti tùm Principum, tùm Nobilium, ac vniuersi Populi applausu, inter Missarum solemniam, B. Petrum de Alcantara virtutibus Heroicis, ac miraculis

SC 2

quam-

quamplurimis illustrem Sanctorum Albo inscribens, Hispaniæ, totiusque Orbis fidelibus venerandum imitandum-  
que proposuit; quod illustrius Christianam pietatem  
ad glorioſæ Pœnitentiæ imitationem exci-  
tando, glorificetur amplius in

Sanctis suis Deus, in  
secula bene-  
dictus.

# L A V S D E O.

# I N D E X

## Rerum Notabilium.



**A**stinencia S. Petri à tene-  
ris annis pag. 4. vsque ad  
extremum vitæ 243 eius  
rigor. 23. 190. 191. 192.  
193. promissa à Deo 59.  
eius Featrum. 64. Interdū  
remittenda ex charitate & discretio-  
ne. 109.

Admonitiones circa paupertatem. 185.  
187. 248. 249. in extremo vitæ Pe-  
tri. 238. 246. & seqq.

Amor Dei magnus in corde S. Petri. 171  
172. Ad eius vocem nihil negabat.  
23. eius prædicatione alios inflam-  
mat. 171. 174.

Amor proximi Petri cogit relinquere  
solitudinem. 175. bene cogitare. &  
nunquam malè de aliorum actioni-  
bus. ibid. amare iniurias. ibid. infer-  
uire pauperibus. ac infirmis. 176.  
postponere propria commoda ali-  
enis. 175. 176. 177. succurrere etiam  
remotis 177.

Angeli succurrunt Petro cum alimen-  
to. 39. & eius Fratribus 124. cantant  
in eius cella. 255.

Animalia reuerentiam exhibent nomi-  
ni S. Petri. 99. 100.

Antonius S. de Padua affixit in Missa  
S. Petri. 147.

Apparitiones S. Petri apud S. Theresiā.  
120. 255. 258. 260. apud alios. 260.

**B**

**B**aculus S. Petri in sicum miracu-  
losè conuersus. 88.

Brachijs extensis orabat. 198.

**C**

**C**haritas S. Petri vsque in finē. 241.  
& sequen.

Caput S. Petri semper discopertum.  
59. 197.

Carolus V. illum desiderat pro Confes-  
sario. 282.

Cella S. Petri angusta. 187.

Christus affixit lateri Petri. 59. 109. 123.

Cibus miraculose mittitur Fratribus.  
91. 93. 94. 106. 119. 125.

Columba circumuolat caput S. Petri.  
51.

Collationes spirituales Religiosorum.  
13.

Colloquia spiritualia S. Petri cum S.  
Theresia. 108. 109.

Contemptus honoris. 44. sui ipsius. 8.

Conuentes Pedrosi prima planta Ra-  
formationis 61. visitatus à S. Petro  
in fine vitæ. 149.

Conuersatio S. Petri quantum deſide-  
rata Nobilibus. 11. 23. 27. 32. 33. 40.  
55. 64. proficua animarum conuer-  
ſioni. 110. 211. 223. 224.

Conuerſiones factæ à Sancto Petro mi-  
rabiles. 18. 20. 51. 1. 49. 110.

Corde S. Petri operatur miracula. 116.  
117.

Corpus S. Petri habitum in veneratio-  
ne. 256. 262. & seqq.

Crucis deuotio à S. Petro aucta. 29.

Custodia S. Io. Baptiste in Regno Va-  
lentie 134.

Custodia S. Simonis in Galicia. 135.

**D**

**D**æmonium tentat horribiliter S.  
Petrum ab oratione 8. 16. 200. à  
vocatione. 8. persequitur suos Fra-  
tres. 131. fugatur à S. Petro. 50.

Discalceati. & eorum Institutum. 5.  
64. 149. 150. 251. 252. 259.

Disciplina facta à S. Petro paruulo. 4.  
adulto crudelissime. 10. 13. 61. 93. 191.

Discipuli S. Petri magnæ virtutis. 253.  
& seqq.

Doctrina Christiana à S. Petro paupe-  
ribus inculcatur. 9. 25. 61.

**E**

**E**uangelium S. Ioannis defendit à  
tempeſtate. 125.

Si 3

Eucha-

Eucharistia de obitu 210.  
Examen quotidianum continentia. 4.  
Exempli efficacia. 30. 12. 13. 223.

**F**esta ab eo deuote celebrantur. 4.  
Ficus mirabilis. 87.  
Fides magna S. Petri. 165. 166.  
Fiducia in Deum. 14. 48.  
Esumina transi S. Petrus miraculose.  
7. 49. 62. 77. 78. 106.  
S. Franciscus apparet S. Petro. 59. assistit  
in Missa. 147.  
Fratres Discalceati S. Iosephi subiecti  
Generali Obsequantur. 134. quomodo  
vivebant tempore S. Petri. 149. &  
seqq.  
Frigus magnum sustinet S. Petrus. 193.

**G**ratitudo S. Petri 140.  
Alinia visitatur a S. Petro. 66.

**H**abitus S. Petri. 181. 192. 253.  
Honores exhibiti S. Petro. 44. 61.  
Magnatibus. 73. 83. 119. a Populis.  
112. 113. vincti eisdem. 180. 182. vide-  
bantur ei graues. 241.  
Humilitas S. Petri. 11. 81. & seqq. 242.  
in abscondendis donis celestibus. 17.  
15. 111. in sui despectione. 8. 14. vsque  
ad mortem. 161. 241. 249. inter hono-  
res. 32. 181. in recusando oblationes  
Caroli V. & D. Ioannæ de Austria.  
181. in exercendis officiis vilioribus.  
184. in eligendo loco quietis. 183. in  
cedendo alijs commoda. 184.

**I**gnis miraculose extinctus a S. Pe-  
tro. 83.  
Incarnatio Christi meditatio S. Petri  
frequens. 166. 67. 196. 301. 302.  
Ipsius S. Petrus inseruit. 35. etiam  
secularibus. 122. 227. 228. 229. 230.  
Infirmitas toleratur a S. Petro cum  
magna constantia. 181. non intermitit  
eius rigores. 62. non impedit ab o-  
peratione. 141. 145. mortalis & vlti-  
ma. 241. & seqq.  
Iniuria a S. Petro toleratur. 57. 179. 180.  
Institutum Discalceatorum S. Theresæ

a S. Petro promissum. 19. 95. 97. 212.  
121. 128. 130. 135. 139. 14. & seqq.  
Ira apud ipsum nunquam visa.  
Iter quomodo faciebat. 35.

**L**icet S. Petri ad Episcopum Aui-  
læ 129. Principum ad Petrum.  
119. eius ad Sanctâ Theresiam. 136.  
137.  
Ludouicus a Granata. consulit S. Pe-  
trum. 119.  
Lumen oculorum miraculose restitui-  
tum a S. Petro. 115.

**M**aria Deipara deuotio. 1. 16. 17.  
coram imagine in exilium ra-  
piunt. 218. apparet S. Petro. 148. Ec-  
clesiæ in eius honorem dicant. 65.  
67.

Martyres ex Discalceatis. 162. 163. 164.  
Martyres plurimi ex Discalceatis in  
Iaponia. Vide fructus posthumos  
S. Petri.  
Merita S. Petri manifestata S. Theresæ  
129. 221.

Miracula S. Petri post mortem. 256. &  
seqq. & lib. 6.  
Missæ celebratio S. Petri alios ad de-  
uotionem mouebat. 74. 75. 110. eum  
in exilium rapit. 96. assistunt in eam  
S. Franciscus, & S. Antonius de Pa-  
dua 147. modus ad eam se preparan-  
di. 210. celebrandi. ibid.

Mors foelicissima S. Petri. 253.  
Mortificatio eiusdem continua. 247.  
Mortuus resuscitatus a S. Petro adhuc  
vivente. 68.  
Murmuratio a S. Petro castigata. 222.  
223.

**N**atiuitas Saluatoris apud S. Petrum  
in summa veneratione. 17.  
Nives non offendant S. Petrum. 123.  
Noctes integra in oratione traduncur  
a S. Petro. 16. 45. 55. 62. 200.  
Nomen S. Petri etiam ab animalibus re-  
uerentur. 101.

**O**bedientia S. Petri vsque in hoem.

Ocu-

**O**culorum mortificatio seruata a S. Petro 1. 91. 10. 188. caratur miraculose ab eodem 117.

**O**dor mirabilis in eius cella post mortem. 155.

**O**ficia vilia libenter exercitata a S. Petro. 13. 40. 182.

**O**fficium diuinum a S. Petro persoluitur genibus flexis. 10. vsque ad mortem. 149. assistunt in eodem cum luminaribus Deipara, & Angeli. 2.

**O**ratio frequentata a S. Petro in pueritia. ibid. attentē. 3. quasi continua. 16. 21. 45. 63. 69. 196. & seqq. in omni loco & tempore. 100. pro eadem mortuum capiebat ex omni re. 15. 23. 196. Tractatum de ea conscripsit. 17.

**O**laudatum a S. Theresia. 29 eius efficacia conuerit animas. 110. 111. cibum miraculose impetrat. Vide Cibus faciebat noctu, & subdio. 100. rapiebat in extasim. 98. non inter mittebat in Palatijs Magnatum. 100 eiusdem efficacia & fructus. 206. commendata suis Discipulis dum moritur. 149.

**O**rdines sacri a S. Petro per humilitatē suscepti 244.

**P**

**P**apa benignē adiutū S. Petrum. 16. 18. 87.

**P**assio Dominica auditoribus inculcata 25 26 meditata ab eodem. 210. 211. adiunctis proprijs cruciatibus 212.

**P**atientia eius in persecutionibus. vide Persecutio.

**P**atria ab inuito S. Petro inuifitur. 30.

**P**aupertas excultra in acceptione necessariorum. 13. in Conuentuum fabrica. 16. 43. 54. 63. 98. commendata S. Theresia. 127. 136. eadem extrema in ipso, & demonstrata ad finem vsq;

**P** 252. con duct ad Paradisum. 255. 22 reconciliata a S. Petro inter discordes. 34. 56.

**P**ersecutio mirabilis 178. 180. 181. 142.

**P**ersecutiones contra S. Petrum. 57. 60. 85.

**P**lura non offendit S. Petrum in via. 32. nec eius aulicatus. 61. 75. impetrata in magna quadam fideitate. 114. 115. 303.

**P**oenitentiā S. Petri. 18. 187. & seqq. descripta a S. Theresia 194. coniuncta vsque in finem. 239. 241. in Coelis a Deo praemiata. 155.

**P**oenitentes S. Petri. 230. & seqq.

**P**randium cui assistit Christus. 109. 111.

**P**raedicationis S. Petri efficacia, & fructus. 10. & seqq. 213. & seqq.

**P**raeparatio b. Petri ad Ordines suscipiendos. 114.

**P**rophetia S. Petri. 22. 45. 51. 52. 96. 97. 117. 123. 125. & seqq.

**P**rouidentia Dei miraculose subuenit. 17. 31. 34. 39.

**P**rouincia S. Gabrielis defensa a S. Petro 19. reformata ab eodem. 37 S. Iosephi iniuncta 65 eius stabilitum. 101.

**P**uritas virginalis a S. Petro conseruata. 12. 86. & seqq. 252.

**R**

**R**eformatio S. Petri quam utilis. vide fructus posthumos. introducta in Prouincia S. Gabrielis. 37 ampliat in Portugallia. 42. 43. 49. in Galitia 65.

**R**egulae praescriptae a S. Petro suis Discipulis. 10. 102. 103;

**R**eligionis ingressus primō examinandus. 7.

**R**eprehensiones aliorum displicebant S. Petro. 221. factae tamen cum suauitate ibid.

**R**oma visitatur a S. Petro. 56. 86.

**S**

**S**anitas a S. Petro miraculose restituta. 12. 30. 115. 116.

**S**cientia S. Petri. 213. & seqq.

**S**criptura sacra habita in summa veneratione a S. Petro. 166.

**S**erenitas a S. Petro impetrata. 303.

**S**ilensium S. Petri mirabile. 169.

**S**olitudo ab ipso dilecta. 10. 40. 41. 53. 54.

**S**omnus S. Petri breuissimus. 110. maxima ex lusu poenitentis. 108.

**S**tatus secularis approbatur a S. Petro 30.

Subdi.



Subditi benignè tractandi. 13.  
Superioris charitas explicata. ibid.  
ejusdem humilitas. 17.39.

**S.** **T** Heresia succurritur a S. Petro. 70. eius testimonia de prudētia & sanctitate S. Petri. 71. recūrit ad ipsum angustia. 79. eius sanctitas a Dino Petro publicata 79-80. consultat cum S. Petro de sua fundatione. 89. 90. 95. 108. 148. testatur, quod ipse opera ad finem perduxerit suam Reformationem. 95. 139. 145. 149. ad eam consolandam S. Petrus in duobus locis apparet. 120. ipsa testatur de eius orationis effica-

cia. 109. eius Institutum ad mortem usque defendit S. Petrus. 145. 149. 145. Tempestas non offendit reciantem. Evangelium S. Ioannis. 125. Trinitas sanctissima assistit morti S. Petri. 134. 127.

**V** **E**neratio vniuersalis erga S. Petrum. 124. & seqq. Vocatio quomodo citò sequenda. 6. non eget consilii Patrum. ibid. S. Petri fuit miraculis confirmata. 7.

**Z** **E**lus animarum S. Petri. 14. 30. 55. facit eum præsentiem in duobus locis vno instanti. 84. 85. 106.

F I N I S.

VITA

# VITA S. PETRI DE ALCANTARA

Scripturæ sacræ sententijs, & Christianæ Po-  
seos Hofculis delineatur.

*Sancti Petri pueritia*

**P** Ver cram ingeniosus, & sortitus sum animam bonam. Sapient. 8. vers. 19.  
*Epigramma.*

*Ingeniosè puer mentis dat signa sagacis;  
Falsa videns Mundi gaudia, vera Poli.*

*Receptio in Religionem.*

Quicumque receperit puerum istum in nomine meo, me recipit. Luc. 9. vers. 48.

*Epigramma.*

*In puero Petro Christum Minor Ordo recepit;  
Egit enim pueri initia fasces Dei.*

*Ultra fluvium mirabiliter portatur.*

Apprehendit eum Angelus Domini in vertice eius, & portavit eum capite  
lo capitis sui. Daniel cap. 14. vers. 35.

*Epigramma.*

*Qui Mundi, sortisque fugis discrimina vana;  
Ille volat, fluviusq; pratoriturus aquas.*

*Habitu indutus vitam sanctissimam ducit.*

Fecit quod placitum erat coram Domino, & ambulavit per omnes vias Pa-  
tris sui; non declinauit ad dexteram, siue ad sinistram. 4. Reg. cap. 22. vers. 2.

*Epigramma.*

*Ambulat in medio, dextrum latus atque sinistrum;  
Nescis Evangelicis mens regulata vijs.*

*Factus est Exemplar Pœnitentia.*

Ipsè est directus diuinitus in Pœnitentiam gentis. Ecclesiast. cap. 49. vers. 3.

*Epigramma.*

*Petrus, ut in socijs sui nomen, resque Minorum;  
Membra facis medicos extenuare tibus.*

*Vocatus est à Deo ad Reformationem promouendam.*

Scio enim, quodd præceptum sit filiis suis & domui suæ post se; ut custo-  
diant viam Domini, & faciant iudicium, & Iustitiam. Gen. 18. vers. 19.

*Epigramma.*

*Pauperiem sequitur, Francisci legibus hæret;  
Hocque docet Fratres pergere ad astra gradu.*

*A Regibus honoratur.*

In conspectu Potentum admirabilis ero, & facies Principum mirabuntur  
me. Sapient. 9. vers. 13.

*Epi.*

*Epigramma :*

*Carlo Rex humilem Petrum cernebat ab alto :  
Quid ni regali lumine cernet homo ?*

*Super flumina ambulas .*

*Cum transferis per aquas tecum ero , & flumina non operient te . Isa 43 . ver . 2 .*

*Epigramma .*

*Terræna de face nihil cum Petrus haberet ,  
Ecce quod ignito subditur unda pedi .*

*Nix in ære mirabiliter suspenditur .*

*Dixit , & stetit spiritus procellæ . Psalm . 106 .*

*Epigramma .*

*Nūm tu diuino cū nō totus amore caleres , ) idest per Anti-  
Pecissis oppositas Petra rigere nius . ) peristasis ,*

*Baculus plantatus creuit in ficum .*

*Sequenti die regressus inuenit germinasse virgam Aaron , & surgentibus  
gemmis , eruperant flores , & folijs dilatis in amagdalas deformati sunt .  
Num . 17 . vers . 48 .*

*Epigramma .*

*Summus in Hebrais hoc signo cornitur Aaron ,  
Cerneris in coetu Petra minore Minor .*

*Cibi propter nives impediti , in Conuentum mirabiliter deferuntur :*

*Scruæ Dei tolle prandium , quod mihi tibi Deus ; & ait recordatus es mei  
Deus , & non dereliquisti diligentes te . Daniel . 14 . vers . 37 .*

*Epigramma .*

*Ignæ Dei plenus flammis alimenta requirit ,  
Dat Deus ; in nives non patitur aquis ,*

*Cibus ei in deserto prouidetur .*

*Pauca Coeli saturauit eos Psalm . 104 . Respicite volatilia Coeli . Math . cap . 6 .*

*Epigramma .*

*Petrus aut similis penna precis aethera scandens ,  
Sæpe suis Cali munere dignus als .*

*Orationi deditissimus erat .*

*Nostra conuersatio in Coelis est . Ad Philippen , cap . 3 . vers . 20 .*

*Testimentum Caroli V . Imper .*

*Vere iste non est homo huius seculi , manet semper absorptus in Deo , &  
conuersatur cum beatis Spiritibus Coeli .*

*Epigramma .*

*Debet homo terra , vel celsi sidera Cali  
Quærere ; si Mundum respiciat , astra petat .  
Ergo quid mirum , si Petrus mortuus Orbis  
Fixerit in veris vota , precesque bonis .*

*Efficacia sua orationis pluuiam impetrat .*

*Vixit Dominus Deus in cuius conspectu sto , si erit annis his res , & pluuiæ  
nihi iuxta oris mei verba . 3 Reg . cap . 17 . vers . 1 .*

*Cum .*

Cumquē so verteret huc atquē illuc, ecce Coeli contenebrati sunt, & nubes;  
& ventus, & facta est pluuia grandis. 3. Reg. cap. 18. vers. 45.

*Epigramma.*

*Hec totidē Domino lacrymarum fuderat undas,*

*Et se mortis sapē rigaras aquis.*

*Nunc qui Sanctorum cerneno dona corous*

*Munere, pro lacrymis larga fluente laus.*

*Efficacia intercessionis S. Petri.*

Sed & nuno scio, quia quæcunque poposceris a Deo, dabit tibi Deus.  
Ioan. 11. vers. 32.

*Testimonio S. Theresæ. Vita sua cap. 27.*

Mihi aliquando a Domino dictum est, quod quicquid ab eo quicunque  
petierit in nomine Sancti istius Viri, ei concedet. Quæ autem ipsa rogauit  
eum, vt a Domino postulare; omnia vidi impleri.

*Iacob. Non dimittam te, donec benedixeris mihi. Gen. cap. 32. vers. 14.*

*Epigramma.*

*Noctis in vniuersa lustrata benedictio Cæli*

*Hebraei generis, linguitur amplæ Patri.*

*Hic quaterdenni noctes pertransiit anni;*

*Pe sibi deuota possit adesse precis.*

*Puerum corpore suo cadaueris eius applicato suscitauit.*

Incubuit super puerum, posuitque os suum super os eius, & oculos suos  
super oculos eius, & incurauit se super eum, & calefacta est caro pueri.  
4. Reg. cap. 4. vers. 34.

*Epigramma.*

*Carmeli sobolem suam successor Elia,*

*Vidit par in gestis Sanctus, oroque suis.*

*Petræ reformans Theresæ quia vota secundas,*

*Ecce quod in signis vobis Eliseus eris.*

*Apparet multis licet absens.*

Illi autem dicebant Angelus eius est, Petrus autem perseverabat pulsans;  
cum autem aperuisset, viderunt eum, & obstupuerunt. Act. 12. vers. 14.

*Testimonium S. Theresæ vita sua. cap. 27.*

Vno anno antequam moreretur, mihi abens apparuit.

*Epigramma.*

*Spiritus obstrinxit legi terrestria membra,*

*Non sicut ac carnis deposuisset onus.*

*Sic loca dum querit mentis dilectio multa*

*Obliuio proprio pondere, corpus adest.*

*Moricuti sanctissima Trinitas apparuit.*

Veniemus ad eum, & mansionem apud eum faciemus. Ioan. cap. 14 vers. 23

*Epigramma.*

*Fervidus empireas tentauit tangere sedes;*

*Namque volans medium sapē peregit iter.*

*Nunc quia membra inconsti caro distans a Cælo,*

*Obtinuit in nostro Numen adesse solo.*

*Mortui Sancti gloria eius penitentia meritis data .*  
Conuertisti planctum meum in gaudium mihi, conficidisti saccum meum ,  
& circumdediti me lætitia . Psalm. 39.

*Testimonium S. Theresæ .*

Quando expirauit , apparuit mihi dicendo se ad æternam requiem pergere ;  
& quadam vice mihi apparens dixit : O felix penitentia, per quam mihi tam  
sublimem gloriam comparauit . Vitæ suæ cap. 27.

*Epigramma .*

Extingunt spina diuini semina verbi .  
Hic tamen in spinis fructificauit ager ,  
Pungit amor nummi , pungi Crucifixio carnis :  
Ista parit vitam ; germinat ille necem .

*Imitatio S. Petri proponitur .*

Memento te propositorum vestrorum , qui vobis locuti sunt verbum Dei ,  
quorum intuentes exitum conuersationis imitamini fidem . Ad Hebr. 13. vers. 7-

*Epigramma .*

Id Crucis amplexu quid sis possessio nostra ;  
Tu Franciscus probas , tu quoque Petre doces .  
Vnde ad Seraphicum Crucifixus ab æthere pergit ;  
Ad Crucis aspectum Petrus ad astra volat .

*Aliud .*

Quisquis ad empireum vult svamite currere recto ;  
Qua Christus docuit , quaque peregit , agat .  
Si tam persistas desperat tangere gressus ,  
Francisci sanctam debet inire viam .  
Istius si prisca nimis vestigia dicat ,  
En vetus à Petro nunc renouatur iter .  
Nam veluti Christi vera est Franciscus imago ;  
Petrus Seraphici est vera figura Petris .

FRUCTVS POSTHVM  
SANCTI PETRI  
D E  
ALCANTARA.



SANCTI PETRI

ALCANTRA

2  
S. P E T R V S

DE ALCANTARA

POST MORTEM REDIVIVVS,

S I V E

FRVCTVS POSTHVMI.

Quos Eccl esia Catholica ex fundata ab ipso Pro-  
uincia S. Iosephi Discalceatorum & ab alijs  
ex ista emanatis percepit.

*Compendiosè in unicum librum collecti*

Per FR. TIBVRTIVM NAVARRVM  
Minorem Recollectum Prouinciæ Immaculatae  
Conceptionis in Aquitania Alumnum.

*Laudemus Viros gloriosos , & Parentes nostros in  
generatione sua. Ecclef. cap. xliiij. vers. i.*



ROMÆ, Typis Angeli Bernabò M. DC. ~~LXX~~

SVPERIORVM PERMISSIT.

24217

THE

LIBRARY

OF THE

UNIVERSITY OF

CHICAGO

1891

THE

LIBRARY

OF THE



FROM THE

LIBRARY OF THE



# PRAEFATIVNCVLA

## AD LECTOREM.



*VM* Audiuissem vehementer optari à  
R. P. Fr. Gregorio à S. Bonauentura  
Prouinciæ S. Iosephi Discalceatorum  
Prædicatore, & in Romana Curia  
Canonizationis S. Petri de Alcantara  
Procuratore; ut Fructus posthumi ab  
eodem Sancto Fundatore, & Patre Ecclesiæ Catholicæ  
collati, & ex Sancti Iosephi Prouincia, aliisque ab ea  
productis emanati fidelium deuotioni exponantur. Me-  
cum statui tam pio illius desiderio pro Viribus satisfacere,  
& ex Chronicis, Processibus, ac Relationibus authenticis  
præclara S. Petri, & filiorum eius in Prouincijs ab eo exor-  
tis gesta, & in Catholicæ Religionis gloriam tolerata  
educere; eaque in unum veluti styculum collecta, vi-  
denda, odoranda, & gustanda Christianis sensibus exhi-  
bere: Quamobrem istum libellum prædicti Patris curę  
remisi; ut eum vitę eiusdem Sancti discretissimis & piis-  
simis verbis à R. P. Fr. Laurentio à S. Paulo descriptę sub-  
iungere faciat. Vbi te monitum velim (Christiane,  
sed tu præsertim Religiose Lector) quòd si Dominus S The-  
refia

resig reuelavit; se omnes in S. Petri de Alcantara nomine  
petentes exauditurum; nunquid non eum exaudiet? qui  
tam sedulè Serui sui Canonizationem promouit; Ut tan-  
dem illam (ipso fauente diuino Numine, & annuente  
Summo Pontifice) ad optatum ab omnibus complemen-  
tum feliciter perduxit: Vale.

**LIBER**

# LIBER VNICVS DE

## S. PETRI DE ALCANTARA

Post mortem Rediuiui

FRVCTIBVS POSTHVMS.

Quos Ecclesia Catholica ex fundata ab ipso Prouincia  
Sancti Iosephi, & ab alijs ab ista emanatis  
percepit.

*De secunda Sancti Petri de Alcantara Sanctitate, & de funda-  
tione Prouincia Discalceatorum S. Iosephi.  
Caput Primum.*



Voniam Dominus, & Saluator Noster Iesus  
Christus, vt Ecclesiam suam in Ministrorum  
fidelium cognitione instrueret, & acceptos  
sibi famulos peculiari nobis argumento de-  
monstraret; dixit: *Ex operibus eorum cognosce-  
tis eos.* Et alio in loco dispensatorem proui-  
dum, ob reportatum de commissis sibi talē-  
tis lucrum commendat: Nē cognitam diuinæ Maiestatis Sā-  
cti Petri de Alcantara excellentiam Populus Christianus  
ignoret, & nē eum vnum ex Viris eximia quidem, sed ste-  
rili sanctitate ornatis existimet; & nē tandem illum vnum ex  
illis reputet, qui sibi cumulandis coronis vacantes, & pro-  
priam animæ suæ vineam excolentes, sulcandis Christiano-

rum



rum agris, & producendis extra se fructibus parum attenderunt. Ideo opere pretium duxi mirabili ipsius vitæ breuē istum libellum adiungere; vt fideles vitam legentes ad tanti Viri imitationem accendantur, & istum librum percurrentes, ad illius amorem & ad filiorum eius beneuolentiā prouocentur: Dein vt omnes cognoscant Sanctum Petrum speciali prouidentia Ordini Seraphico, & Ecclesiæ à Deo fuisse concessum, vt & illum foetu nouæ prolis amplificaret; & istam conuersione Gentilium augetet, & Martyrum sanguine purpuraret. Vno verbo: *Ex operibus eius cognoscetis eum;* & quisquis vitam illius & annexum ei compendium attendet, videbit Sanctum Minorum Discalceatorum Patrem cū Religionum Fundatoribus esse comparandum: Quis enim negabit eum certo modo dicendum esse Patriarcham & non vt noui Ordinis Institutorem; sed vt antiqui Instituti Ordinatorem. Qui deindè hoc cum Sanctissimis Patribus Benedicto, Bernardo, Dominico, & Seraphico nostro Francisco, commune habet; quod Ecclesiæ Catholicæ, Viros Apostolicos, Martyres, & purissimos Confessores è suæ Discalceatæ Reformationis gremio peperit, vt infrà patebit.

Religionis Seraphicæ incrementa recensens iustissimus ipsius æstimator Clemens V. Pont. Opt. Max. illam in sua Clement. quæ incipit, *Exini de Paradiso*, estque in corpore Iuris inserta, vocat hortum amoenissimum suauissimis floribus plenum, in Ecclesiæ militantis solo plantatum; & quidem Seraphici Patris Francisci manu extructus, Sanctorum Antonij, Bonauenturæ, Bernardini cura, & multorum cruore Martyrum irrigatus, & diuinis quoque influxibus auctus, fructus visu pulcherrimos, & gustu dulcissimos protulit. Descendit pæpè in hortum illum filius Dei, & collecta in eo poma Sponsæ suæ gustanda porrexit: Quanquàm autem nullo tempore horti illius cultura cessauerit, & licet amplos Dominò Deo suo redditus omni ætate protulerit; tamen specialis auxilij rore perfusus, propensiorique labore sulcatus inter nouæ Minorum Discalceatorū familiæ curas, mensuram mædati seminis in centuplum dedit, & in vno S. Petro de Alcantarâ

cantara , cuiusque Alumnis Sancta Mater Ecclesia seruatos sibi nonos , & veteres prouentus mirata est , à Prouincijs scilicet Sanctorum Iosephi, Ioannis Baptistæ, Gregorij, Pauli, Didaci , Beatissimæ Matris Dei , & Petri de Alcantara .

Prima Sacræ Discalceatorum Prouinciæ Sancti Iosephi fundamenta iacit S. Petrus de Alcantara , quippè cùm eo igne arderet , què̃m olim Christus Redemptor tulit in terram , quo nexus amoris carnalis dissoluuntur ; vt corda fidelium , vinculo diuinæ charitatis vniantur : Cùm inquam dilatari Reformationem , & Seraphici Patris imitationem vbique vigere desideraret, Anno millesimo quingentesimo quinquagesimo-quinto , ex Prouincia Sancti Gabrielis (suo nuper ministerio gubernata) cum Superioris Prouincialis licentia, exiuit, & annuente Iulio III. Summo tunc Pontifice sese Magistri Generalis Conuentualium obedientiæ submisit pro faciliiori Reformationis dilatactione . Quàm paruis initijs tantæ molis incrementa suscepit , quot ad Deum preces effuderit , quot lachrymis plantam nouam rigauerit , quot se disciplinis, ieiunijs , vigilijsque affligerit , quot persecutiones (sub specie intentatæ nonitatis) pertulerit , satis amplè declarat ipsius vita , fusiùsque Ordinis mōnimenta demonstrant ; vnum dicam , quòd cùm in deserto Cañaueralensi , in quo prope Pedrosū admirabilis (ad nostra vsque tempora) paruitatis , & paupertatis Conuentum extruxerat , eum duodecim socijs vitam planè Angelicam duceret ; tantæ fama sanctitatis ad Reuerendissimi Patris Iulij Magnani Magistri Generalis Conuentualium aures peruenit , qui tam insigne lumen sub modio inferioritatis abscondere nolens , ipsum ad montem superioritatis erexit , ipsique Fratrum Minorum Discalceatorum Conuentualium curam demandauit , ac Commissarium Generalem instituit per Literas patentes Anni millesimi quingentesimi quinquagesimi-sexti , sic incipientes : *In Christo sibi carissimo Fratri Petro de Alcantara , reformatæ vite Ordinis Minorum Conuentualium Frater Iulius Magnanus Plasentinus , Doctor Theologus , ac totius Ordinis*

*Minorum Conuentualium Generalis Magister, salutem & pacem à Domino aternam.* His Literis munitus Vir Dei Petrus manum admoit operi, & erectæ de nouo Custodiæ sub Sancti Iosephi titulo gubernacula sumpsit, prorogatoque sibi ad aliud triennium Officio per eiusdem Generalis rescriptum, Anno 1559. emanatum; vt supra firmam petram ædificaret confirmationem delegatæ sibi auctoritatis à Paulo IV. Petri Apostoli successore obtinuit: Cùmque non obstante solempni Pontificis declaratione, noua Discalceatorum planta graues ventorum, & turbinum è regione Fratrum eiusdem ortorum motus pateretur, filijque Matris eius pugnarent contra ipsam; exijt nouum ab eodem Papa Breue mense Iunio Anno 1559. quo doctissimis Viris Priori Magacellæ, & Archidiacono de Valde minorum Tudensibus Diocesis causam Sancti Petri tuendam commisit. Quibus rescriptis solidatus Custodiam sibi demandatam Conuentibus, & Fratribus auctâ Anno Domini 1561. in Prouinciam erexit, ipsi Sancti Iosephi nomine reseruato: Quomoddò autem prædicta Prouincia ad Observantiæ obedientiam venerit, in eius fundatoris vita reperitur; vnum tamen monere velim, quòd cùm feruentissimus Reformationis die decima octaua Octobris Anni 1562. vitam Mundi labilem cum immortali commutauerit, veritati historię repugnat asserere Viro Sancto adhuc viuente Romæ compromissam Observantiæ obedientiam fuisse, ab eius Procuratoribus relatum; cùm Patres Christophorus Braud Prouinciæ S. Iosephi Minister, & Bartholomæus à Sancta Anna eiusdem Diffinitor à Sancto Commissario Romanam missi pro rebus Reformationis tractandis, in Conuentum Arenarum non aduenerint, nisi mense Februario Anni 1563. quatuor circiter mensibus à carissimi eorum Patris morte transactis.

*De Viris, pietate, doctrina, & miraculis illustribus à Prouincia Sancti Iosephi productis. Cap. II.*

**Q**Uæ nouæ Prouinciæ statuta Sapientissimus ipsius Pater præscripserit, quoniam in eius vitæ decursu legentipatere potuit, non iterum existimo memorandum; sufficiat hic Viros virtutibus, scientia, & gratuitis donis illustres ex Regulæ Sancti Francisci, & ex constitutionum Sancti Petri exactissima obseruatione effectos recensere: Nullum enim maius optimæ legis indicium est, quàm cum fructus ex ipsius executione percepti monstrantur. Non est tamen instituti mei omnia tam Sanctæ Prouinciæ bona, enumerare; sed solummodò dicam post Illustrissimum, piissimumque Consagiam, quòd quicumque Conuentuum tenuitatem, & vitæ communis austeritatem attenderit, fidem omnibus de ea narratis incunctanter adijciet; licet mira, & stupenda legentibus, & audientibus appareant.

Constat hæc Sancta Prouincia quadraginta Conuentibus & in eo (qui Arenis exstructus est) corpus pretiosissimum sui Fundatoris Sancti Petri de Alcantara, magna Fratrum sollicitudine seruat, & summæ Populorum venerationi exponit: Ipsa autem vbique vt suum Fundatorem honorat; quippe quem Gregorius XV. in Bulla Beatificationis ipsius talem asserit, & dictæ Prouinciæ concedit; vt de eo tanquàm de Patrono, & Fundatore Officium quotannis celebret per octauam.

Est alius eiusdem Prouinciæ Conuentus Sancti Michaelis à victoria, iste vt in loco arduo & difficili situs; ita arduis, & difficilibus magnarum virtutum exercitijs aptus, plurimos Dei Seruos Religiosis dotibus illustres educauit. Fuit autem inter alios quasi Sol inter Planetas Frater Georgius de la Calzada Laicus, Vir singulari pœnitentia, humilitate, & paupertate ornatus, magnorum operarius miraculorum; quibus sibi celebrem virtutis famam comparauit apud Hispanos, ætumnque est Romæ de eo Beatis annumerando

commendatitijs literis à Ferdinando III. Imperatore Augusto, & à Philippo IV. Rege Catholico super hoc missis: Istius Venerabilis Fratris corpus ab Illustrissimo Episcopo Conchenſi deuotioni publicæ fuit expositum; sed vt Beatificationis Processui locus daretur, in subterraneo sepulchro conditum est. Eius vitam mirabilem Dominus Christophorus Ruiz Ecclesiæ Toletanæ Canonicus, egregio stylo descripsit.

Iacet in eodem Conuentu deuotus Frater Iuniperus, qui à Sancto Petro ad habitum Religionis admissus, ipsius imitationi eximia diligentia vacauit, tantusque effectus est; vt miraculorum gloria coruscauerit, & Dæmoni terribilis euaserit: Ideò vt castra Inferorum non timeret, solebat noctes singulas in infima scala Altari proxima transigere, vbi Ducis præsentia animatus, omnes inimici artes prouocabat, ipsique verbis contemptiuis improperabat non minori confidentia motus; quàm ille, qui olim canebat: *Si consistant aduersum me castra, non timebo mala; quoniam tu mecum es.* Nec mirum, si communi Generis humani inimico formidabilis extiterit; quippè qui summa humilitate, & paupertate ornatus, superbum, & diuitem Mundi Principem gemina illa armatura debellabat. Adeò post mortem virtutum eius fama percrebuit; vt auctoritate Episcopi Conchenſis de eius præclarè gestis amplè fuerit informatum. Omitto quamplurimos alios fideles Dei Seruos in singulis eiusdem Præuincie Conuentibus defunctos; habet enim Complutenſis suum Seraphicum Fratrem Sebastianum à Sancta Maria Laicum, donis gratuitis miraculorum & prophetiæ excellentem: Possidet Madritensis Sancto Aegidio dicatus Virum extaticum Fratrem Franciscum à Cogolludo, eximie apud Deum æstimationis signum reddit corporis eius à corruptione præseruatio, ad nostra vsque tempora perseverans. Iacet etiam in Conuentu Coralli ab Almaguer Frater Balchazar à Regibus in signis, & prodigijs portentosus, prophetiæ lumine exornatus; quo in Confessionibus audiendis adiutus, dignos in Populis fructus poenitentiae produxit: Sed quanquam horum, aliorumque in Chronicis di-

Æ Prouinciæ , cæterisque Ordinis Seraphici libris narratorum , singulares excellentiæ sint , tantæque extiterint ; vt deuotos Hispaniæ Populos impulerint ad prosequendum ipsis Beatificationis honorem . Quia tamen decreui solum vtilitatem à S. Petro de Alcantara per se , aut Discipulos suos Ecclesiæ collatam demonstrare ; ad Viros aut doctrina conspicuos , aut prædicatione insignes , aut missionum Apostolicarum exercitio claros , descendemus .

Omniū primus occurrit Venerandus Pater Ioannes Romero , qui cum in Vniuersitate Complutensi lauream Doctoris fuisset asssecutus , & in concursu generali Ecclesiasticorum Candidatorum insignem Diocesis Toletanæ Parochiam fuisset adeptus , diuino lumine illustratus cognouit portam Cœli arctam esse , & difficilè Virum scientia inflatum per eam intrare : Quamobrem intelligens paruis & humilibus patere ianuæ cœlestis ingressum , fieri Minor decreuit , & Discalceati habitum induere , vbi iacto humilitatis , & paupertatis Euangelicæ fundamento , doctrinam ( quam ex Academiæ fontibus hauserat ) cœpit eructare tanto zelo ; vt sæpè tribus in die prædicationibus vacans , totius ferè Hispaniæ Populos quasi alter Paulus Apostolus ad viam salutis aduocauerit , tamque fœlici successu , vt ( sicut socij eius relatione fide digna compertum est ) plusquàm sexcenta animarum millia suis sermonibus à vitiorum voragine ad rectam virtutis semitam pèrduxerit ; tam clarum autem Hispaniæ lumen in Conuentu Corrali ab Almager sepultum iacet .

Magnam etiam dictæ Prouinciæ gloriam contulit carissimus eius Alumnus Pater Ildephonsus Lobo , Prædicator verè Apostolicus , de quo narrat Illustrissimus Gonzaga ; quòd cum Sancti Bernardini Conuentus fundationem Ciuium Madritensium oppositio pertinax impediret , & salutis humanæ hostis à longè prospiciens ex eius ædificatione amplum Ciuitati imminere prouentum , totis viribus ac fraudibus adhibitis obstaret : Ingressus Madritum eloquentissimus Concionator Ildephonsus , suis prædicationibus



his omnia Aduersarij impedimenta dissoluit; & conciliatis sibi Populi animis, eos suæ Religioni deuotissimos fecit, & ad optandam, iuuandamque foundationem adduxit. Vniuersam ferè Hispaniam prædicando peragravit, & quamplurimos ad poenitentiam conuertit; factus autem Prouinciae suæ Custos ad Capitulum generale ( pro Officij sui debito ) Romam venit, vbique Christum & præcepta eius annuncians: Regebat tunc temporis Apostolicam Naue[m] Pius V. qui velut auctoritate summus, ita religione piissimus; cùm tantùm operarium in Italiam transisse intelligeret; volens ipsum in Romanæ vineæ cultura occupare, ex Italia ampliùs recedere non permisit. Ille verò, qui se Romano Pontifici obedientiam ex Regula Seraphica promississe meminerat, obtemperauit; & Romam, Neapolim, Mediolanum, ac in totam illam Regionem Verbum Dei cum tanto fructu disseminauit; vt Virum toto Orbe celeberrimum pietate, miraculis, & doctrina, Patrem Angelum del Paz dicere compulerit, & ipsimet Reuerendissimo S.P.A. Magistro tunc existenti annunciare, tam eximium Euangelij Præconem Romam fuisse à Deo missum eo intento, eoque fine; quo Deus olim Ionam Prophetam ad Niniues conuersionem delegauit, sicque ei à Domino fuisse reuelatum.

Tanti Viri Discipulus & imitator extitit Frater Ioannes Baptista Madrigal, à quo dum in Salmanticensi Academia studeret, conuersus fuit; & ipse in breui multarum animarum conuersor, Homilias Prædicatoribus utilissimas scripsit. Floruit in eadem Prouincia Venerabilis Del famulus Frater Ludouicus à Sancto Ioanne ( Paulo V. Pont. Max. Ecclesiam gubernante ), Ordinis in Romana Curia, Commissarius, & eiusdem Difinitor Generalis, virtutibus & Prophetia ab Excellentissimo Domino Petro de Aragonia Neapolitano Prorege probatis, & publicè commendatis eximius: Casuum conscientiae Summam composuit; aliũque librum Casuum repentiorum, administrandis Sacramentis aptissimum explorauit.

Humil.

Humillimus corde, nobilissimus sanguine, virtute & scientia clarissimus Pater Ioannes à S. Maria in ea Prouincia vixit, in eo notatur eius humilitas; quòd oblatos sibi à Philippo III. tres Episcopatus constantissimè respuit, & vocatus ad Confessiones serenissimæ Dominæ Infantis Margaritæ, & Regij Conuentus Discalceatarum audientias vrbanner recusauit, nè mundanæ dignitatis statu superbiret. In eo autem eximia eius doctrina declaratur, quòd præ cæteris libris, vnum Politicæ Christianæ in lucem edidit, omnibus Europæ linguis, & Populis earum, & à Paulo V. Sapientissimo Pontifice ita laudatum, vt eius Auctorem de Ecclesia Catholica bene meritum affirmauerit; eò quòd Principibus Christianis ostenderit, tandiù eorum Regna perenniter mansura, quandiù ipsi debitam S. Matri Ecclesiæ reuerentiam exhiberent. Decessit è viuus 18. Nouembris Anno 1622. & Madriti in Sancti Bernardini æde tumulatus est. Quot Martyres hæc foelix Prouincia Christo pepererit, sermo Prouinciæ Sancti Gregorij destinatus aperiet, vbi labores perpeffi à Fratribus Missionarijs è Prouincijs Hispaniæ Discalceatis, ad Philippinas transmissis, describentur.

*De Prouincia Sancti Ioannis Baptista Discalceata, & de fructibus ab ea emanatis. Cap. III.*

**Q** Vi mirabilem Sancti Petri de Alcantara vitam perlegerit, dubitare non potest ipsum Anno 1560. Prouinciæ Sancti Ioannis Baptistæ in Regno Valentisæ auspiciatum dedisse principium: Cum enim legitimus iste Seraphici Patris S. Fracisci filius stabilita in Regno Castellæ Discalceatorum Reformationem in vniuersam Hispaniâ extēdi percuperet, misit duos ex Discipulis suis, nempe Fratrem Antonium à Conceptione, & Fratrem Bartholomæum à Sancta Anna; vt Valentisæ terram explorarent, & an recipiendæ nouæ Franciscani germinis plantæ esset idonea, considerarent. Retulerunt fideles nuncij, non vt olim Iosue & Coleb,

Caleb, terram illam esse lacte & melle consolationum temporalium fluentem; sed operarijs coelestibus indigentem, iisque excipiendis anhelantem: Iam enim omnes Hispaniæ plagas rumor impleuerat, surrexisse in Castella homines Mundo mortuos, confixos Cruci, pios, humiles, gloriæ Dei zelatores, salutis animarum cupidos, pauperes, discalceatis pedibus terrena calcantes; quamobrem vndequaque Oratores veniebant, qui Conuentus optarent, qui Fratres peterent, qui bonorum suorum subsidium offerrent. Itaque congregato Prouinciæ Capitulo in Cōuentu Pedrofi, die secunda Februarij Anno 1561. inter alia decretum est, mittendos illic octo Religiosos, qui duobus Conuentibus in Regno Valentix positis initia darent, annoque sequenti Sanctissimus Commissarius vtrumque in Custodiam sub nomine, & patrocinio Sancti Christi Præcursoris erexit; quam erectionem postea Pius IV. auctoritate Apostolica confirmavit, concessitque, vt cum ad decem Conuentus attingeret, Prouinciæ titulo frueretur: Iuxta quam concessionem Anno Domini 1577. in Capitulo apud Sanctum Ioannem de la Ribera, vndecima mensis Augusti Celebrato, annuente Gregorio XIII. Prouinciæ Sancti Ioannis Baptistæ nomen, & honorem sæliciter consecuta est.

Quot ergo Sancta Præcursoris Prouincia Viros eximios peperit, quot fructus Ecclesiæ dedit, hos Sancti Petri sollicitudini debet; hæc est Prouinciæ Sancti Iosephi primo-genita, quæ sanctitatis suæ radijs orbem illustrauit? hæc est, quæ tria Hispaniarum Regna, Valentix scilicet, Murcia, & Granatæ impleuit; in quibus mirè propagata, ex sui diuisione, neptem Matri genuit, & vt carissimo Fundatori suo gratitudinis vices rependeret, filix suæ Prouinciæ Sancti Petri de Alcantara nomen dedit; sibi & illi patrocinium commune fecit.

Prouincia autem Sancti Ioannis Baptistæ ex tempore suæ diuisionis viginti octo Conuentibus gaudet, quorum præcipuus est eidem S. Ioanni Baptistæ dicatus in Ciuitate Valentix, vulgò Sancti Ioannis de la Ribera nominatus. Ille virtutis

tutis religioſe Seminarium eſt toti Regno notiſſimum, peperit, ſeu educauit plurimos Viros virtute & perfectione conſpicuos; quorum vitæ, factæque Seraphica in Chronicis ſumma cum voluptate leguntur. Habet etiam quamplures apud ſe tumulatos, & inter alios Venerabilem Patrem Antonium Sobrinum; Virum ſcientijs, & virtutibus perinſignem, altiffimæ orationis dono illuſtrem, qua non paruam ſibi apud Populum famam conciliauit, fuitque præcipuè Illuſtriſſimo Patriarchæ D. Ioanni de Riuera pretioſiſſimus, cuius familiaritate, & conſilio perſæpè gaudebat: In vita, & poſt mortem multa patrauit miracula; quibus permotus D. Nūcius Iulius Sacchetti, mox Eminentiſſimus S.R.E. Cardinalis, per epiſtolas mandauit Domino Balthazari Borſa Archidiacono Xatiuenſi, vt de ipsis diligenter perquireret, ad cauſam Beatificationis ipſius Romæ tractandam.

Quid de Beato Paſquali Baylon referam neſcio, tâta mihi obſtat rerum multitudo, vt inopem me copia faciat; pleni ſunt ipſius laudibus, & operibus libri, nec adhuc dictum eſt, quòd ſufficiat: Si virtutes ipſius ſpectem, Sancti Petri viuam imaginem intueor; ſi miracula perpendam, alterum Thaumaturgum appellabo. Iacet eius venerabile corpus integrum in Conuentu Villæ-Regiæ, magna Populorum affluentia honoratum; de quo illud perenni memoria dignum ex continua experientia reſertur, quòd perſæpè (etiam ad vſque noſtra tēpora) icturn & percuſſum edit vehementem in arca, in qua ſacrum illius depositum aſſeruatur; notauitque pia Fratrū, & ſecularium obſeruatō hoc ſtrepitu (etiam aliquādo in eius imaginibus audito) designari Deum in breui prodigioſum aliquem effectum Viri Sancti interceſſione, & meritis operaturum. A Paulo V. Chriſti Vicario Beatorum factis adſcriptus eſt, & nunc quotidie expectatur; vt creſcentibus eius miraculis, in Sanctorum Confessorum Cathalogo annumeretur.

Conuentum Gandiæ in dicta Prouincia ſitum honorant reliquæ piſſimi Viri Fratris Andreæ Hybernō, qui aded virtutibus & ſignis clauit; vt auctoritate Ordinarij ipſorum

inuestigatio facta fuerit, causamque Romam delata, corpus (quod Valentini Archiepiscopi zelus, & potestas erexerat, & publicæ venerationi exposuerat) in subterraneo loculo positum est; vt iuxta Urbani VIII. præscriptum Processus Beatificationis ageretur.

Fuit etiam hæc Prouincia Virorum Doctorum fecunda, qui vel scriptis, aut prædicationibus suis exempli sale conditis, plurimum profecerunt; quos eorum amantissimus Frater Antonius Panes dictæ Prouinciæ alumnus in suis Chronicis eleganter, & fideliter commemorat.

*De Prouincia S. Gregorij in Insulis Philippinis fudatione. Cap. IV.*

**D**Eus vult omnes homines saluos fieri, & ad agnitionem veritatis venire; vnde Viro Apostolico onus incumbit consilium Dei (quantum ad se pertinet) adimplere, quare Gentium Apostolus omnia omnibus fiebat, vt omnes Christo lucrificeret. Hæc est vera Religiosi perfectio, nihil omittere eorum, quæ totius generis humani saluationi conducunt: Eius enim officium est, legatione pro Christo fungi, & Dei gloriam libero, & constanti animo vbique promouere. Mouerat sanè debitum professionis suæ Fr. Antonius à Sancto Gregorio, Prouinciæ duodecim Apostolorum in Regno Peruano professus Laicus, cum audiens Insulas Salomonis gentili superstitione obcæcatas, à Regis Catholici Militibus fuisse detectas, & subactas; grauitè doluit, prius in eas Regis terreni, quàm cœlestis fuisse nomen inuectum, priusque Catholico Monarchæ subditas esse, quàm Catholicas: Sciens tamen non alio, quàm conuersionis illarum Gentium desiderio, ad eas Insulas Christianos accessisse, magisque placere Philippo Regi eorum animos Christo acquiri, quàm bona sibi, solamque operariorum metuendam esse penuriam; decreuit pro posse suo Populorum illorum saluti consulere, nec aliud medium opportunius inuenire, quàm si annuente Summo Pontifice, volente & adiuvante Catholico Rege, ibi Fratrum Minorum Custodia erigeretur, ex qua

qua exeuntes operarii, nouæ illi vineæ excolendæ vacarent. Itaque agrè obtenta Superiorum licentia, in Hispaniam traiecit, & Madritum iuit; vbi aliquo tempore in Conuentu Sancti Bernardini Fratrum Minorum Discalceatorum Prouinciæ Sancti Iosephi commoratus, intellexit ex eorum virtute, zelo, & doctrina illos esse operarios, quibus Deus eius ore dicebat: *Ite & vos in vineam meam*, Perspiciens enim Vir Deo plenus, Gentium conuersionem facilius induci factis, quàm solum verbis, & Prædicatori Apostolico non minus necessarium esse operis exemplum, quàm oris sermonem; non dubitauit ex Fratribus recentis Prouinciæ Sancti sui Fundatoris Petri præcepta, & mores redolentis, Deum sibi peculiare elegisse Ministros: Quamobrem Romam pergens à Gregorio XIII. benignè exceptus, ad Reuerendissimum Ordinis Seraphici Generalem, Patrem Christophorum à Capite-fontiū remissus, Literas ab eo patentes accepit; quarum virtute Fratres Prouinciæ Sancti Iosephi eligeret, cum eis ad Insulas Salomonis traiceret, & Custodiam sub Sancti Gregorij nomine, à Papa Gregorio sic designato; erigeret.

Reuersus in Hispaniam, multos tanto operi paratos dicte Prouinciæ Fratres inuenit; sed cum eodem tempore epistola à Prorege Philippinarum Insularum in Iudico occidentali mari positarum, ad Regem Catholicum venisset, qua (pro facili Gentis illius idololatæ conuersione) Fratres Minores ad eas promptissimè mitti postulabat. Re maturius in secreto Consilio tractata, visum est expedire destinatos Salomonis Insulis Missionarios, ad Philippinas deferri: Proposita autem Consilij deliberatione (quoniam ad maiorem Dei gloriam vergebat) Fr. Antonius à Sancto Gregorio libenter acquieuit, & acceptis Regijs literis se Hispalim contulit; vbi à viginti dicte Prouinciæ Sancti Iosephi Fratribus expectabatur. Antequàm è Portu Hispalensi soluerent, electus est in primum Custodem fundandæ Custodiæ P. Petrus ab Alpharo eiusdem Sancti Iosephi Prouinciæ filius, Vir pietate & doctrina clarissimus; & communi omnium voto Anno



1575. nouæ missionis Commissarius institutus est. Itaque Hispali Mexicum appulere, vbi per aliquot tempus non sine spiritali Populorum consolatione, & bono conuersati sunt; inde Romam reuersus est Fr. Antonius à Sancto Gregorio, ob Dei negocia apud eius Vicarium peragenda: Pater autem Petrus de Alpharo Custos è portu de Acapulco ad Philippinas transiit, & in eas sceleriter intrauit Anno 1578. à Gubernatore tanquam nouus Apostolus exceptus, ab eo locum Conuentui aptum accepit, & in eo Ecclesiam, Beatæ Mariæ de Angelis dicatam ædificauit; tuncque primum in Aede Fratrum Minorum Discalceatorum, Sanctissimum corporis Dominici Sacramentum cœpit asseruari licet enim ibi Augustiniani Ordinis Ecclesia præcessisset; præ timore tamen inquieti Populi non fuerat in ea collocatum. Condidit quoque Domum hospitalem gloriosissimæ Dei Genitricis Parenti deuotam, statim autem omnes manum admoventes operi, tam fructuosè laborarunt; vt (testante Illustrissimo Gonzaga) trecenta millia Gentilium indorum ab Idolorum seruitute auersa, ad Sanctæ Matris Ecclesiæ gremium conuerterint: Nec contentus his fructibus Custos, sed Seraphici Patris zelo animatus, suos in forma crucis filios ad quatuor Regionum illarum angulos delegauit; vt numerosissimas gentes, & vastissima Regna, Christi Saluatoris ouili aggregarent. Quatuor in Orientalem Prouinciæ Camerinæ Plagam abierunt, in qua Ecclesiam construxerunt & copiosam multitudinem Christianis institutis imbuerunt; tres ad Prouinciâ Illocos, & Pangarinam nominatas in Oceasu sitas intrarunt: Tres alij Meridionalium Zibu, & Panai Regionum curam susceperunt; & quoniam incolæ in montibus degunt, vt eorum conuersio facilius euaderet, Dei templâ ædificarunt, ad quæ Populi conuenientes à fidelibus Christi Ministris instruebantur, & baptizabantur.

His ita sapienter dispositis, P. Petrus ab Alpharo volens amplius Patri suo S. Francisco assimilari, in longinquas terras Fidem seminaturus ire meditatur. Suffecto igitur in locum suum P. Fr. Ioanne à Placentia Prædicatore, ad Regnũ

Sinen-

Sinenſe cum tribus ſocijs, ſcilicet Fr. Ioanne Baptiſta à Peſa-ro; Fr. Auguſtino de Tordeſillas, & Fr. Sebaſtiano de Baeza profectus eſt. Ingreſſi primi omnium Fratrum Minorum quatuor Miſſionarij Sinenſes agros, meſſem quidem plurimam, ſed operarios paucos inuenerunt; vnde vt paucitatē Prædicatorum ſuo ſeruore compenſarent, non ceſſauerunt die, noctūque indefinenter operari, nec labor inutilis fuit, multas enim & mirabiles conuerſiones conſecutus eſt: Cum autem grauiſima pro Chriſto mala æquo animo paterentur, ecce quoddam gentis prophanæ Sacerdotes illos è Sinenſi Imperio expelli curauerunt, iſti autem excuſſo pedum ſuorum puluere, in Ciuitates Malaca, & Macao tranſeuntes, duobus ibi Conuentibus exordia dederunt; ex quibus deindē Prouincia Beatiffimæ Matris Dei nomine, conſecta eſt. Horum ſucceſſuum Annus fuit 1580. quo laboribus, pœniſque oppreſſus Venerabilis Dei Seruus Petrus ab Alpharo ad cęleſtis Patriæ requiem tranſmeauit.

Eodem anno præſatus Fr. Antonius à Sancto Gregorio Breue aliud à Summo Pontifice Gregorio XIII. obtinuit, quo cauebatur; vt Prouincia Sancti Iosephi nouam Sancti Gregorij Cuſtodiam ſuam foueret, & in eam Superiores, & ſubditos tranſmitteret. Cui Pontificis ordinationi, & Catholici Monarchæ mandato obediens P. Franciſcus ab Ynoxofa dictæ Prouinciæ Miniſter, triginta duos è filijs ſuis ad Cuſtodiam Philippinarum conſeruationem deputauit; quorum equidem notabilis, & deuota profectio fuit, ipſis enim Madrito exeuntibus adſtitit Illuſtriſſimus Nuncius D. Segar, qui benedixit eis, & vexillum Crucis ſigno, & crucifixi Domini Noſtri Ieſu Chriſti effigie decoratum porrexit, hæc dicens: *Accipite vexillum Sanctæ Crucis, in qua poſſitis vincere inimicos Fidei*: Illi autem proceſſionaliter egredientes, relictis omnibus patriæ retibus, ſecuti ſunt Crucem; & tam Sancto Religioſorum cœtui Præſectus fuit P. Fr. Michael à Palanera, doctrina, & pietate ſingulari ornatus; erat autē inter ſubditos eius ſeruentiſſimus P. Fr. Petrus Baptiſta, Japoniæ Proſomartyr mox futurus.

Prouidit filia suæ Custodiæ Philippinarum caritativæ, eius Mater Sancti Iosephi Prouincia, & ab eius sustentatione nunquam destitit. Cum autem illa maximos in Dei Domino prouentus gigneret, peruenit eorum fama ad aures Patris-familias Pape Sixti V. qui eam in Prouinciam erexit Anno 1586. edicto super hoc Breui, cuius initium (quia Fratrum Discalceatorum labores enarrat) hic subiungere placuit: *Dum ad uberes fructus, quos Religiosa persona, præsertim verò Fratres Minores de Observantia Discalceati nuncupati, Custodia Sancti Gregorij in Insulis Philippinis Indiarum Occidentalium, quasi in agro Dominico seduli operarij ad Dei gloriam, & spiritualem salutem Populorum &c. Addidit huic concessioni multas gratias & priuilegia, & in terris Sinensibus, alijsque Indiarum Regnis, ac Insulis fundandi Conuentus facultatem largitus est: Præerat eo tempore dictæ Custodiæ P.Fr. Petrus Baptista, à quo conuocato Capitulo, primus nouæ Prouinciæ Minister P.Fr. Paulus à Iesu, Prouinciæ Sancti Iosephi filius, institutus est: inceperunt ex tunc Fratres ad albentes vicinorum agrorum messes oculos conuertere, & apertam in eis Euangelij portam videntes, sedulò studuerunt linguis Iaponicæ, Sinensi, & Indicæ ad discendis; vt detentos Idolorum superstitione Populos, ad Christi Fidem (quæ ex auditu est, auditus autem per verbum Dei) perducere possent.*

*De ingressu Fratrum Minorum Discalceatorum à Prouincia Sancti Gregorij in Iaponium. Cap. V.*

**I**N remotissimo Asiatici maris confinio Orientalis Regio pluribus Insulis constans, cui nomen Iaponium, depræhenditur; solum est illi fecundum & sanum, omni-que alimentorum genere perabundans, paulò ante Saluatoris nostri Natiuitatem à Sinensibus incolis cœpit habitari. Subtili quidem & acuto ingenio, sed superbo & honoris cupido natura Iapones effecit, superstitioni & Idololatriæ dediti sunt; duo præsertim Idola *Xacam, & Amidam* nomi-

nominata venerantur: Sacerdotes suos (quos communi vocabulo *Benços* appellant) è Senioribus Populi electos summè reuerentur; omnes scribendi, & legendi artem callent, eorum autem linguam curiosam esse, & compendiosam paucis multa comprehendentem nostri Europæ affirmant. Totum illud vastum Dominium vni summo Imperatori subest, cui variorum Regnorum Reges, vel melius dixerim Tetrarchæ, ad nutum obediunt.

Cùm igitur in hanc latissimam Regionem respicerent Minores Discalceati Philippinenses, & in eam aut Euangelij semen inferre, aut ab alijs seminatum ad maturitatem perducere vehementer optarent. Ecce quòd ille, cuius consilia inscrutabilia sunt, eo tempore eis ingressum aperuit, quo difficilior humanis mentibus videbatur; ad supremum Gentis illius Imperium post diuersos Fortunæ casus ascenderat quidam Faxina obscuro & humili loco oriundus, & primæ professione faber lignarius; sed tam forti & generoso præditus animo, vt sibi sexaginta Regna subiecerit, & totam Sinam sibi adhuc submittere meditaretur: Affectabat quoque Philippinarum obsequium; quare vt belli occasionem quæreret, Pharandam domesticum suum cum alijs Legatis ad Philippinas transmisit, vt ab eis eam quàm supremo Iaponij Imperio subditis, homagium, & fidelitatis promissionem exigeret.

Visa est noua, & inexpectata Legatio Philippinarum. Gubernatori Gomezio Perez de Mariñas, timuit tam barbari, tamque potentis vicini potentiam; humaniter Legatos excepit, vtque rem benigno modo cum ipsomet Imperatore componeret, destinauit ad eum solèmnem Legationem, cui R. Patrem Cobos è Prædicatorum Ordine præfecit: Sed eo in viâ morte prærepto, eidem muneri Venerabilem Dei famulum P. Petrum Baptistam Custodiæ S. Gregorij nuper Custodem suffecit. Monitus de Præregis electione Vir humilis, duplici & contrario Humilitatis, & Charitatis motu coëpit agitari; primò ipsis supra Fratris Minoris Ordinem, oblatum ei officium esse suadebat, altera

acceptandum suggererat, vt Gentis illius Christianitatem iuaret. Igitur vt vtriusque virtutis impulsibus obediret, se velut Iaponij Prædicatorem, non vt Oratorem offerebat; volebat Legatione fungi pro Christo, non pro Philippo: Itaque cum res in dubio esset, dum Gregorij XIII. Breue videretur obstarè, quo Societatis Iesu dumtaxat Patribus Iaponij euangelizatio permittebatur; alijs Religiosis prohibebatur, licet ex Sixti V. Indulto ad omnes Orientis Regiones Fratribus Discalceatis pateret accessus. Voluit Deus super his suum manifestare consilium, & Diuinæ mentis arcanum; tunc enim præfatus Imperatoris Legatus Pharanda Gurimon sequentem Philippinarum Proregi Epistolam scripsit.

Ego Pharanda Gurimon Insularum, & Regnorum Iaponij Orator, dico multos in illis Regnis esse Christianos, qui Catholica legis initia susceperunt; ex penuria autem Ministrorum, & Sacerdotum (à quibus doceatur) dilatata non fuit: Ego verò scio pergratum futurum Regi Domino meo Cabacondono Taycoxanica, si qui Patres ex istis terris in Iaponium irayciant, dummodò ex Sancti Francisci Ordine sint; quia ipsi rem nouam & mirabilem visu, homines tam austera vita præbebant, & eorum missionem pro gratia sibi facta reputabit, & etiam propter rerum mundanarum contemptum (quem proficiuntur) optimè à Iaponibus excipientur. Quamobrem à Dominatione vestra peto, vt aliqui ex illis Discalceatis mecum veniant, & in nomine Regis mei ipsos fore benè recipiendos polliceor, & benignè cum eis agendum, nec vlla inferetur ipsis iniuria, nullum erit eorum vita periculum; quare me ipsum astringo, illos sanos in ista Ciuitate ad Dominationem vestram me reducturum.

Isti Epistolæ, quàm compendiosam Discalceatæ Reformationis laudem dixerim, placet tres alias à Iaponibus Christianis missas subiungere; vt toti Populo Catholico pateat, adèò insitam esse hominibus auri, & pecuniæ famem; vt in quocunque Mundi angulo diuiciarum contemptor viuât; de eo semper dici possit, quod olim sapiens Salomon protestabatur se esse dicturum, si quem huiusmo-  
di

ti suis temporibus inuenisset: *Beatus vir, qui post aurum non abiit, nec sperauit in pecunia, & thesauris. Quis est hic? & laudabimus eum, fecit enim mirabilia in vita sua.* Videamus ergo quomodo laudauerint Iaponenses, Viros illos Apostolicos Discalceatos, quos post aurum non abire, quos in pecunia & thesauris non sperare didicerant: *Viuebat Manilæ Religiosus quidam nomine Gonsaluus Garzia, qui antequàm Mundo valediceret, decem annorum spatio in Iaponio fuerat commoratus; ad eum igitur afflicta Gentis illius Ecclesia frequentibus epistolis scribebat, quarum originalia Romam, & Madritum transmissa fuere. Trium autem præcipuarum tenorem hic adnectam.*

*Nos Christiani Amanguchani, qui tredecim vel quatuordecim millia complemus; temporibus retroactis à Patre Francisco Xaverio Societatis Iesu Religioso baptizati, dicimus; quòd à 12. annis doctrina & Ministris caremus, & quia deerant, à quibus nostri regenerarentur, semetipsos alterutrum baptizabant in domo Ioachim, in qua crucem superpelliceum, & dicti Patris disciplinam conseruabamus: Cùmque aliquis Christianus infirmaretur, ipsim superpelliceo induebamus, & Cruci applicabamus, moxque quinquies disciplina percussus, illicò sanitate pristina fruebatur. Mortuus est magno omnium mœore Ioachim, & dolor additus est dolori; cùm postea audiens Imperator nos Christo, & eius legi feruere, de nostris terris nos expulsi relictis quadringentis, qui intelligentes in Insula Manila, reliquisque Philippinis plurimos Fratres existere, de mittendo ad eos accersendos convenimus: Sed Franciscanos esse optamus, quoniam iuxta quod de illis narratum est, præuidemus; quòd si in Iaponium veniant, innumeras gentes ad Christum conuertent, cùm videbitur status eorum perfectus, & modus viuendi Apostolica vita sapè nobis à nostro bono Patre Francisco Xaverio descripta simillimus, nec solùm hac vice, nec à nobis duntaxat, sed à pluribus pluries postulati fuerunt. Fagnus Imperatoris Cognatus Christianus est, & quoniam Doctoribus caret, iuit cum vniuerso Populo suo; ut reperiatur à quibus in Fidei via dirigatur: Cùmque Imperator ex carentia Ministrorum, ipsi apostasiam à religione Catholica sua-*



dere vellet; constanter respondit se prius membratim discerpendum, quàm à Christo capite diuidentum. Iustus Meaci Ciuis, cui plusquàm octoginta millia vassallorum obediunt, pro se & subditis suis Predicatores enixè desiderat: Ille verò tam fortiter in fide perseuerat, ut maluerit bonis, & honoribus ab Imperatore spoliari, quàm ad pristinam idololatriam reuerti; ipse igitur & terrarum eius incolæ, Doctores volunt, & præcipuè Franciscanos.

Secunda Epistola non minoris affectus indicium est, quæ sic habetur.

Nos Amacusani fideles, ego Domina Gracia Regina, & terrarum istarum Dominatrix, uxor etiam si g mei Ioannis, & Bartholomæus, ac Cornelius, te fratrem Gonsaluum Garziam, tanquàm filium, & fratrem nostrum rogamus; ut Fratres tuos moneas, quoniam Religiosorum Sancti Francisci viuendi modum, & præsertim pecunie renunciationem nonimus, quem diuiciarum contemptum non credentes, aliquando derisimus, cuius nunc veritatem certam habemus: Illos dumtaxat volumus, quia pauperes, & ex eleemosynis vitam ducentes, quas eis nos ipsi libenter erogabimus; si in meas terras à nonaginta Populis (quorum singuli quadringentas, aut sexcentas domos occupant) habitatas, adueniant. Neminem habeo, à quibus instruantur, præter duos à Societate Iesu Religiosos; unum Sacerdotem, alterum verò Laicum: Cùmque tot Populi doctrina indigeant, persecutiones à Gentilibus patiuntur; qui propter deficientiam Predicatorum, ipsos ab Ecclesia Catholica sine abducere, & retrahere conantur. Hac & multa alia à meis Christianis ad me scripta sunt Anno 1590.

Tertia Epistola sequens est.

Nos Christiani qui in Gentilitate versantes, Idolorum Sacerdotes existimus, à te Fratre Gonsaluo Garzia benedictam, & Sancti Francisci vestem gerente, in visceribus Dei petimus; ut

cum *Templa nostra, & redditus (te suadente) ad Christum,*  
*conuersi reliquerimus, nostri miserearis; qui per deserta, &*  
*montes erramus, syluestribus alimentis vinentes, nemine con-*  
*tentes: Et quia scimus Fratres sacra illius Religionis deu-*  
*tissimos, & pauperrimos esse; ecce obsecramus, ut veniant ad*  
*quarendas, & saluandas terra istius animas. Christiani Firan-*  
*di (qui ad tria millia perueniunt) fideles Xiquei, & alij idem*  
*postulant.*

Tam instantibus Christianorum Iaponensium petitionibus Philippinarum Gubernator annuere volens, & diuinam in eis voluntatem considerans, omnia sibi obiecta impedimenta superauit; & benedictum Patrem Petrum Baptistam, cum alijs tribus Discalceatis Fratribus, nempe Fr. Gonsaluo Garzia linguæ Iaponicæ peritissimo; Fr. Francisco à Sancto Michael, aut à Parilla, & Fr. Bartholomæo Ruiz ad Imperatoris Iaponici terras delegauit. Igitur propter miseriam inopum, & gemitum pauperum die 26. Maij Anni 1593. exurgens Venerabilis Dei Seruus P. Petrus à Gubernatore Legatus, à Prouinciali suo Commissarius institutus, è Philippinis egressus est; post triginta dies periculis, & laboribus plenas, ad Firandi Portum saluus & incolumis una cum socijs appulit: Qui se in vastissima, Regna introductos videntes ad debellandas tartareas potestates, non armis visibilibus; sed spiritualibus zeli, patientiæ, verbi, & exempli instrumentis, illicò Deo Omnipotenti cunctorum bonorū Auctori gratias humillimas rerulerunt. Christiani autem luctu, & moerore seposito gaudentes, illicò pijs Missionarijs adfuerunt; illis namque spectaculum Deo, & Angelis dignum exhibuere Minores Legati, vili & repetiata veste induti, pedibus nudis incedentes, mortificationem Christi in vultu ferentes, pœnitentiam ore prædicantes, viam Cœli exemplo monstrantes: Sancta igitur, & pia curiositas Populos omnes ad Discalceatos nostros videndos mouebat, nullus enim antea Ordinis Seraphici filius in Iaponium intrauerat; erat tunc temporis deserta Christianitas, & vidua pastoribus Eccle-

sia lugebat. Quos enim Sanctissimus Indiarum Apostolus Franciscus Xauerus Christo filios genuerat, nemo lacte prædicationis educabat; cum ex edicto barbari Imperatoris Religiosi Societatis Iesu Patres, ab eius Imperio fuissent relegati: Quare desolata Iesu Christi Sponsa, captiua filia Syon, deserta Hierusalem, ad Sponsi sui amicum Fratrum Minorum Discalceatorum Ordinem clamabat; *Adinna me solitarium, & cuius præter te nullus est auxiliator alius.* Ester 14. vers. 3.

Præcesserat Seraphicos Oratores Pharanda, vt de eorum accessu Imperatorem moneret; gauisus est iste, & humano modo recipiendos iudicans, Fugen domesticum suum cum equis, & curribus ad eos misit: Sed qui Christi negocia sibi commissa meminerant, Apostolico apparatu vti voluerunt, & discalceatis pedibus honoris mundani fastum calcantes; magna tùm Christianorum, tùm Gentilium admiratione ad Imperatoris Aulam contenderunt. Obsæpefactus nouo spectaculo Monarcha, & tam puro seculi contemptu motus, plurimam in eos reuerentiam & amorem concepit, eosque veros Christianos sibi videri testatus est; quare perhumaniter exceptis, beneuolum in omnibus fauorem re-promisit: Illi verò rebus Christi paupertate & humilitate propectis, Catholici Regis negocio sapienter & liberè gestis, ab Imperatoris præsentia recesserunt; & sic annuente & volente, in Imperij caput Meacum se transfulerunt.

In ea celeberrima Vrbe Conuentum Beatæ Mariæ de Angelis dicatum, Imperatoris & aliorum Gentilium Magnatum liberalitate extruxerunt; nec ædificatio Mysterijs vacauit; namque in supremo conditæ nuper Ecclesiæ Altaris tabulario verba ista ab omnibus visa fuere; *Filia Ierusalem, ne suscitetur, neque enigilare faciat dilectum, donec ipsa velit.* Cuius inscriptionis enucleando secreto, diuersis sententijs laboratum est; contigit insuper, vt Templi Idolorum proximi, campana, quæ strepitum suum ad multa millia diffundere solebat, eo die (quo noua Edis campana erecta est) penitus obmutuerit; nullumque amplius soni-

sonitum ediderit: Quo sanè inditio cœlitus manifestabatur, quod cum vox turturis in Iaponij terra audiebatur, cessare debebat nocturæ cantus: & canente Christi Ecclesia, filere. Dæmonis superstitio tenebatur. Tunc enim impletum est verbum Sophoniæ Prophetæ in cap. 2. vers. 14. *Vox cantantis in fenestra, cornus in superliminari; attenuabo robur eius.* Itaque eodem ingressus Discalceatorum nostrorum Anno 1593. die 4. Octobris Seraphico Patri S. Francisco deuota, perfectum & consummatum fuit ædificium, primumque corporis & sanguinis Christi Sacrificium in Ecclesia oblati est; & à feruidis Missionarijs, eorumque coadiutoribus Fr. Martino ab Ascensione, & Fr. Francisco Blanco nuper à Philippinarum Prouincia missis, prædicationis exercitium in ipsa met Regia (nemine contradicente) inchoatum est: Immo tantus erat in eos ipsius supremi Dominatoris affectus, tantaque deuotio; vt semel incognitus (media nocte) eorum matutinis Horis adfuerit, & palam Aulicis suis dixerit, *pauperes illos, & humiles Fratres non esse à Gentilium conuersione arcendos.* Dein quod in aure audierant Christiani, publicè repetebant; tunc licebat omnibus rosaria, cruces, coronas, imagines, & cætera deuotionis instrumenta manifestare; Eodem anno, die omnium Sanctorum solemnitate percelebri; Sanctissimum Eucharistiæ Sacramentum in Sancta Sanctorum delatum, & repositum fuit; Christus autem cultum, & honorem sibi exhibitum crebris miraculis compensauit, interque ista notissima sunt, quod Angelorum chori collaudantes Deum, & alternis vocibus humanos concentus adiutantes auditi fuerunt; quodque cum in Aede Virginis Matris nulla lampas arderet, apparuere quatuor lucidissimæ, totidem illuminationis Prædicatorum nostrorum annos significantes. Audita fuit eadem cœlestis Musica, dum in festo Natiuitatis Christi B. Commissarius Petrus nocturni Sacrificij hostiam immolaret.

Tam stupendis prodigijs Populi zelus accendebatur, idè Christiani vtrubigenam tot annorum silentio, & timore contractam exenterent, pietatis exercitia duplicabant, & in Ecclesiam

eleſiam Fratrum Minorum, & precaturi, & diſciplinam apprehenſuri frequenter conueniebant: Interim à pijs Miſſionarijs nihil eorum omittebatur, quibus ſeiſpos bonorum operum exempla præberent; excogitauit autem nouam artem illorum charitas, quæ non quærens quæ ſua ſunt, ſed quæ Ieſu Chriſti, eos mirabiles & toti Nationi amabiles effecit.

Inter omnia mala, quibus humana mortalitas ſubeſt, nullum eſt inter Iapones communius, nullumque ipſis intolerabilius lepra; horrent ad aſpectum leproſi, nec dubitat vxor à marito, nec vir ab vxore; neque Pater à filio, nec etiam natus à Parente lepra infecto recedere: Nulla eos affinitas, nulla ſanguinis cognatio tangit; moritur inſcelix, & omni deſtitutus auxilio, qui tam grauem morbum contraxit. Quod videns piſſimus Commiſſarius, tactus dolore cordis intrinſecus, licet naturæ ſuæ in peccatis conceptæ amarum eſſet videre leproſos; teſtamentum verò Seraſphici Patris ſui Franciſci, tanquàm legitimus eius hæres exequi volens, diuinæ ſe diſpoſitioni commiſit, & ipſe Dominus conduxit eum inter illos, & fecit miſericordiam cum illis: Quod autem videbatur illi valdè amarum, ei conuerſum fuit in maximam animæ, corporiſque dulcedinem. Vndè vt inſcelicibus leproſis ſuccurreret, duas ad vtrumque Conuentus latus, hoſpitales Domos Sanctis Beatæ Virginis Sponſo, & Matri dicatas, ex Gentilium eleemoſinis conſtruxit; & vni Leonem, alteri Paulum Tertiarios præfecit, quorum charitatem (vt infra videbitur) martyrij gloriæ coronauit; ſuſtentabantur, & curabantur in illis Domibus pluſquàm centum & triginta leproſi, præter alios varijs inſirmitatibus languentes; quibus diuinæ Prouidentię curæ, medicinas & alimenta ſuppeditabat. Si quis autem tantæ humilitatis profunditatem in Viro Dei Petro, & Regis Catholici Legato miretur, illam ſacro amoris incendio tribuat; nam ex Diuo Bernardo, *Amor dignitatis neſcius.*

Quantum impenſo leproſis officio profecerint Apoſtolicæ Viri, non facilè dici poteſt; teſtimonium reddebant eis  
Chri-

Christiani , & Gentiles ; isti laudis , illi imitationis . Fideles enim superata carnis contradictione , libenter lepram videbant , immò & manu contrectabant ; quod autem maius est , ore & lingua lambebant , Christum propter peccata nostra quasi leprosum effectum reminiscences : Idololatram verò cum nullius mundani commodi vtilitate ductos Religiosos agnoscerent , Christianæ fidei virtutem mirabantur ; & ipsemet Imperator semel confessus est , se ex eorum zelo , & amore colligere Christum Salvatorem esse , & bonorum operum in altera vita iustum Remuneratorem . Præterea feruens Commissarius scholam instruendis pueris aptam ædificauit , in qua lacte salutis potabat eos , & ab Idololatriæ veneno retrahebat ; ad hæc stridebant dentibus in eum Idolorum Sacerdotes , & dissecabantur cordibus : P. Petrus autem cum esset fortitudine plenus & sapientia , ad vltiora , progrediens Nangasachum se contulit ; vbi & in alijs Iaponij terris vndecim Conuentus & Ecclesias Discalceatorum , & septem leproforum Hospitalia à seipso , & à suis in breui constructa vidit . Horum etiam labore , ac industria innumerabilis hominum multitudo , aut in fide solidata , aut ad eam conuersa permansit ; nec mirum , si tam modico tempore tam multa perpetraverint opera , cum sit (testante Sancto Hieronymo) longum iter per præcepta , breue autem & efficax per exempla .

*De initio persecutionis , & de glorioso Beatorum Petri Baptista & sociorum eius , aliorumque Protomartyrum triumpho .*

*Cap. VI.*

**F**lorebat mirum in modum Iaponij Christianitas , & intra quadriennij spatium stupenda incrementa perceperat ; sed ecce cor Regis immutatum est , & recedente ab eo Spiritu pacis & amoris , exagitaui eum Spiritus nequam . Querebat inimicus homo molles Regiæ mentis aditus , & tempora seminandi zizanij obseruabat ; prophani Sacerdotes prima in Viros Dei venena cuomuerant , nihilominus in-

auctua-



fluctuabat adhuc Imperatoris animus, & quanquam solitas autem elemosynas non amplius illis erogari iussisset, libertatem tamen prædicandi nondum ademerat. Qui igitur artes mille nocendi habet, à totalis destructionis proposito non destitit; donec ministrantibus materiam Idolorum Sacerdotibus, aliisque Inferni consiliarijs gravissimæ persecutionis flammam accendit: Imperator ergo ex agno mansuetò in furibundum leonem còuersus, falsis ac pueris domesticorum, & Principum suorum suasionibus assentiens; præcepit plantatam in terris suis Christi Domini vineam radicis amputari, & omnes (quotquot essent in Iaponij Regnis) Religiosos, & Christianos carceribus mancipari.

Itaque primæ excitati incendij victimæ fuerunt sex Minores nostri Discalceati, primitiæ Deo & Agno, Iaponij Protomartyres, purpurati Catholicæ fidei testes; qui à satellitibus capti, cum à Christi confessione nullo modo dimoueri potuissent, post multa carcerum, & longi itineris incommoda, post extremæ auriculæ crudelissimam abscissionem, post publicas derisiones, famem, sitimque toleratas, pro Iesu Christi nomine extra muros Oppidi Nangasacki, die 5 Februarij Anno 1597. cum alijs septemdecim, Tertiarijs, eorumque coadiutoribus & familiaribus, & cum tribus Societatis Iesu filijs, in crucem acti lanceisque transuerberati, gloriosi martyrij palmas obtinuerunt.

Quàm multa prodigia Beatorum passiones præcesserint, quàm læto & hilari animò ad Crucis tormentum accesserint, quantam Populi deuotionem, qualem omnis sexus & ætatis æmulationem commouérint, enarrare non suscipio. Hic solummodò causam mortis ipsorum verbis Iaponicis scriptâ Latinæ fidei reddam: *Quoniam isti homines à Philippinis cum titulo Legatorum venerunt, & Mecum se recipientes legem Christianam à me annis præteritis sub grauib; penis prohibitam prædicauerunt; in hoc, ut cum Iaponibus ipsorum legi adherentibus occiderentur; itaque isti viginti quatuor Nangasacki crucifiguntur. Iterumque dictam legem prohibeo; ut in omnium notitiâ iussio mea perueniat, quam executioni mandari volo.* Si quis

autem

*antem eam temerariè infregerit, se cum tota progenie sua graui-  
ter puniendum agnoscat. Primo de Anno de Queicho, die decima  
Luna undecima. Sigillum Regale.*

Quibus 24. condemnatis, si duos ipsis adauctos in via  
adiungamus, omnes ad supramemoratum viginti sex nume-  
rum attingere reperiemus.

Quibus autem vijs cum palma ad Regna peruenerint hi  
Beati, & coronas decoris acceperint de manu Dei, hic de-  
scribendum esse existimo; vt & Martyrum honori, & legen-  
tium ædificationi consulatur: Quapropter breuem vitæ cu-  
iuslibet ipsorum historiam, vel saltem nominis, & officij  
notam assignabo. Omnium dignitate primus fuit B. Pater  
Petrus Baptista, sed ordine mortis postremus; vt enim Sa-  
lomoneam Machabæorum Genitricem, & Sanctam Fœlicita-  
tem septem Fratrum Martyrum Parentem imitaretur, vlti-  
mus precatus est crucifigi, & dispositione diuina factum est,  
vt filios suos ad gloriam præmitteret, & deindè de eorum  
victoria certus ipse triumpharet.

Beatus itaque Martyr Philippus, Frater noster, alios mar-  
tyrio præcessit. Iste in Prouincia Angelorum nouæ Hispa-  
niæ Ordini Seraphico aggregatus, manum miserat ad ara-  
trum, & respiciens retrò aptus fortè non fuisset Regno Dei;  
nisi post gestam in Sina mercaturam, iterùm Christi iugo in  
Prouincia Sancti Gregorij collum subdidisset: Factus igitur  
denuò Minor, cum in nouam Hispaniam trajcere vellet; na-  
ui (qua ferebatur) in Iaponij littus reiecta, ab infidelibus  
apprehensus est. Cumque se Christianum & Religiosum,  
liberè declarasset, in naufragio præfatæ navis portum salutis  
inuenit, & admirandum nobis diuini consilij secretum reli-  
quit; dum iactura ratis Sancti Philippi titulo consecratæ, oc-  
casio salutis fuit homini eiusdem nominis possessori: Vno  
verbo qui aduersantibus ventis, & intumescantibus procel-  
lis, ad nouam Hispaniam appulere non potuerat, inuenit  
secundam post naufragium tabulam; scilicet crucem, & in-  
uocato nomine Iesu, in nouam Hierusalem fœliciter in-  
trauit.

Genuit Ordini Seraphico Franciſcum Blancum alma Pro-  
uincia Sancti Iacobi Regularis Obſeruantiae; ſed cum Eccle-  
ſia & Coelo Philippini Conuentus educarunt, in quibus do-  
milium habitationis accepit, & Minoribus Diſcalceatis  
eſt aſſociatus. Iſte Sanctiſſimæ Virgini Deiparæ addiſtiſ-  
ſimus fuit, orationi & poenitentiae indefeſſus vacauit; ter ſin-  
gulis diebus diſciplina corpus affixit, puritatem cordis, &  
linguae innocentiam ſemper coluit: Cum in Iaponium tran-  
ſiſſet, intra tres meſes ſufficientem confeſſionibus audien-  
dis, linguae intelligentiam acquiſiuit; ſumma charitate le-  
proſis ſeruiuit. His virtutum, & bonorum operum gradi-  
bus, ad crucis mortem peruenit, quam læto & ſereno vul-  
tu aſpiciens, & in hæc verba erumpens: *In manus tuas Do-  
mine commendo ſpiritum meum*, ſe lanceis tranſigendum ob-  
tulit, & ad vltimum uſque halitum à diuinis laudibus non,  
ceſſans, ſtolam iucunditatis accepit in ſanguine Agni deal-  
batam.

Egregium Concionatorem P. Martinum ab Aſcenſione,  
filiae ſuae Sancti Gregorij prouida eius Mater Prouincia San-  
cti Iosephi dedit. Cantaber erat genere; & Diſcalceatus Or-  
dine, miræ paupertatis, orationis & poenitentiae fuit; orabat  
quotidiè Dominum, vt ſibi (non quidem ad dexteram, vel  
ſiniſtram ſedere daretur) ſed vt calicem (quem hiberat) ipſi  
guſtandum porrigeret, vt enim verus Crucifixi Diſcipulus  
eſſet, crucē baiulare poſt eum volebat: Licet enim ſignū Aſcē-  
ſionis prognosticum præferret in nomine, non tamen in mon-  
tem tranſfigurationis, ſed in collem crucifixionis; nō in Tha-  
borem, ſed in Caluarium aſcendere peroptabat. His dum  
intentus ſupplicationibus viueret, reſponſum accepit à Spi-  
ritu Sancto interiùs ei loquente, illum eſſe viuum lapidem,  
Eccleſiae Iaponicæ conſtructioni deſtinatum: Ad Philippinas  
igitur tranſmiſſus, Artes & Theologiam docuit; inde in Ia-  
ponium intrans, mox à prouido Commiſſario Petro Con-  
uentus Oſacani Superior nominatur. Tandem vt promiſſari  
ſibi coronam conſequeretur, cruci affixus, & lanceis tranſ-  
uerberatus, conuerſa ad Cælum facie deuotum Populis cir-  
cuman-

cumstantibus spectaculum exhibuit: Ipse autem Martinus pauper & humilis, Cœlum diues ingressus est, & ad montem beatæ visionis ascendit hymnis cœlestibus honorandus: Sequitur indè benedictus Frater Gonsalvus Garzia, qui cū pluribus annis corruptibilis mercaturæ commercium in Iaponio exercuisset, ad Philippinas secessit; vbi relictis omnibus, pretiosam Seraphicæ paupertatis margaritam in Discalceatorum Conuentu quæsiuit: Habitu autem Franciscano indutus, cum B. Commissario Petro socius Legationis & Missionis, in Iaponium reuersus est; vt gentes Christo lucrificeret. Cūque nuper dum in seculo viueret, Taycozamæ Imperatori notus fuisset; ob magnum diniciarum contemptum, eidem iterum notissimus, & carissimus extitit: Sed eū furor & superstitio beneuolentiam Regis suffocassent, crudeli ipsius edicto comprehensus, martyrij palma decoratus est; & corporis vitam perdens pro Christi fide, animam cum Dei gratia saluauit, Mundo perditus, Cœlo saluus ad immarcescibilem salutem transiuit.

Quintus extitit Fr. Franciscus à Sancto Michaelē, nobilitate ingenua clarus, Prouinciæ immaculatæ conceptionis in Hispania Professus; sed altioris perfectionis, & Reformationis zelo ductus, Prouinciæ Discalceatæ Sancti Iosephi voluit aggregari. Laicus erat omni virtutum genere excultus, martyrij autem desiderio flagrans ad Philippinas mitti postulauit; vbi Crucis signo hominem Indum viperæ morfu laesum, befactum è mortis indubitatæ faucibus eripuit, & mulieri agonizanti amissum linguae vsum reddidit, vt Baptismum petere, & eius lauacro saluari posset: Quibus actibus cum se alium Raphaelem exhibuisset, eū se paupertate, puritate, abstinentia, & sensuum mortificatione dignum Francisci nomine ostendisset; tandem pro Dei gloria crucifixus, sanguinis sui testimonio firmavit, quod Propheta cecinit: *Quis sicut Dominus Deus noster, qui in altis habitat*, Et efficacius ingerens passionē, quam ore (*quis vt Deus*) se in cœlesti prælio verum Michaelē esse probauit.

**Pramisit filios suos carissimos, feruentissimos Dei Seruus**

**P. P. Pe-**

**restauit**

P. Petrus Baptista, ut in singulis amor paternus cruciaretur, & in omnium victoria triumpharet. Natalium splendore corruscarat, & in Conuentu Arenarum à S. Petro de Alcantara extructo, Fratrum Minorum Discalceatorum vitam professus erat; omnium Fratrum testimonio humillimus, obedientissimus, poenitentiae & orationis amantissimus habebatur, qui praedicationis officium cum maximo auditorum progressu exercuit: Cum autem ad Philippinas transmeasset, Custodiae praefici, & à Philippo II. Catholico Monarcha, Episcopatu Camerinarum destinari meruit; sed sanctiori desiderio motus, conuersionem infidelium ambiebat, quare in Iaponium (licet aegrè accepto Legati munere) profectus est: quid ibi pro Dei gloria, fidei Catholicae exaltatione, Christianorum, & Gentilium salute corporis, & animae patrauerit, superius expositum est. Igitur Petrus Baptista cum gemini sui Patroni munus impleisset, cum (velut olim Apostolorum Princeps) infideles multos ad fidei dogmata conuertisset, cum (sicut Christi Praecursor) poenitentiam omnibus praedicasset, & viam Domini in eremo Iaponij praeparasset, innocentissimam vitam pretiosa in conspectu Dei morte conclusit; & qui Petri Apostoli fidem in genere mortis imitatus est, officium quoque Baptiste in patibulo Crucis accepit, dum Iaponum Protomartyr effectus, primus caelestis gloriae viam monstrauit verbo & exemplo, dicens: *Ecce Agnus Dei, ecce qui tollis peccata Mundi.*

Horum martyrio associati fuere tres pueri, Ludouicus, Antonius, & Thomas Iapones; qui nec minis, nec adulationibus à confessione fidei potuerunt auerti, nec à charissimis Magistris suis Discalceatis nostris auelli. Hi duodecim, tredecim, & quatuordecim annorum martyrium subiisse traduntur, quò detestabilior crudelitas, quae nec minusculae pepercit aetati; immò magna vis fidei nostrae, quae etiam ab illa testimonium inuenit aetate; fuit: nè in illis corpusculis vulnere locus? & qui non habuerunt, quo ferrum reciperent, habuerunt quo ferrum vincerent: Hi inter cruentas carnificum manus impauidi, hi stridentium

tium grauib; catenarum traſibus immobiles, nouum martyrij genus nondum idonei poenæ, & iam maturi victoria, certare difficiles, faciles coronari; magiſterium virtutis impleuere, qui præiudiciu vehabant ætatis. Flere omnes, ipſi ſine ſletu, mirari plerique; quod tam facile vitæ ſuæ prodigi, quam nondum hauſerant, iam quaſi perſuſi donarent: Stupere vniuerſi, quod iam diuinitatis teſtes exiſterent, qui adhuc arbitri ſui per ætatem eſſe non poſſent.

Præter iſtos teneros flores, quos in ipſo pubertatis decore, infidelitatis pruiua decoxit; iuuat & nomina aliorum. Tertij Ordinis noſtri Martyrum referre: Qui enim participes fuere laborum; quidni erunt & honorum? & qui noſtrorum Diſcalceatorum adiutores in miniſterio fuere, & conſortes in martyrio; quidni erunt & in encomio? Paſſi ſunt ergo fideles Chriſti Athletæ Paulus Suzuqui, cuius breuis & compendioſa laudatio eſt; quod leproſorum Hoſpitalarius ſummè charitatiuſ extiterit, quod Fratres noſtros in prædicatione, & conuerſione Gentilium inceſſanter adiuuerit. Gabriel Iapo à ſexdecim annorum ætate, Religioſorum noſtrorum obſequio addiſtus: Thomas Catechiſmini Prædicator, à Fratribus noſtris inſtitutus; Franciſcus à Meaco Medicus, & Fratrum interpres. Ioannes Saquier ab Oſaca, ſanctorum Miſſionariorum domeſticus: Bonauentura à Meaco, cui nihil vnquam melius venit, quam cum à pueritia baptizatus, à fide Catholica per apoſtaſim receſſiſſet, & Idolorum Sacerdotio fungeretur; ſed à Minoribus Diſcalceatis ad ouile Chriſti reductus, & cum eis tandem crucifixus extiterit. Ioannes Quicuya à Meaco, vicinus & domeſticus Fratrum: Leo Caracuma, è Boari Regno oriundus, præcipuus Prædicatorum noſtrorum interpres, Vir tantæ Charitatis, vt ſubaſta naturæ repugnantia, leproſis irremediabilibus ſeruiert; præter autem conceſſam ipſi martyrij gloriam, Deus bonorum Remunerator, eius corpori tantum decorem contulit, vt quadraginta poſt crucifixionem diebus, vultus eius candidus, & decorus apparuerit.



Insuper Mathias à Meaco, super quem fors martyrij feliciter cecidit; Cùm enim alter Mathias Beatorum condemnationis socius, tempore eorum incarcerationis abesset, & à satellitibus requireretur, iste se ultro obtulit dicens, *Mathiam Christianum queritis & ecce me, qui Mathias vocor, & Christum colo, capite me; fides enim concordat cum nomine.* Paulus in Boari Regno natus, familiaritate & amicitia Fratrum donatus, cum ipsis condemnatus, & crucis passione coronatus est: Cosmas Patroni sui in vita & morte imitator; ægrotis Hospitalis nostri serviuuit, & sibi martyrij gloriam acquisiuit, Michael Coza qui pueri Thomæ Martyris Pater, Fratrum domesticus, & poenarum, haud impar fuit: Petrus Suzequiza fuit vnus ex illis, qui à satellitibus in via (per quam alij Martyres ducebantur) reperi, vinculis alligati, & cæterorum numero adaucti fuerunt: Franciscus Carpinterus secundus adauctus, qui Martyribus perhumaniter compatiens, ipsis meruit associari. Illis Diui Francisci filijs, tres è sacratissima S. Ignatii familia coniuncti fuere: Primo nomen erat Paulus Michi, Vir planè Apostolicus; alij duo Didacus Quizar, & Ioannes Goto nominabantur, qui cùm Societatis Iesu Patrum domestici essent, in ipso passionis loco & tempore à Patre Roderico, dictæ Societatis Religioso, ad sacra eiusdem voca admissi fuere.

Quemadmodum autem quamplurima gloriosam Seruorum Dei mortem, prodigia de Cælo missa præcesserant, sic & eandem multa miracula sunt subsequuta: Quibus omnibus ad Sanctissimum Dominum Urbanum VIII. relatis, Optimus & Sapientissimus Pontifex omnia ad palmam martyrij comparandam requisita, causam scilicet, poenam, & voluntatem in eis reperiens, cùm Sacra Rituum Congregatio censuisset constare de martyrio, & miraculis; idedque ad actualement illorum Canonizationem quandoque deueniri posse. Bullam edidit die 14. Septembris Anni 1627. qua præfatos sex Fratres Minores Discalceatos, & septemdecim Iapones eorum Discipulos, domesticos, co-

adiutores.

adiutores & familiares, numero Beatorum adscribens, auctoritate Apostolica permisit; vt de eisdem Martyribus, tam ab omnibus Ordinis Diui Francisci Religiosis vbique existentibus, quàm etiam alijs Ecclesiasticis & secularibus, personis Manilensis dumtaxat (vbi præcipui dictorum Martyrum pro Christi fide laborantes valdè profecerunt) Officium, & Missa de Communi plurimorum Martyrum, die eorum natalis (videlicet die quinta Februarij) recitari, & celebrari respectiuè, liberè, & licitè possit, & valeat.

*De breui quindecim annorum tranquillitate, de origine nouæ persecutionis in Iaponio, & de successu expulsionis Euangelicorum Ministrorum. Cap. VII.*

**I**Nter alios deuoti Commissarij & Martyris Petri Baptistæ filius erat Pater Hieronymus à Iesu, cuius industria & solertia, cum optimè Viro Dei perspecta esset, ipsi mandauerat; vt (se melioribus Christianæ Reipublicæ temporibus reseruans) lateret, obedierat Patri, & Magistro suo Hieronymus, & è Iaponio Manilam transferat; vt Prouinciali Philippinarum de rerum successu rationem redderet, & novos Ministros ex illo Concionatorum Seminario secum reduceret: Incredibilis est zelus, quem Protomartyrum exempla animauerant; sed cum difficilem accessum, minæ Imperatoris reddidissent, præfato Patri Hieronymo cum vnico tantùm socio transfretare liberum fuit: Quorum aduentus diù Tyranni Ministros non latuit; idè socio capto, Hieronymus (qui locorum amphractus nouerat) saluus euasit. Interim motitur barbarus Imperator, & crudeli morbo afflictus scelerum suorum pœnas luit; erat illi vnicus octennis filius, quem sub Liasu Regis Bandou tutela reliquit: Sed cum in Principibus confidendum non sit, Liasu deposito Tutoris nomine; Imperatoris insignia cepit, vtque Regni sui primordia diuitijs firmaret, statuit latens in visceribus terræ Regni Quanto, aurum effodere. Cūque

que tam difficili labori operarijs aptis careret, indicatum sibi Patrem Hyeronimum ad se vocauit, cui benignè loquens persuasit, vt Manilam pergeret, & indè Hispanos aurì è fodinis eruendi scios traduceret, addens insuper licentiam publicè prædicandi Populo, & plebem baptizandi (exceptis ab hoc beneficio Nobilibus) & Ecclesiam ædificandi: Quam equidem promptè construxit, & in primo Missæ Sacrificio in ea celebrato, Gentilem quendam præcipuum, energumenum è Dæmonis possessione liberauit.

Ad Philippinas autem iuxta Regis præscriptum transiens, optatum ab eo finem consecutus est, & Meacum ad eius præsentiam reuersus, ipso permittente Conuentum in ea Vrbe fundauit; & aspirante pacis & tranquillitatis flatu, intra breue tempus septem Ordinis Seraphici Domus in Iaponicis terris extructæ fuere: Ad quas subito vigilantissimus Philippinarum Prouincialis, subsidium octo Religiosorum misit, quorum omnium labore fides Catholica procellis concussa, radicari & firmari cœpit; plurimique Gentiles ad eam amplectendam inducti fuere, & multi ab eius apostasia, ad Ecclesiæ Romanæ gremium rediere. Gausa est hac solida pace Christianitas ab Anno 1598. die verò 16. Septembris, qua crudelis & impius Taycozama Imperator occubuit, vsque ad Annum 1613. quo noui Imperatoris ficta mansuetudo in rabiem, & furorem mutata est, & ab eo crudelissimæ persecutionis ignis fuit excitatus, & à linguis iniquorum hominum carbones succensi fuere; quorum præclariore vltimas nostros Philippinarum Discalceatos appellare licebit, vt ex plurimis monumentis constat, sed præsertim ex fidelissima relatione testis ocularis Patris Didaci à S. Francisco, eiusdem Ordinis in Iaponio Prædicatoris & Commissarij, ex qua sequentis narrationis contextum desumpsi; utpotè quæ veritatem ingenuè dicit, & magnam deuotionem inspirat. Sic autem originem persecutionis expono.

Antiquus ille hominum Aduersarius circuiens semper quem deuoret, cùm Protomartyrum nostrorum sanguine, velut quodam Christianorum semine, nouam Iaponicæ terræ Eccle-

Ecclesiam fecundatam videret; cūque in ea timeret impleri, quod Saluator noster in Iudæa nunciauit: *Nunc iudicium est mundi, nunc Princeps huius Mundi eijcietur foras.* Suscitauit homines sine fide, auaritiæ seruientes, turpis luctri cupidos, Batauos scilicet, siuè Hollandos negociatores; qui non quærentes bonā margaritā, fidem nimirum, quā per hæresim amiserūt, sed māmonā hæresis, auaritiæ & inuidiæ stimulis agitati, multa suggesserunt Agaxozamæ Imperatori (qui nuper Liasu vocabatur) quibus eius indignationem cōtra Christianos, & præcipuè erga fideles Sancti Euangelij Ministros excitarunt: Horum mendacijs & dolis circumuentus Imperator, conuocato suorum Consilio statuit, vt deinceps solis Hollādīs, & Anglo-Britannis (quos hæresis socios fecerat) negociatio libera, & commoratio tuta in suis Regnis daretur; Sacerdotes autem, & Ministros Catholicos extra terrarum suarum limites eodem edicto iussit expelli. Publicatum fuit Tyranni decretum Anno 1613. sed vsque ad annum sequentem, non extitit executioni omninò mandatum.

Itaque eo vbique vulgato ibant per omnes Prouincias milites; vt quoscunque inuenirent huius viæ viros, ac mulieres, omnes in Ciuitatem Nangasachum perducerent: Illud enim Oppidum totum à Christianis erat inhabitatum, & ob portus sui comoditatem expulsionī demandatæ facilem exitum dabat. Completum est ergo Regis edictum per quendam exercitum ab eo missum, qui cum magna violentia Christianos, & Dei Summi Sacerdotes, fidelesque Ministros in naues profectiōi paratas intrare coegit; vt quidā ad Philippinas Insulas, alij Macānam maioris Sinæ Urbem deferrentur: Sed qui olim per medium Iudeorum saluus & incolumis ibat, quia prædicationis suæ finis, & passionis suæ tempus nondum aduenerat, voluit; vt fideles Euangelij sui Præcones sex Discalceati Franciscani, impiorum militum, oculos & manus effugerent, & in secreto laterent, nè operarijs destitutus Iaponicus ager, spinas & tribulos sub tam malignis influxibus procrearet. Magna profectò fuit illorū

charitas, & laudabilis zelus; videbant oues deuorari proximas, cernebant lupos ore aperto Christiani gregis sanguinem appetentes; quid facient Pastores boni? nunquid mercenarii sunt, ut fugiant? *Bonus Pastor animam suam dat pro ouibus suis; mercenarius autem qui non est Pastor, & cuius non sunt oues propriae, videt luum venientem, & dimittit oues, & fugit; & lupo rapit, & dispergit oues.* Latuerunt itaque, ne Iaponium desererent, ne Christi ouile pascuis, ne Dei vineam laboribus, ne Domum Domini custodijs priuarent. Horum autem nomina æternis benedictionibus digna silere non decet, iustum enim est; ut vbique cognoscantur, & vbique laudentur Venerandi Patres Petrus ab Assumptione Prædicator & Commissarius, Apollinaris Francus; Ludouicus Gomezius, Ioannes à Sancta Martha, Petrus ab Aula, Didacus à Sancto Francisco Concionatores, & Fr. Gabriel à Magdalena Laicus, eximia perfectione ornatus; quos è latebris emergentes mira, & stupenda pro Christo pati, & agere infra videbimus.

*De præfatorum sex Discalceatorum in varias Iaponij partes distributione, & de rebus à Patre Didaco à Sancto Francisco in sua Regione factis. Cap. VIII.*

**C**um mei propositi non fuerit, graues à Christianis Iaponicis toleratas persecutiones describere; ad ea quæ Fratres nostros Discalceatos spectant, existimo properandū. Cum igitur Anno 1614. omnes Imperij Iaponici Vrbes sanguine fidelium maderent, cum à barbari & iniqui Regis tortoribus nulli sexui, nulli ætati, nulli conditioni parceretur; post expulsos & relegatos omnes (quotquot Nāgasachum congregari poterant) Religiosos, Prædicatores, Clericos Iapones, & adiutores: Nostri sex Discalceati prodescentes è latibulo, ut quod in arcano orationis audiuissent; Populis annuntiarent; cum salutaris obedientie merito, in diuersas Imperij Iaponici partes abiere, in quibus quid egerint, quidue passi fuerint, successiue legendum obijcietur.

Sors itaque diuinæ Prouidentiae Venerabilem Patrem Didacum à Sancto Francisco Aleacum, Ciuitatem numeroſo Populo celebrem, miſit; ſunt in ea ultra centum viginti millia incolarum, quorum plerique Chriſtianam profeſſionem ſectantur. Quam iucundè ab illis ouibus Chriſti ſinc. Paſtore viſibili errantibus receptus fuerit, non facilè dixerim; manebat ille ſucceſſiuè per aliquos dies in domibus eorum, & eos, multoſque alios ſpiritualibus alimonijſ reficiebat: Ibi autem per aliquos meſes commoratus eſt, diem, noctemque in operibus charitatis inſumens; modò eſcam, ſacræ Communionis, modò ſal prædicationis, modò medicinam Confeſſionis, modò aquam Baptiſmi adminiſtrans; tantaque erat aduenientium multitudo, vt vix exiguum cibo corporali recipiendo, & ſomno neceſſario ſumendo tempus Venerando Confeſſori ſupeſſet.

Sed quoniam à Sancto Chriſoſtomo dictum meminerat, diuini verbi Præcones non ad vnā Ciuitatem, non ad vnā Prorincia, vel Regnum fuiſſe deputatos; ſed Chriſtum eis dixiſſe: *Enntes in vniuerſum Mundum predicate Euangelium omni creatura.* Idcirco conſolatis, & ſufficienter inſtructis Aleaci Chriſtianis, ad Ciuitatem Yendum Imperatoris ſedem perrexit; multos Chriſto filios in ea totius Iaponij Matre pepererant Apoſtolicae religionis Diſcalceati Minores, & in illam intrantes primi, tres vni, & tria Domino Eccleſias intra, & prope eius ambitum ædificauerant: Tanti operis Promotor extiterat inſignis Dei ſamulus Fr. Ludouicus Sotellus, Vir planè mirabilis (de quo infra ampla dicendi ſeges occurrer) qui exorta perſecutione, cum pluribus à ſe genitis in Chriſto filijs captus & incarceratus, Magnatum & Principum Iaponij; præſertim verò Idatæ Mazamunæ Regis Voxii poteſtate liberatus extiterat, relictis in carcere Chriſtianis Iaponibus, qui deindè varijs tormentis propter fidem cruciati interierunt. Ad illam igitur Eccleſiam Paſtore deſtitutam propter memorandam dicti Patris Ludouici Sotelli Legationem ſuo loco narrandam, propeſauit feruentiſſimus Pater Didacus à Sancto Francisco; ſed ob graſſantia



inter Imperatorem, & defuncti Monarchæ filium bella, liber non patebat accessus: Quare donec opportunior adesset occasio, Aleaco in Regnum Alini transijt, in quo per duos menses conuersatus est per Ciuitates, & pagos prædicans Euangelium Dei; miram sanè deuotionem exhibebant fideles terrarum illarum Populi, dum è distantibus locis omnis ætatis sexus, & conditionis viri & mulieres, ad piissimum Confessorem, die nocteque veniebant. Visi sunt, ò pietatis excessus! Maritus & vxor, pij certè & feruidi coniuges, nec domesticæ rei sollicitudine, nec longi itineris periculo, nec canescentis ætatis debilitate retardati, à sexcentis militarijs Confessionis sanctæ remedium accepturi venisse; in quorum zelo non parua nostrorum Christianorum confusio est, qui præsentem medicinam respuunt, & oblata sibi Ecclesiæ Sacramenta recipere non curant: Dicet illis in die vniuersalis Iudicij Christus omnium operum testis, & Iudex; vides homo hunc hominem, vides mulier hanc mulierem, isti contra vos exurgent in iudicium pigritiæ, & pusillanimitatis vestræ. Tanta autem erat aliquorum innocentia, vt quatuor annorum facta consistentes, vix materiam absolutionis offerrent; cumque de mirabili in via mandatorum Dei rectitudine interrogarentur, respondebant quòd Confessorum penuriam considerantes, sibi semper inuigilabant, & carnis appetitus timoris Dei frano coercabant.

Successere quamplurimi casus Missionario nostro, quorū duo, quia rari, ad fidelium ædificationem hìc adiungi debent. Venit inter alios nobilis Eques nondum baptizatus; vt à Venerabili Patre absolutionem culparum reciperet; sic autem Confessori innotuit carentia Baptismi, cum enim(iuxta morem) ab eo peteret, à quo fuerit spiritualiter regeneratus, respondit; quòd tredecim annos natus, à suis Patre & Patruo Christianis diù sollicitatus fuit, vt pro salute animæ suæ Christianam Religionem profiteretur: Cùmque eorum petitionibus acquiescere nollet, illi per vim efficere volentes, quod per amorem assequi non poterant; eo apprehenso, capiti eius aquæ poculum infuderunt, dicentes verè

esse Christianum, & vt talem ab eis semper habitum fuisse, licet vsque ad trigessimum ætatis annum in gentilitia superstitione permanserit, & exindè Catholicam veritatem secutus fuerit. Cum ergo sciret optimè doctus & pius Confessor, neminem saluari inuitum, nec posse Baptismum, conferri omninò reluctanti, nec vllò modo consentire volenti; cum enixè flagitantem cum filijs, consobrinis, ac famulis eius, sacro Baptismate regenerauit.

Accidit etiam apud Populum nomine Ychinomiya, vt ad deuotum Patrem ambo Coniuges, ambo iuuenes, ambo forma speciosi pro Confessionibus accesserint: Qui à Spiritu Sancto edocti, id quod Theologia docet, quòd matrimonium consensus, non concubitus facit; virginalis castitatis decorem Deo vouerant, & in eadem domo spiritu, non carne coniuncti, velut germani manebant. Admirabatur Seruus Dei in tam rudi, tamque parum exculto Populo Summæ virtutis exercitium; ideòque voti causam sciscitatus, accepit à marito sic loquente: *Christianus ego, mulierem istam gentilem duxi uxorem, quam illico cum magno mentis affectu rogavi; vt quos nuptia coniungebant corpore, eadem Religio copularet Spiritu. Promisit illa se, cum primum copia Ministri esset, Baptismi lacris abluendam; interim ego dum Idololatæ uxoris concubitum fugerem, castitatem ad tempus quindecim dierum vovi, steti fidelis Deo (ipsius adiuuante gratia) vovi iterùm ad mensem, nihilque rebelle, nihilque contrarium sensi, vovi tandem ad vitam: Cùmque Coniugem meam ad Religionis veræ professionem ductam viderem, suasi ei & castitatem; sicque prius Cathecumena, deindè voto continentie stricta, deniquè baptizata, mecum ab vno anno in pace Dei (quæ omnem sensum exuperat) viuit. Prudens autem Confessor volebat cum illis in tam difficili voto dispensare, aut saltem in aliud commutare; sed sperantes quòd ille, qui dederat eis velle, daret & perficere, illà indulgètiā admittere noluerunt. Promiserunt tamen iuxta Patris consilium, quòd imposterùm ad pœnitentiam accedentes, nouam facerent voti expositionem; vt si necessitas afforet, condiguo reme-*

remedio prouideretur. Hinc erubescant nostri Europæ Christiani, qui quotidianis prædicationibus admoniti, frequentibus exemplis instructi, tot librorum historijs stimulati; quid dicam virginalem?ne quidem conjugalem castitatem dubitant violare: Miramur in terris nostris purissimorum coniugum Elzearii Comitis, & Delphinæ summam continentiam; & ecce quod imitari non potuit Europa, sciens, imitatum est Iaponium nesciens. Primum dum prædicatur, aut legitur; admiratione dignum dicimus, vix imitandum: Et ecce isti duo secuti sunt, quod forte non fuerant admirati.

Dum autem in illis Regionibus tantæ sanctitatis semina Pater Didacus à Sancto Francisco manu assidua curaret, vt ea ad maturitatem perduceret; perseverabat, immò & crescebat bellorum incendium. Ibat Imperator enim quatuor filijs suis, & exercitu quadringentis millibus militum composito; erat ex altera parte Aduersarius defuncti Imperatoris filius Fideyori, centum & nonaginta millibus armatorum stipatus, plenæ erant copijs viæ, quid faciet sitibundus animarum Didacus? Recordatur afflictos absentia Ministrorum Ciuitatis Yendi Christianos, videt exuberantem Ecclesiæ illius messem, Fratrum Minorum Discalceatorum laboribus excultam, præ ariditate tabescere; meminit illius Aedes, opus esse Franciscanæ familiæ. Excogitauit igitur nouam artem, & vt omnia omnibus fieret, habitum Iaponici militis induit, & sic velut alter Iacob, sub Esau vestibus apparens, non vt fratri benedictionem paternam præriperet; sed vt Cœli rorem, & terræ viuientium pinguedinem Christianis, simul ac Gentilibus daret; manus quidem & similitudinem Esau ostendens, vocem autem Iacob reseruans, se militum turmis associat reuerà Regis Regum, & Supremi Imperatoris miles, sicque foelici & pia astutia, Yendum cum toto exercitu iuit.

In Domo leproforum Hospitali, media circiter leuca ab Vrbe distante, Fr. Ludouici Sotelli consilio & labore ædificata, hospitio receptus fuit: Magnam peperit seruen-

feruentissimi Prædicatoris aduentus lætitiâ, quinquaginta leprosis fidelibus, sub cura cuiusdam Hieronymi etiam leprosi, Viri Christiani, summa charitate, oratione, & patientia conspicui, degentibus. Itaque Pater ab eodem Hieronymo recreatus, opportunam inuenit Euangelicæ prædicationi adiunctam Hospitali Ecclesiam, eò Christianorum Congregationibus magis aptam, quò à Gentilibus leprosos præ horrore vitantibus, minus cognitam; addidit & futuri prouentus non exiguam spem facta, in mentis excessu, prædicto Hieronymo Cœlestis manifestatio: Cum enim quadam nocte intentus oraret, visa est ei dicta Ecclesia, per apertas à quatuor angulis rimas cadere in ruinam; mox verò clausis subito rimis, murisque coniunctis, perfectè solidari.

Postquàm igitur Christianis Yendi incolis nunciatum fuit, missum à Deo gregi desolato Pastorem; veniebant turmatim omnes, sed nè multitudo confusionem pareret, prudens Director ordinauit, vt singulis noctibus quindecim ad magis accederent: Sed perfecta Charitas foras mittens timorem, eos intrepidus ultra præscriptum numerum perducebat. Transgebant noctem integram sanctis operibus intenti, modò eos exhortationibus suis feruens Prædicator animabat, modò orationi mentali applicabat, modò vocalibus officiis exercebat, media autem nocte inuenienti Sacrificij hostiam consecrabat, & Christi oues Sanctissimi Sacramenti communicatione pascebat: Sicque aduentante die, omnes ad propria remittebat, nè serui Dominis ad tempus seruitutis decissent. Mira quidem erat eorum deuotio, qua corporis necessitatem obliui, & periculi præsentis immemores; se Deo per gemitus & lachrymas, per sanctas orationes, per asperrimas disciplinas, in odorem suauitatis offerebant.

Cùm autem ab Vrbe per noctem egredi mulieres, & in Ecclesiam Hospitalis conuenire decentia non sineret, erat ille deuotus sexus virorum consolatione priuatus; ideoque optantes communi bono gaudere, opportunius esse dicebant

bant, ut vigilantissimus Pater Didacus relicto Hospitali in Urbem ingressus, in domo alicuius Christiani occultus, utrique sexui inferiret. Consensit pijs desiderijs, & habitu Iaponis induto, nocte opportuna in Ciuitatem intrauit & quotidie fidelium domos visitans, eos sua dulci præsentia solabatur: Adueniente autem Quadragesima, ex eorundem Catholicorum consilio, locum singularem Gentilibus incognitum elegit; ad quem pia Congregatio conueniens, omnibus deuotionis & pœnitentiæ exercitijs liberius vacaret. Locus ergo tam sanctæ Societati destinatus, fuit angulus quidam secretus Palatij Principis Catozamæ à Simone Sabioye, domesticorum eius Præfecto, Viro Christiano oblatus.

*De Patris Didaci, & sociorum eius incarceratione, & de panis in carcere toleratis. Cap. IX.*

**I**nimicus homo, qui ab initio Mundi ad finem usque in agro Domini zizania seminare non desinet, cum à Venerabilis Patris Didaci prædicatione multa sibi spolia rapi doleret; suscitauit conseruum dicti Simonis, qui eum Domino suo detulit. Sicque post celebratum triumphum Dominici in die Palmarum cum magna Populi frequentia Officium, die Martis hebdomadæ sanctæ Pater Didacus, eiusque socius Ludouicus Iapo, & præfatus Simon apprehensi fuere; quorum vltimus post superatas Patroni blanditias, post elusas eiusdem minas, mortis supplicio damnatus, die 20. Aprilis Anni 1615. decollatus, nobilem Christo confessionem exhibuit: Pater verò, & socius eius in carcerem horrendum fuerunt iniecti. Contigit autem ut alius Patris Didaci comes, & in sancto ministerio adiutor (cui nomen Thomas) baptizandæ mulieri occupatus, tempore captionis abesset: Domum indè reuersus, cum se ab alijs disiunctum videret; imputabat sibi occultum crimen, quo tam fortunatæ fortis participandæ redderetur indignus. Itaque ad carcerem accessit, tamque importunum

se satellitibus fecit, vt eos renuentes ad ipsum cum alijs incarcerationum adegerit; ibique tres Domini Confessores *Te Deum laudamus*, alternis vocibus decantauerunt, illud pro sui consolatione memorantes, *quoniam digni habiti sunt pro nomine Iesu contumeliam pati.*

Itur & ab Imperatoris Ministris ad Domum Hospitalem, qua combusta & penitus destructa, expelluntur ab ea Leprosi, & Custos eorum Hieronymus apprehenditur; qui in fide Catholica perseuerans lætus & hilaris, quod corporis sui lepra (quam martyrij impedimentum sibi fore timebat) non obstiterit, quin tortores gladios suos eius sanguine purpurarent, gloriosa passione triumphauit. Ne autem ei Martyri debitus honor exhiberetur, prætextum mortis illius excogitarunt Iudices, dicentes capite plexum fuisse propter incendiarium in Hospitali suo celatum; & re ipsa feruidus & coelestis incendiarius erat Pater Didacus, qui post Christum clamare poterat: *Ignem veni mittere in terram, & quid volo? nisi vt accendatur.*

Ducti quoque fuere tres socij, scilicet Pater Didacus, Ludouicus, & Thomas ad Iudicem inferiorem, & ab eo ad supremum; coram quibus stabiles in fide reperti, carceri horrendo mancipati sunt: Cum autem per Ciuitatis vias vinculis alligati Ludouicus, & Thomas, solutus autem Pater Didacus ob Sacerdotij reuerentiam (etiam inter infideles magnam) ducerentur; iste deposita Iaponica veste, ostendebat Seraphicam, & ad Populum non credentem, & contradicentem clamabat Christi fidem vnicam esse salutis portam. Animabantur hoc exemplo, & hac voce fideles; & trium Confessorum poenis associari petebant.

Quid in carcere passi fuerint explicari non potest, ita obscurus, humidus, arctus, & foetens erat, fames, sitis, calor, immunditia, omne tandem genus incommodi, doloris, & mali, in eo ita vigeabant; vt si quis Infernalium poenarum imaginem in terra videre voluisset, illuc intrandum, & paulisper ibi remorandum fuisset. Audiebantur ibi gemitus languentium, quos inedia, quos fames, quos putri-



da animantia mactabant; cumque mors (ultima malorum presentium meta) eos tot ærumnis liberasset, viui nouis tormentis cruciabantur: Allicod namque foetentia corpora, alios penè exanimis reddebant, nec retris illis odoribus statim finis; ibi enim per septem, aut plures dies insepulta cadauera remanebant, & ijs tandem ablatis, alij rei in locum eorum substituebantur. Horrendum præbebant spectaculum, Christianæ armaturæ, & patientiæ ieremes Gentiles, eodem ergastulo clausi; stridebant dentibus, blasphemiam proferebant, & mutuis odijs, ictibus, atque verberibus sibi inuicem diurni carnifices erant: Inter illos, velut ovis mansuetissima inter lupos, Pater Didacus cum socijs suis vitam in calamitatibus ducebat; hortabatur omnes ad patientiam, & ad sperandam requiem Catholicæ Religionis promissam, quibus verbis non paucos infidelēs ad Christum conuertit, & multos ab apostasiæ casu auertit. Interiissent fame, & siti Pater & adiutores ipsius; nisi aliquorum fidelium manus charitatiua, eos aliquando sustentasset: Inter alios autem Seruorum Dei incarcerationum, nutritios, erat Vir deuotus Vincentius artifex; qui labore manuum suarum, vendē & victum transigere, & eis elemosynam dare posset, operabatur. Iste à Custodibus denunciatus & captus, in eundem carcerem, ob constantem etiam fidei confessionem, iniectus fuit.

Qui tam horrendum carcerem, tam foetidum, torque, miserijs plenum cogitatione percurreret, vix credere poterit; quod in tanta corporum angustia, animæ potuerint cogitatus suos iactare in Domino: Tamen quia Patris Didaci, & sociorum eius corda, inter spinas tribulationum, ad Deum intenta vigilabant; alios quoque ad sancta orationis, & pietatis exercitia trahebant. Cum igitur in eodem carcere centum & quinquaginta tres detinerentur, pijs illorum trium Christi Ministrorum admonitionibus & exemplis, septuaginta Gentiles, relictis Idolorum vanitatibus, veri Dei cultum amplexi sunt; quibus omnibus à Confessione Iesu Christi Didaco Baptismi aqua ablatis, diuinæ gratiæ

tiæ flatus aspirans, eos inter tot cruciatus & pœnas continuæ meditationis, ac deuotionis dulcedine recreabat.

Sed quoniam verissimum est, quod qui piè pro Christo viuere volunt; impiorum persecutiones patiuntur. Factum est, vt missi in eundem carcerem perdit, & facinorosi homines (quorum vita & salus in desperatione erant) æternæ etiam beatitudinis spem abijcientes, deuoto Patri Didaco (si prædicaret) & alijs (si concionantem audirent, aut si omnes orationis remedio malorum suorum acerbicatem lenirent, atque temperarent) grauissimas pœnas mirabantur; accessit quoque ex istorum aduentu, novum aliorum corporibus damnum, ipsi enim ex altero carcere, educi, & in istum translati, lepram (quam in primo ex cadaverum putredine contraxerant) in secundum tulerunt, vbi corporibus super iniecta corpora, viua ægris, ægra corruptis contigua, non minùs intolerabilem, quàm mihi inexplicabilem Interni speciem repræsentabant: Viuebat tot malis oppressus Pater Didacus, & à planta pedis vsque ad verticem non erat in eo sanitas; & Sancto Iobo similis ipsius patientiam à Deo postulabat, & se totum cœlesti prouidentie commendabat. Et hæc est summa & compendiosa imago dolorum à Christi famulis perpefforum; quos aut æquè acerbos in alijs Iaponij carceribus à nostris infra recensendis Fratribus Discalceatis, & Tertiarijs toleratos, nè repetitione vitendum sit, hic vt certissimum suppono.

*De libertate Patri Didaco data, & de sociorum eius  
martyrio. Cap. X.*

**I**Am Pater Didacus tetri carceris squallorem inuisito quidem animo, sed tabescente præ malis corpore, sex mensum spacio pertulerat; cum ecce Deus, in cuius manu vitæ nostræ momenta continentur, Seruum suum pro maiori Ecclesiæ Iaponicæ bono conseruans, voluit eum ab ergastulo liberari: Quapropter Iaponi euidam diuiti & mero

misit in mentem, fauorabilem mercibus suis in terras Hispaniae ditiori subditas accessum fore; si praedicto Patri Didaco gratiam liberationis obtineret, & eum secum in nouam Hispaniam traduceret. Eductus itaque Pater, & à socijs, & spiritualibus filijs auulsus, quanquam eos orphanos, & luminum furori expositos relinquare doleat eorum lachrymis, & gemitibus motus; tamen sperans ex sui absentia Regis iram fore placandam, naucem intrauit, & post continuas maris procellas in sola plurimorum infidelium transfretantium conuersione, foelices ad terras Hispanorum appulit.

In Urbe Mexicana ultra annum commoratus est, versabantur autem continuò ante mentis ipsius oculos derelictæ in Iaponio Christi oues, voluebat animo datam fidelibus promissionem se quamcitiùs ad eos reuersurum; videbat hos Viri feruentissimi motus vulpes Infernalis, quorum ut effectum impediret, ingeniosa quidem, sed diabolica fraude usus est: Suggestit enim animæ Didaci fluctuantis operibus Martha satis esse indultum, tempus esse ut vacaret exercitiò Mariæ, nimium proximi vtilitatibus indulgisse, & parùm suis; idèoque ut contractas in mundano puluere maculas abstergeret, ei solitudinis amorem, & sanctæ orationis requiem persuasit. Vir autem prudens, & in militia tentationum versatus, aspidis morsum latere timuit; idèoque consilium à Patre luminum postulauit, qui ei voluntatis suæ secretum, optimi Sacerdotis Mexicani D. Lofæ lingua manifestauit: Ille enim aliquando à Patribus Ludouico Sotello, & nostro Didaco visitatus dixit eis; *orari nunc parum, & duo sacra scriptura loca vestris Reuerentijs apta cognoui.* Mox Didaci humeros manu feriens, *locus qui ad te Pater, attines* (inquit) *ipse est; cùm sederis ad mensam Regis, pone gladium gutturi tuo.* Nec expositione subiuncta; intellexit Didacus amorem Dei non gustu, non suauitate spiritus, sed operibus, & mandatorum executione probari; namque diuina veritas dicit: *Qui diligit, me mandata mea seruet, & maiorem Charitatem nemo habet; ut animam suam ponat quis pro amicis suis.* Quamobrem cœlesti monitione excitatus, Mexi-

xica soluens ad Philippinas Insulas perrexit; ubi cum corporis morbum animæ suæ zelo nociturum timeret, humiliter à Domino crucifixo vires suo nomini propagando necessarias petijt, & statim impetrauit: Vnde nauem ingressus cum duobus peregrinationis & prædicationis suæ socijs, Patre scilicet Antonio à Sancto Bonaventura Concionatore, & Fr. Martino de Pineda Laico Franciscanis Discalceatis; ad Nangasachi portum die 12. Augusti Sanctæ Claræ Virgini sacra, Anno 1618. aduenit.

Præteriti carceris ærumnis, navigationis geminæ poenis, morbis, laboribus antea toleratis, & voluntaria carnis mortificatione debilitatus, in grauem morbum, & anni diuturnitate molestum incidit; in quo Christiani cum omnibus sanctæ charitatis officijs prosecuti sunt, ab ægritudine liberatus, iterum se sacri ministerij laboribus dedit, & exultantem de suo, & comitum eius aduentu Ecclesiam fidelium visitauit, ac roborauit. De suorum autem carceris supramemorati sociorum vita, aut morte addiscenda sollicitus, didicit præclara nominis Christiani confessione emissa, eos ad martyrij præmia conuolasse; Ludouicus namque inseparabilis eius comes, moribus incontaminatis, capite abscisso, & corpore in partes dissecto, die 4. Februarij Anni 1617. triumphauerat: Seruus quoque Dei Martyr Thomas eius coadiutor fidelissimus, die 8. Martij eiusdem anni, simili passione ad immortalitatis Aulam transierat. Vincentius etiam ligni faber, quem superius propter charitatem in Dei Seruos exhibitam incarceratum diximus, die 20. Martij eiusdem anni, propter fidem à Camboyo Yendi Prorege decollari iussus, Charitatis, & Fidei victima, Spei suæ terminum acquiserat.

Quartus Patris Didaci Socius, & conceptiuus erat Laurentius Iapo, cuius quia vita mirabilis, constantia stupenda, fides, ubique prædicanda à nostris Discalceatis initium, & progressum ceperunt; ideo longius hinc mihi videntur enarranda. Natus est Laurentius ex Suquano Chino Iaponici Imperatoris Medico, à Parente utroque Gentili in falsis  
Idolo-

Idololatriæ superstitionibus educatus, iamque adolescentiæ annos attigerat, cum eloquentissimus Christi Præco Pater Ludouicus Sotellus Catholicæ Religionis semina in terras illas dispergeret, voluit curiosus Adolefcens audire linguæ suæ illum loquentem, sed diuinæ prouidentia factum est, vt curiositati sincera voluntas succederet, & manantia ab ore Ludouici lac, & mel, sugere inciperet: Quamobrem (Deo intus operante) conuersus, à Venerabili Concionatore Discealeato baptizatus est; displicuit Suquano filij noua conuersio, sed nè quem vnice diligebat, sibi aliquando eripi videret, ipsum honestæ, formosæ, diuiti, & Gentili formæ Matrimonio coniunxit, futurum sperans, vt nouæ illius Dalilæ artibus, noui Sampsonis constantia frangeretur: Sed res præter intentionem ipsius cessit; Laurentius enim thorû nuptialem in delicto Idololatriæ relinquere nolens, charam coniugem ad Baptismi lauacra frequentî & sollicita commotione perduxit. Obstupescens Suquanus Pater Regis irâ in se vertendam timens, rei familiaris partem ipsi contingentem filio tradidit, vt extra domum paternam in proprio viuens sibi soli oneri esset, & interrogatus de fide filij Patris domicilij separationem prætenderet; Separatus à paterna domo Laurentius liberius Deo seruire cœpit, & eo igne accensus, quo primitiua Christianitas ardebat, cum vxore fidei, & zeli consorte bona sua vendidit, & eorum pretium ad pedes Patris Ludouici Sotelli tulit. Indifereto serore ductos timens Ludouicus, increpauit eos, vt constantiam tentaret, sed semper seipsis fortiores facti responderunt: Maritum leprosis curam, & manum charitatiuam impendere, vxorem verò cum Virginibus Tertiaris, Franciscanis vitam degere, deliberasse. Voto igitur continentie emissò, Laurentius diem, noctemque in bonis operibus transigebat: oratione quoque intentus, disciplinis, ieiunijs, & cilicijs carnem domabat. Cum autem Anno 1612. supradicta grauis persecutio in Christianos fuisset exorta, captus ipse in Hospitali, & à Patre suo (non mortem filij optante, sed Imperatoris beneuolentiam quærente) accusatus in Terna

Yendi carcerem trusus, per quadriennium ærumas, & calamitates summa constantia tolerauit; qui continuis admonitionibus consocios, & contribules suos ad fidei Catholica veritatem hortari non cessauit; Cum tandem capitali sententia damnatus fuisset, eam Suguanus Chinus suspendi obtinuit, & filium in gratiam Imperatoris reduxit hac unica conditione apposita, quod à fidei nostræ publicatione abstineret; sed Laurentius Deo magis, quam hominibus placere volens, tam iniquam silentij conditionem recusauit, malens sibi carceris miseras extendi, quam sub tam graui pacto libertate potiri. Itaque reductus in ergastulum, squalore loci, ipsaque lepra oppressus, die Lunæ 10. Decembris Anni 1617. longi martyrij palmam sibi præclara morte comparauit.

Franciscus etiam, & Leo Hospitalis Yendi leprosi, propter exhibitum Patri Didaco amorem comprehensi fuerant, & post biennij carcerem pro fide Christi acceptum, catenis ligati, liberam Deo animam reddiderunt.

*De martyrio P. Petri ab Assumptione Minoris.*

*Discalceati. Cap. XI.*

**I**ste Venerabilis Dei Confessor primus extitit, qui sex Iaponij Protomartyres Discalceatos, martyrij imitatione, & coronæ coelestis acquisitione secutus est; pepererat cum Religioni Seraphicæ Prouincia Sancti Pauli Discalceata, ante ipsius à Prouincia Sancti Iosephi diuisionem ad Insulas Philippinas, inde ad Iaponij Regna transferat; iam à quinque; aut quatuor circiter annis crudelis in Christianos persecutio grassabatur; tamen inter tot Euangelij Præcones nullus adhuc sermonum suorum veritatem sanguinis sui testimonio firmauerat, nullusque Religiosus ex incruento, & ta religiose martyrio, ad cruentæ mortis passionem peruenerat. Quamobrem lætabantur Gentiles existimantes in tam acerbis temporibus neminem Christi ouibus pabula ministrare; nam duos quos inuenerant, Patrem scilicet Didacum



tum, & Patrem Ioannem à Sancta Martha, Minores Discalceatos incarcerationant: Veruntamen Sacerdotes Idolorum alios superesse veri Dei Presbyteros ex incuria militum nondum detectos, & clam Euangelij verba seminantes, Imperatori denunciarunt; qui illicò ad Regni Vomuræ Proregem fidei Christianæ Apostatam scripsit, vt diligenter perquireret, & inuentos Dei Seruos apprehenderet.

Peragebat tunc temporis Vomuræ Regnum Seruus Dei Pater Petrus ab Assumptione, & continuis laboribus, assiduusq; prædicationibus quamplurimos Ecclesiæ filios dabat: Prædicabat enim fortiter verbo, sed fortius exemplo, erat quippè omnibus speculū pœnitentiæ, orationis, recollectionis, paupertatis, & omnium veri Religiosi virtutum; vnde & à Fratribus, & à Iaponibus summoperè diligebatur. Itaque cum intra Gubernatoris Nangayæ limites esset, finxit prædictus Gubernator se ab Apostasia fidei nostræ resipiscere velle, & ideò boni Patris auxilio indigere; quem cum in Regnum Figen transisse intelligeret, & eius habitationem certò sciret, nuncium ad Vomuræ Proregem delegauit, qui detectum Christi Prædicatorem indicaret: Misit & alium ad Patrem Petrum, quo promptum ad se accessum, pro sua cum Deo reconciliatione postularet. Non defuere inter Viri Dei amicos & assistentes, qui latentem serpentis fraudem suspicarentur, verum ille, nè quid ex sua parte deesset, libenter ad locum indicatum properauit; nondum autem peracto itinere, nuntiatum est ei aduentare satellites, qui eum vinctum in carcerem perducerent: Consilium amicorum fuit; vt fugeret, & lateret, atque periculum euaderet. Noluit humano consilio Vir pius acquiescere, sed inuocato diuino, ipsi oranti in mentem venit; quemadmodum rumor inter Populos exierat, eis à Sacerdotibus martyria commendari verbo, non monstrari exemplo, Concionatores velut timidos Pastores luporum dentes fugere, & eorum moribus oues exponere: Vnde tam sanctæ cogitationis auctor Deus, ipsius zelum accendit, & vehementem patiendi amorem ei inspirauit.

Quamob-

Quamobrem resumptis fidelium confessionibus (quas interperat) ad Christianos circumstantes ait: *Filii mei, si transit Daemonis est, nullum suspicemini malum; si tamen Divina dispositione fiat, ut veniant satellites, me fugere non expedit. Quid enim mihi melius contingere potest, quam quod pro nomine Iesu mortem, & contumeliam patiar; si vobis auferar, non deficietis Praedicatores, Deus enim centum reddet pro uno: Magna sane Domini mei misericordia erit, si me martyrio dignum efficiat, non aliam ob causam ego, & alij per quinque mille leucarum spatium tot maria nauigando sulcavimus; quam ut animas vestras Deo acquirere, nostras Mundo perdere, Caelo reddere valeamus.* His dictis resumpsit confessiones, & elapso breui temporis intervallo, ecce barbari satellites aduenere; quibus benigna & iocunda salutatione exceptis, ait Pater Petrus: *quem quaeritis?* At illi responderunt: *Ex Proregis mandato venimus Patrem apprehensuri; quia in eius terris praedicat, & Populos ad Religionem Christianam conuertit.* His igitur auditis, iste genua flexit ad Patrem Domini nostri Iesu Christi, & hortatis ad patientiam Christianis, velut onis innocens ad carcerem trahitur die Sabbathi, octava Aprilis Anni 1617.

Socium, & comitem poenae, praemijque habuit benedictum Dei famulum Patrem Ioannem Baptistam à Societate Iesu, qui in Insulis de Goto praedicans, à quodam Christiano Iudaica perfidia æmulo detectus, & venditus die 14. Aprilis eiusdem anni, in eundem quoque carcerem deductus fuit. Quanta fuerit utriusque exultatio in tam foelici poenarum consortio, quae fuerint eorum exercitia; quam diuturnae orationes, quam ferventia Sacrificia, quam asperae disciplinae, quam dura ieiunia, quam sanctae confabulationes, Proto-Martyrem, vel (melius dixerim) Christum caput Martyrum imitati, Deum pro persecutoribus exorabant; Missas autem quotidie vsque ad feriam secundam post festum sanctissimae Trinitatis celebrant. Cum enim ad diem Sacro-Sanctae & indiuiduae Trinitati sacrum venissent, post impletum sacrificandi ritum Pater Petrus, interiori Dei admonitu, cognouit sibi pauca imposterum pera-

peragenda Sacrificia restare; die autem sequenti orta, Patri Ioanni Baptista reuelatum est, vltimum vite sue, & sacri Ministerij tempus adesse, nec se sociumque suum vltius immortalis Agni carne, & sanguine pascendos fore: Veritatem exitus comprobauit, namque eadem die 22. Maij Anni 1617. sententiae mortis intimationem acceperunt, quam lætis vultibus, & cordibus audientes, illicò flexis genibus alterna voce *Te Deum laudamus* cantarunt, quo finito aspera disciplina proximo veluti martyrio præluserunt: inde alterutrum peccata sua confessi sunt, mox in profunda orationis requiem intrantes, animos ab ea non relaxarunt, donec adeundi mortem instaret hora. Tunc, tuo sibi pacis osculo dato, facta est sancta contentio inter eos, quis eorum videretur esse minor? volebat Pater Petrus, datam Ordini suo Minoritatis prerogatiuam, sibi assumere; idèdque socium maiorem, & digniorem affirmabat: Ioannes autem Baptista, qui in Societate Iesu didicerat mitem esse, & humilem corde, dicebat comiti suo vltimum volenti loci, amice *ascende superius*; & quia se Sancti Præcursoris nomen præferre sciebat, illud Christi Domini de Patrono suo dictum, sibi humiliter applicabat, quòd *qui minor est, in Regno Cælorum maior est illa*. Obediens itaque Pater Petrus exiit primus è carcere, crucè præ manibus gerens, eiq; seraphicam Regulam disciplinæ suæ nodis annexam; exiit & Pater Ioannes Baptista datam sibi à socio crucem cum diurni Officij libro publicè portans: Sicque ad locum martyrij, festinantes, laudes Diuinas concinere, fideles ad patientiam hortari, Gentiles ad poenitentiam prouocare non cessarunt; donec iuxta patibulum ducti, genua flectentes, breuiter, sed feruenter orantes, tandem capita sua tortoribus submitterentes, pro Christi gloria decollati fuere. Et qui in vita dilexerant se, in morte non fuere separati, idem enim tumulus sacra eorum corpora, & capita sibi credita seruauit.

Disseminata est ubique fama martyrij, & ad venerandas immolatorum Patrum reliquias, Christiani ab omnibus Japonici Imperij partibus confluebant; quæ veneratione à Pro-

rege cognita; ille diabolico vsus confilio iussit, vt alligatis ad sacra corpora lapidibus, in mare proijcerentur. Sed quid potest humana contra Deum astutia? reperta fuere à Gentili homine Patris Petri corpus, & caput in litus maris reducta, quæ Christianis ostensa, eorum pietatem, & zelum mouerunt. Quare Confraternitas cordæ Seraphici P. N. S. Francisci; quæ Nangasachi erecta vigeat, ea magnis sumptibus recuperauit; & capite sibi reseruato, pretiosum sacri corporis donum nostro Ordini fecit.

Magnæ fuit consolationis, & peculiaris exempli, sex Beatorum Protomartyrum, & vtriusque Patris Petri ab Assumptione, & Ioannis Baptiste pugna & gloriosa victoria: Primi ignem feruoris in corda fidelium immiserant, isti duo quasi sopitum resuscitarunt; namque tam efficacia exempla Christianos animauerunt ad patientiam, & qui se antea solo ore, & exteriori quadam professione fideles extitisse dicebant, corde sincero, & fide integra in Deum credere postea profitebantur, seque vsque ad sanguinis effusionem; & omnem creatæ substantiæ iacturam pro increatæ Veritatis, & incarnatæ Sapientie defensione paratos resistere affirmabant.

*De Martyrio Venerabilis Patris Ioannis à Sancta Martha Minoris Discalceasi, & desulici quinque Recogitatorum Discalceatorum in Iaponiam accessu. Cap. XII.*

**P**atria Viri Apostolici Ioannis à Sancta Martha Catalaunia est, in Prouincia Sancti Iacobi Obseruatum Seraphicum habitum induit, ex qua ad Fratres Minores Discalceatos Philippinarum transijt, & apud eos domicilium propriæ habitationis accepit; inde ad conuersionem Iaponicam iuit, breui sex mensum tempore linguam Nationis illius edoctus, ibi per tresdecim annos inuicta firmitate laborauit. Erat in eo vera perfecti Minoris effigies, erga pauperes, & præsertim leprosos charitate excellentissimus, nunquam otiosi vicius est, nunquam aut à prædicatione, aut à confessione, aut

à manuum operatione cessabat, Regule puritatis obseruantissimus, nudipes semper incessit, vili & repertiata tunica contentus, paupertatem Seraphicam ad literam obseruauit. Vno verbo talis erat, qualem Fundator Ordinis Franciscus, & Reformator Petrus proprijs Institutis effingere potuissēt.

Postquam igitur per tresdecim annos inter Discalceatos Iaponij Apostolos, & inter eiusdem Regionis Populum summo omnium amore conuersatus esset, die 24. Iunij Patro suo charissimo sacra, Anno verò 1615. propter fidei dilationem detentus est. Contigit autem eius apprehensio sequenti modo; cum Ministri Gentiles omnes Sancti Euangelij Praecones à Ciuitate Nangasacho in alias Mundi partes relegassent, acerbam ouium Pastoribus destitutarum stragem in Regno Arimæ ediderunt: Qua non sine vehementi cordis moerore audita, Vir iste strenuus, qui in praedicta expulsionē cum alijs quinque Fratribus suis latuerat, & se fidelium necessitatibus reseruauit, subito cucurrit; vt renellum Christi gregem in hoc Arimæ Regno, periclitantem iuuaret, & solidaret. Quare quotidie carceres, & patibula frequentabat; vt pabulo verbi, vt confessionis remedio, vt Eucharistiae viatico fideles martyrio subeundo destinatos aleret, sanaret, & ad patriam coelestem duceret: Postea in Regnum Vomuræ se transtulit, infatigabili zelo semper nudipes, & pauper totius Regionis loca percurrēns; hic octo diebus, ibi quindecim manens, vt omnibus ad salutem proderet. Necessaria procul dubio fuit huius Viri praedicatio Vomuræ Regni Christianis; illi namque veri Dei Sacerdotes, & verbi sacri Ministros audire non soliti, iam omnia fidei nostrae dogmata dedidicerant, & plerisque in Apostasiam lapsis, tota Gentis illius Christianitas proximam, minabatur ruina: Quibus malis promptiori, quo poterit remedio, bonus Medicus subuenit; immò vt facilius Ministerium suum impleat, modestia sua, & doctrina, sanctaque viuendi ratione sibi Proregis amorem conciliauerat. Potuisset etiam liberè Christi Regnum annunciare, firmare, & extendere; nisi falsorum Deorum Sacerdotes inuidia exagitati,

metum Imperatoris Proregi incutientes, ipsum ad feruentissimi Patris apprehensionem induxissent: Captus itaque fuit, durèque constrictus, & Imperatoris mandato in publicum reorum carcerem Ciuitatis Meaci translatus.

Quanta in eo ergastulo pertulerit incommoda, quis dicet? erant in eo loco atrocium criminum rei, morti destinati, qui Idololatriæ tenebris obuoluti, & peiores poenis effecti, desperationem & malitiam damnatorum imitabantur. Inter eos autem velut Agnus mansuetus inter lupos, pateriens Dei Prædicator Ioannes versabatur; qui die noctūque à laudibus Diuinis non cessans, alios ad patientiam, poenarum, ad poenitentiam scelerum, ad detestationem Idolorum hortabatur: Illi verò tanquàm multa febre phrenetici in Medicum eos curare volentem insurgebant, & illum sputis, colaphis, ictibus, & iniurijs afficientes, nonnunquàm semixanimem relinquebant; quos cruciatus, & ærumnas in scripta ad Fr. Ludouicum Gomezium epistola, Vir humilis commemorans dicit, se tunc incepisse veræ, & solidæ mortificationis experientiam facere. Tribus igitur annis in tam horrendo carcere transactis, venit tandem eius hora, in qua extra Ciuitatem eductus, stipatum omni virtutis exercitio martyrium capitis abscissione compleuit. Corporis Serui Dei in minutas partes Tyranni iussu discerpti reliquias, Christiani sedulò collegere, caput autem in alto suspensum, & custodibus commissum, cum inferiùs scripta laponicis literis eius sententia, publicis oculis expositum fuit diuerso Dei, & Imperatoris motiuo: Patris enim cœlestis voluntas iusta & sancta, Christianorum deuotioni consuluit; Imperatoris verò furor, & rabies, Religionis Catholicæ opprobrium intendit.

Quis non credidisset vacuam Pastoribus, & Prædicatoribus Iaponij Ecclesiam penitus fore destruendam? Sed ecce Deus cuius oculi in Seruos suos respiciunt, voluntatem timentium se fecit; & propter miseriam inopum, & gemitum pauperum exurrexit, vt adiuuaret eos. Itaque è Discalceatorum Præconum Seminario quinque Sancti Francisci

filios



filios, in suorum auxilium aduocauit; eodem enim anno, quo persecutio grauius sauebat, à Philippinis Insulis in Iaponium intrarunt intrepidi, fortes, & seruidi Fratres Franciscus de Barrajas, Didacus à Cruce, Franciscus à Sancto Andrea, Petrus ab Auila Sacerdotes, & Vincentius à Sancto Iosepho Laicus: Quorum duo nouissimi, facti sunt primi in coronæ triumphalis assecutione; ut ex infra narrandis patebit.

*De Patris Didaci à Sancto Francisco laboribus, ac Fratribus  
Discalceatis ab eo in diuersis Iaponij Regna missis,  
nec non de quinque FF. Minorum, & quatuor  
Tertiariarum incarceratione. Cap. XIII.*

**E**X superioribus recolendum est Patrem Didacum à Sancto Francisco, post suam à retro Yendi carceris liberationem, iterum Diuino zelo animatum, Nangasachum rediisse: Christi charitas vrgebat eum ad visitandam Yendi Ecclesiam, de eius absentia moestam. Itaque die 1. Februarij Anni 1620. assumpto Patre Francisco de Barrajas, ad Regna Orientalia perrexit, in Regionem Vofacam habitu Sinensi induti aduenerunt, & à Christianis summo amore hospitio recepti, non sine magno itineris periculo & labore, ad Ciuitatem Yendum conuenerunt. Inde prouidus Pater Didacus coadiutorem Patris Francisci à Galbe, prædictum Franciscum de Barrajas in Regnum Voxu transmisit.

Mirum fuit, quod Christiani Ciuitatis Yendi Diuinæ gratiæ præsidio, absque Sacerdotum, & Ministrorum prædicatione, in rebus fidei per quinquennium illibati remanserint. Confraternitates cordæ Seraphici P. N. S. Francisci, virorum & mulierum nonquam magis viguerunt; vnum erat, pro quo Presbyteris indigebant: Quemadmodum enim cernui desiderari ad fontes aquarum, ita desiderabant fideles ad corpus Christi, & peccatorum confessionem; quorum sitim, & famem iustitia Pater Didacus exple.

explere volens, per septem commorationis suæ menses omnes confessione sanauit, & Communionem nutriuit, ac Tertiarium quendam Mathiam nomine Nangasachum misit, qui Patrem Didacum à Cruce ad vineam Domini excolendam, Yendum duceret. In ea quidem tam fructiferè laborauit, vt intra vnius anni spatium, septingentos verè vitis Christi palmites, æterno Agricolaë pepererit: Alios quoque operarios Pater Didacus à Sancto Francisco in cætera Regna distribuit, Fr. Franciscum à Galbe Mongami: Fratres verò Ludouicum Gomez, & Franciscum à Sancto Andrea Cami reliquit; ipse autem his Regionibus peragratis, Nangasachum redire tentauit.

In illis ergo Patris Didaci successibus, duo præcipui silentio prætermittendi non sunt: Primum fecit Congregatio quinque cooperariorum suorum Discalceatorum, ab ipso Yendum contuocata; res enim vniuersa gentis illius Ecclesiæ mira apparuit, quod è tam raris totius Imperij Iaponici Apostolicis Missionarijs, sex in eadem vrbe ex eodem Ordine Seraphico Discalceato simul nisi fuerant, & quo tempore sermo Domini erat pretiosus, sex eiusdem verbi Præcones in vnum locum conuenerint.

Secundus ex Gentilis, nobilisque Viduæ conuersio, notatur, erat vni ex primis Yendi Matronis filius vnicus, & vnicè dilectus, qui insidijs inimici occubuit: Mater afflicta vindictam meditabatur, vtque dolorem communicatione leniret, accessit ad Francisci Xizuque Iaponis diuitis domum, vt Mariam eius vxorem inuideret; vix simul ambæ mulieres in cubiculum ingressæ fuerunt, trumfit in gemitus & planctus desolata Parens, vltionis media requirit, nec vnquam dolorem suum sopiri posse affirmat, nisi morte homicidæ. Habitabat in ea domo Pater Didacus, iamque tremendum Missæ sacrificium compleuerat; cum auditis fleatibus & querelis mulieris, eam ad se vocauit, ipsique Christianæ legis arduum de diligendis inimicis præceptum Saluatoris nostri verbo, & exemplo transmissum, Sanctorum Martyrum actionibus confirmatum, & nouissi-

mē suo, & aliorum Euangelij Prædicatorum pro Imperatore, & pro persecutoribus orantium, dicto, & facto completum, tam efficaciter proposuit, vt subitò ultionis, & doloris, oblita Mater, à Venerabili Patre Baptismi lauacra petierit, affirmans se toto corde iniuriam sibi illatam dimittere, & omnibus fidei nostræ articulis eo modo, quo ab ipso met credebantur, assentiri: Itaque cum alijs quatuor mulieribus eius exemplo conuersis, sacrum Baptisma recepit; legant tam difficilem Gentilis feminæ victoriam Europæi nostri Christianolæ, & erubescant. His autem sceleriter peractis Nangasachum reuersus Pater Didacus principio Anni 1621. apprehensos à Gentilibus Patrem Petrum de Auila, & Fratrem Vincentium à Sancto Iosepho, cum alijs Christianis accepit; quorum hic gloriosa certamina describere, dignum censuimus.

Pater Apollinaris Francus, e Prouincia Sancti Iacobi ad Philippinas transiens, sacræ Discalceatorum familiæ meruit aggregari; & inde ad Iaponij Missionem destinari: Cum autem Nangasachi Fratrum Commissarius esset, audito quodd per martyrium Sanctorum Patrum Petri ab Assumptione Minoritæ Discalceati, Ioannis Baptiste & Societate Iesu, Ferdinandi à Sancto Iosepho Augustiniani, & Ildephonsi à Nauarreta, è Sancti Patris Dominici Ordine; Ecclesiam Regni Vomuræ Concionatoribus destitutam esse, quasi Diuinam vocem dicentem audisset, *quem mittam? & quis ibit?* Continuo respondit; *ecce ego, mitte me.* Quamobrem, vt erat Vir omnium veri Minoris virtutum ornamentis eximius, habitu Seraphico vestitus, & religioso more confusus, in præcipuam Regni Vomuræ Ciuitatem intrauit; vt ipsimet Proregi Christum annuntiaret, & eius incredulitatem exprobraret: Sed cum creuitentes Gubernatoris oculi tantum lumen pati non possent, die 7. Iulij Anni 1617. Virtutem Dei Apollinarem cum sex Iaponibus se voluntarie martyrio sacrificantibus, apprehendi, & in carcerem iussit impius Tyrannus.

Inter Iapones Patris concaptiuos fuisse duo, nempe Pau-

Paulus à Sancta Clara, & Ioannes ab Yquenda; qui à teneris annis inter Fratres Minores educati, & ideo maximis virtutibus ornati, optauerunt peculiari modo inter Sancti Francisci filios reputari: Vnde cum Patris Didaci Commissarii licentia, Pater Apollinaris Fr. Paulum Minoris Discalceati Laici habitu induit; & Ioannem veste Tertiaria, & vtrumque post annum exacti in carcere rigidi Nouitatus, ex Fratrum nostrorum simul incarcerationum consensu, ad emissionem votorum recepit.

Eodem desiderio flagrauit Fr. Franciscus à Sancto Bonaventura Clericus Iapo: Ille namque à pueritia inter Fratres Minores nutritus, & Patri Apollinari associatus; cum feruentissimus esset, nè à Magistro suo scingeretur, Minoriticam vestem publicè gerens, in ipsam Proregis Vomaræ Aulam Christi nomen inuexit. Ex quo à satellitibus captus, & simul cum Patre in carcerem iniectus; vitam Ordinis, cuius gestarat indumentum, profiteri voluit, & cum alijs duobus, elapso sæuæ probationis anno, vota Religionis emisit.

Quod autem ad benedictos Patres Petrum ab Auila Prædicatorem, & Vincentium à Sancto Iosepho Laicum spectat, eorum vitam, & egregia gesta in Chronicis Almæ Sancti Iosephi Prouinciæ eorum Matris legenda & admiranda, relinquo. Notare ergo mihi sufficiet, quòd cum ex Hispania ad Philippinas, & ex istis ad Iaponium accessissent; vt laboribus intra persecutionis procellas Christianis succurrerent, post tres impensi auxilij annos, detenti & incarcerati fuere.

Præter Richardus à Sancta Anna, Natione Belga, sed Prouinciæ Sancti Iosephi Discalceatæ alumnus, homo verè Apostolicus; sicut in Euangelij promulgatione Fratrum, suorum consocius, ita & carceris particeps effectus est.

Mulierem fortem, quam Sapiens in terra fluente lac, & mel vix inueniri posse dicebat, terra Iaponica peperit. Hæc fuit Lucia de Fletes Iaponia viro Lusitano nupta, quæ postquam diu domum suam commune Patrum, & Conciona-

66 *Fructus posthumi*  
eorum, hospitium fecisset; post demonstratam in curandis  
eorum infirmitatibus, in subleuandis necessitatibus, in  
alendis vestiendisque corporibus eximiam charitatem: Cum  
tandem ad loca supplicij Martyres hortatura accederet,  
cum vitia Populorum argueret; tandem vt tot laborum  
mercedem aliquando consequeretur, in carcerem coniecta,  
Tertij nostri Ordinis Soror in eo fieri voluit.

Capti sunt eodem tempore Pater Richardus à Sancta An-  
na, & Soror Lucia. Cum autem Patris socius & adiutor,  
Leo Iapo hora detentionis abesset, domum reuersus cucur-  
rit ad carcerem, & tandiu Custodes sollicitauit; donec  
Magistro suo associatus, cum eo, in spiritualis gaudij li-  
gnum, *Te Deum laudamus*, decantauit.

Dum igitur exacta ybique fidelium Prædicatorum perqui-  
sicio fieret, dumque plurimi ab Imperatoris satellitibus in  
Nangasacki carcerem fuissent inclusi, impij Iudicis præce-  
pto omnes tam Religiosi, quam socij, & Ministri eorum in  
horrendum Vomuræ ergastulum transferuntur. Illud sanè  
Domum religiosam, & Ecclesiæ Chorum vnita tot piorum,  
Confessorum virtus effecit; & dicere possumus, quod per  
illam, gemini carceris captiuorum vniõnem, Omnipotens  
Dominus dispersiones Israelis congregauit.

*De glorioso FF. Min. Discalceatorum, Tertiariorumque  
in carceratorum martyrio. Cap. XIV.*

**S**Actorum Christi victorum numerus ad quindecim triū  
Patrum Francisci, Dominici, & Ignatii filios perueniē-  
ter. Erant ex Seraphici Patris domo sex Fratres Minores  
Discalceati, & duo Tertiarij; quorum nomina, etsi scripta  
sunt in libro vite, hic tamen iustum est scribere: Primus igi-  
tur Pater Apollinaris Francus, qui carcerem horrendum in  
alõm probationis religiosa conuerterat; & Nouitios suos  
suprà memoratos in eo, tanquam in Conuentu versari do-  
cebat. Præterea erant Patres Richardus à Sancta Anna,  
Petrus ab Auila diuini verbi Præcones, Vincentius à Sancto

Iose-

Iosepho Laicus, Franciscus à Sancto Bonauentura Clericus, Iapo; Paulus à Sancta Clara Laicus, Ioannes ab Yquenda, & Leo à Saziuma Tertiarij: Erant ex Sancta Prædicatorum familia septem Religiosi, & ex sacro Societatis Iesu Coetu duo; illorum omnium erat cor vnum, & anima vna. Tandem post longas calamitates dies liberationis illuxit, dies solutionis à carne mortali apparuit, dies triumphi, & coronationis aduenit, & illustrium Christi Confessorum supplicio 9. Septembris Anni 1622, assignata est. Hoc nuncio nullum vnamquam iucundius exceptum, extollere Servi Domini, quia dies sanguinis appropinquabat; vnica tantum sententiæ capitalis circumstantia affligebantur, quod ex Imperatoris edicto quilibet in Regnum, vel Ciuitatem, in cuius territorio fuerat captus, deducendus esset.

Itaque à carcere Vomura viginti tres, tam Religiosi, quam seculares educti sunt in Ciuitatis Nangasachi martyrio destinata deducendi; vbi ubi coronas in lachrymis prædicationis seminauerant, eas in exultatione martyrij meterent. Ibant igitur quasi innocentes agni ad occisionem ducti quatuor pauperis, & humilis Francisci filij, Richardus à Sancta Anna, Petrus de Auila Sacerdotes; Vincentius à Sancto Iosepho Laicus, & Leo Saziuma Tertiarius: Sancti autem Patris Dominici Alumni Franciscus à moralibus Ildephonfus à Mena, Angelus Ferrerius, Hyacinthus Orfanellus, & Ioseph à Sancto Hyacintho Presbyteri Europæani; & tandem ex Sacratissima Domini Iesu Societate Patres Carolus Spinola Sacerdos, & Sebastianus Quimura Iapo Professus. Hi omnes cum duodecim alijs Iaponibus Christianis vincti, & equis impositi ad supplicium ferebantur, & singuli occurrentibus in via Populis veritates Catholicas prædabant.

Dubitari sanè non potest, quin fuerit vna omnium Fides, vna omnium Spes, magna etiam omnium Charitas: Sed quoniam inter cœlestes Spiritus, diuinæ sanctitatis proclamanda prerogatiua Seraphinis præ cæteris tribuitur, ecce Propheta; silentibus alijs Celi habitatoribus, duo Seraphim clama-



clamabant alter ad alterum, Sanctus, Sanctus, Sanctus Domi-  
nus. Ita inter illos Sanctorum Patrum, Dominici, & Igna-  
tij filios, quos scientia Cherubinis, quos constantia Thro-  
nis, quos miracula Virtutibus, quos omnium bonarum qua-  
litarum insignia ceteris Angelorum Choris pares efficiebāt;  
audiebantur duo Seraphini Patris Seraphici filij, verbo &  
opere clamantes, & Christi crucifixi sanctitatem annuntiā-  
tes: Pater enim Petrus ab Auila Minor Discalceatus, quia  
voce fortiori & acutiori præditus, quia in lingua Iaponica,  
præceteris versatus, illam Prophetæ sententiam recolens;  
*Clamare cesses, quasi tuba exalta vocem tuam.* Annuntiabat  
Populo scelera eorum, & domui Iaponicæ peccata eorum;  
præterea Christi Domini fidem prædicabat, & prætereuntes  
ad poenitentiam, & conuersionem hortabatur. Frater au-  
tem Vincentius à Sancto Iosepho, quasi alter Seraphim cla-  
mabat non verbo, sed facto (habent enim opera vocem suā)  
& vexillum rubrum sacratissimo IESV nomine insignitum fe-  
rebat.

¶ Veniebant quoque Nangasacho ad eundem martyrij lo-  
cum Christiani mactandi, inter quos præcipuè relucebat  
Lucia Soror nostra Tertiaria, quæ (vt erat feruentissima) igni-  
tis verborum incalis aliorum corda feriebat, ad palmam in-  
uitabat, & Canticum Virginis Matris hilari voce concine-  
bat; ob quem fidei zelum alapas, & contumelias granes à  
satellitibus tolerauit, & quod Mulieri deuoræ grauius fuit,  
eam habitu Tertij Ordinis nostri (quem publicè gerebat)  
spoliarunt. Factus est igitur numerus omnium tam è Ciuita-  
te Nangasacho, quam Vomura deductorum, quinquaginta  
sex; Religiosorum scilicet, Tertiariorum, virorum, mulie-  
rum & infantum: Quorum viginti quinque, nempe omnes  
trium Ordinum Religiosi, duo Tertij nostri, inuicta Mu-  
lier Soror Lucia, & quidam alij Christiani, lento incendio  
cremati fuerunt; reliqui autem capitis eliminatione necati.  
Tam raro crudelitatis & patientiæ spectaculo præsens aderat  
innumera multitudo Gentilium & Christianorum, Paganos  
aut curiositas, aut malitia perduxerat. Catholici autem, vt

Martyrum exemplo animarentur; & eorum reliquijs dicarentur, aduenerant: Sed impia tortorum sœuitia, sacros cineres in mare demersit; reliquias auferens fidelibus, & exempla relinquens. Contigit autem tam celebre martyrium die 12. Septembris Anni 1622.

Si crudelis in istos Martyrès persecutorum insania desinuit, non pepercit alijs in carcere Vomuræ reservatis; inter quos erant Fr. Apollinaris Francus, & filij spirituales ipsius, Fr. Franciscus à Sancto Bonauentura Clericus, Fr. Paulus à Sancta Clara Laicus, & Ioannes ab Yquenda Tertij Ordinis Professus: Qui omnes post longas captiuitatis ætates crudeli flamma deuorantur, vt autem passionum circumstantiæ laterent, Imperatoris Minister prohibuit, ne quis sub pœna mortis, ad locum incendij accederet, neq; vlllo modo Martyrum reliquias, & cineres veneraretur. Deus autem voluit, vt ex ipsorum carnificum relatione nobis cõpertum esset, miram fuisse omnium; sed præcipuè Patris Apollinaris constantiam: Cùm enim morti proximus, & omni robore destitutus audisset Gentilis vocem ipsi dicentem; vt Idoli Amidæ opem imploraret, resumptis subito viribus (nè silentio suo aliquid superstitioni, & falsitati dedisse videretur) bis alacriter repetijt: *Nolo, nolo*. Proiecti sunt omnium cineres in mare, nè à fidelibus colligerentur.

*De Patris Francisci de Galbe Minoris, Discalceati, & Franciscis Tomayo nobilis Iaponij martyrio.*

*Capo. XV.*

**A**rs est artium ars amoris (inquit Bernardus) nihil enim est ingeniosius Amante, mille habet pura dilectio operandi vias, pleni sunt Bibliorum libri Sancti amoris adinventionibus, sed nostro tempore mirabilem charitatis artem infernenti Patre Francisco de Galbe Ecclesia mirata est Valenciæ Regno. Vir tantus originem debet à teneris annis virtuti & literis deditus, ab illustissimo vrbis Valentiæ Archiepiscopo Ecclesiasticæ militiæ adscriptus, & animarum

margini cusa postea præfatus est: Sed qui ad perfectionem Evangelicam aspirabas, in arcto & paupere Discalceatorum Provincia Sancti Ioannis Baptiste Conuentu Sancti Ioannis de de Ribera nominato, Ordinem Minorum intrauit, qui postquam propriæ perfectioni vacasset, aliorum utilitatibus feruire volens, ad Philippinas mitti curauit, inde missionibus Apostolicis deditus in Iaponium transiit. Sed cum in supradicta omnium Sacerdotum, & Prædicatorum expulsionem Nangasacho Manilam redire coactus fuisset, occultè talenti impatiens, iterum in Iaponium reuertere meditatur: Quare Malachiam pergit, & in opportuna nauigatione iter optatum aggredi tentans, timore nautis, & mercatoribus ab Imperatore Iaponij incusso impeditus fuit. Quid faceret feruens Prædicator? O miram amoris adinventionem! habitum Aethiopis induit, & nigrum colorem vultui superinduxit, sicque se remigem triremis locauit, & hac felici arte per mille labores, per mille pericula ad Iaponij littus accessit, ubi cum miros fructus produceret, tandem martirij coronam percepit: Proditus enim à falso Christiano, foris fidele, intus Idololatra, in carcerem deiectus est, & cum Patre Hieronymo ab Angelis Societatis Iesu, & alij quinquaginta & vno fidelibus, die quarta Decembris 1623, ignis combustionem, in odorem suauitatis Deo oblatus est.

Magnum sanè fructum peperit Christo in Iaponij agris religiosa Minorum Discalceatorum familia, plurimos genuit Ecclesie filios, sed inter eos, sicut nobilitatis, ita & virtutis palma Francisco Tomaya Iaponi debetur. Patria eius Piroxima Regni de Aquì primaria Ciuitas, Parentes nobiles & diuites, ingenium optimum fuit, Patris Apollinaris Præci doctrina conuersus, Christianæ professioni nomen dedit, ab eoque baptizatus omnium contribulum suorum corda, suæ pietatis exemplo ad virtutem mouebat: Contigit autem ut in generali Christianorum perquisitione, cum Ministri Imperatoris ad domum illius venissent, sciscitantibus an aliqui fideles, in ea latitarent (absente tunc temporis Francisco) responderet eas adis Præpositus, neminem in ea Chri-

se feruentem commorari. Commotus hac sibi relata scrupulū dissimulatione Dominus, epistolam ad Iudicem scripsit, in qua se veri Dei, & Christi eius adoratores profitebatur; effectum tam ingenuæ confessionis eventum timentes amici ei, & cognati eius, ipsi suadere conabantur; ut paululum tempori cedens ab Vrbe discederet: Sed ipse nè quid inconsulto magni consilij Angelo faceret, vacabat orationibus, ieiunijs, disciplinis, & aduocato ad se Confessore suo, diuinis se Sacramentis muniebat.

Dum hæc ageret, dumque de martyrij dilatione conquereretur ad Deum, cuperetque dissolui, & esse cum Christo; diuina ei claritas interius illuxit, monuitque diem tam desideratum adesse: Quare accersito iterum Confessore suo Patre Francisco à Sancto Andrea Minore Discalceato, generali peccatorum confessione præmissa, sacro se Eucharistia cibo roborauit die decima sexta Februarij Anni 1624. Qua die missus à Iudice Minister ad eum accessit, ut Christi fidei renunciandum iuberet: Sed Francisco constantiore facto, mortis iterum illi condemnatio intimatur, eique præcipitur; ut iuxta Nobilium morem, sibi ipsi vitam adimeret, indecorum enim Nobilibus Iaponibus videtur mortem aliena manu recipere. Ille autem in Schola veritatis edoctus, malens ut seruus obedire Christo, quam hominibus placere, & seculo conformari; se se vltro alterius dextra feriendum obtulit: Qua conditione à satellitibus acceptata; generosus Dei Miles in secretum cubiculum intrauit, & inita noua cum Matris, & fratrum lachrymis lucta, vestem Seraphicam (pro tam solenni occasione reseruatam) assumpsit, manuque Crucifixum & librum deuotionis gerens, ad carnifices remeavit coram quibus alijsque circumstantibus adstans, genua flexit, & imaginem Beatissimæ Virginis Matris puerum Iesum in sinu gestantis ostendens, palam & libere confessus est filium Mundi Creatorem, & Generis humani Salvatorem esse, Matremque Deiparam post partum Virginitatem permansisse, & triplicemque adiutorio à gratia nempe filij & intercessionis Parentis

(tis)

et sibi coronam salutis retribuendam sperare: His dictis  
 filium, & orationem feruentem incipiens, capitis decolla-  
 tione ad aeternae contemplationis dulcedinem migravit;  
 eius reliquiae à Christianis collectae, à pio eius dire-  
 ctore Patre Francisco à Sancto Andrea, Nangasachum in  
 domum cuiusdam fidelis, translatae fuerunt. Miraberis  
 Christiane, tam proceram perfectionis Cedrum; sed cogi-  
 ta quæso à Fratre Minore Discalceato in Ecclesiæ solo fuis-  
 se plantatam.

*De vita & martyrio Patris Ludouici Sotelli, & de pretiosa morte  
 sociorum eius, aliorum Discalceatorum quatuor, &  
 octo Tertiariorum. Cap. XVI.*

**S**I quis labores, fructus, & mortem Viri istius Aposto-  
 lici attentè consideret, ipsum plus omnibus Iaponij  
 Prædicatoribus suo tempore viventibus, laborasse cogno-  
 scet. Hispanus natione fuit, Hispali ex nobili Sotellorum  
 familia natus, in Salmanticensi Academia literis egregiam  
 operam dedit, & divino illustratus lumine in Prouinciâ  
 Sancti Iosephi Fratrum Minorum Discalceatorum in Con-  
 uentu de Caluário, Seraphico Ordini aggregatus est; ibi  
 aliquot annis summa cum laude transactis, audito insigni  
 Beatorum sex nostrorum Iaponij Protomartyrum trium-  
 pho, velut olim Diuus Antonius ad Marochensium Mar-  
 tyrum, ipse ad Iaponiensem imitationem aspirare cepit:  
 Quare ad filiam Matris suæ, Sancti Gregorij Philippina-  
 rum Prouinciâ, cum Superiorum licentia se contulit;  
 ibi altioribus exercitijs præludens, Apostolico Ministerio  
 se se adiecit, & seruiendis Iaponij Christianis (qui ad  
 Philippinas multi confluxerant) diligenter vacauit. Mox  
 ut in solitudine Dei sibi loquentis secretum audiret, in  
 Conuentum Sancti Francisci de Monte solitarium, & à  
 Populi concursu remotum se recepit; vbi noctes transige-  
 bat infomnes, orationibus intentus, & disciplinis aliorum  
 manibus sæpissimè adhibitis, vt se Iaponij flagellis præpa-  
 raret:

tafecit. Tandem in terras alienigenarum gentium petra-  
siit, & Anno 1602 in Iaponium appulit, ubi cum permul-  
tos Ecclesie gremio Populos adunasset, cum multa Deo  
vivo, & verò delubra construxisset, cum admirabili vir-  
tute, & singulari eloquentia omnium sibi animos deuinxisset,  
post decem annorum prædicationem tam fructuosam,  
tamquod fecundam, ut Christiani & Gentiles publicè dice-  
rent se nunquam similem ei Concionatorem audiuisse, in  
calamitosis illis persecutionis temporibus captus, & carce-  
ri mancipatus fuit. Ex quo Mazamunes Rex Voxu Anno  
1613, eripuit eum, & deinde pro se Oratorem ad Pauli. V.  
Pontificis Maximi Sanctitatem, & ad Philippi III. Catho-  
lici Maiestatem, pro magno Reipublice Christiane incre-  
mento delegavit; quo munere summa cum Ecclesie lætitia  
perfunctus est. Restant adhuc publicis Tabulis conscriptæ,  
& Typis mandata, apud Summum Pontificem delegatio-  
nis acta in audientia publica diei tertie Nouembris Anni  
1615, & in Aula Palatii Quirinalis, ex qua in Capellam  
Pontificiam intratur; inter alias imagines in Supremis pa-  
ræthesibus depictas, celebriorum tam eximij Pontificatus  
succellum repræsentatiuas: prædicti Patris Ludouici Sor-  
telli, & nobilis Equitis Iaponis Faxecoræ Rocuyenonis,  
ab eodem Mazamune Rege delegati, figuræ viuis colo-  
ribus expressæ conspiciuntur.

Igitur cum tam gloriosa commissione perfunctus esset,  
& maxime Christianæ fidei propagatio ex obedientia à  
præfato Rege summo Ecclesie Rectori exhibita immineret,  
ecce quod inimicus homo Regni sui tyrannici destructio-  
nem, & potestatis tenebratum dissipationem timent, Im-  
peratoris Iaponici mentem magis ac magis in Christianos  
commouit, ex quo prudentissimo Oratori Ludouico libere  
in Regnum Voxu non paruit accessus: Quamobrem diu in  
terris Hispanie dominationi subiectis retentus, interim sibi  
Fr. Ludouicum à Sancto Francisco insignis Martyris Iapo-  
nis filium, Ordinis Seraphici Discalceati Professum, & Lu-  
douicum Baba Iaponem in peregrinatione comites associa-



nit: tandem orta nauigandi occasione habitu secularis Hispani ueditus, vnâ cum socijs Iaponico more indutis, in Sinensi naue ad Imperium Iaponicum transfretauit. Agnitus à nauis Patrono Proregis Nangasachi indignationem timentē (grauis enim impendebat pœna in eum, qui sua in naui Sacerdotes & Religiosos transfulisset) indicatus Gubernatori; cuius iussu illic omnes apprehensi, & in eius conspectum fuere deducti: Pater autem Ludouicus non mortem fugiens, sed Ecclesiæ bonum querens, ipsi manifestauit se à Rege Voxu ad Romanum Pontificem fuisse delegatum. Sed cum plus in animo Gubernatoris timor Imperatorij furoris, quàm Regis Voxu sibi alioquin amici, amor & gratia valuissent, non eum dimisit; sed ut iussa Monarchæ impleret, in carcerem Vomuræ transferri mandauit, in quo graues ærumnas & morbos perpeßus, post duorum annorum spatium cum socijs suis gemino Ludouico, die Dominica 25. Augusti (qua festum Sancti Ludouici Christianissimi & inuictissimi Franciæ Regis ab Ecclesia celebratur) cumq; Seruis Dei Patribus Petro Vazquez à Sancta Catharina Beati Patris Dominiel filio, & Didaco Carballo Societatis Iesu alumno; crudelis incendij flamma, in eodem igne (quo prius feruentissimus Dei famulus Pater Apollinaris Francus, & alij fuerant passi) crematus est. Proiecti sunt deinde in mare cineres, ne à Christianis colerentur.

Insuper Anno 1627, die 17. Augusti in horrendo Nangasachi theatro; sequentes pro fide Christi victimæ combustæ fuerunt. Primus & quasi aliorum antesignanus fuit Venerabilis Domini Confessor Pater Franciscus à Sancta Maria, Prædicator è Montaluanexo oriundus, Prouinciæ Sancti Iosephi filius, & cum ipso pariter immolati sunt Fratres Bartholomæus Iaruel, & Antonius à Sancto Francisco Iapones Laici, eodem die simili supplicio inseriere Gaspar Vaz, & Franciscus Gayo Iapones Terriarij. Hodè etiã rogo combusti triumphauere Maria dicti Gasparis uxor, & in Tertio Ordine Soror Thomas, Michael, Lucas, & Ludouicus,

uius Tertij Ordinis filij. Mirum profecto, quod quanto plus tortorum inhumanitas crescebat, tanto fidelium constantia augebatur; omnis ætas Christo Domino testimonium fidele reddebat. Namque in eadem Ciuitate Nangasachi, die secunda Augusti eiusdem anni, Martino Gomez Tertio nostro pro fidei confessione caput amputatum fuit; cum prius spectator extitisset victoriæ filij sui sexennis, propter Christi Domini gloriam occisi.

Eodem anno, die verò 22. Septembris obdormiuit in Domino Venerandus Pater Ioannes à Sancto Philippo Confessor Prouinciæ Discalceatæ Sancti Pauli Professus; cui quoniam voluntas martyrij non defuit, quod etiam gravissimos pro Dei honore, & hominum salute labores sustinuit, in isto breui Heroum Discalceatorum Elogio, locus denegari non debet. Ille enim post multos annos in prædicatione, & Gentilium conuersione transactos, graui morbo afflictus in montem Fimitongæ secessit; cumque mortis suæ transitum, adesse cognouisset, rogauit humiliter Dominum, ne eum (qui Sacramentis administrandis indefessè laborauerat) eorum participatione destitutum relinqueret. Voluntatem timoris se fecit Deus, & orationem pauperis exaudiuit; namque ipsi vitæ ad triduum prorogata, Sacerdotem Tertij Ordinis misit, qui Sacramenta Confessionis, Eucharistiæ, & extremæ Vnctionis ei contulit. Postea quasi alterum Simeonem Christus dimisit Seruum suum in pace; & eum ad salutariæ visionem intuitiuam perduxit.

*De pluribus alijs Fratribus Discalceatis, & Tertij Ordinis, in Asia, & alijs propter Christum peremptis.*  
*Cap. XVll.*

**A**NNO 1630. die 28. Septembris, Thomas à Vomora Tertij Ordinis Professus, viuis in ignem coniectus, hoc locaustum vitæ suæ, obtulit Creatori; proxima mortis illius occasio fuit charitas, quam erga benedictum Fr. Gabrielem à Magdalena hospitem suum exercebat.

Qualis & quantus Vir fuerit prædictus Fr. Gabriel à Magdalena vix exprimi potest: Ille fuit vnus ex illis Apostolicis Viris, qui in publica Enangelij Præconum expulsionione Anni 1613 latuerat: licet detectus, in Sinam relegatus fuisset, vno tamen anno vix elapso in Iaponium regressus est, in qua ab eo tempore seruentissimè laborauit. Ille igitur, quem charitas medicinam docuerat, eum in diuersis Imperij Iaponici partibus amoris sui vestigia reliquisset; cum omnium, etiam Gentilium, æstimatione plurimi duceretur, die tertia Septembris Anni 1633 captus, nullius adulationibus, aut promissis à fide alienari potuit; quare tandem diu quæsitæ torres ereptam martyrij palmam accepit; iussa enim Tyranni in aquas calidissimas iniectus, debebat illi edæ gloriæ vehementia suffocari; sed diuino robore sustentatus, visus est in feruentibus aquis tanquàm in suauis balneo recreari, immodò quod mirabilius est, euauit è circumstantium oculis, & in domo Gubernatoris intra urbem Nangasachum septem leucis ab aquis distantem apparuit; & à Ministris quaesitis, rursus in eas rediisse conspectus est: Illinc itaque eductus in ardentissimum rogam inijcitur; ubi flexis genibus, & brachijs extensis, immobilis orando perseverans suauiter expirauit. O verè beatus homo, cuius vita continuis mortificationibus, abstinentijs, pœnitentijs, orationibus, laboribus, & bonis exemplis contexta, tam gloriose mortis termino concluditur.

Cum eodem Ven. Seruo Dei Gabriele à Magdalena comprehensus fuit inclytus Dei famulus Pater Hieronymus à Cruce, Sacerdos in Iaponio natus, & Tertio Ordini aggregatus. Euangelium feruentissimis verbis prædicabat, & efficacissimis vitæ suæ exemplis suadebat, purissimi Sacrificij hostiam innocentibus manibus contrectabat; & boni Sacerdotis, ac sancti Concionatoris partes implebat. Tandem inanis carceris ædificatus, viuus igni obiectus, animam sicut incensum in conspectu Domini exhalauit. Fidelis & antiquus Dei Seruus Pater Ludouicus Gomez optati tandem carceris pugnam, & desiderata mortis vic-

toriam

gloriam consequitur. Ille usque ad decrepitam octoginta-  
annorum senectutem in Sacramentorum administratione, &  
innumerabilium Gentilium conversione occupatus. Iaponij  
Regiones percurrerat, pericula frequentior expertus, eas sem-  
per (præter intentionem) equalit. Sed nondum eius hora ve-  
nerat, donec (Deo permittente) captus cum duobus adiu-  
toribus suis Iaponibus in carcerem Vomura intrusus est; ex  
quo deinde cum socijs suis, & benedicto Patre Sebastiano  
Vyeræ Societatis Iesu concaptivus suo, in tetrum Yendi ere-  
gastulum translatus fuit. Ibi auctis ærumnis, & ptenis,  
novo martyrij genere, ligatis scilicet ad trabes pedibus, cap-  
itibusque deorsum in subterraneas speluncas pendentibus,  
deficiente sensu halitu, illustres hi Martyres spiracula vitæ  
à Creatore accepta, propter Rēdemptoris gloriā emis-  
erunt.

Die 18. Octobris Anni 1630. Petrus Xenday, & Tho-  
mas Sacuoro Tertiarij, pro Christi nomine Nangafachi  
capitis abscissione triumphavere. Cum autem ab Anno 1630. omnis inferendi in Iaponiam  
Euangelij porta Christianis Prædicatoribus reclusa fuerit,  
vix ab hoc tempore sciri potuerunt egregia nostrorum facta;  
Verūtamēn à Fr. Antonio à Sancta Maria Prouincie Sancti  
Pauli Alumno, qui tunc à Philippinis in Sinam traiecit, ac-  
cepimus; quod cum in Ciuitatem nominis Dei accessisset,  
ipsi à plurimis Lusitanis, & Iaponibus propter fidem à Ia-  
ponia expulsis, narratum esse octo Servorum Dei marty-  
rium, nempe prædictorum Fratrum Gabrielis à Magdalena,  
Ludouici Gomez, Hieronymi à Cruce, Sacerdotis, Tertia-  
rij, Dominici hospitis prædicti Hieronymi, & martyrij con-  
fortis duorum Iaponum Ludouici Gomezij Discipulorum. Et  
tandem Fratrum Aegidij de Quésada Theologie Lectoris,  
Prouincie Carthaginensis Alumni, & in Discalceata Sancti  
Gregorij Immatriculati, & Ioannis de Torrella Prouincie  
Sancti Ioannis Baptiste filij, qui duo à Philippinis in Iapo-  
niam ingressi, Anno 1633. comprehensi, simili (quo Patet  
Ludouicus Gomez) supplicio occupuero.

**Pater Sebastianus** à Sancto Iosepho, nobili ex prosapia natus, & Prouincie Sancti Pauli Disceatæ Professus, Vir arduarum virtutum, martyrii à teneris annis amantissimus, in Philippinas pertransiit; vbi quinque Principes, infideles ab Insularum illarum Protege captos, ad Christi fidem perduxit: Indè ad Molucas pergens, ad Insulam Mathæi dictam peruenit, in qua gentis illius Reginam ad Catholicam professionem amplectendam inclinauit: sed nondum consummata eius conuersione, ab impio & Mahumetano Insulæ Tagolanda Duce spiculis confixus, Patroni sui mortem, & triumphum imitatus est. Die 18. Iunii Anni 1610. truncum eius corpus in aquas demersum, cum eis supernataisset, cili-  
cium lumbis eius inhaerens rigide acuminatum ostendit, quod Vir Dei ad vltimum vsque agonem retinuerat; flagellum quoque ipsius à barbaris ludibrio habitum, in mare quoties reiectum, toties ad litus eminenter elatum est.

**Egregij Patris Sebastiani** socius fidelissimus Fr. Antonius à S. Anna Laicus, eiusdem Prouincie Sancti Pauli Professus, Vir Crucis audissimus, in Insulas Molucas cum Patre Sebastiano transiit, & post multos labores, ab eodem siccatio & carnificè captus & in Insulam Tagolanda deductus, mulierum furori tractandus exponitur; à quibus dentibus & vnguibus, ferris, cultrisque dilaniatus, longi & crudelis martyrii poenas sustinuit. Morienti caput abscissum est; corpus verò in aquas depressum mergi non potuit.

**Fratres Blasius Palomino, & Ioannes de Palma;** ille Granatensis, iste Sancti Ioannis Baptiste Prouincie Professus: Sed utroque Philippinarum Sancti Gregorij Prouincie iure habitationis acquisitus. Cum Gentium conuersionem zelarent, ad Molucas missi, post graues arumnas, & poenas pro Deo toleratas, tandem Anno Domini 1614. sexta die Ianuarij ab Idololatriis occisi, ad aeternas delicias conuolarunt.

**Fr. Franciscus** à Santa Maria fecundissime Martyrū Matris Prouincie Sancti Iosephi filius, vnus fuit ex sanctis Missionarijs, qui cum Patre Petro ab Alpharo ad Philippinas profundanda Sancti Gregorij Custodia transierunt. Ille igitur



tur. cum linguas exterarum Nationum addiscere non posset, pro dono linguarum acceperat à Deo omnium donarum virtutum; quare contemplationi cæterisque religioso vitæ exercitijs vacans, precabatur quotidie Dominum, ne propter impedimentum loquendi, martyrii coronam priuaretur. Exauditus est pro sua humilitate, namque cum à Sancti Gregorii Custode in Hispaniam ad postulandum à bona Matre Fratrum subsidium mitteretur, fortè in Insulam Burnei ap- pulit, à cuius Rege Mahometano benignè exceptus fuit, sed cum Vir feruentissimus eius salutem sitiret, utebatur socijs sui (quanquam parum in lingua versati) interpretatione, & Regi infideli Mahumeticæ legis insaniam liberè prædica- bat. Iratus & furore accensus Princeps, verbi diuini Præ- conem multis iniurijs & contumelijs affecit, mox impijs sic- carios misit; qui repertum in oratione Franciscum, lanceis & gladijs transigentes & disseccantes, caput ipsi amputa- uerunt, & corona martyrii dignum effecerunt. De pluribus alijs Martyribus amplè disseritur in Chronicis Prouinciarum Discalceatorum, quapropter eos hic omisimus.

*De Prouincia Sancti Pauli fundatione & de Viris illustribus ab ea productis. Cap. XVIII.*

**C**VM Prouincia Sancti Iosephi procellis in eam suscita- tis liberâ, Reformationis suæ ramos in vtramque Cas- tellam, & Andalusiam diffudisset; visum est sapientibus, & pijs Patribus, ne aliquando propria mole dissolueretur, & à rigida viuendi forma declinaret, in duas partes esse diui- dendam; quò facilius à gemino Ministro Discalceato, & pedestri duplex Prouincia visitari, & regi posset. Igitur eorum sapiens & matura deliberatio, ad Catholicum Regem Philippum III. deferretur, qui benignitate sua approbauit eam, & Clemens VIII. autoritate Apostolica confirmauit suis li- teris in forma Breuis, cuius initium est; Cum scius charissi- mus filius noster Philippus Hispaniarum Rex Catholicus exponi Nobis nuper fecit; Prouincia Sancti Iosephi Fratrum Discalceato- rum nuncupatorum, Ordinis Minorum Observantiæ Regularisq



in partibus Hispania iam olim auctoritate Apostolica erecta, instituta, ac pluries per Sedem Apostolicam confirmata, & approbata est Canonicum, seu loca ex paucissima initia Canonicie Domus, propter, idque sicut olina fructifera in vinea Domini novitias ex se protulerit &c. Dat. 10. Martij Anno 1594. Pontificatus nostri Anno III.

Itro Breui munita Sancti Iosephi Provincia ad Capitulum in Conuentu Medinæ del Campo processit, in quo nouæ Provincie sub titulo Sancti Pauli erectæ, Fr. Claudius de Martyribus (Vir planè eximius) Prouincialis Minister eligitur, Disfinitores instituuntur, & quæcumque necessaria erant, perficiuntur. Quâquàm igitur ista S. Pauli Provincia, nûquàm alteri subiecta, sed tanquàm germana soror ab ea separata fuerit; tamen quia Sancti Iosephi Provincia ipsi Ministrum, & alios Officiales dedit, negari non potest, quod eo respectu non sit Mater Prouincia Sancti Iosephi, quæ partu electionis sui Disfinitorij, Prouinciam Sancti Pauli in lucem edidit. Siquidem dicta Prouincia Sancti Pauli, vt diuina diceretur, fuit primitus à Prouincia Sancti Iosephi per Disfinitorium ipsius in Prouinciam, Apostolica auctoritate, erecta.

Prouincia itaque Sancti Pauli in Castellâ Veteris sexdecim à principio Conuentus accepit, nunc autem viginti sex constat, in quibus omnibus intacta semper, & illibata remansit Obseruantie Regularis puritas, & tradita à Patre suo Sancto Petró de Alcantara Reformationis statuta viguerunt: Quare multos huc vsque produxit Viros miræ perfectionis gloria, & prodigiorum splendore, & doctrina illustres.

In Conuentu Segoniæ Venerabilis Patris Antonij à Sancta Maria doctissimi, pijsimique corpus asseruatur. Lauream Doctoris vtriusque Iuris in Salmanticensi Academia adeptus, Romæ quoque in magna scientiarum æstimatione aliquos annos transegit; reuerlus in Hispaniam, ecclesiastica munera dignè, & laudabiliter obiuit. His tandem relictis omnia Mundi bona cum paupertate Seraphica commutauit, & habitu

habitu inuentus vt Minor, omnibus eius virtutibus effulsi; quibus eximie sibi virtutis nomen apud Christianos comparauit, in Regulam nostram, omnibus Religiosis zelatoribus acceptissimum Manuale scripsit .

Eiusdem Salmanticensis Vniuersitatis Doctor Pater Didacus de Vera, simplicitatem Minoriticam in Conuentu Caluarij Fratrum Discalceatorum professus est; nemo pauperior, humilior & austerior illo, & nemo Sanctis Patribus inopi Francisco, & poenitenti Petro similior fuit: Totius Ordinis Diffinitor Generalis factus, ad grauissima eiusdem dubia soluenda sapissimè consulebatur; moritur denique miraculis clarus, & Auilæ sepelitur. Post septem autem annos à morte eius elapsos, inuentum est cerebrum ipsius ita integrum & recens, quasi nondum spiritus informatione priuatum.

Conuentum Caluarij Salmanticensis Ciuitatis honorant, & ditant reliquie eximij Theologiæ Doctoris, Fratris nostri Discalceati, pauperrimi & Viri prodigiorum fama conspiciui, Patris nempe Didaci à Sancto Francisco.

Vt vno tandem verbo sanctæ istius Prouinciæ laudes cōplectar, dicam in ea nullum esse Conuentum; qui multis Dei famulis apud se educatis, aut tumulatis non gaudeat. Produxit etiam quamplurimos alios doctrina conspicuos, inter quos sufficiat recensere diligentissimum eius, & Prouinciæ Sancti Iosephi Chronistam Patrem Martinum à Sancto Iosepho, qui alijs scriptis Ordinem suum illustrauit; & huic addere liceat Patrem Mathæum à Natiuitate scholasticarum questionum, expositionum, & moralium librorum Scriptorem celeberrimum, qui præterea Cathedram Crucis, & Mineruam Eucharistiæ, seu lignum vitæ, in publicum misit.

*De fundatione Prouinciarum Discalceatorum S. Didaci, Matris Dei, & Sancti Petri de Alcantara. Cap. XIX.*

**C**Um ad aures Summi Ecclesiæ Rectoris Gregorij XIII. zelus & deuotio Prouinciæ Discalceatæ Sancti Iosephi

venissent, pius & sollicitus Christianæ familie Pater per Apostolicum Breuē concessit; ut ab eiusdem Prouinciæ Fratribus Conuentus & domicilia in omnibus Hispaniæ, & Indiarum Regnis fundari liberè possent, & dictæ Prouinciæ Ministro subijci. Itaque Anno 1580. quidam ipsius Religiosi propagandæ fidei Catholica zelo moti, in nouam Hispaniam nauigauere, quos Mexicanus Protex humaniter recepit, ipsique construendi Monasterij locum concessit, quem Sancto Didaco dedicauit; moxque crescente Populi deuotione & affectu, Fr. Petrus à Monte Conuentum alium à primis duodecim Discalceatis Prouinciæ Sancti Gabrielis Fratribus, vulgò Apostolis America nominatis, derelictum habitare coepit, & Sanctæ Mariæ Angelorum submisit; & ex ijs Custodiam Sancti Didaci, sub Philippinarum Sancti Gregorij regimine instituit: Quam postea Clemens Papa Octauus anno sui Pontificatus octauo in Prouinciā crexit, eique Fr. Gabrielem Baptistam primum Ministrum præfecit; & eam omnibus gratijs & præuilegijs, Sanctorum Iosephi & Gregorij Prouincijs concessis, decorauit. Ista autem Prouincia decem Conuentibus composita, clarissimis Religiosis plena; rota Euangelij propagationem, in Dei gloriam, & animarum salutem procurandam occupatur.

Me superius narrasse memini, quemadmodum Pater Petrus ab Alpharo Prouinciæ Sancti Iosephi filius, primusque Custodiæ Sancti Gregorij Custos, in Sinam Christi Euangelium intulerit; & ab ea eiectus, Macaum petransierit, ubi à Mercatoribus Lusitanis ad fundandum Conuentum inductus fuit. Cum igitur in ea Vrbe fructus maximos ipse, & socij eius producerent, & ipsos Sacerdotes Idolorum à cultu prophano, ad veri Dei seruitutem conuerterent. Mortuus est Pater Petrus, & fidelis eius adiutor Fr. Ioannes de Pelsaro incæpti spiritualis ædificij curam suscipiens, alium Conuentum, & Christianæ doctrinæ Scholam, ac Seminarium in Vrbe Malaca ædificauit: Eodē tempore, idest Anno 1581. Pater Hieronymus Burgensis Commissarius à Philippinisueniens, Malacam intrauit, & conuocato Capitulo, in duo-

rum Conuentuum Custodem Fr. Ignatium de Loyola socium suum elegit.

Sic autem noua Custodia prædicationibus, & Apostolicis laboribus intenta, per tres annos remansit; donec iubente Philippo II. Catholico Monarcha, Reuerendissimus Pater Gonzaga Ordinis Generalis, viginti Religiosos Discalceatos Lusitanos ad eam occupandam & implendā transmisi; quoniam ad Portugallie ditionem spectare dicebatur. Fundatores autem ipsius in Philippinas Insulas recesserunt, illa verò intra breue spatium Prouinciæ Matris Dei nomen & prærogatiuam accepit; quanquā autem eam Reuerendissimus Gonzaga Prouinciæ Observantum Sancti Thomæ Indiarum Orientalium pro visitatione submiserit, tamen usque adhuc in habitu & Instituto Discalceatorum perseverauit, & ijs semper annumerata fuit. Sexdecim Conuentibus constat, septem habet Collegia, & centum viginti tres Parochias regit; tot autem fructus conuersionum ex labore ipsius Ecclesia Sancta percepit, ut Illustrissimus Ordinis Historicus Gonzaga dixerit: *Nec facile explicari potest, quot ex idololâtris, superstitionisque illis Gentilibus, ab istis Fratribus fidelium alio ascripti sint.*

Prouinciæ Sancti Petri de Alcantara in Regnis Granatæ, & Murcia initium dedit Alexander VII. Põtifex Maximus Anno 1661. Cum enim deuota Sancti Ioannis Baptistæ Prouincia, intra longiores terminos concluderetur; nec à Ministro iuxta Regulam nostram, & Discalceatorum morem ambulare debente, semel in anno (ut par est) visitari posset: In celebrata apud Murcia Conuentû Cõgregatione, Præsidente R. P. Iosepho Ferrerio Prouinciæ Vicario, de ea in duas diuidenda conuentum est, & reservato in una Præcursoris patrocinio, & nomine; alteri titulum, & præsidium Sancti Petri de Alcantara impositum fuit, nè aliqua illarum portento poenitentia ad exemplum & tutelam careret. Nouem ergo Conuentus noua ista Prouincia accepit, & quanquā sorori suæ primogenitæ, pretiosissimas Beati Pasqualis Baylon, & aliorum reliquias cesserit, tamen apud se magni meriti rui

malata corpora possidet. In Granatensi enim Conuentu Venerabilis Dei Serui Fr. Martini Belzanze, virtutibus & miraculis in vita, & post mortem insignis, corpus iacet.

<sup>129</sup> Nostro igitur tempore vndecim Conuentibus in Granatæ, & Murcia Regnis componitur; nouissimè vnum Neapoli in Italia acquisiuit; quem Excellentissimus Petrus de Arragonia Regni Neapolitani Prorèx, de istius Prouinciæ Fratrum, zelo, modestia, pœnitentia, atque Regulari Obseruantia certus à SS.D.N.Papa. Clemète IX.obtinuit; vt Religiosi Discalceati Hispani verbo & exemplo non solùm milites Hispanos, sed etiam omnes illius populosæ Ciuitatis incolas ad bonum hortarentur, & prouocarent. Pijssima denique, & Seraphici Instituti zelantissima Prouincia Arrabidæ Discalceatorum in Regno Lusitaniæ fundata, se Sancti Petri filiam fatetur: Ex eius enim vita clarissimè patet, quòd Fr. Martinus à Sancta Maria adscito sibi coadiutore operis S. Petro, dictæ Prouinciæ fundamenta iecit.

<sup>130</sup> Ecce igitur, Christiane Lector, breue Compendium, & succinctam expositionem fructuum posthumorum pœnitentis, extatici, pauperis, & humilis Viri Sancti Petri de Alcantara; ecce splendorem ab eo Ecclesiæ Catholicæ collatû, en ornamenta ab eo data Ordini Seraphico. Iste est septem Prouinciarum Fundator, plusquàm triginta Discalceatorû, & ferè innumerabilium Tertij Ordinis Martyrum Pater; ipse est tot Confessorum, tot diuini verbi Præconum, tot Viro- rum Apostolicorum Magister: Qui si Sanctam Matrem Ecclesiam proprijs, & filiorum suorum meritis exornauit, ea se in illum munificam, & liberalem exhibuit; quot enim ab Anno 1517. defunctos, è Religione Seraphica Beatos declarauit; tot Sancti Petri de Alcantara spiritus flores, & fructus agnoscit.

Iam illa viginti tres Iaponij Protomartyres, duosque clarissimos Hispanij Confessores, ipsum Sanctum Petrum, & Beatum Pasqualem Baylon, intra Beatorum agmina collocauit; & pro futuris in breui temporibus, ab eiusdem Ecclesiæ benignitate speratur, quòd (diuino ipsi irradiante umine) multos alios è Discalceatorum familia Viros, in

Domum Patris cœlestis introductos fuisse declarabit, & vt tales Populo Christiano venerandos obijciat. Laudemus itaque Dominum in Seruis suis Discalceatis, & eius diuinam Prouidentiam in Sancti Iosephi Prouinciæ fundatione miremur, quæ tot impulsibus concussa non cecidit, sed solidior & constantior permanens, sex aliarum Discalceatæ Reformationis Prouinciarum Mater effecta est, & à Sancto Petro paruis inijs fundata, & velut granum sinapis terræ Hispanicæ demandata, creuit in magnam arborem, & omnibus alijs Seraphici horti oleribus maior euasit.

Vnum hic monere velim, nimirum quod Pater Fr. Mathæus Basso videns in Italia quosdam Religiosos Discalceatos Prouinciæ S. Gabrielis, aliàs de Capurio nuncupate, qui Caputium aliquantulum pyramidale, seu acuminatum gerebant, & rigorosam poenitentiam, ac paupertatem, quam à S. Petro de Alcantara didicerant, manifestabant; Spiritu maioris perfectionis ductus, ad eorum imitationem Congregationem PP. Capucinorum fundare cœpit. Anno 1529. vt refert P. Ioannes à Trinitate in Chron. Prouinciæ S. Gabrielis. part. 1. lib. 1. cap. 12. pag. 78.

*De fructibus à Sancto Petro de Alcantara in Carmelitarum Reformatione productis. Cap. XX.*

**C**haritas (inquit Apostolus) non querit quæ suæ sunt, sed quæ Iesu Christi, idèdque Sanctus Petrus prælagiens ex suscepta à Sancta Virgine Theresia Carmelitarum Reformatione, magnum diuini nominis honorem prouenturum, eam omnia animi sui viribus iuuat, & fouit: Quot peregrinationes suscepit, quot epistolas scripserit, quot controuersias sustinuerit, quantum denique pro tam Sancto fine laborauerit, non referam; cùm eloquentissimis, & accuratissimis verbis omnia ab ipso facta, & dicta in eius vitæ historia contineantur. Sufficiat ergo mihi aduertere istam quoque Carmelitarum vtriusque sexus Reformationem, plurimò Sancti Patris nostri Petri cu-



ra, & labori debere; atque ita non immerito eam inter  
eximios tanti Viri fructus recenseri, in cuius veritatis testi-  
monium non extranea, sed domestica sanctæ illius Reli-  
gionis verba subiungam.

Sancta igitur Mater Theresia capite 36. vitæ suæ de Con-  
uentus sui fundatione discurrens, de Sancto Petro de Al-  
cantara sic loquitur: *Ipse fuit qui totum fecit, qui si in tali  
occasione non adfuisset (ut iam dixi) concipere non possum  
quomodo fieri potuisset; quia Vir iste Sanctus per paucum sem-  
pus hic mansit, nec credo commoratum esse octo diebus, usque  
semper infirmum, postea in brevi Dominus eum ad se suscipi-  
t. Videtur quod diuina Maiestas eum usque ad istius negotij finem  
conseruaret, quoniam à plurimo tempore (nescio an à duobus  
annis) valde infirmabatur.*

Et quia in duorum testium revelatione veritas confirma-  
tur, addam ingenuam & disertam R.P. Francisci à Sancta  
Maria Carmelitæ Discalceati, & sui Ordinis Chronistæ  
Generalis, confessionem: Ille igitur relatis supra scriptis  
S. Theresiæ verbis, hæc addit Tom. 1. lib. 1. cap. 43. num. 4.  
*Bene iuxta istud debet nostra Reformatio multam in fundatione  
sua partem tribuere isti magno sanctæ paupertatis amatori, isti  
nono Paulo in penitentia, isti renato Antonio in oratione, &  
isti Elia in superandis difficultatibus: Multum gloriatur eum ha-  
bere insignis Nostra Matris coadiutorem, illum plena voce  
nominat Patrem propter fauorem, quem in occasionibus præteri-  
tis, & in ista presente dedit Sanctæ; & propter consilia, qui-  
bus eam etiam mortuus adiuuabat. Deinde semper mea Religio  
recordetur, quod iste Sanctus Pater totum fecit, iuxta quod di-  
xit Nostra Sancta Mater; & maiorem difficultatem fundandi  
absque reddito superauit, cui omnes ferè alij aduersabantur.  
Ille sententias multorum reduxit, ille Sanctam animauit, ut  
firma in intento suo permaneret, ille Episcopum vicit, ut Breue  
admitteret, & se paupertatis absque reddito Protectorem effice-  
ret; & cum omnia perfecisset, Anila egressus est, & breui post  
fundationem tempore mortuus est 18. Octobris illius anni; & à  
corpore separatus, Sanctam visitauit, & illa vidit eum ingre-  
dientem*

dientem in Cælum, absque quâ per Purgatorium transiisset.

Tertium tantæ veritatis testem R. P. Riberam Societatis Iesu, doctissimum & piissimum Virum omittere nequeo. Ille itaque Sanctæ Theresiæ cœuus maximas eius difficultates in fundando Auilæ Monasterio recensens, sic lib. 1. cap. 17. loquitur: *Qui magis in hoc fecit, fuit Sanctus Frater Petrus de Alcantara, sua magna auctoritate illud approbans, & propter tantam familiaritatem, & potestatem, quam apud Episcopum & alios, qui adinuenerunt, sibi comparauerat; quod si ille tunc temporis ibi non adfuisset, forè istud non fuisset factum: Non mansit autem plusquam octo diebus, & per eos multum infirmus, & parùm abinde Dominus susculit eum, ad retribuendam ei coronam sanctorum eius laborum, & magnæ ampleque penitentia, & mortificationis. Videtur quod non propter aliam rem eum in Mundo detinebat, quam ad innandam, & terminandam rem istam, dein eum ad se vocandum.*

Merito igitur Petrus præclarissimam vtriusque sexus Instituti Carmelitani Reformationem, veluti geminum Sanctæ Matris Theresiæ partum aspiciens, illi dicere potest, quod olim Iacob à filio suo Iosepho poposcit: *Duo ergo filij tui, qui nati sunt tibi mei erunt; Ephraim & Manasses, sicut Ruben Simeon, & reputabuntur mihi.* Si quis autem istum duplicem Fratrum Minorum, & Carmelitarum, Discalceatorum foetum videns, à Sancto Petro requirat; *Qui sunt isti?* Respondebit: *Filij mei sunt, quos donasti mihi Deus in hoc loco.* Gaudeat itaque tuis, ô Sanctissime Petre de Alcantara, Ecclesia fructibus, adhæreat Religio nostra tuis vestigijs, confidat Populus Christianus tuis suffragijs; vno verbo, omnes quotquot in hac valle lachrymarum viuimus, tantum Virum veneremur, imitemur, & precemur. Amen.

L A V S D E O.

PRO-

## PROTESTATIO AVTHORIS.

**Q**uoniam præter communem omnibus Christianis Ecclesiae Catholicae obediendi necessitatem, speciali Regulae Seraphicae vinculo adstringor pedibus eiusdem Sanctae Romanae Ecclesiae subditus esse; ideò ea (qua par est obsequentissimi filij in Apostolicam Sedem obseruantia) Decretis Sancti. mem. Urbani Papae VIII. inherendo præsentem librum humillimè subijcio, & protestor, quòd si quæ in recensendis Sancti Petri de Alcantara posthumis fructibus scripti, quæ adhuc Apostolicæ Sedis examen, approbationem, & iudicium desiderent; illa tantum affirmare velim tanquam humanam, & priuatam historiam sola fide suffultam; quam Authores, à quibus eadem hausi promerentur. Nullum, proinde hoc nouo testimonio probationis gradum, quous etiam longissimi temporis cursu mox intercedente obtenturam; & tandem declaro, quòd si aliquos nondum à Sancta, Matre Ecclesia canonizatos, aut beatificatos: Sanctos vel Beatos nominavi, non intendi yllo modo sanctitatem, aut beatitudinem personis attribuere; sed tantum laudationis modo, eorum gestis adscribere.

*Ita est Frater Tiburtius Nauarrus.*

**L**Egi, & ea (qua potui diligentia) librū hunc percurri iussu Reuerendissimi Patris Hyacinthi Libelli S. Palatii Apostolici Magistrum; cumque nil contra Catholicam fidem, aut bonos mores, sed potius omnia ad fidei exaltationem, & studiorum profectum vitia inuenerim, typis mandari posse censeo. In quorum &c. Datum Romæ 11. Martij 1669.

*Michael Angelus Lapins.*

# INDEX CAPITVM.

- D**E fecunda S. Petri de  
Alcantara sanctitate, &  
de fundatione Prouincia S.  
Iosephi. Cap. I. pag. 7
- De uiris, pietate doctrina, &  
miraculis illustribus à Pro-  
uincia Sancti Iosephi produ-  
ctis. Cap. II. 11
- De Prouincia S. Ioannis Bapti-  
ste Discalceata, & de fructi-  
bus ab ea emanatis. Cap. III.  
pag. 15
- De Prouincia S. Gregorij in In-  
sulis Philippinis fundatione.  
Cap. IV. 18
- De ingressu Fratrum Minorū  
Discalceatorum è Prouincia  
S. Greg. rij in Iaponium.  
Cap. V. 22
- De initio persecutionis, & de  
glorioso Beatorum Petri Ba-  
ptista & sociorum eius, alio-  
rumque Protomartyrum tri-  
umphe. Cap. VI. 31
- De breui quindecim annorum  
tranquillitate, & de origi-  
ne noua persecutionis in Ia-  
ponio, & de successu expul-  
sionis Euangelicorum Mini-  
strorum. Cap. VII. 39
- De presatorum sex Discalcea-  
torum in varias Iaponij par-  
tes diuisione, & de rebus à
- Patre Didaco à Sancto Frā-  
cisco in sua Regione factis.  
Cap. VIII. 42
- De Patris Didaci, & sociorum  
eius incarceratione, & de  
pænis in carcere toleratis.  
Cap. IX. 48
- De libertate Patri Didaco da-  
ta, & de sociorum eius mar-  
tyrio. Cap. X. 51
- De martyrio P. Petri ab Assum-  
ptione Minorita Discalceati.  
Cap. XI. 55
- De martyrio Venerabilis Pa-  
tris Ioannis à Sancta Mar-  
tha Minoris Discalceati, &  
de felici quinque Religioso-  
rum Discalceatorum in Iapo-  
nium accessum. Cap. XII. 59
- De Patris Didaci à S. Franci-  
sco laboribus, ac Fratribus  
Discalceatis ab eo in diuersa  
Iaponij Regna missis, nec non  
de quinque FF. Minorum,  
& quatuor Tertiariorū in-  
carceratione. Cap. XIII. 62
- De glorioso FF. Min. Discal-  
ceatorū, Tertiariorūq; in car-  
ceratorum martyrio. C. XIV.  
pag. 66
- De Patris Francisci de Gulbe  
Minoris Discalceati, & Frā-  
cisci Tomayo nobilis Iaponis  
mar-

martyrio . Cap. XV. 69  
 De vita & martyrio Patris Lu-  
 donici Sotelli , & de pretiosa  
 morte sociorum eius , aliorū  
 Discalceatorum quatuor , &  
 octo Tertiariorū . C. XVI. 72  
 De pluribus alijs Fratribus  
 Discalceatis , & Tertiarijs  
 in Iaponio , & alibi propter  
 Christū perēptis . C. XVII. 75  
 De Prouincia Sācti Pauli fun-

datione , & de Viris illustri-  
 bus ab ea productis . C. VIII.  
 pag. 79  
 De fundatione Prouinciarum  
 Discalceatorum S. Didaci ,  
 Matris Dei , & S. Petri de  
 Alcantara . Cap. XIX. 81  
 De fructibus à S. Petro de Al-  
 cantara in Carmelitarum  
 Reformatione productis ,  
 Cap. XX. 85

### Breuis notitia Beatorum in Iaponio Martyrum .

**B** Philippus à Iesu , finē de  
 las Casas . pag. 33  
 B. Franciscus Blancus . 34  
 B. Martinus ab Ascensione . ib.  
 B. Gonsalvus Garzia . 35  
 B. Franciscus à S. Michaelē ,  
 finē de la Parilla . ibid.  
 B. Petrus Baptista . 36  
 B. Ludonicus puer Iapo . ibid.  
 B. Antonius puer Iapo . ibid.  
 B. Thomas puer Iapo . ibid.  
 B. Paulus Suzuqui . 37  
 B. Gabriel Iapo . ibid.

B. Thomas Iapo . ibid.  
 B. Franciscus à Meaco . ibid.  
 B. Ioannes Squier ab Osaca . ib.  
 B. Bonauentura à Meaco . ibid.  
 B. Ioannes Enicnia à Meaco . ib.  
 B. Leo Canacuma . ibid.  
 B. Matthias à Meaco . 38  
 B. Paulus Ibariqui . ibid.  
 B. Cosmas Taguia . ibid.  
 B. Michael Cozaqui . ibid.  
 B. Petrus Suxequisa . ibid.  
 B. Frāciscus Carpinterus . ibid.

### Alia Venerabilium Dei Seruorum etiā in Iaponio Martyrum.

**P** Hieronymus à Iesu . pa. 89  
 P. Didacus à S. Francisco

43. & seqq. 62  
 Hieronymus Iapo . 47-49  
 Si-

Simon Sabine. 48  
 Ludovicus Iapo. ibid. 53  
 Thomas Iapo. ibid.  
 Vincentius Iapo. 50.53  
 Laurentius Iapo. 53  
 P. Ludovicus Societus. 54.72  
 Franciscus Iapo. 55  
 Leo Sazuma. ibid. 66.67  
 P. Petrus ab Assumptione. ibid.  
 P. Ioannes à S. Martha. 59  
 P. Franciscus Barajas. 62  
 P. Franciscus à Galbe. ibid. 69  
 P. Ludovicus Gomez. 61.63.76  
 P. Franciscus à S. Anna. 63.72  
 P. Petrus de Anita. 64.65  
 Fr. Vincentius à S. Iosepho. ibi.  
 & seqq.  
 P. Apollinaris Francus. ibid.  
 Er. Paulus à S. Clara. ibid.  
 Ioannes ab Igenda. ibid.  
 Fr. Franciscus à S. Bonaven-  
 tura. ibid.  
 Fr. Richardus à Sancta An-  
 na. ibid.  
 Lucia de Fletes. ibid.  
 Franciscus Tomayo. 70  
 Fr. Ludovicus à S. Francisco. 73

Ludovicus Bada, sine Doct-  
 co. ibid.  
 P. Franciscus à S. Maria. 74  
 Fr. Bartholomaeus Iaruel. ibid.  
 Fr. Antonius à S. Francisco. ib.  
 Gaspar Vaex. ibid.  
 Franciscus Gayo. ibid.  
 Maria Iaponica. ibid.  
 Thomas Iapo. ibid.  
 Michael Iapo. ibid.  
 Lucas Iapo. ibid.  
 Ludovicus Iapo. ibid.  
 Thomas à Vomura. 75  
 Fr. Gabriel à Magdalena. 76  
 P. Hieronymus à Cruce. ibid.  
 Petrus Xenday. 77  
 Thomas Sacuoro. ibid.  
 Fr. Antonius à S. Maria. ibid.  
 Dominicus Iapo. ibid.  
 Fr. Aegidius de Quesada. ibid.  
 Fr. Ioannes de Torella. ibid.  
 P. Sebastianus à S. Iosepho. 78  
 Fr. Antonius à S. Anna. ibid.  
 Fr. Blasius Palomino. ibid.  
 Fr. Ioannes à Palma. ibid.  
 Fr. Franciscus à Sancta Ma-  
 ria. ibid.

FINIS.



# MENDA

# EMENDA

	In vita		
	pag.	vers.	
quas tandem	37.	11.	& tandem
; quæ Dominica	ibid.		, quam Dominica
inueni	45.	32.	iuueni
Brenas	119.	9.	Arenas
Anno 1621.	134.	5.	Anno 1562.
ei sentiunt	137.	32.	ei sentiunt
Velasco	157.	5.	Velasquez
quatuor, & medij la-			quatuor & medij, la-
titudinem, trium al-			titudinem trium; al-
titudinem; quæ	185	18	titudinem, quæ
supellectile petra, so-			supellectile cortex, aut
dile aut stratum præ-			tabula pro sedili ac
stabat,	ibid.	20	strato erant,
Bibliothecam.	ibid.	21. adde	præstabant.
capiebat;	190.	20. adde	vinum
Borgia	229.	29.	dele
distribueret)	233.	6. adde	reliquam orationi, ac
			spiritualibus
auri	247.	12.	cruri
consolatione	ibid.	19. adde	;
ad S. Petri	294.	14. adde	Sacellum
lætatur;	319.	11.	litatur;

## In fructibus posthumis.

## In præfatiuncula.

exponantur :	pag.	vers.	exponerentur.
tu			te
perduxit			perduxerit.
potuit,	11.	5.	potuerunt,
memorandum;	ibid.		memoranda;
Mouerat	18.	20.	Nouerat
Manilensis dumtaxat	39.	5. adde	Dicæcesis
D. Lofz	52.	25.	Patris Francisci Loffz.
qui sex	55.	21. adde	Beatos

## Lenioribus ignosce.







